

ANNVLVS
MATRI-VIRGINALIS:
OPVSCVLVM
QVINQVE TRACTATVLORVM.

QVO

EX LACTEA EDUCATIONE SAL-
uatoris, Sanctissima Virgo Deipara, non dimi-
diata, neque partita, aut diuisa; sed integra, &
perfecta, eiusdem beatissimi Redemptoris Mater
ostenditur, summâque & integra eius Materni-
tas, peculiaribus fidelium votis, maximè in sua-
uissimo lacteæ educationis Christi mysterio,
veneranda proponitur.

Per FR. DAMIANVM PERROTTEYM Ordinis Fra-
trum Minorum Recollectorum, Prouincia sanctæ Magdalene
in Gallia Cencionatorem.




PARISIIS,

Apud EDMVNDVM COVTEROT, viâ Iacobæâ,
sub signo Boni Pastoris, & Bibliorum Aureorum.

M. DC. LIV.

CVM APPROBATIONE DOCTORVM.





AVCTORIS SVBMISSIO.



ACRO-SANCTÆ
MATRIS EC-
CLESIAE RO-
MANÆ VERÆ,
Immaculatæ, Vnicæ,
Catholicæ, Apostoli-
cæ, soliúsque salutiferæ

CHRISTI IESV Redemptoris Spon-
sæ, Cuius est in terris omnis sententiæ
principatum tenere: Iudicio & menti,
sententiæ, Decretis, & Censuræ, omnia
quæ in hoc Opusculo scripta continen-
tur, in omni humilitate suppono, sub-
mitto, subdo, subiicio, simulque, & me-
ipsum totum in clientelam commendo.



ECCLESIASTICI COELI SOLI SPLENDIDISSIMO.

Dignorum Pontificum, Præsuli dignissimo.
Illustrium Patriarcharum, Episcopo illustrissimo.

Episcoporum omnium, cunctorumque Ecclesiæ
sanctæ Dei Sacerdotum, Principi nobilissimo.

Iesu Christi Redemptoris visibilis corporis
mystici visibili capiti summo.

Vniuersæ Reipublicæ, Religionis Catholicæ,
Gubernatori sapientissimo.

Regum, Imperatorum, ac Principum Christia-
norum, omniumque fidelium Catholicorum,
Patri sanctissimo.

Ducentorum triginta octo Summorum sanctæ
Romanæ Ecclesiæ Pontificum, ex quibus
triginta duo Martyres, & triginta septem
Confessores, in sanctorum Catalogum
sunt relati, successori
meritissimo.

Domino nostro beatissimo,

INNOCENTIO
DECIMO,
PAPÆ OPTIMO,

in humillimis pedum osculis,
P. F. P.



*I*N altis habitans sanctitas vestra (BEATISSIMÆ PATER) humilia respicit, & in sublimi apud mortales, glorie Christi throno collocata, omnia sibi subdita; Omnia, inquam, sub beatis pedibus suis, à Christo ipso subiecta conspiciens, tanta celsitudinis undique radiante fulgore, mundum hunc inferiorem nostrum, salutaribus non cessat illustrare splendoribus; hoc est, sanctæ Sedis Apostolica gratiis, ac fauoribus exornare.

Pauperculus ergo iste, è nidulo exiguitatis suæ egrediens, audez quidem in altum oculos eleuare, sed ne à tanta gloria obruatur, à summis statim ad ima demissus, in humillimis beatorum pedum osculis, ad fontem omnis benedictionis recurrrens, pro paterna & apostolica benedictione, benignissimo exoptat beatitudinis sanctissimæ aspectu intueri, in causa Ecclesiæ publicæ audiri, & pro eiusdem communi bono exaudiri.

Itaque, licet sum cinis & puluis, in ipsa tamen exi-

EPISTOLA.

litatis humilitate, loquar ad Dominum meum summum, audiamque quid loquatur ad me, quoniam certissime loquetur pacem in plebem suam, ut inhabitet gloria in terra nostra. Etenim ad hoc Sanctitatem Vestram, in tantis dierum nostrorum arum-
nis, nobis à Deo expresse datam credimus, ut in diebus vestris, Deus ipse expugnet impugnantes nos, gentes dissipet quæ bella volunt, conterat fortitudinem inimicorum nostrorum, & dispergat illos. Subiiciat in Christo populos vobis, & gentes sub pedibus vestris. Domineturque in ipso sancta Sedes Apostolica à mari usque ad mare, & à flumine usque ad terminos orbis terrarum, ut sicut unus est Deus, una fides, unumque baptisma, ita sit unus Pater omnium, & unius ovilis summus unus habeatur pastor.

Dignetur ergo Sanctitas vestra, Opusculum hoc quinque Tractatum, in honorem summa & integra Maternitatis sanctissima Virginis genitricis Dei Maria compositum acceptare; pro rationali namque mysteriorum, quæ in tanta, tantæ dignitatis, & prerogativæ excellentia continentur, beatitudinis vestra summæ dignitati offertur. Ad hoc maxime, ut pro pace inter summos Principes Christianos, à Deo, meritis eiusdem Virginis beatissima obtinenda, & impetranda, ac infestissimo Christianis hoste Turcarum Imperatore debellando, festum in honorem summa Maternitatis prædictæ, Sanctitas vestra Summorum Pontificum prædecessorum suorum vestigiis inhaerendo, instituere, & de eo, vel saltem in Ordine Minorum, Officium fiat, concedere dignetur.

Sic enim olim pro publica Ecclesiæ causa, Urbanus Quartus festum Visitationis eiusdem Virginis Deipara instituit. Sic item Innocentius IV. festum Natiuitatis eiusdem celebrari

EPISTOLA.

mandavit. Sic Calixtus Tertius festum Transfigurationis Domini nostri Jesu Christi, cuius Officium ipse composuit, singulari honore celebrandum Ecclesia dedit. Sic, inquam, similia, in similibus periculis, & Romanis Pontificibus remedia, eidem Ecclesia sanctæ Dei, & populo Christiano afferri consuevere.

Licet autem varia eiusdem Virginis sanctissimæ Mysteriorum festa celebrentur; nullum tamen in honorem summa & integræ Maternitatis eius huc vsque institutum habemus.

Hoc, Beatissime Pater, à sanctitate vestra expectatur, hoc summis fidelium votis, à vestra beatitudine expetitur, hoc denique Innocenti j d:cimi summi Patris, Pontificis, ac Domini nostri, à Deo, summae pietati instituendum reservatum credimus.

Quomodo verò, non partita, neque diuisa, aut dimidiata; sed integra, & perfecta in Virgine Deipara, summa ipsa Maternitas veneranda sit, quæ ad eius integritatem requirantur, & in quo omnium Redemptionis nostræ sacramentorum peculiari mysterio, à fidelibus reuerenda veniat, amplissime toto hoc Opusculo declaratur, cui & felix initium, & feliciter: viri Theologici vrbis dedere profectum.

Cum enim essem Romæ, An. 1637. & Superioribus meis conceptum mentis aperuissem, ipsorum concilio & assensu, Viris Theologicis vrbis, has propositiones resoluendas, his verbis proposui.

EPISTOLA.

SUPPLICANTVR HVMILLIME
sapientissimi Magistri in sacra Theologia
Doctores, & Lectores, huius almæ Urbis
Romę, quatenus, num, in infra-septem
Propositionibus, aliquid contra Fidem aut
Pietatem Catholicam contineatur, declarare
dignentur.

PRIMO.

*An venerandas Virginis Deiparae Imagines, Virgineum
Christi Domini Salvatoris lactatum referentes, honorare, &
venerari, easdemque, in Ecclesiis, ac Oratoriis deuotè collocare
liceat.*

SECUNDO.

*An item liceat, sacratissima vbera eiusdem Deipara Virgi-
nis, quibus Verbum ipsum propter nos caro factum lactauit,
singulari quoque veneratione honorare, & eorum virtutem, ac
efficaciam, apud eundem dulcissimum Filium suum Iesum Re-
demptorem, implorare.*

TERTIO.

*Num deceat pietatem fidelium, erga suauissimum lactea
educationis eiusdem beatissimi Salvatoris mysterium, peculiari
affici deuotione.*

QVARTO.

EPISTOLA.

QUARTO.

Num eandem deceat fidelium pietatem, Virginem ipsam Deiparam, Nutricem Dei, sicut & Matrem appellare, etiam & eiusdem Gubernatricem nominare, quod, quem de Spiritu sancto Virgo ante partum concepit, Virgoque in partu peperit, Sola, vberem de cælo pleno, Virgo post partum, lactaris, ac eundem toto beatissimæ infantie tempore educarit, & gubernarit Dominum Redemptorem.

QUINTO.

An iterum, liceat in Virgine ipsa Deipara, has quatuor summa & integræ, ac perfectissimæ Maternitatis eius prerogativas, Matris videlicet, Nutricis, Gubernatricisque Dei, ac Virginis perpetua singulari pariter honore venerari, & vnumquamque illarum Angelica salutationis recitatione recolere.

SEXTO.

Num ad imitationem Sanctorum, qui præcipua salutis nostræ mysteria in Rosario, vitæ quoque Christi tempora, in Corona Camaldunensi, vitæ item eiusdem Deiparæ annos, in alia, quæ de Virgine vulgo appellatur, annotauere meditanda, quatuor prerogativas prædictas, quatuor Rosarii granulis, & præsertim lacteæ educationis Salvatoris mysterium, Cruce parvula, pari pietate in coronula annotare liceat.

SEPTIMO.

An tandem liceat de omnibus mysteriis prædictis, cum sacris Scripturæ testimonia, cum sanctorum Patrum, & aliorum Ca-

EPISTOLA.

Symbolica Religionis Doctorum, sententias scriptis colligere ac Coronulam exinde, Matri-Virginalem appellatam sequenti benedictione, de Prælatorum licentia benedicere.

BENEDICTIO ANNULI MATRI-VIRGINALIS.

- Ÿ. Adiutorium nostrum in nomine Domini.
R. Qui fecit cælum & terram.
Ÿ. Sit nomen Domini benedictum.
R. Ex hoc nunc & vsque in sæculum.
Ÿ. Domine exaudi orationem meam.
R. Et clamor meus ad te veniat.
Ÿ. Dominus vobiscum.
R. Et cum Spiritu tuo.

OREMVS.

Domine IESV CHRISTE Deus Omnipotens, qui propter nos homines, & propter nostram salutem descendisti de Cælis, & incarnatus es de Spiritu sancto ex Maria Virgine, & homo factus es: Quique tunc, ut ait Iſaias Propheta, factus es corona gloria & sertum exultationis residuo populi tui, induens hominem vestimentis salutis, sicut sponsum decoratum Corona, & sicut sponsam ornatam monilibus suis: extende manum tuam super Coronulam hanc deuotionis nostre quam in tuo nomine benedicimus † propter gaudium & exultationem huius tanti mysterij, quando Deus & homo ex vtero virginali eiusdem sanctissimæ Virginis genitricis tuæ Mariæ,

EPISTOLA.

iam mirabiliter, ac ineffabiliter produisti, & quando ex eius Virginalium vberum; qui das escam omni carni, Virgineo lacte nutriri, ab eaque toto tempore beatissima infantie tue educari, & gubernari voluisti: & præsta: ut qui hac Sacrosancta Redemptionis nostra mysteria, hoc exteriori signo, deuotè veneramur in terris, eorum fidei firmitate, ab omnibus semper muniamur aduersis. Qui cum Deo Patre, in unitate eiusdem Spiritus sancti, uiuis & regnas in secula seculorum.

AMEN.

Aspergatur aqua benedicta.

Omnibus itaque & singulis Propositionibus his examinatis, sic respondere Doctores.

HÆ septem Propositiones, nihil continent fidei, aut pietati Catholica contrarium. Quod in quarta habetur de appellatione Nutricis Dei, ita intelligit eius auctor, ut scilicet appelletur simul Mater & Nutrix Dei, &c. Nam nomen Nutricis seorsim positum apud Latinos auctores, usurpari solet de iis que lactauerunt, sed non genuerunt; sicut sanctus Iosephus Nutricius appellatur, ut significetur illum non esse Patrem. Mulieres etiam que minimè lactauerunt prolem quam genuerunt, apud Philosophos quosdam, non integræ, sed dimidiatæ matres censeri solent. Ut ergo Virgo Deipara, non dimidiata sed integra & perfecta Mater Dei in Coronula veneretur, Mater

EPISTOLA.

simul & nutrix appelletur. Benedictio autem Coronula pia est, & Catholica, ac sacris Ecclesie ritibus conformis.

Ita censeo: Saluox. In Collegio Romano Societatis Iesu. Hac die 3. mensis Ianuarij anni 1637.

Ioannes de Lugo, Ita censeo & ego. Hac die 3. Januarii. 1637.

Frater Antonius Cellius, sanctæ Theologiæ Magister, & in almo urbis Gymnasio sanctæ Mariæ supra Minervam primus Lector, ac reuerendissimi satri Palatii Apostolici Magistri nuper socius. Ita quoque & ego.

Redolent enim omnia singularem in sanctam Dei genitricem pietatem. Die 3. Ian. anni 1637. Frater Antonius Blondus à sancto Seuertino. Sanctæ Theologiæ Magister, & Collegij Romani sancti Bonauenturae, regens, ac Rector.

Firmisimis tantorum virorum sententiis munitus, ad propria redij: Et cum nonnulla de prænominatis mysteriis preparassem, quinque Tractatulos Theologicos composui. Coronulamque Matri Virginali, quæ præsertim suauissimo lactea educationis Saluatoris mysterio, summam & integram Virginis Deiparae Maternitatem venerabar, mihi assumpsi. Sed & Officium ac Missam, de eadem, Virginis Deiparae summa & integra Maternitate, ex sacra Scriptura, & sanctis Patribus collegi, & ad formam sacrorum sanctæ Romanæ Ecclesiæ Rituum, omnia quæ exceperam redegi, ac Reuerendissimo totius Ordinis Minorum sancti Patris nostri Francisci Generali ministro Ioanni à Neapoli, legenda, & examinanda presentavi. Eiusque animum super hoc negotio consului.

Doctissimus, ac peritissimus vir, à Sanctitate Vestra, ob eius meritorium excellentiam, ex Catholici Regis suffragio ad

EPISTOLA.

Archiepiscopatum Valentiæ in Hispaniis nominatis, de hac re ita mentem mihi aperire dignatus est.

Laudo tuum erga *Virginem Deiparam* peculiarem affectum, deuotionem, & zelum; nec possum quin gratos habeam tuos labores; Deuotissima enim sunt omnia quæ parasti de mysteriis eiusdem beate *Virginis*: quare, ministrum tuum Prouincialem monuimus, ut det fauorem ad euulgationem tam piorum studiorum, tantaque pietatis erga sanctissimam Dei genitricem; quod si renuerit, tenore presentium nostram presentiam adibis, & tunc ambo conferemus quomodo exequi possint desideria pietatis tue, &c.

Cum ergo eius presentiam adire destinarem, è viuis decessis, in cuius locum, cum Reuerendissimus *Daniel Adungo* successisset mihi obedientiam, qua *Romam* adire, & *Capitulo* generali interesse, Patresque *Ordinis* de tanto negotio consulere, & consultare possem libentissimè concessit, quo cum peruenissem, Reuerendissimus *Petrus Manero*, nunc totius *Ordinis* Minister Generalis suo, & totius *Ordinis* nomine per *Procuratorem* Generalem Curie officium prædictum cum *Missa*, sacre sacerorum rituum *Congregationi* presentari iussit, & obedientiam de *Opusculo* hoc nostro, quod *Annulus* seu *Coronula* *Matri-Virginalis* intitulatur, typis mandando, mihi dedit. Quod & vestre beatitudini dicari voluit.

Itaque ad pedes beatissimos Sanctuaris vestre nunc, post 43. annos in ordine Seraphico transactos ex quibus 35. in continuis Euangelica prædicationis exercitiis, & maximè aduersus hereticos huius regni *Gallia* feliciter consumpsi velut ad fontem omnium benedictionum & gratiarum accurrens, pro pace Christianitatis à Deo meritis dignissima genetricis eius *Mariæ Vir-*

EPISTOLA.

ginis obtinenda, & impetranda propositi institutionem aperio: quatenus dignetur Sanctitas vestra festum prænominatum instituere, Officium & Missam examinari mandare, & saltem ut in Ordine Minorum celebretur concedere, ac Coronulam Matri-Virginalem deuotè recitantiibus, Theaurum Indulgentiarum de benignitate Apostolica aperire.

Interuum, beatitudinem Vestram, ut cum sancto Leone loquar, quam Deus, ad ostendendas diuitias gratiæ suæ, nostris temporibus Ecclesiæ voluit presidere, sufficientem tanto operi, & vtilem nostræ defensionis dignetur efficere, ut proficiat nostræ deuotioni, quod vestra fuerit largitus ætati. Vnde nobis detur, vobis largiri dignetur. Det vobis virtutem qui contulit dignitatem. Sit administrationis adiutor, qui; honoris est auctor. Et quem nobis dignatio cælestis gratiæ genuit antistitem, operis felicitatis, Christianæque pacis expectata, exoptatum diu, expetitumque largiatur largitorem.



REVERENDISSIMI PATRIS IOANNIS
à Neapoli, totius Ordinis Fratrum Minorum
sancti Francisci Ministri Generalis
Licentia & Approbatio.

*Patri Fratri DAMIANO PERROTTEO
Prouincia sancta Magdalena Recollectorum
in Gallia Concionatori, salutem.*

LAudio tuum erga Virginem Deiparam peculiarem af-
fectum, deuotionem, & zelum, nec possum quin gra-
tos habeam tuos labores: Deuotissima enim sunt omnia
quæ parasti de mysteriis eiusdem beatissimæ Virginis, qua-
re Ministrum Prouincialem monuimus, vt det fauorem ad
euulgationem tam piorum studiorum. Datum Neapoli,
die 8. Ianuarij 1647.

REVERENDISS. PATRIS PETRI MANERO,
totius Ordinis Fratrum Minorum Ministri Ge-
neralis, Successoris Ioannis à Neapoli,
obedientia.

*Venerabili Patri Fratri Damiano Perrotteo. Sacerdoti Pio,
Concionatori eximio, & Confessario Prouincia nostra
sancta Magdalene Recollectorum in Gallia,
salutem in Domino sempiternam.*

Nostra auctoritate, & virtute presentis obedientiæ po-
teris, seruatis sacrosancti Concilij Tridentini decretis;
Opusculum nobis gratissimum, à te, in honorem summæ &
integre Maternitatis sanctissimæ Virginis Genitricis Dei

Marix compositum, quod, ANNVLVS MATRI-VIRGINALIS intitularur, typis mandare, &c. Datum Romæ hac die mensis Iunij 24. anni 1651.

LICENTIA ET APPROBATIO

Reuerendi Patris Prouincialis.

FRATER ROMANVS CVPIE, Ordinis Fratrum Minorum Recollectorum, Prouinciæ sanctæ Magdalenz humilis Minister Prouincialis, & seruus dilecto, nobis plurimum in Christo venerabili Patri DAMIANO PERROTZO, eiusdem instituti, & Prouinciæ Sacerdori, Concionatori, & Confessario, salutem.

Cum ex obediencialibus litteris Reuerendissimi Patris Ministri nostri totius Ordinis Generalis Petri Manero & prædecessoris eius Ioannis à Neapoli, Opusculum quod *Annulus Matri-Virginalis* intitularur, typis tibi mandare liceat, illi quoque & nostrum libentissimè assensum præbuimus. Datum Turonis hac die 8. Decemb. an. 1652.

APPROBATIO DOCTORVM

Parisiensium.

EGO infrascriptus Doctor Theologus Almæ Facultatis Parisiensis, Canonicus Ecclesiæ Cathedralis Nannensis, & in eadem vrbe Rector Ecclesiæ sanctæ Crucis, legi librum qui inscribitur *Annulus Matri-Virginalis*, &c. in illo nihil reperi contrarium Fidei Catholicæ sacris Canonibus ac Conciliis, morumque probitati; imo multa, ad laudem Deiparæ Virginis, & augendam in fidelium cordibus

bus pietatem valde vtilia, quare, illum prælo dignum iudicaui. Datum Nannetis hac die 23. Octob. 1652.

T. COUPPERIE Doctor Parisiensis,
& Canonicus Nannetensis.

EGo quoque pari sensu subscripsi.

I. VIANDOT Doctor Parisiensis,
hac die mensis Decemb. 1652.





INDEX

CAPITVM QVÆ IN HOC ANNVLO

MATRI-VIRGINALI

continentur.



D Tractatuli commendationem
totiusque operis nudam, claram-
que & veram intelligentiam Præ-
fatiuncula. pag.1

CAPVT.I. De *tabili & summa Matris*
Dei prerogativa que Virgo sanctissima, eius-
dem Mater existit in tempore sine patre, cuius
Dens est pater in Æternitate sine Matre p.3

CAP.II. De prerogativa *Nutricis Dei Ma* *er Dei vera, integra & per-*
fecta, ex eo quod eius quem peperit, nutritrix existeret, Virgo Deipara ex
patribus asseritur. pag.10

CAP.III. *Quam summa & Eminentissima in ipsa Virgine Deipara, hæc*
etiam nutritrix Dei prerogativa existeret, pluribus ac variis scriptura
testimoniis comprobatur. pag.19

CAP.IV. *Quod dignissima Virgo Deipara, ea qua nutritrix Dei, ipsa-*
met etiam, idque congruentissima ratione ab omni Originalis peccati la-
be caruit, ostenditur. pag.11

CAP.V. De *altissima & omni veneratione digna Gubernatricis Dei in*
ipsa Virgine Deipara dignitate & prerogativa. pag.27

CAP.VI. De *preciosissima Virginitatis Matris Dei dignitate & pre-*
rogativa. pag.35

CAP.VLT. *Quod dignissima Deipara, ex eo quod non dimidia a, ne-*
que partita aut diuisa, sed vera integra, & perfecta Christi Domini Sal-
uatoris Mater hoc est, Mater, simul est, nutritrix & gubernatrix, Virgoque
perpetua existeret, unius hæreses sola in vniuerso mundo iniremit, osten-
dunt.

TRACTATVLVS II.

DE suauissimo lactea educationis Saluatoris mysterio, in quo vera, integra, & perfecta ad summa sanctissima Virginis Genitricis Dei Mariæ maternitas, dignis proponitur honoribus veneranda. 67

Ad Tractatuli commendationem præfatiuncula. ibid.

CAPVT I. Quantum pietatis ardore, quantoque deuotionis affectu suauissimum lactea educationis Saluatoris mysterium, sancta Ecclesia prosequatur. 69

CAP. II. Quanta peculiari deuotione, quidam summi Pontifices, suauissimum Virginei lactatus Saluatoris mysterium coluerint, ac proinde sacratissima sanctissima Virginis uera laudibus extulerint. 72

CAP. III. Pauca ex multis de suauissimo Virginei lactatus Saluatoris mysterio, in figuris scripturarum adumbrata, diuincide aperimur. 73

CAP. IV. Nonnulla sacra scriptura testimonia de maternalibus nutritiis quid sacra Virgo (Vbere de cælo pleno) quem de Spiritu Sancto concepit & peperit Saluatorem nutrit, assumuntur, & breuiter applicata explicantur. 78

CAP. V. Qualibus & quantis deliciarum imbris, ac spiritualium voluptatum affluentis Virginum cor, Virgineusque animus sanctissima Virginis Deipara lactando saluatorem abundauerint, ex Patris colligimur. 80

CAP. VI. Exprimit ex sacra Scriptura in lactea educatione Saluatoris deliciam suam ipsamque Virgo dignissima. Cui adridens Christus benedicit, ac inter sacratissima eius uera misericè delectatur. 83

CAP. VII. Sanctis equiparanda Martyribus, qui proprium pro Christo fuderunt sanguinem dignissima Virgo lactando saluatorem asserit, & quod infiniti hunc valoris, ac meritis operi, cooperabatur, breuiter demonstratur. 85

CAP. VIII. Quanta nobilitati, fortitudinis simul & suauitatis exitit, amor, Deipara Virginis erga Christum; Exinde quod illum, ut integra & perfecta Mater, sacris lactatis uerbis declaratur. 90

CAP. IX. Quantum debeat sacratissima Virgini tanquam etiam Nutrici sua benedixit, hoc est, uera, integra, & perfecta Matri: benedictum ipse Deus pro nobis homo factus ostenditur. 92

CAP. X. Quid insuper sacratissima Virgini tanquam etiam Dei nutriti; hoc est tanquam uera, integra, & perfectissima eius Matri: laudis accedat ex eo quod Christus illius sacratissima uerba sumpsit, demonstratur. 95

CAP. VLT. Omnium fidelium simul Mater ex eo quod Deum ac Dominum quem genuit, sola, ubere de cælo pleno, nutrit, Virgo Deipara ostenditur. 97

TRACTATVLVS III.

DE sacris uberibus quibus verbum ipsum propter nos caro factum, sanctissima Virgo Despara lactauit.

Ad Tractatus commendationem prefatus unguis.

CAP. I. Quanta virtutis & efficacia sint apud Deum in salutem peccatorum sacratissima sanctissima Virginis Despara ubera, ex quo verbum propter nos caro factum lactauerunt, ostenditur.

CAP. II. Omnibus omnium Sanctorum orationibus quantumcumque Deo gratissimis, gratiora, & efficaciora sanctissima Virginis Despara ubera, apud Deum in salutem peccatorum proponuntur.

CAP. III. Idem hoc asseritur ac euidentius declaratur.

CAP. IV. Quantum beatitudinis in patria vini propinquant inexplacabilis voluptatis & contemplatiuis in via ac vita hac, abundantissima conferant consolationis sacratissima sanctissima Despara ubera, demonstratur.

CAP. V. Quanta pulchritudinis ipsis etiam Angelicis cœlibus, exinde quod Virginea, de cœlo plena, & Deum lactantia, quantaque dulcedinis cunctis fidelibus, ac saporissima suauitatis, ipsi pariter Christo preciosissima sanctissime Virginis Despara ubera existerint, ostenditur.

CAP. VI. Ab ipsis etiam uberibus post Virgineum partum Virginea lacte humidis Virginalis sacunditas, purissimaque & immaculata Virginitas sancte Virginis Despara, aptissime dignoscuntur.

CAP. VII. Sacratissima sanctissima Virginis Despara ubera ex eo quod salua post partum Virginitate Deum lactauerunt, remedia nobis efficacissima contra omnem carnis molestiam conferunt.

CAP. VIII. Quanta reuerentia quantoque honoris & deuotionis cultu, sacratissima sanctissima Virginis Despara, qua in pectore ipso sacro carnea etiam gestauit, ubera ex quo verbum patris pro nobis caro factum aluerunt, cunctis fidelibus honoranda videntur declarantur.

CAP. IX. Quam beata & sancta sanctissima Virginis sacratissima, qua etiam in carne ipsa sua gestauit ubera, quibus Deum lactauit infantem existerint, proindeque omni priorum fidelium ueneratione & deuotione digna, intime constabatur.

TRACTATVLVS IV.

IN quo de variis ac plurimis miraculis, quibus erga suauissimum lactea educationis saluatoris mysterium, & sacratissima sanctissima

INDEX

Virginis Deipara Vera, ad integra, &c. perfectissima eiusdem Virginis Maternitatis commendationem, fidelium pietas ac devotio stabilitur, & confirmatur. 137

Ad Tractatus commendationem prefatiuncula. ibid.

CAP. I. De Ecclesia Gartholensi & eius Episcopo sancto Fulberto. 138

CAP. II. De Sancto Bernardo Ordinis Cisterciensis. 140

CAP. III. De Beato Alano Rapensis, & Sancta Catharina Senensi, Ordinis Prædicatorum. 141

CAP. IV. De Sancto Antonio Paduano, Ordinis Seraphici Minorum. 142

CAP. V. De Sancta Lydunige Virgine, & mira sanctissima Virginis Deipara erga illam gratiarum suavitatem. 144

CAP. VI. De Sancta Gertrude Abbatisa & Virgine, in ordine Sancti Benedicti Abbatissæ. 145

CAP. VII. De quodam Clerico Nimerniensi sanctissime Virgini Deipara devotissimo. 146

CAP. VIII. De melliflua Virginis Deipara Gratia erga peccatorem quendam cuius gratia suavisitatem vitam ipsius ad statum penitentia, & perfectionis redaxi. 147

CAP. IX. Celerrimo miraculo, ad penitentiam miles quidam raptor prædatorum conversus, mysteriorum integra Maternitatis, beata Maria Virginis devotus extitit venerator, cuius sacrorum verbum virtutis salutem a Domino consequutus est. 148

CAP. X. Plurimas ac varias sanctissima Virginis Deipara imagines lacteam educationem Salvatoris referentes benedictus, ipse Deus maximis miraculis illustravit. 150

CAP. XI. Gravioribus divina iustitia flagellis puniuntur, inhonorantes indignèque pertrahentes sacras Virginis Deipara imagines Christi Domini lactatum referentes. 152

CAP. XII. Quantum contra pestem valeat lactea educationis saluatoris, sacrorumque verbum sanctissima Virginis Deipara beata memoria & invocatio. 153

TRACTATUS V.

DE virtutibus quibusdam in quibus purissimus animus sanctissima Virginis Deipara lactando Christum Redemptorem exercebatur. 157

Ad Tractatus commendationem prefatiuncula. ibid.

CAP. I. De mirabili facilitate, quam eo præsertim tempore quo Virgineo Virginis alium uberum suorum lacte, saluatorem educebat Virgo Deipara, coluit. 159

CAP. II. De præcellentissima Deipara Virginis fide, in suavisimo præ-

CAPITVM.

*seruim lactea educationis saluatoris mysterio, speciali, commendatione
veneranda.* 168

CAP. III. *De sanctissima sancta obediencia sanctissima Virginis Deipara
virtute, quam temporibus etiam lactea educationis beatissimi sal-
uatoris, summa Religione coluit.* 176

CAP. IV. *De summa sanctissima Virginis Deiparae humilitate, quam
lactando maxime & educando saluatorem, summa quoque Religione co-
luit.* 164

CAP. VII. *De Religiosissimo & admirabili oris silentio, quod toto bea-
tissimi saluatoris lactea educationis tempore religiosissimo coluit, religio-
sissima Virgo Deipara.* 175

CAP. VIII. *De interna sanctissima Virginis Deiparae, temporibus ma-
ximè lactea educationis beatissimi saluatoris recollectione.* 185

CAP. IX. *De piissima dolorosissima passionis Domini nostri Iesu Chri-
sti meditatione, quam coluit beatissima Virgo Deipara, temporibus ma-
ximè lactea educationis eiusdem.* 192

CAP. X. *De sanctissima paupertatis affectu, quo mouebatur piissima,
anima sanctissima Virginis Deipara, lactando Christum saluatorem.* 199

CAP. XI. *De religiosissima abstinentia Religiosissima virtute, quam
temporibus maxime beatissimi saluatoris lactea educationis religiosissi-
ma Virgo Deipara religiosissime coluit.* 207

CAP. VLT. *De conuersione peccatoris ad penitentiam, & reconcilia-
tione animae eius ad Deum, meritis sanctissima Virginis Deiparae in ra-
tione integra Matris saluatoris.* 214

FINIS INDICIS.





ANNVLVS

MATRI-VIRGINALIS.

TRACTATVLVS PRIMVS.

DE Quatuor prapcipuis, summa, & integra
Maternitatis sanctissima Virginis Genitricis
Dei Maria, prarogatiuis, Matris videlicet, Nu-
tricisque, & Gubernatricis Dei, ac Virginis per-
petua; Quibus: Non dimidiata, neque partita,
aut diuisa; sed integra, & perfecta eiusdem Dei,
& Domini nostri Iesu Christi Mater ostenditur,
ac tanta Maternitatis dignitas, in suauissimo
maximè, eiusdem beatissimi Saluatoris
lacteæ educationis mysterio,
proponitur veneranda.

AD



AD TRACTATVLI
COMMENDATIONEM
TOTIVSQUE OPERIS NV DAM,
claramque & veram intelligentiam.

PRÆFATIVNCVLA.



*S*olent, apud Philosophos, non integra sed di-
midiate Matres conseri mulieres, quæ prolem
quam genuerunt, minimè lactauerunt. Vnde
Phavorinus Philosophus, cum cuiusdam Sena-
toris uxorem, ex familia nobiliori, auditoris-
que & scētoris sui, & puerperio laborantem

inuisisset, vidissetque vbera lactē fluentia, &
audisset tunc feminam alteram dissuadentem ne filium lactaret,
sed potius alteri nutriendum traderet: Oro te, inquit, Mulier,
sine illam integram esse Matrem Filij sui.

Exinde, Seraphicus Doctor sanctus Bonaventura super illud
Lucæ 11. Beatus venter qui te portauit & vbera quam suxisti:
Ideo ait, iunxit ista duo, ut ostenderetur Virgo Maria fuisse Ma-
ter Christi vera & perfecta, quia non solum genuit, sed & edu-
cauit, &c.

Cum ergo ad filiorum Regum, & Principum huius seculi edu-
cationem, à propria Matre, alia soleant sæpè mulieres assumi,
secunda videlicet, quæ nutrix seu lactatrix, vocatur. Tertia
item, quæ Gubernatrix appellatur, dimidiata plurimæ Matres,

Phavori-
nus Philo-
soph' apud
Aulium
Gellium 12.
Noct. At-
tic. c. 1.

3. Bonan-
Com. in e-
11. Luc.

diuisa & partita inueniuntur, rarò verò integra vna & perfecta reperitur.

At, Virgo Deipara cùm, sola vberè de Cælo pleno, eundem quem de Spiritu sancto Virgo ante partum concepit, Virgoque in partu peperit, Virgo post partum permanens, lactaris, gubernatrixque redemptorem, non dimidiata, neque partita, aut diuisa, sed vera, integra, & perfecta eius Mater asseritur: ac meritò à fidelibus, in vniuersa Ecclesia eius summa & integra Maternitas, summis ac peculiaribus votis veneratur.

Cùm autem Patrem iam haberet in aternitate sine Matre, qui eam in Matrem assumebat in tempore sine Patre, oportuit illam Virginem extitisse, eandemque decuit ea puritate nitere, qua maior sub Deo nequit intelligi. Ergo, sancta & immaculata Virginitas, ad tanta Maternitatis perfectionem & integritatem requirebatur, quod Propheta prädixerat dicens; Ecce Virgo concipiet & pariet filium, &c. Vnde huic benedicta Virgini iucundissime ita congratulatur Ecclesia; Gaudia Matris habens, cum Virginitatis honore; nec primam similem visa es, nec habere sequentem.

Genes. 1.

Fluvius itaque summa & integre Maternitatis sanctissima Virginis, apertissime in hac quatuor Capita diuiditur, Matris, videlicet, Nutricis, Gubernatricisque Dei, & Virginis perpetua.

Fluvio isto Matri-Virginali vniuersa facies Ecclesie irrigatur, infelixque inter Catholicos Christianos reputandus est, qui siccam & aridam, anima sua terram secus decursus aquarum tantarum retinet.

De Cisterna hac Matri-Virginea, Ego villissimus peccatorum, & fluente putei huius aquarum viuentium, ab ipsis incunabulis specialissima Omnipotentis Dei mei erga me bonitate & clementia, bibi, & iuxta sapientis Consilium, fontes nunc foras deriuo, ac in plateis aquas diuido, dum summam hanc, sanctamque, integram & perfectam Virginis Deipara Maternitatem toto hoc Opusculo, cunctis venerandam, ac præcipuis fidelium votis colendam, celebrandamque propono: Tractatulus igitur iste primus de quatuor his prædictis Virginis Deipara Maternitatis prærogatiuis erit.

Alicui autem, iuxta eiusdem sapientis sententiam, id est, fri-

gidi, indeuoti, ac impij abscedant, nec sint participes mecum accedant fideles, deuoti, ac in Virginem ipsam sacram singulari pietate flagrantes, haurient ipsi aquas salutis in gaudio, de laetis fontibus integre Matris Saluatoris.

Isti inebriabuntur electi ab ubertate istius benedictæ Domus Dei, & lacteo torrente voluptatis eius potati, in crassitudine anima illorum delectabitur.

Tales ambio huius Opusculi Defensores, & maximè Tractatuli huius Lectores, ut lato vultu, ac benenolo animo, instituti rationem excipiant. Grati sanè saporis res est, iis, qui marianam sapiunt pietatem, quæ in Opusculo pertractatur. Quid si simplici sermone, rudique, ac ineleganti, & impolito stilo describatur, crudumque propterea nimis, & immaturum videatur, pietatis tua in Matrem Dei (Piissimè Lector) seruire conueniat.



DE MIRABILI ET SVMMMA, MATRIS DEI

*prærogatiua, qua Virgo Sanctissima, eiusdem Mater
exiit in tempore sine Patre, cuius Deus est Pater
in æternitate sine Matre.*

CAPVT PRIMVM.



EX quo propter nos homines & propter nostram salutem, æternum ipsum æterni Patris Verbum, matrem dignatus est habere in tempore sine Patre, qui Patrem habebat in æternitate sine Matre, non est quod me magis delectet, sed nec est, quod me terreat magis, quàm de summa ipsa, ipsius Matris verbi Maternitatis prærogatiua habere sermonem: de eius namque excellentia, nec silere deuotio patitur, immò animum addit ipsa.

met in diuam Virginem animi pietas, sed nec dignum aliquid sterilis concipere cogitatio, aut in erudita potest locutio par-
turire.

Excedit enim & multum supereminet omnem humani elo-
quij facultatem, humanæque mentis captum, diuini in ea
operis magnitudo.

Atamen cùm in tanto tantæ dignitatis enarrando Sacra-
mento, numquam deficiente materia laudis, numquam quo-
que sufficiat copia laudatoris; Gaudeo iam gaudio magno val-
de, quòd inde adsit ratio non tacendi, vnde oritur & ipsa dif-
ficultas fandi: bonumque mihi sentio esse, quòd dùm huius
diuinæ prærogatiuæ celsitudinem promere non valeo, vincor:
& ad eloquendam celsitudinis tantæ excellentiam impar sum,
ac impotens inuenior.

Succumbat ergo mea infirmitas gloriæ Matris Dei, & in
explicandis summæ, ac integræ Maternitatis eius prærogati-
uis, imparem se semper inueniat.

Cùm autem ipsa materia ex eo quòd est ineffabilis, fandi
tribuat facultatem, nec possit sufficere quòd dicatur, dum
numquam potest satis esse quòd dicitur, propriæ pusillitatis
oblitus, subleuato mentis apice, in montem magnum & excel-
sum valde (hoc est) ad æternam hanc Virginis Deiparæ ele-
ctionem & prædestinationem ascendam. Elegit eam Deus
Pater, & præelegit eam in initio viarum suarum (id est) in esse
cògnito creaturarum ante mundi constitutionem, vt esset
sancta & immaculata Virgo, sed & integrè, atque perfectissi-
mè Verbi sui Mater.

Ab Æterno talis ordinata est, & inter omnes mulieres quan-
tumcumque puras & sanctas, quas in sua Deus ipse æternitate
beatissima vidit, electa & prædestinata.

Ex tunc meritò, in omni populo, & in omni gente prima-
tum habuit, & sicut Saul electus à Deo primus Rex Israël, ste-
tit in medio populi, altiorque fuit omni populo ab humero &
sursum, vir bonus & electus, ita vt non esset in omni Israël
mélior illo, vnde Samuel ad populum; *Certe videtis, ait, quem
elegit Dominus quoniam non sit similis illi in omni populo, &c.*
Ita sanè altior stetit omni alia pura creatura in mente di-

uina Virgo sanctissima, meliorque, & optima: altior inquam ab humero & sursum; cum humerus enim sit symbolum præeminentiæ imperij & principatus, iuxta illud; *Cuius principatus super humerum eius, &c.* Virtute Maternitatis summa; ad quam electa & prædestinata est, in omni populo primatum habuit, & in omni gente principatum obtinuit.

Exinde (vt ait Propheta) fuit *mons preparatus in vertice montium*, quia, vt dicit sanctus Gregorius, altitudo eius ex tunc supra omnes sanctos, refulsit.

Mons sublimis fuit, quia omnem electæ creaturæ altitudinem electionis suæ dignitate transcendit.

Quemadmodum ergo Scholiarcha in classe suos oculos dirigit in ipsum discipulorum quem diligit, vocatque illum nomine proprio dicens, surgat talis & dicat lectionem, &c. qui cum surrexit, altior cæteris apparet, lectioneque scientificè recitata non modicam, & apud præceptorem gratiam, & apud Condiscipulos gloriam sibi comparat: ita est de Virgine gloriosa quam ab æterno in esse cognito creaturarum inter & super omnes mulieres, quas in sua æternitate præsentis habuit, respexit Deus Pater, vocauitque illam nomine proprio, quando eam in Matrem sui Verbi elegit, tunc surrexit illa, & pro Lectione Canticum suum diuinissimum decantauit, *Magnificat*, ait, *anima mea Dominum, & exultauit spiritus meus, in Deo salutari meo; Quia, &c.*

Exinde gratiam hanc apud altissimum inuenit, de qua Angelus ad eam, *Ne timeat Maria inuenisti enim gratiam apud Deum, &c.* Exinde gloriam apud electos sibi talem comparauit, vt dicat ipsa; *Ecce enim ex hoc beatam me dicent omnes generationes, quia fecit mihi magna qui potens est, &c.* Ergo ex tunc de ea dici debuit illud, quod in Deo honorata & in medio populi sui gloriata, in Ecclesiis Altissimi aperuit os suum, & in conspectu virtutis illius gloriata, ac in medio populi sui exaltata, & in plenitudine sancta admirata, in multitudine electorum habuit laudem, & inter benedictos benedicta est.

Ecclesiastici 24.

Et ecce vnde illam gratia plenam, & in mulieribus benedictam asserit Angelus: *Aue, inquit, gratia plena Dominus tecum benedicta tu in mulieribus, &c.*

Ecce, inquam, vnde & beatam ipsam prædicant omnes generationes.

Quemadmodum itaque ex pluribus annulis aureis eiusdem ponderis, prætij & valoris, quos ante se habet aurifex, vnum eligit, quo præciosissimam quam habet gemmam obliget & includat, vel vt verbo Tertulliani vtat, descrobet, id est, inferat, & incidat; vnde postea cæteris aliis ei charior ac præciosior extet; Ita Virginem Mariam inter omnes mulieres, quas in ipsa æterna æterni Dei æternitate beatissima Deus ipse vidit ex Massa omnium elegit, in qua summam tantæ dignitatis Matris, videlicet verbi sui gratiam, velut gemmam inestimabili prætio incomparabilem recluderet, vnde ex tunc Deo ipsi ita charior ac cæteris præciosior extitit; vt exinde *Tota pulchra, immaculata* sororque & sponsa, amica & vnica charissima appelletur; Ecce ergo vnde huic benedictæ Virgini tanta gratiarum affluentia, tantaque donorum cœlestium ac spiritualium deliciarum abundantia oriatur.

Cum autem Dei perfecta sint opera, illam ab æterno Deus non dimidiatam, neque partitam aut diuisam, sed integram & perfectam Filij sui Matrem, hoc est, Matrem simul & Nutricem, ac Gubernatricem ordinauit, exindèque & ex tunc Gaudia Matris habuit cum Virginitatis honore, nec primam similem visa est nec habere sequentem.

Nos itaque exindè quoque plurima ac varia cum Æterni Patris paternitate diuina benedictæ huius Virginis Maternitatem summam habere communia agnoscimus: licet octo illis discrepantiis dissimiles habeantur Pater æternus. Et Virgo beata, videlicet;

1. Quod Pater Verbum in æternitate, Virgo in tempore generet.

2. Deus Pater Deum Filium, Virgo hominem.

3. Pater in splendore paternæ gloriæ, Virgo in humilitatis suæ aspectu, ac in stabulo paupertatis & indigentia.

4. Pater sibi æqualem, Virgo maiorem se.

5. Pater ex necessitate naturæ, Virgo per liberum liberæ voluntatis assensum.

6. Pater ex tota extensione propriæ substantiæ: Virgo ex

vnaportione tantum ſeu parte ſubſtantiæ ſux.

7. Pater ſine vlla mutatione, Virgo cum nouitate miraculoſæ conceptionis & miraculoſi partus.

8. Pater tandem per ſemetipſum: Virgo vero per operationem Spiritus ſancti.

Attamen mirabili planè diuinæ dignationis Sacramento, ad infinitæ quodammodò magnitudinis dignitatem conquirendam, cum Patre æterno: octo aliis conuenientiis Virgo Mater concurrit.

1. Sicut enim Pater in æternitate filium ſibi æqualem ſecundum diuinitatem generat: ſic Virgo eundem in tempore ſecundum humanitatem ſimilem ſibi producit.

2. In æternitate ergo generatur in ſinu Patris, in tempore concipitur in viſceribus Matris.

3. In æternitate de Deo Patre ſine Matre, in tempore de virgine Matre ſine Patre.

4. A Patre in puncto indiuiſibili æternitatis; à Matre in inſtanti temporis.

5. A Patre in æternitate vnicus vnigenitusque, ac primogenitus filius generatur: in tempore à Matre idem.

6. In æternitate à Patre integro, & perfectò, non dimidiato, neque partito aut diuiſo: eadem enim qua generatur ſubſtantia paterna, alitur in tempore à Matre integra & perfectà, non dimidiata neque partita aut diuiſa: eademque namque quæ genitus, ſubſtantia Materna eſt alitus & nutritus.

7. In æternitate ſoli Patri conuenit generare Deum: quod & in tempore Virgini ſoli conſeſſum eſt, contulitque ei Pater æternus, quod in diuinis nec Filio, nec Spiritui ſancto tribuit: licet enim Spiritus ſanctus à Filio, ſicut & à Patre procedat, quia tamen non procedit per viam generationis, ideo non eſt genitus, ſed procedens.

O certè ſtupendam dignitatem! vt femina cum Deo habeat communem filium, cui dicat quod dicit Pater, *Filius meus eſt tu ego hodie genui*: & puella ſit illius Mater, cuius Deus eſt Pater.

8. Tandem ſicut in æternitate per generationem verbi à Patre & proceſſionem Spiritus ſancti, reſultat in vnitæte eſſentiæ

Trinitas personarum: ita in tempore per Incarnationem Verbi ex Matre Virgine & operationem Spiritus sancti, resultat in vnitatem personarum Trinitas substantiarum, carnis videlicet animæ & diuinitatis, quibus quidem conuenientiis passim Doctores Catholici Deiparam Virginem, supparem Deo Patri ausi sunt appellare. Filius, ait Iustinus Miechouiensis, ad dexteram Patris sedet, Mater ad dexteram Filij: mutuoque Patre, & Matre communem Filium Beatis oculis medium conspiciunt. Pater dicit, Filius meus es tu, Virgo item, Filius meus es tu; Pater, ego hodie genui te, Virgo quoque, ego hodie genuite; Pater, hic est Filius meus dilectus: in quo mihi bene complacui, Virgo etiam hic est Filius meus dilectus: in quo sunt omnia gaudia cordis mei: quid habet Pater supra Matrem? ait ille, ex substantia mea alo quem ex me genui; sic ipsa, ex substantia mea nutrio eundem æterni Patris Filium, quem ex me genui, &c.

Barthol.
Scobar
Soc. Iesu.
Serm. 1.
de Præsens.
B. M. V.

Beatus venter tuus, ait Bartholomæus Scobar, & beata vbera tua, O Dei Mater, cum & ventre & vberibus suppar sis Deo Patri, gignens ventre quem genuit; alensque vberibus, ac propria tua nutriens substantia, quem sua ipse quoque filium alit substantia.

S. Bernardus
Soc. Iesu.
Serm. 1.
de Natia.
B. M. V. c. 1.
& c. 12.

Exinde item sanctus Bernardinus Senensis summam & integram sanctissimæ Virginis Maternitatem *Miraculum Miraculorum* vocat. Quod enim inquit *Deus generaret Deum*, nulla in eo requirebatur dispositio, cum si ex natura conueniat, ut per vim naturæ intellectus producat verbum per omnia sibi æquale: Immo impossibile est quod non generet Deum, propter suam infinitam fecunditatem: sed quod fœmina conciperet, ac pareret Dominum, est, & fuit *Miraculum Miraculorum*. Oportuit enim, ut sic dicam, fœminam eleuari ad quasi quamdam æqualitatem diuinam, per quamdam infinitatem perfectionum & gratiarum, quam creatura numquam experta est. Huc usque sanctus Bernardinus, qui iterum ait.

Persona Virginis tantæ super excellentiæ est, quod nec in personis increatis, nec in personis creatis inuenitur, hæc incogitabilis dignitas, scilicet quod habeat Deum Filium nisi in vna persona diuina, quæ est Patris, & in vna persona humana quæ est Matris, hæcenus ille.

Quis

Quis ergo tantæ dignitatis sublimitatem non veneretur? Quis huius prærogatiuæ celsitudinem cordis affectu, totaque mentis deuotione non reueretur? Eius excellentiam Angeli annunciant, prænuntiant prophetae, Apostoli prædicant, Euangelistæ describunt, Sacerdotes honorant, Reges venerantur, Pastores agnoscunt, viri ac mulieres, iuuenes & virgines, senesque cum iunioribus, laudibus efferunt: Totiusque naturæ rationalis amica vox sanctissimam Virginem Dei Matrem conclamat.

Continuatio & extensio Capituli.

Magnus re vera Dominus Deus Pater & laudabilis nimis in æterna sacratissimæ Virginis electione, sed magna virtus eius, in admirabili Virginis eiusdem prædestinatione æterna.

Quos præsciuit Deus Pater electos, hos & prædestinauit, ait Apostolus, *Conformes fieri imagini filij sui ut sit ipse primogenitus in multis fratribus, &c.* Non incongruè autem per Imaginem Filij, aliqui sacram verbi humanitatem intelligūt, secundum quam Filius Dei fratres habet electos: nam secundum Diuinitatem, est vnicus, vnigenitusque Dei Filius.

Electi itaque, quantò conformiores imagini Filij Dei, hoc est, Christi Redemptoris virtutibus ac passionibus inueniuntur; tantò nobilioris prædestinationis gloria exaltabuntur, at diuinissima Virgo, ex qua Verbum carnem assumpsit, tantò præ electis, Christo Filio conformior est prædestinata, quantò præ illis omnibus, nomen Matris hæreditauit. Naturalissimum namque locum suum inter Matrem talem, & prolem tantam, obtinet similitudo.

Itaque, per Christum, omnes Electi Filij Dei adoptiui efficiuntur, & in spiritu adoptionis filiorum prædestinantur, estque Christus solus Filius Dei naturalis, per quem cæteri sunt adoptati, & ad adoptionis gloriam, tanquam serui ad remunerationem vocati: iuxta illud; *Enge serue bone & fidelis, &c. intra in gaudium Domini tui*: Christus verò, ut Filius Dei naturalis, tanquam Dominus ad hæreditatem & regnum

prædestinatus est, quod quidem priuilegium annotauit Apostolus per illud, *In virtute prædestinatus est (inquit) Filius Dei in virtute, &c.*

Virgo itaque Deipara licet non sit filia Dei naturalis, hoc habet super omnes electos, quod sit Mater Dei naturalis; & idè non simpliciter adoptata, sed super adoptata est, non in spiritu adoptionis ad gloriam prædestinationis vocata.

Non enim vt ancilla simpliciter, tanquam ad remunerationem cum aliis electis; sed tanquam Regina ad Regnum, & Domina ad hæreditatem Filij est prædestinata. Decuit enim illam intrare in Communionem, & participationem bonorū filij sui: & in ratione summæ ac integræ Maternitatis suæ, communem cum filio hæreditatem possidere.

Deinde, *quos prædestinauit (ait Apostolus) hos & vocauit, & quos vocauit, hos & iustificauit, quos verò iustificauit, illos & glorificauit.*

Sæpè ergo Electos suos Deus, ab infidelitate ad fidem, ab impietate ad iustitiam, à peccatis ad poenitentiam, & à statu gratiæ ad statum perfectionis vocat; quos ita vocauit, ex peccatoribus iustos, & sanctos per gratiam iustificationis efficit, dans eis gratiam perseuerandi vsque in finem: quosque ita iustificauit, illos tandem per remunerationem vitæ æternæ, glorificat, & sic super electos, *Vniuersa via Domini misericordia & veritas*, quibus illos ad se deducit.

Sed Virgo Deipara ab æterno in Matrem Verbi electa, his medijs non indiguit. In tempore enim tota pulchra, & in ipso primo Conceptionis instanti (vt infra patebit) immaculata extitit: Et idè, eius opera omnia sub genere glorificationis cadunt, iuxta illud, *Gloriosa dicta sunt de te Ciuitas Dei, &c. Tu gloria Ierusalem, &c.*

Notandum ergo (iuxta Apostolum) quod opera Electorum, sub triplici genere constituuntur: Quædam enim sunt, sub genere vocationis; alia verò sub genere iustificationis; Alia tandem, sub genere glorificationis.

Sub genere vocationis, quinque vocationum species comprehenduntur: inspiratiua, occasionatiua, moratiua, prædicatiua, & clamoratiua.

Quidam enim vocantur per inspirationes internas, vt sanctus Alexius, & multi alij: quorum tum Scripturæ sacræ, tum Historiæ Ecclesiasticæ varia habentur testimonia.

Alij, per inopinatum euentum, vt Apostolus ipse Paulus.

Alij, per flagella & castigationes; vt Magdalena, de qua Dominus eiecerat septem dæmonia, & alij plurimi.

Alij per clamores pauperum, vt sanctus Martinus.

Alij, tandem per Conciones Prædicatorum, vt sanctus Nicolaus Tolentinas, & innumeri alij.

Sub genere iustificationis, cadunt ieiunia, corporis afflictiones, vota, peregrinationes, eleemosinæ, persecutiones toleratæ, & similia in gratia facta, passa, & tolerata; *non auditores enim, sed factores legis iustificabuntur.*

Tandem sub genere glorificationis, collocantur reuelationes, raptus, ecstazes, contemplationes, orationes, meditationes, & similia ad glorificationem tendentia.

Sancta itaque Virgo Deipara à primo (vt dictum est, & euidentius infra demonstrabitur) immaculatæ Conceptionis suæ instanti, Deo chara, tota pulchra, amica, & immaculata, cum extiterit, *vocationis & iustificationis* mediis, ad modum cæterorum Electorum, non indiguit; in Matrem enim verbi ab Æterno electa & prædestinata, & in tempore à labe originali præseruata, ac in gratia gloriosissimè conseruata; omnia eius opera ad Maiorem Dei gloriam ordinata, & directe ad statum gloriæ tendentia, plenaque & gloriosa existentia, sub genere glorificationis optimè statuuntur; *Gloriosa* ergò, *dicta sunt de te Cinisæ Dei*, gloriosa sanè, & cogitata, & dicta, & patrata sunt, gloriosissima Mater Dei. Cuius etiam meritis & precibus, plurimi Electorum ad viam salutis in dies reuocantur, reuocati iustificantur, & iustificati tandem glorificantur.

Omnes ergò sancti & electi Dei, si cum Virgine comparentur, quantumcumque virtutum generibus resplendeant, erunt velut famuli ac serui, seu nobiles domestici, honestis pro vniuscuiusque merito vestibus adornati: ipsa verò vt *Regina affuit à dextris filij sui Regis, in vestitu deaurato, circumdata varietate*: tantò, vt dictum est, melior, dignior, san-

etiorque omnibus effecta, quanto præ illis nomen Matris hæreditauit.

Exindè electi omnes sacratissimam Virginem hanc, velut salutis suæ itineralem tramontanam aspicientes, summam, sanctamque, integram, & perfectam maternitatem eius venerantur, & pro salutis ac prædestinationis argumento deuotionem ac pietatem in Virginem ipsam sacram, passim sancti Patres assignant.

Tandem æterna ipsa Æterni Patris sapientia de Virgine non dedignatur asserere quod de se testata est. *Dominus* (ait) *possedit me in initio viarum suarum.*

Quod de Deipara sicut & de sapientia æterna interpretatur Ecclesia.

Via autem Dei, sicut & opera, ad intra & ad extra agnoscuntur.

Via prima Dei ad intra est ipsa æterna æterni verbi generatio; paternamque ab æterno cognoscendo se, perfectissime verbum generat, posseditque sic filium suum in initio viarum suarum ad intra.

Prima verò via Dei ad extra, est ipsa vniuersi creaturarum ex nihilo per verbum creatio. *Verbo enim Domini Celi firmati sunt, &c.* Et hîc verbum principium tenet viarum Domini ad extra: *Omnia*, namque *per ipsum facta sunt, & sine ipso factum est nihil.*

Ad intra quoque in esse cognito creaturarum possedit Dominus sanctissimam Virginem: quando, vt dictum est, ante omnem puram creaturam, inter & super omnes mulieres, in Matrem verbi sui illam elegit.

Deinde in initio viarum Dei ad extra, id est, in ipso mundi exordio, Deus dixit ad serpentem *Inimicitias ponam inter te & mulierem, &c. ipsa conteret caput tuum.* Ergò cùm de Virgine beatissima hæc intelligantur, ab initio viarum suarum Deus ipsam possedit; cui virtutem tantam caput serpentis antiqui conterendi dedit. Sicque similior filio, præ electis omnibus, in ipso prædestinationis suæ ordine extitit. Exindè, nullo signato tempore, Angelus ad eam *Dominus tecum*, ait, nec præteritum, nec præsens, nec futurum

tempus designauit, vt significaret ante omnia tempora, hoc est, ab æterno, & in omni tempore, & post tempora omnia, ab æterno, inquam, & vsque in æternum Dominus fuit secum semper, illamque possedit nec vnquam deseruit ipsam.

Ex quibus omnibus patet, quàm mirabilis Deus in Virginis prædestinationis ordine, quàm magnus, & quàm magna virtus eius, in tanta tantæ Virginis prædestinationis dignitate. Licet enim *mirabilis in omnibus sanctis suis, & sanctus in omnibus operibus suis* appareat, mirabilior sanè, & sanctior in Virgine ipsa sacra agnoscitur, vnde & in schola, vt ampliore laude dignus, amplioris planè gloriæ obseruantia ab omnibus exaltandus.

*Conclusio Capitis, Continuationisque
& extensionis eiusdem.*

PLacuit altissimo, cuius natura bonitas, cuius voluntas potentia & cuius opus misericordia est, habitare in Virgine, carnemque ex ea assumendo in Matrem illam accipere, sicut illi placuit, ita factum est, sit nomen eius benedictum.

Poterat ex limo terræ, ex ære, ex aqua, ex igne, ex Cælo ipso Empireo, ex Elementis aut. syderibus, & ex quacumq; alia creatura ad redimendum genus humanum sibi corpus efformare: Verumtamen quia maledicta fuit terra post peccatum hominis iuxta illud: *Maledicta terra in opere tuo, &c.* quia etiam ignis & aqua iræ & indignationis diuinæ in homines præ se symbola gerunt, vt ex diluuiio, & incendio Sodomorum, videre licuit, quia item nequitia sua ærij Dæmones, de quibus ait Apostolus; *Est nobis colluctatio contra spiritualia nequitia in Cælestibus*, ærem ipsum insiciunt, & Cælum Empyreum, in quo Angeli sunt creati, peccato Angelorum quodammodo velut pollutum & prophanatum exitit, licet ipsa Dei beata præsentia, ac essentia suæ diuinæ visione beatifica in Angelis, & beatis, vt locus fieret beatitudinis æternæ; velut repurgatum sit & reconfecratum, omnisque creatura in homine ipso, qui habet esse cum lapidibus, viuere cum arboribus, sentire cum animalibus, & intelligere cum Angelis corruptioni subiacens, ac vanitati, ingemiscit, ali-

qua ex omnibus oriebatur repugnantia ad summa benedictionis pietatisque, clementię & charitatis ac sanctitatis diuinę tantum erga genus humanum sacramentum operandum, ita vt congruentissimē cœlo terraque sanctiorem ac elementis & syderibus omnibus puriorem crearet Virginem Deus ipse, ex qua ad redemptionis humanę adimplenda mysteria corpus sibi assumeret, quam & ideo ab æterno præuisam, electam, & prædestinatam conuenientissimē ab omni labe etiam originali in tempore præseruauit.

Et hæc sunt gloriosa, quę in ratione tantę Maternitatis de Virgine dicta sunt: quibus & hoc vnicum iterum ex sapientis sententia addendum concludendo placuit.

Filia Patris, ait Sapiens, *abscondita est*. Nec incongruē Virginem Deiparam Filiam Patris, & Filiam absconditam appellat. Sicut enim in diuinis, Verbum per viam intellectus, cuius est genitoris Patris in genito filio imaginem imprimere à Patre ipso procedit & generatur, qui inde filius vocatur, splendórque paternę glorię, figura substantię eius, & imago bonitatis illius dicitur. Spiritus vero sanctus, eodem Patre simul & Filio, tanquam ab vno vnicoque principio, per viam voluntatis, cuius est non imaginem, sed amorem producere, procedit: vnde nusquam Spiritum sanctum in Scripturis, nec Patris nec Filij imaginem legimus appellari. Ita cum sanctissima ipsa ac in æternum benedicta Virgo Deipara, ab æterno fuerit in intellectu Patris, Mater Verbi præuisa, electa & prædestinata, supparque in tempore (vt ostensum est) Deo ipsi Patri existens: veram eiusdem Patris, Paternitatis imaginem in sua Maternitate impressam habeat, videatque Pater ipse Virgineę carni quam ex eadem Virgine Verbum assumpsit, veram & viuam ac substantialem diuinę essentię suę imaginem hypostaticē vnitam, merito Mater ipsa Verbi diuini filia Patris appellatur.

Additur autem, *abscondita*, propter reuerentiam summam singularemque venerationis obseruantiam, qua in tantę Maternitatis ratione, cunctis colenda proponitur.

Sicut enim Pater Æternus, Deus absconditus vocatur: Iuxta illud; *Verè tu es Deus absconditus, Deus Israël, &c.* Et

ideò, iuxta doctrinam Christi; in abscondito Patrem oramus: *Ora (inquit) Patrem tuum in abscondito, & Pater qui videt te in abscondito reddet tibi, &c.* Sicque orandum præcepit. *Pater noster qui es in cælis, &c.* Ea namque, quæ in Cælis sunt, abscondita sunt à nobis, tantumque; *Inuisibilia Dei per ea quæ facta sunt, intellecta conspiciuntur, sempiterna quoque virtus eius & diuinitas, ut ait Apostolus.*

Sicut (inquam) hæc ita de Patre habentur, ut à nobis maioris obseruantiae cultu reuerentur, facile namque quod ipsis commune ac familiare est despiciere solent homines, & nimia inter illos familiaritas contemptum parit. Vnde & Christus ipse, ex quo *in terris visus est, & cum hominibus conuersatus est*, ab illis despectus, opprobriisque ac contumeliis affectus, tandem morti traditus est; Spiritus quoque sanctus, qui visibili specie super Christum in Iordane, super Apostolos in Cœnaculo, & super Christianos in baptismo in ipso nascentis Ecclesiæ exordio descendit, infami simoniæ pretio à simoniaco ipso Simone Mago fuit expositus. Ecce, ait, *do vobis pecuniam, date & vos mihi hanc potestatem, ut cuiuscumque imposuero manus accipiat Spiritum sanctum.* Ita sanè summæ Maternitatis sacratissimæ Virginis plurima ac varia mysteria absconduntur, ut in reuerentia ampliore habeantur. Et Virgo ipsa, de cuius æterna electionis & prædestinationis dignitate, de cuius immaculatæ Conceptionis, Natiuitatis, Præsentationis, Mortis, Assumptionis, & Coronationis Mysteriis nihil dicit Scriptura, in ipsis omnibus tantorum mysteriorum sacramentis, velut abscondita cernitur, ut digniori & obseruantiori cultu veneretur.

Pauca ergo hæc ex multis, multa paucis contrahendo, de diuinissimæ huius Matris Dei (videlicet) prærogatiuæ excellentia collegimus, ut ardentiori zelo in Virginem ipsam sacram affectum pietatis fidelium prouocaremus. Nunc itaque ad nutricis Dei prærogatiuam transeamus.

DE PRÆROGATIVA NUTRICIS DEI.

*Mater Dei vera integra & perfecta, ex eo quòd
eius quem peperit, Nutrix extiterit, Virgo
Deipara ex Patribus asseritur.*

CAPVT II.

EX quo pro nobis peccatoribus paruo lacte pasci dignatus est, per quem nec ales esurit, ex quo, inquam, is, ad quem omnium oculi adspiciunt; *Vt des illis escam in tempore opportuno, & qui aperiens manum suam implet omne animal benedictione;* Escam petit, & cibum à Virgine accepit, ab eaque toto lacte educationis suæ tempore nutriri voluit Iesus Christus Dominus Deus noster: Omni reuera veneratione digna in Virgine ipsa sacra hæc Nutricis Dei prærogatiua extitit: qua non partita, neque dimidiata, aut diuisa, sed vera integra & perfecta eiusdem beatissimi Redemptoris, Mater effecta est.

Vt autem exindè summæ Maternitatis huius integritatem agnoscamus: è fontibus doctrinæ salutaris, sanctorum atque Doctorum Ecclesiæ in gaudio hauriamus.

S. BENAN. in
LUC. 1. 17.

Seraphicus Doctor super illud Lucæ 11. *Beatus venter qui te portauit, & ubera quæ suxisti:* Idèd, ait, iunxit ista duo; vt ostenderetur Virgo Maria fuisse Mater Christi vera & perfecta, quia non solum genuit, sed & educauit: Et sicut verè educauit, ita verè genuit: quod designatum fuit in Moyse, qui, vt dicitur, noluit lactari à muliere Ægyptiaca, & idèd quæsitafuit mulier Hæbræa, sicut in Exodo legitur: &c. Ergò iuxta mentem Doctoris Seraphici, integram Matrem Dei habemus Virginem, in figurisque eius adumbratam Maternitatem perfectam possidemus, exindè, quòd
ciu
s

Exod. 2.

eius quem peperit nutrix extiterit Saluatoris.

Venerabilis Beda contra Eutichianos scribens; Et nos (ait) contra Eutichien extollamus vocem cum Ecclesia Catholica, dicamúsque Saluatori, beatus venter qui te portauit & vbera quæ suxisti. Quæ enim consequentia de Virginis semine negatur esse conceptus, qui de eius lacte creditur fuisse nutritus; cum ex vno eodemque fontis origine, secundum phisicos, vterque liquor emanare probetur? Ergo de eius semine potuit concipi, qui de eius lacte potuit nutriri, &c.

Hoc argumento à nutritione seu lactea educatione Saluatoris, sanctus Ecclesiæ Doctor, veram sanctamque, integram & perfectam sanctissimæ Virginis maternitatem scientificè demonstrat.

Ad hæc etiam sanctus Chrysostomus de sacræ vetulæ vberibus loquens, propter hoc (inquit) ei lactis fontes concessi sunt, vt partum magis credibilem faciant; vt enim omnibus partus manifestus esset, & omnes, tam eos, qui tunc aderant, quàm qui postea audierint, ad fidem miraculi introduceret; Idcirco puerum ipsa alit, & lacte suo vult enutricari, &c. Quo quidem argumento, integra quoque Virginis sanctissimæ Maternitas ex lactatione Saluatoris aptissimè demonstratur: Vnde & Isidorus Ægyptius dicit; quòd lactis fontes partum confirmant. Veri enim partus argumentum certissimum, ait, est lactis profluuium; Idèò ergò beatificantur vbera sanctissimæ Virginis, quòd ex lactatione, maneat eius, quem peperit integra Mater Saluatoris. Exemplo fiet clarius.

Cùm Hymnum sacrum, qui incipit, *Aue Maris stella*, deuotè sanctus Bernardus, ante venerandam Virginis sanctissimæ imaginem recitaret, ac verba ipsa, *Monstra te esse Matrem* attentius & feruentius iteraret, Protinus Diua Virgo, veram se integram & perfectam Dei Matrem ostendens, miraculosi lactis imbre os & labia Bernardi orantis irroraui. Quòd singulare in Bernardum Diuæ Virginis beneficium per pulchrè ita describit Iacobus Bidermanus.

Iacobus Vi-
dermannus
Sec. Iesu.
Epigramma-
tum li. 2.
fol. 64.

Virginei stabat signum venerabile templo
Indita cui magna forma parentis erat,
Hic solitam Bernardus opem dùm sedulò optat
Tergeminumque leui murmure dicit *Aue*
Ter vocat *Ætheriæ* portam blandissimus aula:
Denique Mater, ait, magni fecunda parentis
Incipe te Matrem Virgo probare meam.
Sic ait, & niuei respexit ad vbera signi,
Vberèque è niueo, niueus imber iit,
Qui medius flexo postquam aëra transit arcu,
Arida Bernardi fluxit in ora liquor.
Ille diu dubius dùm dulcibus imminet vndis,
Credidit hybleo mella pluisse mero,
Viستا sed hybla fuit, nect̃ar quoque credidit illa
Nect̃are sed dulci, dulci dulcior vnda fuit.
Hac tandem, inquit, est Materni gratia lactis,
Claude tuum iam sunt pectora pota sinum.
Immo age, pande sinum, da pluribus vbera Mater,
Nos quoque lactantes paruula turba sumus.

Tandem Ecclesiæ Beata viscera Maria Virginis que por-
tauerunt *Æterni Patris Filium*: Et Beata vbera que lactaue-
runt *Christum Dominum*: vtrumque cum muliere Euangeli-
ca beatificat & commendat, vt Virginem sanctissimam non
partitam, neque diuisam, vt dictum est, aut dimidiatam,
sed veram integram & perfectam Dei Matrem ostendat.

*Quam summa & eminentissima in ipsa Virgine
Deipara. Hac etiam Nutricis Dei prerogativa
extiterit, pluribus ac variis Scriptura sacra
testimoniis comprobatur.*

CAPVT III.

ESTER eleuata in populis, post exceptum con- *esther. c. 2.
& c. 5.*
uiuio Regem Assuerum Regio diademate coro-
natur. *Quid vis Ester, ait illi Rex, & que est peti-
tio tua; etiam si dimidiam partem regni petieris,
dabitur tibi. Cui illa; si regi places, obsecro, ut veniat ad me
hodie ad Conuiuium quod parauit, &c. Descendit itaque Rex ad
Conuiuium, ut biberet cum Regina: posuitque diadema Regni
in capite eius, & fecit illam regnare, &c. Omnia autem, ait
Apostolus, in figuris contingebant. Sensus ergo est, regio
honore dignam, regioque diademate merito coronatam
Virginem sanctissimam censer; ex quo Regi Regum, & Do-
mino dominantium, Iesu Christo Redemptori lacteum con-
uiuium parauit, & ex quo, eundem Virgineo virginalium
vberum suorum lactis conuiuio exceptit.*

Christus ipse in deserto, cum ex quinque panibus hor-
deaceis & duobus piscibus, quinque millia hominum satias-
set: *Illi homines, ait Euangelista, ut viderunt signum, quod
fecerat, voluerunt rapere illum ut facerent eum Regem.* Dignum
iure regio honore existimantes, qui populo panem ad man-
ducandum prestitisset, ergo & qui Regi ipsi, Deoque, ac
Domino omnium, conuiuium prestitit. Quæ, inquam, om-
nium viuientium nutritorem suo lacte nutriuit, meritò regio
honore digna censebitur. Pleno itaque ore fideles, illam
Patriarcharum, Prophetarum, Apostolorum, Martyrum,
Confessorum, Virginum, Sanctorumque omnium Reginam
dignè conclamant.

Domini nomen accepit Creator omnium Deus, cum ho-

Genes. 1.

minem creasset, illique edendi de fructibus paradisi potestatem dedisset, ipsique Regium conuiuium præparasset: Sic enim loquitur Scriptura: *Dixit quoque Deus: Ecce Dedi vobis omnem herbam afferentem semen super terram, & vniuersa ligna qua habent in semetipsis sementem generis sui, ut sint vobis in escam, &c. Posthac, vidit Deus cuncta qua fecerat, & erant valde bona; Formauit igitur Dominus Deus hominem, &c. Quo indicio declaratum est, meritò nomen Domini sibi assumpsisse, qui non solum hominē creauit, sed & creatum nutriuit, & talibus talis paradisi, tantisque fructibus paut: At, vna Virginei lactis Mariæ Virginis gutta (vt ait sanctus Bernardinus Senensis) præualeat omnibus lignis paradisi; Imò totius frugibus vniuersi. Domina igitur & Regina iure censetur, à qua Dominus ipse & Rex vniuersorum nutritur: Vndè, vt inquit idem Sanctus, de Monarchia vniuersi numquam Christus testatus est; eo quòd sine Matris præiudicio, numquam poterat fieri; Iure enim hæreditario vniuersum huius mundi meruit principatum & regnum.*

Diuina tandem prorsus hæc Nutricis Dei prærogatiua censetur, ex iis quæ sanctus Iacob Patriarcha in Mesopotamiam pergens, vidit, & dixit. Vidit enim scalam Cælumque tangentem, qua, terræ Cœlique Domina, Virgo beata significabatur; & ait: *si Dominus fuerit mecum in via ista per quam ego ambulo & dederit mihi panem ad edendum, & vestimentum quo operiarerit mihi Dominus in Deum, &c. Vbi pro Deo assumitur, diuinisque honoribus colitur, qui habet vnde nutriat, vestiaturque suos; at, cum carne sua Deum ipsum vestierit, Virgineoque Virginalium vberum lacte nutrierit Virgo Mater: Nonne meritò (seruato semper iure Creatoris) diuinis honoribus colenda erit? Ergò Diuam, Diuinamque illam, diuinòque honore dignam, meritò prædicamus.*

s. Aug. li. 4.
de Ciuit. Dei.
c. 12.

Gentiles ipsi, vt ait Diuus Augustinus, Iouem suum sub nominibus Ruming, educæ, eduliæ, & potinæ, tanquam cunctorum viuientium nutritorem, diuinis, ac summis honoribus afficiebant; quantò magis ea quæ Deum viuentem, viuientium omnium verum & vnicum nutritorem, filium simul

& alumnum suum pro nobis effectum, diuinissima Virgo, diuino cultu colenda veniet; quam ideo etiam gentium ipsorum Sybillę virgines prophetissę, beatam & prędixerunt & prędicauerunt: Nascetur, ait Tiburtina, in Bethlehem nunciabitur in Nazareth, ô felix illa Mater, cuius vbera illum lactabunt. Virgo, inquit Cimeriana cibabit lacte suo puerum, cui Magi offerent, aurum, thus, & myrrham, &c. Facile ergo ex his conicitur, quàm summa & eminentissima sit in Virgine ipsa Deipara, hæc etiam Nutricis Dei pręrogatiua.

Quòd dignissima Virgo Deipara, ea qua Nutrix Dei, ipsamet etiam, idque congruentissima ratione ab omni originalis peccati labe caruerit ostenditur.

CAPVT IV.



Quota pulchra es amica mea, & macula non est in te. In Cantic. 4.
qua macula non inuenitur; verè tota pulchra censetur, & meritò immaculata vocatur.

Spiritus sanctus autem 4. Canticorum prius dixit: *Duo vbera tua sicut duo hinnuli Caprea gemelli, qui pascuntur in liliis donec aspiret dies, & inclinentur umbra.* Deinde subiungit: *Tota pulchra es amica mea & macula non est in te.*

Cùm ergo per vbera aptissimè Nutricis pręrogatiua designetur, etiam vt Nutricem Verbi, Virginem sanctissimam totam pulchram immaculatamque Spiritus sanctus gloriosissimè ostendit.

*Abulens. in
in 2. Exod.*

*Glosa ordinis
ibid.*

Ad hæc, refert Abulensis, quòd filia Pharaonis miserata Moyse ploranti, tanquam deficienti lacte iussit plurimas mulieres Ægyptias ei prębere vbera, à quibus auertebat faciem suam, tanquam quæ essent cognosceret, solamque mulierem Hebręam, Matrem scilicet propriam suxit. Cui filia Pharaonis; *De infantibus, ait, Habreorum est hic: accipe pue-*

rum istum & nutri mihi, ego dabo tibi mercedem tuam, &c. Hęc autem mulier nutriens adoptatum filiæ Regis filium; iuxta ritum & priuilegia nutricum filiorum Regum, cibis regiis vesceretur, nec censum Cæsari Ægyptiorum, eo tempore soluit, liberaque omninò extitit ab omni tributo, quo filij Israël ab Ægyptiis præmebantur, sed & mercedem Regiam accepit iuxta illud; *Ego dabo tibi mercedem tuam, vt in Exo-*
do habetur.

S. Bonauent. Hęc autem mulier (ait Seraphicus Doctor) designat Bea-
in Luc. 1. 31. tam Virginem, cuius vbera suxit Christus, &c.

Ergò cùm in figuris omnia contingerent, in figuræ huius mysterio: Omnes mulieres, velut Ægyptiæ, propter labem originalem reputabantur: Nec decuit Christum illarum vbera sugere, soliusque Virginis immaculatæ suæ Matris propriæ vbera suxit; quæ ideò etiam censum Cæsari infernorum non soluit, liberaque extitit conuenientissimè à tributo ignominiosissimo originalis culpæ, quod iugū graue vocat Scriptura, & iugum Matris; *Iugum graue*, ait, *super filios Adam, à die exitus de ventre Matris eorum vsque in diem sepultura in Matrem omnium, &c.*

Eccli. 40.

A tali iugo Mater ipsa Dei integra, hoc est, Mater simul & nutrix congruentissimè præseruata est, quæ lacte suo pauit, quem, Virginitatis gloria permanente mundo effudit, Iesum Christum Dominum nostrum. Quod & Poëta Christianus perpulchrè ita describit.

*Quod si syderei tanto splendoris honore
Fulget, vt aeterno, qui temperat ordine mundum
Gestavit gremio, lactarit vbere dulci
Serinxerit amplexu, summòque gestavit Olympo.
Quare illam in nostras opus est detrudere sordes,
Et turpi infestare luto, mortalibus aquas,
Cui pater Æthereas mentes subiecit & astra, &c.*

*Baptista
Marianus.*

*Carthag. l. 3.
Rom. 15. de
M. v.*

Ipsa quoque in Canticis, miræ huius prærogatiuæ priuilegium designauit aptissimè, dum ait; *Fasciculus myrrha di-*

lectus meus mihi, inter vbera mea commorabitur. Proprium namque myrrhæ est carnem à putredine, & corruptione ser-
uare; proprium verò Christi, quem hic fasciculum myrrhæ
appellat, animam Deiparæ huius Virginis immaculatam in-
corruptamque custodire. Cum ergo per vbera (vt dictum
est) Nutricis prærogatiua designetur, vt indicet se etiam vt
nutricem verbi conuenientissimè præseruatam, addit, *inter
vbera mea commorabitur.*

Talem ab æterno electam afferit Virginem sanctissimam Innocentius
III. Papa.
Innocentius Papa, his verbis; *Sancta Parens Iesu Christi ele-
cta sola tu fuisti esse Mater sine viro, & lactare modo miro, &c.*
Clarissime autem non dimidiatam, sed integram Matrem,
hoc est, Matrem simul & nutricem Verbi, ab æterno præde-
stinatam, & in tempore præseruatam satis supra ostendimus.

Quod adumbratum quoque in Israhel cernimus, omnia enim Judic. 5.
in figuris contingebant, quam præparauit Deus ad necem
& interitum Sizaræ ducis militiæ Regis Chanaan. Ipse en-
sitens, aquam petiit; *Illa autem aperiens utrem lactis, aquam
petenti, lac dedit; cumque ille obdormisset, clauum ipsa val
supra tempus capitis intulit, percussitque malleo, defixit in
rebrum vsque ad terram, qui soporem morti socians defecit & mor-
tuus est, &c.* Ita ab æterno præparauit Deus Pater sancti-
mam Virginem, quando illam in Matrem integram & pei-
ctam, id est, in Matrem & Nutricem simul verbi sui eleg-
ac prædestinauit, Duci autem militiæ infernorum aquas illas
sitienti, de quibus dicitur, *aquæ multe, populi multi, aquam,* ...
inquam, petenti lac ipsa dedit, quando Virgineo Virgi-
lium vberum suorum lacte quem nobis peperit enutri
Redemptorem; qui caput serpentes contriuit, mor-
destruxit, infernum spoliauit, ac prorsus nostrorum strauit
exercitum inimicorum.

Primæ Mulieri tanquam peccatrici dixit Deus: *Multipli-
cabo aruminas tuas & conceptus tuos, &c.* id est, faciam vt fi-
lios tuos, non semel tantum parias, sed sæpè, ac sæpius re-
parturias per longum nutritionis tempus. Hæc autem dicta
sunt ei, quia peccatrix extitit; Inter alias namque graui-
ores pœnas, quas Dei maledictio mulieri ab initio imposuit,

*Fernandez
Quirinus.*

me Salazar.
806. Iesū.

altera quidem fuit lactationis & nutritionis molestia. Nam cum in nutritione grauius magis, & molestiora esse soleant matrum tædia, mœrores ac labores, ægrimonix, & angores, ærumnæ, & anxietates, ambigendum non est, quin has molestias, lata in mulierem Dei sententia, etiam incluscrit. Ait autem Christo Mulier Euangelica, *Beatus venter qui te portauit, & ubera que suxisti*; in Virgine Deipara id beatum prædicans, quod in aliis Matribus post naturæ vitium, non paruam maledictionis pœnam continet, scilicet nutrire, & educare. Prolem, ergo non idem modus lactandi & alendi in Virgine ipsa sacra, ac in aliis matribus: ita planè caruit etiam omni tædio, ac labore, & angore, quibus Dei maledictio reliquas nutrices, & lactatrices subiecit; Igitur si aliarum fœminarum ritu, filium suum nec cum tædio, nec cum molestia aluit, vitiatæ prorsus naturæ leges, vt nutrix etiam verbi, non sustinuit, atque adeo peccatum illud ignorauit quod seueras illas. leges reliquis mulieribus imposuit; itane putandum illam, quæ ad lactandum mundi prætium, atque adeo in communionem & consortium redemptionis Christi admissa est, cum reliquis mulieribus delicti communionem & consortium habuisse, absit, &c.

Tandem, prima mulier peccando perdidit gratiam originalem, & maledictionis pœnam incurrit, pariendo, & enutriendo filios suos, iuxta illud; *In dolore paries, &c. & multiplicabo ærumnas tuas, &c.* Sed Virgo benedicta, quæ à labe originali fuit præseruata, gratiam originalem inuenit: Vnde etiam ad eam Angelus, *Inuenisti gratiam apud Deum, &c.* Quemadmodum enim peritissimorum opificum studiosissimè asseruantur opificia, sic apud Deum asseruabatur, & Mariæ reseruabatur à parentibus primis hæc ipsa amissa originalis gratia, quæ opus Christi est: *Lex enim per Moysen data est, sed gratia per Iesum Christum facta est.* Et sicut ad Regem, Aulicorum fideliori donanda reuertitur prouinciæ præfectura, qua ob crimen leuæ Maiestatis spoliatus est is, qui à Rege ipso illam acceperat; ita est de gratia à primis parentibus perditâ, quæ fidelissimæ Virgini Matri simul, & Nutrici Dei

Dei concessa est. Clarius insuper & euidentius. Non decuit tantum ac tale, & tam nobile opus Dei, ut erat Iustitia seu gratia originalis, deperdi omnino, & perire, sed conuenientissime quod cecidit in Adamo, debuit in alia creatura reparari; at non debuit in Christo ipso id fieri. Est enim reparator ipse, & non res reparata, non potuit in Angelis reparationis humanæ mysterium adimpleri, quia agitur de salute hominum, non Angelorum.

Deinde Angeli non sunt creati successores gratiæ hominum, sed potius è contra, per homines enim replebuntur sedes Angelorum; ideò non decuit gratiam quam perdidit homo, Angelum inuenire. Hanc item de qua nunc sermo noster, Gratiam originalem protoplastorum culpâ amissam, nec Apostoli, nec Martyres, Patriarchæ, Prophetæ, Confessores, Virgines, Pœnitentes, nec tandem etiam quantumcumque innocentes pueri, potuerunt inuenire: Omnes enim à minimo usque ad maximum indigent gratia Dei, etiâ infans, cuius est unius diei vita super terram: Nemo mundus à sorde: quandoquidem omnes in Adam peccauerunt.

Et sicut mortuis radicibus arboris, moriuntur & rami, folia, frondes & flores; sic per peccatū mortuis parentibus nostris, nos omnes in illis mortui sumus, hoc est, gratiā amissimus, culpam incurrimus, pœnamque maledictionis assumptimus. Ergò congruentissime decuit aliam puram creaturam humanam creari, in qua inueniretur quod amissum fuerat, & lapsum, repararetur; Sub Deo autem, Matre Dei dignior, purior, ac sanctior non potuit alia inueniri, ergò conuenientissime gratiam originalem inueniens, à labe originali præseruata est, in qua nobiliori modo, scilicet, præseruationis, reparatum est, quod in Adamo cecidit; Et ideò, nec partus doloribus, nec nutritionis & educationis angoribus, tædiis, ac molestiis subiacuit, quæ diuinæ & integræ ac perfectissimæ Maternitatis gaudia habens cum Virginitatis honore, nec primam similem visa est, nec habere sequentem. Hoc iterum concludendo, addam; quod & de Apostolo assumam, videlicet, in primis parentibus abundauit delictum, vade & in Adam omnes moriuntur, sed & in Virgine

Matre Christi superabundauit gratia, & in Christo eius filio omnes viuificantur.

Superabundauit sanè in Virgine Deipara gratia originalis: nam illam ampliorem potiorémque & perfectiorem, quam parentes ipsi habuerant, videtur accepisse. Illi namq; in statu gratiæ existentes, quibusdam venialibus defectibus subiacuerunt, quibus tamen originalem gratiam non amiserunt; etenim periculo se exposuere Adam, nimia vxorem complacentia aspiciendo, & mulieris vocem audiendo. Mulier quoque, in aspectu ligni nimium sibi complacendo, & serpentis item voci auditum præbendo; *Vidit enim mulier* (ait Scriptura) *lignum, quod pulchrum erat oculis, aspectuque delectabile;* Deindè mentita reperitur, cùm ait; *Præcepit nobis Deus, ne comederemus, & ne tangeremus illud;* Non enim prohibitus erat ligni, nec tactus, nec aspectus, sed tantum esus. At, Virgo Deipara, tota pulchra & immaculata, nullis talibus est inquinata venialibus; Elegit enim illam Deus ab æterno, vt esset sancta & immaculata, & in tempore exhibuit illam sibi gloriosam ab omni labe immunem, non habentem maculam, aut rugam, aut aliquid huiusmodi? Quoniam (vt dictum est) non dimidiatam neque partitam aut diuisam, sed veram, integram, atque perfectam illam Matrem habere voluit (hoc est) Matrem simul & nutricem, quæ partus dolores nesciret, & nutritionis angores penitus ignoraret; Quoniam etiam vt Nutrix Verbi, congruentissimè tædia & moerores, molestiasque peccatricibus mulieribus, ob maledictionis pœnam, illatas, ab omni peccato illæsa, sustinere non debuit.

Et hæc sunt quæ ad huius excellentissimæ Nutricis Dei prærogatiuæ excellentiam commendandam necessaria videbantur: reliqua Tractatulo de Sacris vberibus referentur.

De altissima & omni veneratione digna Gubernatricis Dei in ipsa Virgine Deipara dignitate & prerogativa.

CAPVT V.



Mulieris est, iuxta sacrae Scripturae testimonium, regere familiam & gubernare domum: Vnde & rectorix ac gubernatrix appellatur, sicuti de Sara Tobiae iunioris sponsa legitur; Quod apprehendentes parentes eius filiam suam, de osculati sunt eam, & dimiserunt eam; monentes eam, honorare soceros, diligere maritum, regere familiam gubernare domum, & seipsam irreprehensibilem exhibere, &c.

Cum ergo domus & familia Dei Angelos & homines comprehendat, dicatque Philosophus, quod qui potest magis, potest & minus; Sanè Virgo Deipara Angelorum dignè & hominum Domina censetur, Virginaque & moderatrix; ex quo Verbum ipsum propter nos caro factum, Angelorum & hominum caput & Dominum non solum concepit, genuit, & aluit, sed etiam curauit, rexit, & gubernauit.

Quemadmodum itaque quanto tempore princeps hæres paruulus est, nihil differens à seruo cum sit Dominus omnium, sub Tutoribus & Actoribus usque ad præfinitum tempus constituitur. Regina tunc Mater Regis regni que gubernatrix electa, tum principis, tum subditorum debitam sibi recipit & reuerentiam & seruitutem; Ita Virgo Deipara in Matrem Verbi non dimidiatam, sed integram electa, in Matrem videlicet simul & nutricem ac gubernatricem, ab ipso Verbo ex ea pro nobis incarnato, ab Angelisque simul & hominibus sibi iure debitam obseruantiam percepit, ex quo in ea quantæ dignitatis, & excellentiæ hæc etiam Gubernatricis Dei prerogatiua extiterit, facile colligitur.

Ex quo Ioseph Patriarcha frumenta & alimenta Pharaoni, & omni populo suo præparauit in escam apud Aegy-

ptum, constituit illum Pharaon dominum domus suæ & principem omnis possessionis suæ; Non ergo mirum, si Domina domus Dei, & omnis possessionis Christi Principessa, hoc est, Dei ipseus, eiusque Ecclesiæ Electorum gubernatrix & domina constituitur, quæ Christum Deum ac Dominum nostrum lacte suo pavit, ac omnibus Electis frumentum ipsum Electorum in salutem dedit.

Michol vxor Dauid, & sapientissima domus eius gubernatrix, vitæ quoque & personæ sponsi sui Saluatrix extitit, dum collocata in lecto viri lignea statua, per fenestram viri deposuit; quo quidem facto illusi sunt Satellites Saülis ad necem Dauid quærentes.

Virgo ita sanctissima dum sanctissimæ prudentissimæque ac sapientissimæ Gubernatricis Dei officio fungeretur, Christum ipsum in Ægyptum portauit relictis in Iudæa pueris Iudæorum, quos Rex impius Herodes iratus occidit, videres quod illusus esset à Magis; Vitæ ergo Christi Saluatrix extitit, quæ tunc temporis eius Gubernatrix erat, ex quo re vera prærogatiuæ huius altissimæ excellentia patet, cuius dignitati vitæ saluatæ se Christus ipse exhibuit debitorem.

In diuinis, quia Pater generat Verbum, Genitor & Pater appellatur; qui etiam per creationem Pater noster est; Iuxta illud, *Nonne ipse est Pater tuus qui possedit, & fecit, & creauit te? &c.* Filius verò, qui Verbum Patris est, nutritius, vel nutritor est; vnde dicitur: *Non in solo pane vinit homo, sed in omni verbo quod procedit de ore Dei.* Deinde, ex quo ipse pro nobis carnem assumpsit, propria carne ipsa sua, proprioque sanguine nos aluit, qui sequentium se & audientium verbum eius turbas solebat panibus, & piscibus pascere populorum. Spiritus quoque sanctus vitæ Christi ductor est, Iuxta illud: *Ductus est Iesus à spiritu in desertum, &c.* Est etiam Rector Ecclesiæ & Gubernator eiusdem, per quem columna est & firmamentum veritatis. Virginis ergo Dei paræ prærogatiuarum aptissime exinde excellentia agnoscitur, quod vt Mater Dei Patris correspondet dignitati, vt nutrix eiusdem, nutritij seu nutritoris filij excellentiæ congruit, & tandem per Gubernatricis prærogatiuam, Spiritus sancti

competit officio, sicque quodammodo complementum est totius Trinitatis.

Non itaque magnum est Virginem sanctissimam Cœli & Terræ Dominam, Angelorum & hominum Reginam, Ecclesiæ Gubernatricem sapientissimam, ac Electorum omnium salutis prudentissimam curatricem prædicare; cum ex eo, quod Mater nutritrix Gubernatrixque Dei existit, totiusque sanctissimæ Trinitatis complementum censetur, etiam iure & merito minoribus his beneficiorum ac prærogatiuarum titulis potitur.

S. Bernardus
Senensis
Serm. 5. d.
Natiuit. B.
M. V. c. 6.
& 7.

Hoc vnum dicam & in ipso, ac cum ipso vno omnia dicam, & vt cum sancto Bernardino Senensi loquar; Tot creaturæ seruiunt gloriosæ Virgini Mariæ; quot Trinitati seruiunt; Omnes nempe creaturæ quemcumque gradum teneant in creatis, siue spirituales vt Angeli, siue rationales vt homines, siue corporales, vt corpora cœlestia vel elementa, & omnia quæ sunt in cœlo & in terra; siue damnati, siue beati, quæ omnia sunt diuino imperio subiugata, gloriosæ Virgini sunt subiecta: Ille enim, qui Filius Dei est, & Virginis benedictæ; volens, vt sic dicam, Paterno principatui quodammodo principatum æquiparare maternum; Ipse, qui Deus erat, Matri famulabatur in terra; Vnde Lucæ secundo capite scriptum est de Virgine, & glorioso Ioseph; *Et erat subditus illis*. Præterea hæc est vera, diuino imperio omnia famulantur & Virgo; Et iterum, hæc est vera, imperio Virginis omnia famulantur & Deus, &c. Ex his omnibus apertissime claret, quod Mater Iesu Christi Maria, hereditario iure, omnium quæ sunt infra Deum, habet regale dominiū, & inclytum obtinet principatum. Hactenus S. Bern. Sen.

Serm. 5. c. 7.

D. Bernardino iungam sanctum Bernardum; ambo enim sanctissimæ Virginis dilectissimi extitere laudum peruulgatores; subditur (ait ille) Matri, qui æqualis est Patri: *Venit* (inquit Euangelista) *Nazareth, & erat subditus illis*. Maria se Matrem agnoscens, Maiestatem illam, cui Angeli seruiunt, nuncupat niliū, nec dedignatur nuncupari Deus ipse, quod esse dignatus est. *Erat autem subditus illis*. Sed? quis? & quibus? Deus hominibus; Deus, inquam, cui Angeli subditi

S. Bernardus
Serm. 2. in
Assus est.

iunt; cui Principatus, & Potestates obediunt, subditus erat Mariæ, & non tantum Mariæ, sed etiam Ioseph, propter Mariam. Mirare ergo vtrumlibet, & elige vtrum amplius mireris, siue filij benignissimam dignationem, siue Matris excellentissimam dignitatem: vtrinque stupor; vtrinque Miraculum, & quòd Deus scæminæ obtemperet, humilitas absque exemplo, & quòd Deo scæmina principetur, sublimitas sine socio. Huc vsque sanctus Bernardus.

Cùm autem temporibus beatissimæ infantie Saluatoris, eiusdem Virginis imperio ac principatui subiectio ista paruerit, quando erat subditus illi: temporibus inquam ipsis beatis, quibus Gubernatricis Dei officio fungebatur, idè ad huius excellentiam altissimæ dignitatis hæc pertinere censentur.

Non ergo mirum si omnia eius imperio subiiciantur, cuius principatui Creator omnium subiici voluit: & si Electorum cura ei specialiter commendetur salutis, quæ tanta prudentiæ sanctitatis & vigilantie obseruantia curam egit Saluatoris.

cantic. Adhæc, ipsa in Canticis; *Omnia*, inquit, *poma noua & vetera seruari tibi, dilecte mi;* Cùm itaque per poma, peccatores designentur, per pomum enim in Adamo peccatum intrauit in mundum; seruare autem idem sit, ac custodire, regere, & conseruare: rectè se vtriusque testamenti electorum salutis seruatricem à Deo constitutam asserit, ex quo illam Deus in Matrem, non dimidiatam vt dictum est, neque partitam aut diuisam, sed veram, integram, atque perfectâ, id est Matrem simul ac Nutricem & Gubernatricem Verbi sui elegit.

Tandem Christus Petro commendans Ecclesiam, & omnium Pastorem, Ducem, ac Rectorem animarum illum constituens, prius de amoris, dilectionis, ac charitatis virtute interrogauit illum; *Simon Ioannis, ait, diligis me plus huius?* Cui Petrus, *Tu scis Domine, quia amo te.* Et Christus, *pasce agnos meos, pasce oues meas, &c.* Hoc autem factum est per ter, ita vt trinam responsionem haberet trinâ interrogatio, quo indicio declaratum est, Pontificem Patrem, Nutritiumque

seu Nutritorem, atque Rectorem esse animarum, populi que sibi commissi Directorem & Gubernatorem; nam quos in Christo Iesu, per Euangelium genuit, verbo prædicationis, ac Sacramentorum administratione enutrit, exemplo tandè probatæ virtutis, Conciliisque, Legibus ac præceptis, gregem custodit, fouet, protegit, visitat, defendit, & gubernat, quem diligit; vt Pater filios, tenerrimè amat vt nutrix alumnos, & singulari charitate prosequitur, vt Pastor & Rector populos, ita vt in illis Christo possit respondere, *Tu scis. Domine quis amo te, &c.*

Videtur autem & non incongruè, dignioris excellentiæ, excellentiorisque dignitatis Pastorem pascere, regere, & gubernare, quàm gregem ipsum; Illa ergò, quæ Regem Regum, Dominum Dominantium, Pastorem Pastorum, Patrem Patrum, omnium viuientium Nutritorem, vniuersi Conditorum, & Rectorem, Episcopum animarum nostrarum concepit, peperit, aluit, rexit, & gubernauit, nonne & potioris prærogatiuarum iuris dignitatibus extolletur? Ita sanè, est enim Mater pulchræ dilectionis, & plus omnibus dilexit, plus Petro etiam, quæ vndecim amoris erga Christum gradibus supra omnes electos refulsit.

Dilexit enim Christum vt amicum, fratrem, & sponsum; dilexit, inquam, illum vt filium, primogenitum, & vnicum; dilexit iterum ipsum vt in natura assumpta sibi similem, omnibus virtutibus donis ac gratiis decoratum, & summum benefactorem suum; dilexit tandem eum, vt filia Patrem, & creatura Creatorem. His vndecim sacræ Virginis Deiparæ in Christum dilectionis gradibus, pretiosissima summæ & integræ Maternitatis eius dignitas valde commendatur. Reg. 18.

Primo namque gradu, amicitiam Ionathæ erga Dauid superauit; quæ non solum vestibus corporalibus, sed & propria carne illum induit, arma quoque dedit illi, quibus in passione cum dracone & morte præliaretur & vinceret: quando in lacte Nutritionis sanguinem administrabat salutaris passionis, fundebat in lactatione quod funderetur in passione; Quando, inquam, fluebat ex vberibus, quod flueret ex vulneribus, & in charitate non ficta fundebatur, quod

in charitate perfecta funderetur, copiosaque fiebat laetatio, vt copiosa fieret nostra redemptio; conglutinabatur tunc anima Virginis sanctissimæ animæ Christi, & diligebat cum plusquam animam suam, anima enim plus est vbi amat, quam vbi animat. O beati amici gaudete & exultate, lætamini in lætitia cordis vestri, & delectamini in gaudio animarum vestrarum, pretiosa in conspectu Domini beata hæc amicitia: Memoria vestra in compositione odoris facta opus pigmentarij in omni ore quasi mel memoria amicitia: huius, & vt musica in conuitio vini, in conuiuio lactis, & in conuiuio Regis bibentis vinum cum lacte suo. Beati qui vos viderunt & in amicitia vestra collocati sunt? quam infinitus est Thesaurus huius amicitia:, qui eo vsi sunt, sanè participes facti sunt amicitia: Dei, & amicitia: Matris eius Mariæ Virginis. Quis mihi dabit pæperculo esurienti fragmentulis conuiuij huius vesci, & de micis quæ cadunt de mensa Dominorum meorum saturari, O vtinam optatum veniat.

Arnoldus

Bortheus de

partu mul.

ægypti. c. 5.

Deliciosissimas ac tenerrimas secundi gradus exprimit ipsa delicias cum ait; *Quis mihi det te fratrem meum, &c. Sugentem vbera, &c. Vt inueniam te foris, & desulerte, & iam me nemo despiciat, &c.*

Plautinus & Plautininus vnico partu nati, ab obstetrice muliere ita mutuis amplexibus sunt ad inuicem constricti inuenti, vt primo intuitu vnicus crederetur natus infans, & in tantum exindè in vita sua dilexerunt se, vt in morte quoque non sint diuisi, vna die vita functi; vnoque sepulchro conditi, qui in vita cum vnus esuriret, alius quoque esurie premeretur, nec ridere poterat iste cum fletet alius: sed si hoc mirabile quidem in natura videre licuit, & si credere fas est; aliud sanè supra naturam mirabilius veneramur. In vtero namque Virginali naturam diuinam & humanam ita mutuis amplexibus copulatas cernimus, vt vnico partu Virgo benedicta Deum nobis protulerit & hominem, quem Virgineo Virginalium vberum lacte nutriuit, & toto beatissimæ Infantia: tempore mirabiliter gubernauit. Cum autem per communicationem idiomatum, quod de vno dicitur, de altero quoque referatur, sientè isto, flet & alius, comedente come.

comedit, esuriens esurit, patiente patitur, moriente moritur, vnicuique conduntur sepulchro; ut fratrem itaque diligebat, qui per eam, & ex ea frater noster fieri dignatus est, quam sororem appellat; *Veni, inquit, amica soror mea, &c.*

Tertio gradu, omnem sponsalem prorsus amorem excedit, nam cor vnum, & anima vna, & vna caro, erant Christus & Mater Virgo; cum ex cordis purissimi eius, purissimis eiusdem sanguinis guttis, cor sibi, & corpus Verbum assumpserit. Cum ergo ex corde Virginis, cor Christi assumatur; Quis denegabit Virginem cum Christo vnum cor extitisse? Inuenit Christus Mulierem secundum cor suum, quæ fecit omnes voluntates eius, etsi itaque nusquam Deus secundum cor nostrum inueniatur esse ob defectus cordis nostri; Mariæ solius priuilegium est immaculatæ, ut secundum etiã cor eius, Christus inuentus sit.

Quarto gradu, quintoque & sexto omnium matrum in filios amorem exuperavit, & nulla inter mulieres inuenta est similis illi, nec Sara in Isaac, nec Rebecca in Iacob, nec Anna in Samuelem, nec ea quæ fuit Vrië in Salomonem, nec ipsa, quæ pro filio coram Salomone contendebat, cuius commota sunt viscera super eo, simili amore exarsere, nec primam similem visa est, nec habere sequentem.

Septimo, octauo, denique & nono pariter gradu excelsit, cum enim similitudo in natura summopere amorem augeat; sicut Pater in Æternitate Filium per omnia sibi æqualem, secundum diuinitatem immensè diligit: sic amabat Christum Filium suum sibi per omnia in natura assumpta similem diuinissima Virgo.

Insuper, quod sanctus, innocens, impollutus, segregatus à peccatoribus & excelsior Cœlis factus, Spiritus sancti donis omnibus ac gratis exornatus, & plenitudine diuinitatis corporaliter etiam repletus erat Christus, eiusdem Beatissimæ Virginis Matris amorem summè illiciebat; Dilexit iterum illum, ut summum benefactorem suum, recolendo namque singularia summæ & integræ ac perfectissimæ Maternitatis suæ beneficia; Matris videlicet, Nutricis, Gubernatricisque Dei & Virginis perpetuæ, cernens

ic gaudia Matris habere cum Virginitatis honore, non potuit ab amoris impetu præpediri, nec amor Iacob in Ioseph, Patris Fratrumque benefactorem liberalissimum apud Ægyptum huic valuit comparari.

Amorem postremò Romanæ Mulieris erga Patrem, quem carcere detentum proprio lacte pavit, Virginis amor in Christum superavit. Nam Patrem simul & Creatorem, Deumque ac Dominum suum Virginali vtero nouem mensium tempore clausum, proprio sanguine nutriuit, ac Virginalium vberum lacte in cunabulis, aluit & educavit.

Sed & illum tandem ex toto corde, ex tota anima, mente, & viribus vt Deum suum dilexit, legisque amoris perfectissimè obseruantiam coluit: dùm submissionis, resignationis, conformitatis & transformationis Deificæ gradibus, in colenda charitate excelluit.

Cùm enim cor nostrum Deus ipse, non in pedibus, qui terram & lutum tangunt, ne terrenis affectibus implicetur; non in genibus, quæ ante Reges & Magnates flectuntur, ne diuidatur: non in manibus, quæ nummos aureos & argenteos solent tangere, tractare, & numerare, ne corrumpatur; non in medio corporis, ne cum corpore ipso moriatur; sed in capite collocarit, vbi anima principaliter residet, cuius tres potentie memoria, intellectus, & voluntas assignantur; Voluntatis verò actus, amor est, & amor sit proprie cor illud nobile quod requirit Deus; Sanctissima Virgo ex cuius corde, vt dictum est, Christus sibi cor quoque humanum assumpsit, ita vt amborum esset cor vnum & anima vna, vnde cum his dilectionis gradibus exornata, summam sanè charitatis perfectionem obtinuit; introduxit enim illam Rex in cellaria sua, & in ea ordinauit charitatem, vel vt aliis placeat, consummauit charitatem.

Et ecce quibus gradibus ad apicem diuinæ dilectionis ascendit, plus omnibus, sanè dilexit, quàm ergò dignè, quàm iustè, quàm meritoriè Dei Gubernatricis dignitate & prærogatiua decorata est?

Quàm piè, quàm sanctè Ecclesiæ Matrem & Gubernatricem quoque illam prædicamus?

O stupendam dignitatem? Deus Pater unicum cum Virgine habet Filium, sed in diuinitate per omnia sibi æqualem, cui non legem statuat, nihil præcipiat, nihil iniungat, nihilq; præscribat: Par enim in parem ius non habet; hic verò subditur ille Matri, qui æqualis est Patri. *Sit Nomen eius benedictum in sacula. Amen.*

*De pretiosissima Virginitatis Matris Dei
dignitate & prerogatiua.*

CAPVT VI.



AUDIA vera & plena integra & perfecta integræ & perfectæ Matris habet Maria sanctissima cum Virginitatis honore, nec primam similem visa est, nec habere sequentem, Reliquæ namque mulieres, ex quo esse Matres coeperunt, Virgines non sunt, & si Virgines permanferint Matres esse non possunt: Mariæ priuilegium est, non dabitur alteri; Gloria mea hæc est, ait, & gloriam meam alteri non dabo.

Gratias ergo tibi, ô sancta & immaculata Virginitas, quia nobiscum Deus, dictum est enim: *Ecce Virgo concipiet & pariet Filium, & vocabitur nomen eius Emmanuel, id est, nobiscum Deus.*

Virgo itaque concepit, Virgo peperit, Virgo lactauit, Virgo quem genuit nutriuit, curauit, educauit & gubernauit; Virgo Virginum præclara Matris dignitatem obtinuit, & Virginalem pudicitiam non amisit: Deum enim benedicta in æternum nobis protulit & hominem.

Reliquæ Virgines sequuntur agnum quocumque ierit, sequuntur, inquam, agnum sine macula, sed agnus ipse Virginem hanc sequitur vt Filius Matrem; si ergo reliquæ sequuntur, quibus laudibus (ait Bernard.) Iudicas dignam, quæ etiam præit? sequentes agnum illam sanè sequuntur, quam sequitur agnus.

Singulari itaque veneratione præ omnibus reuerenda

venit, quæ Angelos vincit puritate, & sanctos omnes superat pietate, ea nitens puritatis Virginitate qua maior sub Deo nequit intelligi: quæ tam iucundum in sua Virginitate Deo habitaculum preparauit, ac castè pietæque viuendo Spiritus sancti Templum effecta est, nec primam similem visa est, nec habere sequentem.

Reliquæ Virgines sequentes agnum, ab ipso trahuntur, iuxta illud: *Trabe nos post te, in odorem currimus virginitatum tuorum.* Trahuntur, inquam, diuinissimo ac suauissimo sponsi odore, ascenduntque ad illum sequentes ipsum: sed trahitur, & attrahitur ille Sponsus Virginum, pretiosissimo immaculatæ Virginitatis odore: De sinu Patris in sinum Virginis descendit, à summo Cælo egressio eius, vt ad Virginem veniret, & Filius Dei, Virginis quoque Filius fieri non dedignatus est.

Reliquæ Virgines ob Virginitatis dotem, cum Angelis comparantur: sed Virginum Virgo Maria, Angelos vincit puritate, in his maximè septem immaculatæ Virginitatis prærogatiuis.

1. Angelus purè spiritualis existens Virginitatem quidè seruat, sed non in carne: Virgo verò Deipara in carne mortali, eandem inuiolabili castitatis voto, ac virtute planè mirabili, fidelissimè, & integerrimè seruauit.

2. Simplicem tantum & unicam coluit Angelus Virginitatem, Spiritus videlicet & non carnis: sed Virgo Maria duplici corporis scilicet & animæ puritate enituit.

3. Angeli potuit maior sub Deo puritas inueniri, putæ, Virginis Deiparæ, decuit enim illam (vt ait sanctus Anselmus) ea puritate nitere qua maior sub Deo nequit intelligi.

4. Angeli denique in Cœlis: sed Maria etiã in terris puriorem Angelorum integritate Virginitatem coluit.

5. Angelus itaque sine victoria Virgo permanfit: sed Maria Virgo Deipara etiã coniugio, viro copulata immaculatæ Virginitatis palmam gloriosissimam adeptæ est.

6. Angelorum Virginitas semper sterilis extitit: sed glorioso fœcunditatis germine Virginitas Mariæ ditata, nobilitata, & decorata est, gaudia enim Matris habet cum Vir-

ginitatis honore, nec primam similem visa est, nec habere sequentem.

7. Tandem Virginitas ipsa Angelorum, non meruit, ut pro angelis Angelus Deus fieret, nihilque Deo ipsi quod non haberet contulit: sed Virgo nostra, Cuius Virginitas suo S. Bernardus -
mus Senensis. odore Verbum Patris attraxit, ut pro hominibus homo fieret, dedit (ut ait sanctus Bernardinus Senensis) æterno principio, inceptions exordium, æternitati diuinæ temporalem periodum, infinitati immensæ quantitatem corpoream, speciositati antiquæ pulchritudinem nouam.

Insuper omnia entia optimum ens, omnia viuentia optimum viuens, omnia sentientia optimum sentiens, omnia spiritalia optimum spiritale, omnia corporalia optimum corporale, omnes conceptiones optimum conceptum, omnes natiuitates optimum nascibile, appetebant. In Christo autem Virginis Filio, omnium adimpletum est desiderium creaturarum, ita ut cum Psalmista dicere liceat; *Omnis consummationis vidi finem*, prouisum est enim Mundo de vna foemina quæ unico suo partu, omnibus generibus rerum summam & ultimam perfectionem adduxit. Huc usque sanctus Bernardinus Senensis.

Sancta nunc & immaculata Virginitas, quibus te laudibus efferam nescio? sanè in Deipara Virgine, hæc Virginis perpetuæ & semper immaculatæ prærogatiua altissima est & superexcellentiissimæ dignitatis.

Quidam Sanctorum, ut ex Scripturis colligimus, serui Dei appellantur, alij Fratres Christi, alij amici, alij filij, alij tandem etiam Dij nominantur, sed Virgines, glorioso nomine sponsæ se gaudere gloriantur, sponsa namque cum sponso vna caro efficitur iuxta illud; *Erunt duo in carne vna*, &c. At verius est hoc de carne Christi, & Virginis Deiparæ asserere: Est enim Christus os ex ossibus Mariæ, & caro de carne eius. Deinde, si quis adhæret Deo, vnus spiritus efficitur cum illo, cum Filio Mater præ cunctis adhæserit: Iam non vna caro tantum, sed cor vnum & anima vna, vnusque spiritus Christi & Mariæ Virginis erit; at cum (ut supra memoratum est) qui iam Patrem habebat in æternitate sine

Matre, Matrem habere voluerit in tempore sine Patre, Virginem illam decuit esse, Virginitatēque oportuit eam colere, per quam bonis omnibus repleti sumus; vnde & amicam vnicam Columbā, totā pulchrā, immaculatā, sororem & sponsā vocat in Canticis; quam in Matrem elegit Virginem sanctissimā ipse Christus, ex quo Virginitatis prerogatiua summopere commendatur.

Tandem reuocando quæ diximus, Virgines dicuntur agnum sequi quocumque ierit, & quidem benè, Virgines enim sunt, nam licet quidam Sanctorum Christum vsque ad Crucem, alij vsque ad bonorum omnium expolationem, alij vsque ad verbera, ignes, carceres, & vincula, alij vsque ad propriæ pellis excoiationem, alij tandem vsque ad tertium Cœlū, vt Apostolus ipse, sequuti sint; Veruntamen verbum istud, *Quocumque ierit*, non paruum Virginum designat priuilegium, sed reuera Mater ipsa, quæ Virgo Virginum est, Gaudia Matris habens cum Virginitatis honore; quæ, inquam, Angelos vincit puritate, & sanctos omnes superat pietate, & quam decuit ea puritate nitere, quæ maior sub Deo nequit intelligi: Iustè & meritò vt Regina à dextris Filij astitit in vestitu deaurato charitatis, circumdata varietate meritorum immaculatæ Virginitatis: vsque ad Thronum ergo Sanctissimæ Trinitatis Filium sequuta est in Cœlis, quam in terris sequebatur filius ipse vt Matrem, vsque ad thronum integerrimę puritatis.

Continuatio & extensio Capitis.

QUod de gratiæ Mariæ Virginis plenitudine asserit sanctus Hieronymus, hoc & de eiusdem immaculatæ Virginitatis puritate duxi, & non incongruè, sentiendum. Gratia (inquit) cæteris sanctis per partes præstatur; in Mariam verò omnis gratiæ, quæ in Christo est, plenitudo venit quamquā aliter: sic puritas cæteris Virginibus, per gradus & partes præstatur, sed Virginem Deiparam decuit ea puritate nitere, quæ maior sub Deo nequit intelligi; Ergò

Spici. Hier.

omnem immaculatæ puritatis plenitudinem, quam Deus ipse puræ creaturæ conferre potuit, huic sacratissimæ Virgini conuenientissimè decuit contulisse; quod & quibusdam sacræ Scripturæ annotationibus euidentius patebit.

Nihil coinquinatum (ait Ioannes Apostolus) *intrabit in Regnum Cælorum*: Et benè quidem. Nam cum Deus sit prima summaque, ac æterna & immensa puritas, nihil coinquinatum admittit; Ideò Angelos Virgines in Cælo creauit, vt iugiter in conspectu diuinæ Maiestatis eius stantes, audirent verbum eius, & facerent voluntatem eius. Ideo quoque Christus, qui de Cælo venit, & super omnes est de Virgine natus, inter Discipulos ampliori dilectione Virginem Ioannem dignum effecit: cui Virgini Matrem Virginem in Cruce commendauit. Ideò insuper castos Apostolos elegit, qui dimissis vxoribus, si quis eorum cõtempore vxorem habuerit, iugiter in eius pariter conspectu starent, audientes verbum eius, & facientes voluntatem ipsius: Ideò tandem Ecclesiæ suæ Sacerdotes, castitatis cœlibatu & vocatione purissimi olei sacros esse voluit, & sacratos, vt ad instar Angelorum Dei, Apostolorumque Christi, in conspectu Diuinæ Majestatis diuinas laudes dignè persoluerent, sacramenta purissima purè administrarent, & sanctum sacrificium ac immaculatam sacratissimi Corporis Christi hostiam offerrent.

Ergò si propterea Angeli, Apostoli, & Sacerdotes, in conspectu Dei stantes, castissimi ita eligantur, vt licet etiam electi ipsi Apostoli, plurimis ac variis aliis vitiis, ante missionem & descensum Spiritus sancti, subiecti extiterint, vt in Petro, Thoma, Iuda proditore, filiis Zebedei &c. videre licet: nullus tamen illorum vitio libidinis subiacerit: quanta putamus immaculatæ puritatis dignitate excelluerit Virgo benedicta, quæ non solum iugiter in conspectu Dei, & Domini, sed & Filij simul sui dilectissimi stetit, & cui non tantum prouidè seruiuit, sedulo administrauit, ac humilem, sed & assiduum famulatum exhibuit, sed etiam ante cuius conspectum Christus ipse Deus noster in omni reuerentia stetit, vt Filius ante Matrem, cui Verbum ipsum propter nos

caro factum obediuit, cui seruiuit, cui administrauit, vt Filius Matri: Cuius ante sic conspectum in omni humilitate stando audiebat attentius verbum eius, vt diligentius faceret voluntatem illius? Sanè decuit Virginem illam sacram caputate nitere, qua maior sub Deo nequit intelligi.

Ad hæc sanctus Augustinus; Stabat Christus cum omni reuerentia & humilitate coram Matre Virgine, audiens verbum eius, vt faceret voluntatem illius. Sed quis intellectus capere sufficit, quæ, qualia, & quanta fuerunt inter eos colloquia? quàm amabilia? quàm dulcia? quando in Matre imperante fulgebat Virginitas, & lætabatur fœcunditas: in Filio obediente ac subdito apparebat humanitas & lætabatur diuinitas? quantum vel quale illud erat Deificum ac Virginalē consortium, non dico nostrum, sed & omnium Angelorum excedit intellectum. Hactenus sanctus Augustinus.

Insuper, in diuinis, Spiritus velut sterilis & infœcundus cernebatur. Solus enim Pater generat Verbum; Pater denique & Verbum produciunt Spiritum sanctum, qui velut à Patris & Verbi fœcunditate alienus videbatur, donec in Mariam superueniret, ac in ea Sacrosanctum Incarnationis mysterium & ipse fœcundans Virginem operaretur, ac in ipsa tantarum virtutum donorumque & gratiarum germina produceret; sicque in Virgine ipsa sacra mirabili fœcunditatis germine, & ipse quodammodo floreret.

Tandem Virginitate ipsa Mariæ sanctissimæ vera salutis libertate donati sumus, quod & in figuris Deus ipse olim Abraham promiserat; quando à seruitute dura Ægypti, libertatem populi Israël ei prædixit. *Scito, inquit, prænoscens, quod peregrinum futurum sit semen tuum in terra non sua, & subiicient eos seruituti, & affligent quadringentis annis. Verumtamen gentem cui seruituri sunt, ego indicabo. Et post hæc, egredientur cum magna substantia, tu autem ibis ad Patres tuos in pace, sepultus in senectute bona; Generatione autem quarta reuertentur huc, &c.* Mysterium autem hisce verbis naturæ salutiferæ libertatis per Christum ex Maria Virgine ortum prædictum agnouimus; prima etenim generatio fuit in Adamo
sive

sine Patre, & sine Matre, secunda in Eua à viro sine muliere tertia in nobis à Patre & Matre, quarta vero in Christo Domino à muliere sine viro, qua vero salutis libertate donati sumus, itaque vt ait Apostolus, non sumus amplius serui, sed liberi, qua libertate Christus nos liberauit.

*Conclusio Capitis, continuationisque,
& extensionis eiusdem.*

O Certè stupendum Virginitatis Mariæ Miraculum. O miræ virtutis immaculatæ puritatis Deiparæ portentum mirificum! In via primi hominis cunctes electi, hoc est, in iniquitatibus concepti, & in peccatis, quibus vnumquemque illorum concepit mater sua inuenti, ibant, & flebant mittentes semina sua, quarta autem hac virginea & foelicissima generatione prædicta reuertentes, & venientes, veniunt cum exultatione, portantes manipulos suos, redemptique à miserabili seruitute peccati, iam non sunt hospites & aduenæ, sed ciues Sanctorum, & domestici Dei.

S. Hieron.

Hoc fecit Dominus nouum super terram, quod Propheta prædixerat, & mulier circumdedit virum, verè nouum (vt ait sanctus Hieronymus) & omnium nouitatum supereminens nouitas virtutum, quando Deus quem ferre non potest mundus, neque videre aliquis, vt viuere possit, sic ingressus est hospitium ventris Virginis, vt corporis claustrum nesciret; sicque gestatus, vt totus Deus in eo esset, & sic exiuit indè, vt esset, sicut Ezechiel sanctus testatur porta omnino clausa, &c.

Pulchrè autem Ioannes Apostolus, Virgo iste dilectus Discipulus, cui Virgini Matrem Virginem Christus Virgo in Cruce commendauit, Virginis Sanctissimæ Deiparæ, immaculatæ puritatis foecunditatem & foecunditatis Virgineæ eiusdem Virginalem integritatem demonstrat, quando Virginem ipsam sacram sole amictam se vidisse testatur.

Signum magnum, inquit, apparuit in Cælo, Mulier amicta sole, &c. Sol namque Virgo permanens, nec vnquam aliū solem sibi similem in natura generans, omnia foecundat, &

1. The first of these is the fact that the
2. the second is the fact that the
3. the third is the fact that the
4. the fourth is the fact that the
5. the fifth is the fact that the
6. the sixth is the fact that the
7. the seventh is the fact that the
8. the eighth is the fact that the
9. the ninth is the fact that the
10. the tenth is the fact that the

11. the eleventh is the fact that the
12. the twelfth is the fact that the
13. the thirteenth is the fact that the
14. the fourteenth is the fact that the
15. the fifteenth is the fact that the
16. the sixteenth is the fact that the
17. the seventeenth is the fact that the
18. the eighteenth is the fact that the
19. the nineteenth is the fact that the
20. the twentieth is the fact that the

21. the twenty-first is the fact that the
22. the twenty-second is the fact that the
23. the twenty-third is the fact that the
24. the twenty-fourth is the fact that the
25. the twenty-fifth is the fact that the
26. the twenty-sixth is the fact that the
27. the twenty-seventh is the fact that the
28. the twenty-eighth is the fact that the
29. the twenty-ninth is the fact that the
30. the thirtieth is the fact that the

à Patre mendacij prouenientes, in vniuerso mundo interem-
mit, &c.

Quando tandem eum, qui ait, *Ego sum via, veritas, & vi-
ta*; Virgineo partu mundo edidit, omnem hæreticam praui-
tatem à via veritatis, à veritate Dei, & à vita æterna ab-
errantem, fugauit, extinxit, & interemit.

Veniant nunc hæretici, eius intercessionis meritum, vir-
tutem, & efficaciam, sanctorumque orationum auxilia reii-
cientes; ipsi quoque conculcati, confutati, & contriti pe-
nitens, ac interempti iacebunt, ait enim Christus; *Pete Ma-
ter mea, non enim fas est vt auertam faciem tuam: Quidnis &
quæ est petitio tua, etiam si dimidiam partem regni pesseris da-
bitur tibi*; hæc namque à Salomone & ab Asluero Regibus
Matri & Sponsæ dicta in figuris, vt ait Apostolus, *contin-
gebant*, quæ in veritate, in Christo, & in Virgine Matre ad-
impleta extiterunt.

Quanam infœlicitate donata est tunc, quando ad cœ-
lestem patriam à filio euecta, astitit Regina à dextris ipsius
Regis Regum filij sui, in vestitu deaurato consummatæ cha-
ritatis, circumdata. Varietate meritorum, vt non sibi, nec
os quidem aperire liceat, pro suis orare, nec quidquam à
filio pro electis viatoribus petere, quæ in huius vitæ statu, &
spiritualem sanctificationis Baptistæ Præcursoris gratiam,
sua præsentia, sua voce, suoque beatissimæ Visitationis be-
neficio, attulit; & vinum non habentibus in nuptiis Galileæ,
corporalem Christi gratiæ amplitudinem, largamque bene-
dictionem sua intercessione obtinuit?

Num nunc illam cum filio regnantem roganti posset ita
respondere? Ne me depreceris, cum enim adhuc essem in
valle lachrymarum; ita eram fœlix, potensque, & beata, vt
quidquid à filio meo peterem, obtinerem: nunc verò, ex
quo ad eius dexteram sedeo, ita infœlix, impotens, misera,
& miserabilis euasi, vt nec quidquam petere audeam, nec
vllam amplius virtutem habeam obtinendi; hoc certè est
absurdissimum, & nefas omninò cogitare.

Petit Petrus, petierunt Apostoli à Christo sanitatem.
Socrus eiusdem Simonis, quæ tenebatur magnis febribus, dicitur

enim; Et rogauerunt illum pro ea; ipseque statim imperauit fe-
bri & dimisit eam. Petierunt item & rogauerunt pro Chanaana
dicentēs; *Dimitte eam quia clamat post nos*: Et ipse postula-
tum concessit, sic item pro Centurione & petierunt, & ro-
gauerunt; *Dignus est ut hoc illi prestes; diligit enim gentem
nostram, & ipse Synagogam adificauit nobis, &c. Et sanatus est
subito puer Centurionis*; Cū, inquam, essent Apostoli ad-
huc peccatores, erant etiam deuotissimi & foelicissimi pre-
catores, nunc verò nonne o foelicitate illa deciderunt? O
nefarij homines hæretica sua prauitate, Matrem Dei, San-
ctosque cœlestis patrię ciues, tanta infœlicitate percentes,
tantæque blasphemia ferientes.

Petierunt Dæmones à Christo facultatem intrandi in
porcorum corpora; *si eiicis nos, inquit, mitte nos in por-
cos*, & concessum est illis. Petiit item, Diabolus licentiam
& potestatem affligendi Iob, & obtinuit.

Petiit & rogauit Diues Epulo, cū adhuc esset in tor-
mentis pro quinque Fratribus; Perunt (inquam) qui non
sunt de hoc mundo, qui non sunt de corpore nostro, de
membris Christi, de eius Ecclesiâ; & hæc ipsa potestas,
gratiaque petendi & orandi pro salute fratrum & amicorum
denegabitur sanctis? absit. Ab hoc Mater Dei non priua-
bitur beneficio petendi, cui dicitur; *Pete Mater mea: non
enim fas est ut auertam faciem tuam.*

Plures ergo intercessionis mediatores erga vnicum Re-
demptorem & redemptionis mediatorem habet Ecclesia,
sed hæretici sanctorum merita abiicientes, vt solum Chri-
stum quærentes inueniant, diaboli vestigia sequuntur, & eius
doctrinam sectantur. Qui solus legitur solum ipsum Chri-
stum in deserto ieiunantem inuenisse; Alibi enim Christus,
vel in societate dilectissimæ Matris & sancti Iosephi, vel
in medio Doctorum in Templo, vel cum Apostolis, ascen-
dendo & descendendo ad turbas, &c. Inueniebatur, nunc
verò in Cœlis regnantem, in cuius conspectu vidit dilectis-
simus Discipulus, *turbam magnam, quam dinumerare nemo
poterat, ex omni tribu & populo, & lingua, & natione, &c.* So-
lū illum quærare, vt inuenire contingat, hæreticorum est

carnem Filij hominis, & biberitis eius sanguinem, non habebitis vitam, &c.

Mulier ergo prima per esum fidem perdidit, dùm verbis diaboli credidit ; Mulier secunda verbis Angeli fidem dedit, & fructum vitæ accepit, concepitque de quo dicitur, *Benedictus fructus ventris tui* ; cuius Sacramentalem corporis Communionem, post missionem Spiritus sancti in dies dignissimè sumpsit, & cuius tanti, tanque salutiferi Sacramenti fidem, in cordibus fidelium firmissimè ac sanctissimè suæ virtutis, pietatisque, deuotionis, & sanctitatis exemplo conseruauit.

Itaque ex quo, ait Apostolus, *beneficentia & communionis nolite obliuisci, talibus enim hostiis promeretur Deus*, ad imitationem Virginis glorioſæ, fideles impolluto ore, immaculata anima, incontaminata fide, ac deuotione integra, ad tanti Sacramenti sumptionem accedunt.

Hæretici verò infidelitatis & hæreticæ prauitatis tenebris obuoluti, se spiritaliter tantum memoriā & commemorationem celebrare, sine vlla realitatis veritate ; sine, inquam, vlla veritatis realitate verborum Christi, Catholico, ac verissimo sensu abutentes se spiritalem huius Sacramenti recordationē colere gloriantur, contra quos, ait ipse Christus ; *Caro mea verè est cibus, & sanguis meus verè est potus ; qui manducat & carnem meam bibis meum sanguinem, habet vitam eternam.*

Sensus namque verus & Catholicus verborum Christi, (*hoc facite in meam commemorationem*) non realitatis veritatem excludit ; immò ipsemet veritatis realitatem constituit. Sicut enim manna, quod erat in arca, & arca ipsa, & virga Aarón, & tabulæ legis ; erant sui ipsius viua ac vera memoria, cùm populus per illa ad memoriam reuocabat beneficia sibi à Deo per arcam ipsam legemque & virgam collata : sic in Eucharistia, corpus Christi est sui ipsius memoria, & recordatio. Sicut Petri per eius præsentiam hodiernam quem olim vidi, agnoui, & dilexi, recordor. Sic solent homines per eundem solem hodiernum, cuius luminis & caloris beneficio fruuntur, eiusdem cuius item lumine & calore

calore diebus præteritis poterantur recordari: quibus patet quomodo corpus Christi sui ipsius sit memoria, &c.

Cum autem in coena hæreticorum nulla veritas sit realitatis, nullaque realitas veritatis præsentia corporalis Christi; benè assimulantur ei, qui in lecto suo media nocte undique tenebris densissimis obuolutus, diei præterita, solisque recordatur: hæc est, & talis celebratur in coena hæreticorum commemoratio corporis Christi alienari à veritate Dei, sicut alienus est à Sole qui eius media nocte recordatur.

Assimilantur item rebellibus his, qui Regem suum ad se venturum sentientes, & litteris servitutis iura offerentes, maiestatis autem præsentiam abhorrentes, per nuntios sic loquuntur: *O Rex Serenissime! Dominum nostrum te ac Regem esse scimus, tibi libenter servitutis nostra iura offerimus, sed tuam corporalem præsentiam apud nos volumus; Maneas ergo in Palatio tuo Regio, in Regia ipsa ciuitate tua, tantum mente, & spiritu ad nos venias, & non corporaliter; si enim veneris omni te probro, despectu, & ignominia afficiemus.* Ita hæretici de Christo sentiunt, dum illum sic ad dexteram Patris ascendisse dicunt, & sic ibi manere asserunt, ut nullomodo hic etià apud nos corporaliter esse possit; & licet se Christianos, Christianique speciales seruos nouæ reformationis secta profiteantur: Ita tamen horrendo in Eucharistiam odio, corporalem eiusdem Christi præsentiam prosequuntur, ut illam omni irreuerentia usque in præsentem diem affecerint: canibus namque Sacramenta corporis Christi proiecerunt cum Donatistis, Ecclesias ad vastitatem reduxerunt, altaria destruxerunt, vasaque sacra horribiliter prophanauerunt, nostra enim tempestate talia horribilia vidimus.

Nos autem Catholici carnem ex Virgine semper immaculata à Verbo assumptam in Eucharistia adoramus & cum Christo ipso dicimus; *Et ecce plusquam Salomon hic: Salomon enim omni sua sapientia, ac potestate Regia, non potuit duabus matribus pro vnico filio coram se contendentibus, vnicum filium ipsum sine diuisione tribuere, Afferte, inquit, mihi gladium, diuidite infansem, &c.* Christus enim

& seipsum viuum Ecclesiæ triumphanti, in qua sedet ad dexteram Dei Patris, & Ecclesiæ pariter militanti, in qua à fidelibus plena ac vina fide in Eucharistia adoratur, mirabiliter dedit, quando dixit; *Ascendo ad Patrem meum, &c. Et ecce ego vobiscum sum omnibus diebus vsque ad consummationem sæculi.* Vnde sanctus Pater Augustinus super illud quod ait Saluator. *Vidistis cælum apertum, & angelos ascendentes & descendentes super filium hominis.* Si ad eum (ait) ascendunt & ad illum descendunt, profectò & sursum est, & hic est, nullo enim pacto fieri potest, vt ad illum ascendant, & ad eum descendant, nisi & ibi sit, quo ascendunt, & hic pariter sit, quo descendant, &c.

Ab sit ergò quòd in ipsa sua nequitia temerè & impudenter verborum Christi sensum verum peruercentes, audent affirmare hæretici, videlicet spiritualiter tantum, hoc est, mente, non verò corporaliter Christum in Eucharistia contineri iuxta illud. *Verba quæ ego loquor vobis, spiritus & vita sunt: caro non prodest quidquam, &c.* Spiritualitas namque realitatem non excludit; Immodò ipsiusmet realitatis veritatem verba Christi stabilire & confirmare cognouimus.

Sic enim anima mea, quæ spiritus est, in corpore meo spiritualiter est, spiritualiter (inquam) simul & realiter, cuius quidem reali præsentia & motum & sensum operationemque mouendo, sentiendo, & operando, me habere ostendo. Ita est de Christi reali præsentia in Eucharistia; Diuinitas namque spiritus est, anima, spiritus est, corpus spiritale est. *Est enim, ait Apostolus, corpus animale, & est corpus spiritale: seminatur corpus beatorum animale, surget corpus spiritale, &c.* Corpus autem Christi resurrexit, ergò corpus spiritale est.

Deindè quatuor spirituum beatorum dotibus ab ipso primo Incarnationis Dominicæ instanti, dotatū, & ditatum extitit, erat enim vnitum animæ Christi beatæ, vnde & claritatis in Thabor, & sublimitatis in Natiuitate, & in Resurrectione, & agilitatis, quando ambulauit super aquas, & impassibilitatis, quando per medium illorum, qui illum volebant lapidare, transiens illæsus ibat, dotibus Christus vsus est.

Cum ergo in Christo omnia sint spiritualia, verbum verò veritas sit & vita; Caro autem & anima Christi sint Verbo unita, verissima sunt verba Christi, quibus ait; *Verba, quæ ego loquor vobis spiritus & vita sunt*; quibus cum spiritualitate realitas ipsa corporalis præsentia suæ in Eucharistia firmissimè stabilitur.

Caro itaque ut carnem accipiebant carnales Capharnaïtæ, caro, inquam, simpliciter humana, non unita Verbo, nec sancti Spiritus caractere insignita, non prodest quidquam: Sola caro Verbi nobis profuit, & quantum profuerit ex his, quòd Christus ipse pro nobis in carne passus est, maximè declaratur. Omni ergò reuerentia, omni honore, omnique adorationis cultu, sacrum Christi corpus in Eucharistia fideles venerantur, & ad illius sumptionem, tanto auiosiori fidei ardore, tantaque pietatis, ac deuotionis feruentiori auiditate accedunt: quanto illius præsentiam realem maiori odio hæretici persequuntur, & iustè, ac præ, nam omnia cum seipso, quando seipsum in Eucharistia sacra nobis dedit, Christus ipse donauit.

Corpus etenim, & sanguinem, animam, & diuinitatem, nobis tribuit, & cum corpore omnium corporalium bonorum nobis, hoc est, laborum, sudorum; ieiuniorum, peregrinationum, poenarum, & amarissime passionis tormentorum, communicationem tribuit. Cum sanguine verò, eius virtutis & meriti pondus, id est, remissionem peccatorum, (cùm ex Apostolo non sit peccatorum remissio absque sanguinis effusione) misericorditer nobis concessit. Vnde Angelicus Doctor, de his, quæ per Eucharistia sumptionem remittuntur, doctissimè scripsit.

Cum anima denique, animæ eiusdem sanctitatis (hoc est) omnium virtutum, scilicet humilitatis, patientiæ, castitatis, abstinentiæ, liberalitatis, clementiæ, charitatis, benignitatis, mansuetudinisque, & reliquarum fidelibus cõsortia dedit.

Et tandem cum ipsa diuinitate sua, attributorum illius, omnipotentia videlicet, sapientiæ, bonitatis, misericordiæ, iustitiæ, &c. Ineffabili planè ac inaudita diuini eius amoris erga nos largitate, largiri dignatus est. Ita ut omnia quæ

habuit, mira liberalitate cum sciplo nobis donauit, quibus patet, quam aptissime Cœnam Eucharistiam ipsam sacram appellauit, *Homo quidam*, ait, *fecit Cœnam magnam, &c.* Summo etenim mane ientaculum petitur, deinde prandium expectatur, postea collatio postulatur, postremo cœna ipsa præparatur, & cœna facta nihil aliud sumendum proponitur, sed ad lectulum pergitur, vt in ipso sua vnusquisque quiete potiatur.

Deus in creatione optimum homini ientaculum dedit, quâdo in escam omnia volatilia cœli, pisces maris, bestiaeq; & fructus terræ illi præparauit. In Incarnatione autē splendidissimum eidem prandium præstitit, quando eius naturam assumpsit, & diuinę consortem naturæ hominem ipsum effecit. In passione collationem denique præbuit, quando pro illo pati dignatus est, sed in Eucharistia sanè cœnam illi magnam fecit, in qua omnia quæ habuit distribuit, & nihil amplius dandum sibi referuauit: In hac vita, tantumque superest beatitudinis æternæ æterna ipsa quies, æternæque quietis fructio beata.

Merito ergo cum summa reuerentia, honore ac deuotione ad Eucharistię summptionem accedunt fideles, ex quo sciunt totum Christum Deum verum & hominem in ea contineri, qui etiam Dominus Dominantium, & Rex Regum est delicatissimus, qui minimam, etiam venialis culpæ maculam voluntariè admissam abhorret, sicut quidam Reges, ob parulam in fuscule Regio deprehensam Muscam, illud accipere renunt; merito, inquam, omni qua possunt deuotionis ardore, ac pietatis feruore accedunt; quia, ait ipse: *Vtinam calidus, vel frigidus esses, sed quia tepidus es, incipiam te euomere de ore meo*: Ex quò denique, ex Scripturis. Didicerunt Virginem Deiparam quam gratiâ plenam Angelus salutauit, non sola gratia ad receptionem Christi in se corporaliter, sed speciali Spiritus sancti aduentu digrè præparatam à Spiritu ipso sancto extitisse, iuxta illud: *Spiritus sanctus superueniet in te, &c.*

Nouerunt etiam, Apostolos non sola gratia, amicitia, instructione & benedictione Christi dispositos ad sacramen-

talem & quotidianam Eucharistiæ celebrationem, quibus dixerat: *Vos amici mei estis, &c. Iam non dicam vos seruos, sed amicos, &c. Omnia quæ didici à Patre meo nota feci vobis, &c. Eleuatis manibus benedixit eis, &c.* Sed Spiritus sancti descensu qui etiam corporaliter in illis habitaret, in die sacra Pentecostes; Itavt nullum legamus ante Pentecosten Apostolorum celebrasse, nullumque fidelium sacram Eucharistiam sumplisse.

Immo Spiritus ipse sanctus, qui priuatè in Incarnatione in Virginem superuenerat, sicut solent quandoque Reges in priuata persona ad suos dilectos visitandos in domum illorum descendere, cum ipsis priuatè cœnare, &c. ut plenius digna fieret Virgo ipsa sacra, semper benedicta, semperque immaculata, Eucharistiæ quotidiana sumptione, in die ipso sacratissimo Pentecostes; cum omni Majestatis diuinæ gloria regiòque apparatu in eam descendit, & iterum superuenit.

Fideles quoque ipsi in ipso nascentis Ecclesiæ exordio, per Baptismi Sacramentum gratiam plenissimam recipiebant, sed insuper visibiliter super eos descendeat Spiritus sanctus, ut dignos illos efficeret quotidianæ Eucharistiæ sumptione ad quam baptisati admittebantur, ut in Actis Apostolorum legitur.

Ergo, quasi gratia non sufficeret, sed Spiritus sancti præsentia ad dignam tanti Sacramenti Sacramentalem communionem esset congruentissimè requisita, Spiritus sanctus in baptisatos quotidie communicaturos descendeat, non ergo mirum sit tanta, tamquæ frequenti Sacramentali confessione purgari curant communicaturi fideles, ne in ipsis Christus inueniat, quod ipsius oculis displiceat.

Omnium credentium & quotidie communicantium fidelium erat tunc cor vnum & anima vna. Erant enim perseverantes in doctrinâ Apostolorum, & communicatione fractionis panis, & orationibus quotidie, perdurantes vnanimiter in templo, & frangentes circa domos panem, sumebant cibum cum exultatione & simplicitate cordis, collaudantes Deum & habentes gratiam ad omnem populum, erantque illis

omnia communia, &c.

O stupendam Eucharistiæ diuinæ virtutem, o aureum seculum, o cæteræ ælicem & beatam nascentis Ecclesiæ æratem, & dignè communicantis Christiani populi sortem.

Tunc, vt etiam nunc sicut in æternitate essentia diuina sine vlla sui ipsius diuisione tribus diuinis personis communicatur; Ita in Eucharistia sancta, sacrum Christi corpus ab omnibus fidelibus integrum accipitur, cum absque vlla sui diuisione scissura, aut fractione totum tribuitur, nulla namque rei sit scissura, signi tantum sit fractura, in partitione hostiæ, qua nec status, nec statura signati minuitur.

Et sicut Pater essentiam diuinam non partialiter, sed totam Filio totamque item Spiritui sancto, & sic totam ambobus quod etiam vnicuique amborum totam communicat: Ita corpus Christi sic totum omnibus, quod totum singulis fidelibus in Eucharistia communicatur. Sicut insuper Pater cum Verbo Spiritum sanctum amorem producit: Ita Verbum cum humanitate in Eucharistia hoc Sacramentum amoris producit.

Et sicut, vt dictum est, productio in diuinis ita ad Spiritum Sanctum terminatur, vt ultra ad intra non progredia- tur: Ita omnia sic in Eucharistia cum seipso nobis Christus dedit, vt nihil ultra dandum retinuerit, quæ summam planè erga nos charitatem suam commendauit.

Sicut iterum non solum sine sui diuisione, sed etiam sine diminutione, se totam ita personis diuinis communicat essentia diuina, vt sibi ipsi tota maneat: Ita est de corpore Christi in Eucharistia; sumit enim vnus, sumunt mille, quantum isti tantum ille, nec sumptus consumitur.

Tandem sicut in æternitate ipsa Pater sibi per omnia æqualem Filium generat secundum diuinitatem: Ita Christus hoc Sacramentum instituit, vt secundum humanitatem filios sibi similes, hoc est, per imitationem suarum virtutum humilitatis videlicet, amoris, patientiæ, mansuetudinis, castitatis, abstinentiæ, liberalitatis, &c. Quarum in nostra humanitate exemplum dedit nobis, generaret. Vnde ait;

Discite à me quia mitis sum & humilis corde, exemplum dedi vobis, ut quemadmodum ego feci, ita & vos faciatis; &c.

Cum autem ex Virgine sacra, hanc Christi carnem habeamus sacratissimam, cum (inquam) nobiscum habiteret Deus, propter nos homo factus, ex intacta & semper immaculata Virgine Maria, iuxta Prophetam, qui dixerat; *Ecce Virgo concipiet & pariet Filium, & vocabitur nomen eius Emmanuel, id est, nobiscum Deus*: iuxta quoque Ecclesiæ oraculum, quo dicitur, *nobis natus, nobis datus, ex intacta Virgine, &c.* apertissimè Sacramentariorum Hæreticæ prauitatis interemptricem illam appellamus. Fuit namq; sacratissima Virgo, velut pera Pastoralis veri nostri David, in qua simul & panis lapis asseruabantur; David enim misit manum in peram pastorem, & lapidem funda iecit, percussitque Goliath in fronte, & *Petra antemerat Christus*, ait Apostolus.

Denique subcinericius panis, de quo Iudicum capite se primo legitur, qui descendens in castra Madiam, tabernacula eorum subuerit, percussitque, ac terræ penitus coæquauit; Victoriam Ecclesiæ Catholicæ præsignabat, quam per sanctissimam Virginem, ab initio de Hæreticis gloriosissimè reportauerunt fideles.

Extensio & Continuatio Capitis eiusdem.

Deuicta itaque, euersa funditus, dissolutaque, ac penitus interempta sacramentariorum hæresi, pari triumpho, virtute confimili, & æquali gloria, illorū quoque hæreses cōpressit sanctissima Virgo Deipara; qui sacras Christi Redemptoris, eiusdēque Virginis gloriosæ, ac Sanctorum Imagines confringebant, reliquias exurebant, locaq; diuino cultui sacrata, impia prophanatione omni honore spoliabant.

Reliquiam namque hanc diuinissimam, viuam, & integram (corpus Christi videlicet) quod in Eucharistia adramus nobis dedit: eumque qui est Imago Dei viuētis, splendor paternæ gloriæ, figura substantiæ eius; & Imago bonitatis illius, Virgineo partu mundo edidit Iesum Salua-

Sensus ergo primi textus est, vt pro Deo non habeantur, & latraria, qua solus Deus colitur, non adorenturque supra allata sunt.

Reuera, si hæreticus Moysen genuflexo ante arcam & Cherubinos orantem vidisset, Prophetam, vt idololatram condemnasset, arcam fregisset, & euertisset, Cherubinos confregisset, propitiatoriumque penitus comminuisset.

Apostolus autem ait, *omnia in figuris contigisse*, ergo arca figura erat & imago humanitatis Christi, vel Virginis Dei-paræ, sicut & serpens erat imago & figura passionis Christi, & exaltationis eiusdem in Cruce, iuxta illud, *Sicut exaltauit Moyses serpentem in deserto: ita exaltari oportet filium hominis*; Imagines verò illæ miraculis, portētis, ac prodigiis, & signis claruere, vt ex his quæ per arcam & serpentem patrauit Deus, patet in Scripturis.

Miraculis item innumeris enituit naturalissima illa corporis Petri Imago, vmbra scilicet eiusdem; nam vt in Actibus Apostolorum legitur, fideles, *In plateis ponebant infirmos, vt saltem transeunte Petro vmbra illius obumbraret quemquam illorum, & sanabantur ab infirmitatibus suis, &c.*

Etiā infideles ipsi magno honore arcam affecere, vt in libris Regum legitur, serpentemque æneum tantis miraculis famosum Iudæi ipsi ita votis extulere, vt adorarent illum, vnde & Ezechias tandem confregit eum.

Nos autem Catholica religione, imagines veneramur Sanctorum, Reliquiasque sacras, & ossa illorum preciosa reueremur, quia ab initio ita Deus fieri voluit, & per illa miracula operari innumera dignatus est, &c.

Cum ergo mulier sit imago viri, & os ex ossibus eius iuxta illud, *Faciamus ei adiutorium simile sibi, &c. Hoc nunc os ex ossibus meis, & caro de carne mea, sit a Deo serpenti, inimicitias ponam inter te & mulierem, &c. Ipsa conteret caput tuum*; non mirum si tanto odio ossa Sanctorum prosequatur diabolus, & si per membra sua (per Hæreticos) scilicet, illorum Reliquias & Imagines maximè mulieris illius eius capitis interemptricis armis confringendas & pedibus equorum conculcandas, vt in bellis nouissimè atque combu-

rendus, cernimus factum totis conatibus, tota rabie, totoque suo infernali flatu, procureret.

Indè meritò sacratissimæ Virginis Deiparæ membra Deus ipse diu in sepulchro iacere non est passus, ne Draconis spurcissimo halitu illa impiissimè prophanaret hæreticâ prauitas, sed assumpta est in Cœlum Virgo beata, & exaltata est super Choros Angelorum, &c.

De ea dictum est serpenti, *Ipsa conteret caput tuum: & in insidiaberis calcaneo eius.* Exindè calcaneo inuidet, & insidiatur Diabolus, osque calcanei odit, etiam & calceum quo calceatur abhorret, de quibus Spiritus sanctus, *Quam put- chri sunt gressus tui in calceamentis, filia principis.*

Sanctissimus virorum ex muliere natorum Ioannes ita calceamenta, & calceamentorum Christi corrigias venerabatur, vt diceret; *Non sum dignus corrigiam calceamentorum eius soluere*, qui tanta obseruantia calceamenta venerabatur, quali quantoque honore ossa corporis fuisset veneratus, ex dictis eius facilè coniicitur.

Quid plura? Deus ipse curam sollicitam de capillis Sanctorum suorum gerere cernitur: *Capilli*, inquit, *capitis vestri omnes numerati sunt; & capillus de capite vestro non peribit, &c.* quantò magis de ossibus? Si enim superflua corporis sunt illi, ita chara, & minutissimæ capillorū reliquiæ ita ipsi pretiosæ extant; quantò magis anima ipsa & corpus, corporis-que ossa?

Nolite, inquit, *portare aurum in Zonis vestris, &c.* quasi dicat; *Vestimenta vestra sunt sacra, & Zona ipsa, quibus vestes colliguntur, & corpus cingitur pretiosissime, aurum vero de mundo est prophanum, nolite ergo sacris prophana iungere.*

Exindè legimus in Actibus Apostol. quòd Zona Pauli, sudaria & semicinctoria eius à fidelibus super infirmos ponebantur, qui curabantur omnes. Denique:

Dum Israelitæ ipsi, in exitu Israël de Ægypto omnes ad vasa aurea & argentea, ad inanes, & annulos, ac diuitias Ægyptiorum currebant, iuxta præceptum quod dederat illis Moyses, dicens: *Petat vir ab amico suo, & mulier à vicina sua, omnia vasa aurea, &c.* Moyses ipse non ad ea, sed ad

sacra ossa Ioseph cucurrit, & ea secum in terram promissionis asportauit, vt tanti sanctissimique Patriarchæ reliquiarū virtute populus in tali peregrinationis labore consolaretur, & tandem non in Ægypti prophanationis terrā, sed in terra illa sancta promissionis religiosissimè collocarentur.

Ossa Elisei Prophetae tantæ virtutis exitere, vt & mortuum à mortuis excitarent.

Et de Sepulchro Domini, sic prædixerat Propheta, & erit sepulchrum eius gloriosum: Miracula quippe innumera bilia ad sepulchrum Redemptoris patrata sunt.

Quæ omnia cum per Christum Virginis Filium, Virginalis vteri fructum, & vberum Virginalium Mariæ alumnum, sint operata, & à Virgine ipsa sacra nobis tanta virtutum signa & gratiarum beneficia habuerimus, cum ab ipsa Christum accepimus: per eam meritò sanctæ Ecclesiæ fides exaltatur, & omnis hæretica prauitas contrita, dissoluta, interempta, ac penitus conscissa, & comminuta asseritur. Indè per totum orbem terrarum sancta cantat Ecclesia; *Gaude Maria Virgo, cunctas hæreses sola interemisti in vniuerso mundo, &c.*

Tandem exindè loca sacra, in quibus & sancta Eucharistia adoratur, & sacrae Reliquiæ Sanctorum religiosissimè asseruantur, eorundemque sanctissimæ Imagines omni deuotione venerantur, tum ab ipsa pietate Catholica, tum ex sacrae Scripturæ testimoniis, norunt singulari cultus diuini honore honorare fideles.

Licet enim Ieremias in lacu cœni, Daniel in lacu Leonū, tres pueri in camino ignis, Iatro in Cruce, Iob in sterquilinio, Susanna in horto, & balneo, ad Deū orauerint, Deumque vbique orationibus flectere sit optimum, iuxta Prophetam dicentem; *In omni loco dominationis eius benedic anima mea Domino, &c.*

Veruntamen, Petrus & Ioannes ascendebant in Templum ad horam orationis nonam, ter item in anno omnis masculus in eodem Templo, in quo erant Arca, Virga Aaron, Tabulæque Legis, preciosissimæ Veteris Testamēti Reliquiæ, apparere tenebatur, & de eo dicitur Deuteronomij 16. *Non*

poteris immolare Phasem in qualibet urbium tuarum, quas Dominus Deus tuus daturus est tibi, sed in loco quem elegerit Dominus Deus tuus, ut habites nomen eius ibi, &c.

Si ergo figuræ tantus honor exhibetur, quanto magis veritati? Locus ergo in quo non solum nomen Dei inuocatur, sed Filius Dei verus colitur, corpus Christi adoratur, Matris Dei, & sanctorum auxilia implorantur, ac eorum Imagines, reliquięque deuotè venerantur? de quo habetur Genes. 28. *Quàm terribilis est locus iste! verè non est hic aliud, nisi domus Dei, & porta celi, &c.* honore honorandus est.

In sola Piscina Ierosolymitana cœci, claudi, & aridi, sanabantur, dùm descenderet Angelus, & aqua moueretur, &c.

Non in fluuiis Damasci Abana & Pharphar, sed in solo Iordane Naaman Syrus à lepra mundatus est. Non soluebat calceamento in omni loco Moyses, dùm loqueretur ad Dominum, sed de cuiusdam loci sanctitate, ait illi Deus, *Solue calceamenta de pedibus tuis, locus enim in quo stas, Terra sancta est, &c.* Et de alio loco ait Iacob, *verè locus iste sanctus est, & ego nesciebam, &c.*

Ex his pater clarissimè quomodo Deus ipse sibi peculiariora quodque loca eligat, in quibus & mirabilia sua operetur, quæ etiam voluit speciali pietatis honore venerari.

Abeant ergo hæretici, interempti, & contriti, ex quo enim à Virgine Deipara omnis benedictionis, sanctitatis, & pietatis fontem & authorem Christum accepimus proiecti sunt cum Serpente antiquo, cuius caput validè ipsa contriuit, & ex quo per eam salus credentibus apparuit, cunctas hæreses sola in vniuerso mundo interemit.

Conclusio Capitis, continuationisque
& extensionis eiusdem.

NON solum aperuit os suum hæretica prauitas in blasphemias ad Deum, blasphemare nomen eius, & tabernaculum eius, & eos qui in cælo habitant, sed & in ipsa nequitia ac impietate sua, etiam sæuit in mortuos, & Ecclesiam Dei pro mortuis orantem, impiissimè persecuta est.

Sed hanc quoque hæresim valide interemit Deipara Virgo quando peperit & aluit Christum Redemptorem quem pro viuis & defunctis in Eucharistia offerunt quotidie Sacerdotes.

Ex Virgine namque habuimus vnde non solum & vitia nostra purgentur, & fidelium iusta desideria compleantur, sed vnde & mortui è purgatorio liberati, in patriam cælestis beatitudinis gloriose introducantur.

Vidi, ait Ioannes Apostolus, subtus Altare Dei animas intersectorum propter verbum Dei, &c. Vbi notandum, quod animarum defunctorum quædam supra altare, quædam verò subtus altare, quædam tandem contra altare Dei esse leguntur. De primis scribitur. *Alius Angelus venit, habens thuribulum aureum; & data sunt illi insensa multa, ut daret de Orationibus Sanctorum omnium super Altare aureum, quod est ante Thronum Dei.*

De secundis dicitur, *Vide subtus Altare Dei animas intersectorum propter verbum Dei.* De tertiis verò habetur, *qui non est mecum contra me est.* Per primos itaque, sancti intelliguntur, nullo indigentes solatio, & summo iam perfruentes bono, in quorum memoriam Deo Ecclesiæ ædificantur, Altaria construuntur, & sacrificia super Altaria offeruntur. Per secundos animæ fidelium Ecclesiæ suffragia postulantes designantur; Per tertios verò animæ reproborum & hæreticorum, quibus nulla est spes ad æternam salutem denotantur.

Exindè cum omnia in figuris antiquitus contingerent, non sine mysterio ter Noë columbam ex Arca emisisse legimus: cum enim per arcam Ecclesia figuretur, per columbam

eiusdem Ecclesiæ suffragium non incongruè designatur. *Noë itaque aperuit fenestram arce, & emisit Columbam, quæ cum non inuenisset ubi quiesceret pes eius, reuersa est ad eum in arcam. Expectatis autem ultra septem diebus aliis rursum demisit Columbam ex arca, at illa venit ad eum ad Vesperam portans ramum oliuæ virentibus foliis in ore suo.* Et intellexit ergo Noë, quod cessassent aquæ super terram, expectauit nihilominus septem alios dies, & emisit columbam, quæ non est reuersa ultra ad eum. Ita in Ecclesia, cum pro defunctis emittitur ad Deum suffragium, si suffragium illud inuenerit animam hæretica prauitate damnatam, vel aliquo alio mortali vitio æterna beatitudine priuatam, ad orantem, seu eleemosinas facientem vel ieiunantem, & aliquod opus bonum, pro animabus defunctorum in gratia patrantem, reuertitur.

Reuertitur item si animam iam æternæ beatitudinis præmio laureatam inuenerit, sed portans ramum oliuæ virentibus foliis in ore, id est, beati, tali suffragio non egentes & in tuæ charitatis apud Deum deprecanti, fideli viatori benignè beneficium rependentes, singularem à Deo ei obtinent aliam gratiam: quòd si anima pro qua suffragium emittitur, in purgatorio sit, tum amplius non reuertitur, inuenit enim ubi quiescat & pascat, &c.

Et hic est tertius locus, in quo fidelium animæ, iuxta fidem Catholicam purgantur, & à quo sæpius fidelium viatorum suffragiis liberantur.

Cum enim omnis res bene ordinata habeat inter duo extrema, medium suum, ut est inter album & nigrum viridus, cinericius, & rubeus color, in hisque sunt obiectum visus: ut etiam est falsum, grassum, & mordicans, inter amarum & dulce. In hisque sunt obiectum gustus. Ut est pariter tepidum, inter frigidum & calidum; in hisque sunt obiectum tactus: Ut est denique mediocris cantus inter altissimum & infimum eantum, in hisque sunt obiectum auditus, ut est tandem rosa, liliū, & balsamum, inter foetorem nimium & odorem foetidissimum in hisque sunt obiectum odoratus. Ut est inter mane & Vesperæ meridies, inter Creatorem & creaturam rationalem charissimus mediator Dei & hominum

homo Christus Iesus. Inter Redemptorem ipsum & hominem peccatorem redemptum, mediatrix misericordissima Maria Virgo Deipara, ita inter paradysum beatorum & in infernum damnatorum est purgatorium fidelium defunctorum, de quo Genes. 3. & 37. figuræ habentur, & Isaïæ 4. Michæ 7. Zachar. 9. Psalm. 65. 16. 15. 29. 8. 5. Cor. 3. Math. 22. & 12. Machab. 2. Tob. 4. Baruc. 3. 1. Cor. 15. Act. 2. ad Philipenses 2. Ephes. 4. & Hæbræorum plurima ac varia habentur.

Hæresim autem, qua Ecclesiæ suffragiorum merita defunctis denegantur, Virgo Deipara omnium fidelium Mediatrix potentissima penitus extinxit, quando Christum viuorum & defunctorum redemptorem, spoliatores inferni, mortis destructorem, & verum animarum liberatorem, nobis genuit, nutriuit, & educavit, ex ea enim, & per illam habuimus sacrificium redemptionis Christi, quod Christus Sacerdos secundum ordinem Aaron semetipsum primus obtulit cruentatum, & sacrificium religionis in Eucharistia quo seipsum item obtulit incruentatum secundum ordinem Melchisedech.


Sicut autem pro omnibus viuis & defunctis mortuus est, in cruce semel: sic pro eisdem in Eucharistia offertur quotidie. Sacrificium enim Eucharistiæ est applicatiuum sacrificij crucis; nam quemadmodum quotidie indigeo applicatione luminis Solis, vt oculis, quæ in mundo sunt, videam, per semetipsum autem sol ipse applicat se quotidie oculis meis; sic oblatione Eucharistiæ quotidiana, id est, applicatione quotidiana oblationis crucis indigeo ad salutem; Christus verò (vt supra ostensum est) per semetipsum id operatur; qui, vt ait Ecclesia; *Altare, Hostia, & Sacerdos noster est.*

Vnde sanctus Augustinus in Enchirid. ait: *Sacrificia sue s. Augusti Altaris, sue quarumcunque fidelium elemosynarum, pro baptisatis defunctis omnibus offeruntur; nam pro valde bonis gratiarum actiones sunt; pro non valde malis propitiationes sunt: pro valde malis, & si nulla sint adiumenta mortuorum, tamen qualescunque viuorum consolationes sunt.*

Cum itaque per fructum benedictum benedictæ Virginis
Deiparæ, tales, ac tantos salutis fructus habeamus viuis
ac defunctis vtilis: non incongruè acceptam ab ea gra-
tiam agnoscimus; Immo merito per ipsam omnem hære-
ticam prauitatem interemptam asserimus, iuxta Ecclesiam
dicentem; *Gaude Maria Virgo, cunctas hæreses sola intere-*
misti in vniuerso mundo.



AD



AD SANCTISSIMAM
VIRGINEM
 DEIPARAM
 PRO CONCLVSIONE
 HVIVS TRACTATVLI.

ORATIO.



E decet laus, te decet Hymnus (VIRGO SANCTISSIMA) Tibique merito nostrum redditur omne votum, ex quo Virgineo partu, benedicta in aeternum Deum nobis & hominem dedisti.

In omnem terram o vtinam exeat nunc sonus vocis meae, & in fines orbis terrae verba mea dilatentur, cum summa & integra Maternitatis tuae prerogatiuas, dignis nominibus, dignisque honorum titulis exprimere gestio.

In benedictionibus dulcedinis suae me dilectus Filius tuus Dominus meus Iesus Christus praeuenire dignatus est, quando hanc ipsam tuam summam sanctamque integram & perfectam Maternitatem, quatuor miris prerogatiuatam excellentiis, de

quibus hoc Tractatulo tractatum est decoratam colere docuit, cæterisque colendam proponere ac prædicare incitavit.

A mea certe ipsa exiguitatis exilitate, à meis (inquam) tenebris, nulla vis, nulla lux, nullaque virtus prodire potuisset, qua in tantæ dignitatis prærogatiuarum notiâ hæc exhiberem, nisi per te adfuisset, quem ex te totus mundus habuit, qui est lux vera illuminans omnem hominem venientem in hunc mundum.

Inter singularia igitur gratiarum tuarum dona, inter præcipua donorum tuorum beneficia ac beneficiorum testimonia, numero aliquid de tantæ dignitatis integritate cognoscere, & in aliorum utilitatem chartis potuisse consignare.

*Veni ergo, ô dilecta, & me hoc nouo dono tuo bea,
& da, ut iugiter in me legantur à te,
qua hic legentur à tuis.*





TRACTATVLVS

SECVNDVS.

DE SVAVISSIMO LACTEÆ
Educationis Saluatoris Mysterio; In quo vera,
integra, & perfecta ac summa sanctissimæ
Virginis Genitricis Dei Mariæ Mater-
nitas, dignis proponitur hono-
ribus veneranda.

AD TRACTATVLI COMMEN-
dationem Prefatiuncula.



QVOD in singulis totius Opusculi Tracta-
tulis pertractare pertentamus, ad inte-
gram, & perfectam, sanctamque, ac sum-
mam, sanctissimæ Virginis Genitricis Dei
Mariæ Maternitatis integræ gloriam per-
tinet, ideo sanctum est, & singulari pietatis
affectu venerandū, proindeq; in legendo,
deuota attentione dignum, sed maximè quod in hoc secun-
do, ex sacrâ Scripturâ, & sanctis Patribus collectum com-
pegimus. Lactando etenim filios suos, Mulieres integram
integræ Maternitatis gloriam consequuntur.

Sed quia animalis homo non percipit ea quæ sunt spiritus Dei,

& qui secundum carnem sunt, quæ carnis sunt, sapiunt; non carnalibus, sed spiritualibus hic Tractatulus legendus proponitur.

Soluat ergo calceamenta de pedibus, & inuolucra ponat cogitationum carnalium, qui accedere concupiscit: de sinu enim, de pectore, de vberibus, de lacte, de blanditiis, de osculis, de amplexibus sermo noster est.

Sed fidelis reuerà sermo, & omni acceptione dignus, qui de sinu Virginali, de sacro immaculatæ Virginis Deiparæ pectore, de lacte Virgineo, de Virgineis vberibus, de Virgineis osculis, castissimisque amplexibus, ac blanditiis est, quibus Virgo Mater, Verbum ipsum propter nos caro factum demulcebat.

Pietati itaque animæ hominis spiritualis, accurata commendatione Tractatulus conceditur: sanctum enim dare canibus, & seminare margaritas ante porcos, iuxta Saluatoris sententiam prohibemur.

Piissime, LECTOR, securus accede, vt enim (a^r. Brucherius.)

*Ioannes Bru-
cherius Tre-
centis Mona-
chus Cisterf.
Cant. 3. priorum
Carm. in Nat.
Dom.*

VIRGO saluiferum cunctis lactauit IESVM,

Lactauit cunctis, Virgo saluiferum.

Quem peperit Virgo, Qui Virginis vbera suxit,

Ortu laetificat cuncta creata suo.

Lac Virgineum, non venenum inuenies, quo inebriatus Virgineo potu lactantem Puerum cum eodem Brucherio. in his maximè temporum calamitatibus, ac beliorum tempestatibus sic salutabis.

Sancte puer salue supremi gloria secl'i,

Omnigeni salue, fons, & origo boni,

Qui potes atque soles amissam reddere pacem,

Christicolis tanto consule Christo bono.

QUANTO PIETATIS ARDORE,
 quantoque deuotionis affectu, suauissimum
 lactæ educationis Saluatoris Mysterium,
 sancta Ecclesia prosequatur.

CAPVT PRIMVM.



Fine vsque ad finem, sapienter, sua-
 uiterque disponit omnia sancta Ma-
 ter Ecclesia, in ritu maxime diuini
 cultus, quo, à prima primi mensis,
 vsque ad ultimam totius anni diem,
 per singulas horas in Hymnis, Psal-
 mis, & Canticis spiritualibus bene-
 dicit Deum, sed præcipuè quando de
 beata lactatione Saluatoris, fideli-
 bus, laudis thema specialis, spe-

cialiter proponit.

Incarnationis simul & lactationis beatissima mysteria
 iam olim venerabatur Ecclesia, dum velut sponsa ad spon- Cantic. v.
Ecclesia, my-
sterium bea-
tissimi lacta-
tus Saluatoris
semper est ve-
nerata.
 sum clamabat; *Osculetur me osculo oris sui, quia meliora sunt*
uera tua vino, fragrantia unguentis optimis. Et iterum. *Quis*
mibi det te fratrem meum, sugentem ubera Matris meæ, ut inue-
niam te foris, & deosculer te, & iam me nemo despiciat, &c. In
 lactatione namque foris inuenitur infans ex utero natus, de-
 osculaturque, amplectitur, ac inter ubera collocatus, omni-
 bus à Matre blanditiarum delectamentis delinitur.

Per Incarnationem itaque, datus est nobis à Patre, iux-
 ta illud; *Sic Deus dilexit Mundum ut Filium suum unigenitum*
daret, &c. Per Natiuitatem verò, natus est nobis ex Matre,
 vnde Prophetæ; *Parvulus datus est nobis, & Filius natus est*
nobis, &c. Sed in suauissimo lactæ educationis mysterio,
 non solum à Matre Virgine, sed & ab hominibus visus est,

& cum illis conuersatus est.

Sola Virgo in penetralibus erat, sola sine comite, sola sine teste (vt ait sanctus Ambrosius) quam nemo virorum videret, solus Angelus reperiret, quando Verbum de Spiritu sancto concepit.

In Natiuitate item, apparuit quidem benignitas & humanitas huius Saluatoris nostri Dei, sed tunc a Matre tantum, à Iosepho Sponso, & Pastoribus quibusdam visus est.

*Christus antea
velut abscon-
ditus, in lactea
educationis sua
suauissimo mys-
terio, ab Eccle-
sia est agnitus,
& ab ea am-
plectatus.*

In lactea autem educatione, Ecclesie propositus est, ab ea agnitus, amplexatus, & deoscularus, vt videre licet in adoratione Magorum, in Purificatione Virginis Matris, secundum Legem Moyse, quando à Simeone, & ab aliis iustis in Templo visus est & adoratus est.

Sancta ergo Mater Ecclesia non inuili profectu, sed mirabili affectu suauissimum beatissimi Redemptoris lactatus mysterium veneratur, his maximè temporibus, quibus infantie eiusdem augustissima sacramenta recolendo, talibus vitur verbis:

*Fano iacere perulit,
Præsepe non abhorruit,
Parnoque lacte pastus est,
Per quem nec ales esurit.*

Item, beata viscera Mariæ Virginis quæ portauerunt æterni Patris Filium, & beata vbera quæ lactauerunt eum, & iterum, Saluatorem sæculorum, ipsum Regem Angelorum, sola Virgo lactabat vberem de Coelo plenum; Et tandè, O gloriosa Domina, excelsa super sydera, qui te creauit prouidè, lactasti sacro vberem.

*In suauissimo
lactatus Salua-
toris mysterio
summam, &
integram. B.
M. V. Ma-
ternitatem ve-
neratur Eccle-
sia.*

Sed & in eodem Mysterio suauissimo summam, sanctamque integram, & perfectam lactantis Virginis Maternitatè, pari deuotione reueretur, cum ait, Gaudia Marris habet, cum Virginitatis honore, nec primam similem visa est, nec habere sequentem. Et cum hæc verba Mariani Cantici recitat, *sic mihi magna qui potens est, &c.* Clarum est enim magna Virgini benedictæ huic, Deus ipse fecisse cum illam

non dimidiatam, nec partitam, aut diuisam, sed integram & perfectam Matrem Verbi sui, hoc est, Matrem simul & Nutricem, ac Gubernatricem, Virginitatis gloriæ permanentem, effecit.

In hoc tandem Mysterio suauissimo, honor sanctæ Ecclesiæ sponsæ, iuxta testimonium Scripturæ allatum; *Quis mihi dedit te fratrem meum, sugentem ubera Matris meæ, ut inueniam te foris, & deosculer te, & iam me nemo despiciat*, tantorum sæculorum sub figuris & vmbis absconditus, cœpit manifestari.

*In suauissimo
lactica educa-
tionis Saluato-
ris sancta Ec-
clesia à despe-
ctu purgatur,*

Tunc enim Pastor Iudæus, Gentilis Magus, Iudæa & Galilæa; immò, & Ægyptus Christum agnouit, & ex his omnibus gloriosam sibi Saluator ipse adhuc paruulus & lactans, Ecclesiam exhibuit, non habentem maculam, aut rugam, aut aliquid huiusmodi, quam ex tunc totam pulchram, & amicam; sororem sponsam, & immaculatam appellauit; quæ ergo sub tantorum sæculorum vmbis velut despecta, & figurarum obscuritatibus abscondita, iacens videbatur despecta, nunc gloriôsa exhibetur Christo, dum Virginico sinu ipse excipitur, Virginali ubere lactatur, Virginico pectore fouetur, & omnibus à Virgine Matre fidelibus proponitur adorandus.

QVANTA PECVLIARI DEVO-
sione, quidam Summi Pontifices, suauissimum
Virginei lactatus Saluatoris Mysterium colue-
rint. Ac proinde sacratissima sanctissima Vir-
ginis vbera laudibus extulerint.

CAPVT II.

*Christus ipse,
 plurimique alij
 Summi Ponti-
 fices ex lactea
 educatione Sal-
 uatoris, sacra-
 tissima sancti-
 ssima Vir-
 ginis vbera
 summis laudi-
 bus extulere,*



CHRISTVS IESVS, Aeternus Ponti-
 fex futurorum bonorum, Episcopus
 animarum nostrarum, Sacerdos in
 æternum secundum ordinem Mel-
 chisedech, Pontifex, inquam, noster
 innocens, impollutus, segregatus à
 peccatoribus, & excelsior Cœlis fa-
 ctus, ipse est primus, qui immensa,
 immensa bonitatis, & charitatis di-
 gnatione, sacratissima sanctissimæ Virginis vbera, & in illis
 suauissimum lacteæ educationis suæ Mysterium gloria, & ho-
 nore, specialibusque laudum præconiis adeo euexit, vt
 quasi cum admiratione dicat. *Quam pulchræ sunt mamma*
tua, soror mea sponsa? pulchriora sunt vbera tua vino; duo
vbera tua sicut duo hinnuli gemelli, capree, qui pascuntur in li-
liis, &c. Statura tua assimilata est palma; & vbera tua bo-
tris. Dixi, ascendam in palmam, & apprehendam fructus eius,
& erunt vbera tua sicut botri vineæ, &c. Ecce qualibus &
quantis, à Christo Domino Pontifice Summo & primo,
 laudibus euecta, ac gloriosis honorum titulis glorificata
 sint, ob diuinissimum eiusdem beatissimi Saluatoris lacta-
 tum, sacratissima sanctissimæ Virginis Mariæ vbera. Exinde
 & nos beata illa dicimus, & sacrosanctum Mysterium præ-
 fatum inter præcipua Redemptionis nostræ sacramenta
 computamus.

Inno-

Innocentius III. Papa, pius & doctissimus vir huius deuotionis suauitate affectus, Hymnum composuit de Christo & beatissima Matre, quem recitantibus populis certas, ac magnas, (vt ibi habetur) contulit indulgentias, & in quo Virginem ipsam sacram, Christumque dulcem eius Filium simul & alumnum alloquens, hæc duo Incarnationis videlicet & lactationis mysteria venerando, sic ait;

*Sancta parens Iesu Christi,
Electa sola tu fuisti,
Esse Mater sine viro,
Et lactare modo miro, &c.*

*Christe Fili summi Patris,
Per amorem tuæ Matris,
Cuius venter te portauit,
Et te dulci lacte pauit,
Te per ipsam oro supplex, &c.*

Innoc. III. Papa in Hymno de Christo & B. M. V. post lib. 6. operum eius. & ante 3. lib. de contemptu mundi.

Ecce quò pietatis zelo mouebatur piissimus Pontifex summus iste, erga sacrosancta nostri instituti mysteria, vnde patet; nos nihil nouum tradidisse, sed ad maiorem Christi Redemptoris nostri paruuli, atque lactantis gloriam, hoc nostro Opusculo antiquam Summorum Pontificum pietatem eorum vestigiis inhærendo, coluisse.

Xistus IV. ex sacro Minorum ordine assumptus, sacram, *Xist. IV.* venerandamque Diuæ Virginis imaginem, Virginei lactatus Saluatoris mysterium referentem, vt tractatulo de miraculis dicitur, adeò coluit, vt sæpius summis votis, pro pace inter summos Principes Christianos impetranda, ante illam prostratus oraret, quam in templo S. Mariæ de Pace in vrbe, à se ædificato collocatam, illustrissimis Ecclesiæ Lateranensis Canonicis Regularibus, quotidianis laudum exercitiis reuerendam, tradidit, & sanctam Mariam de Pace *Leo X.* nominauit.

Leo X. voluit vt totum Officium Horarum Canoniarum

Urbanus VIII.

per verba hæc terminarentur, Et *beata ubera quæ lactauerunt Christum Dominum*: propterea orationem illam quam ipse composuit, quæ incipit, *Sacrosancta*, &c. in fine Horarum recitantibus, defectus, & culpas in soluendis horis, ex humana fragilitate contractas piâ, & Apostolica liberalitate indulgit.

Urbanus tandem Octauus, huius suauissimæ deuotionis erga præfatum beatæ lactationis Saluatoris Mysterium, mira suauitate affectus, in reformatione metricarum precum Ecclesiastici Breuiarij, voluit, vt quod antea in temporis præteriti memoria venerabatur, temporis mutata circumstantia, à cunctis fidelibus mysterium in temporis præsentis veneratione recoleretur, dum in Hymno qui incipit;

O gloriosa Domina, &c.

Hæc verba, *Qui se creauit prouidè, lactasti sacro ubere*:

Ita mutari & recitari mandauit;

Qui se creauit prouidè, lactante nutris ubere:

Quasi vellet pius Pontifex fideles omnes, ante oculos mentis, Mysterium hoc sacrum, iugiter velut præsens habere, & in hoc, Melleus idem Pontifex, sacrarum suarum apum mella, quodammodo Virginei lactis sacrorum vberum sanctissimæ Virginis cœlesti dulcedini, ita sua in prædictum beatæ lactationis Saluatoris mysterium pietatè immiscuit, vt exinde, fidelibus quasi Cataplasma quoddam salutis, & miræ pharmacum virtutis composuerit.

**PAUCA EX MVLTIS DE SV-
 nissimo Virginei lactatus Salvatoris Mysterio,
 in figuris Scripturarum adumbrata,
 dilucide aperiuntur.**

CAPVT III.



QUANDO Deus Pater vnigenitum Filium suum nobis donauit, nonne etiam cum illo omnia nobis donauit? benedixit nos in omni benedictione: celesti, in Christo Filio suo dilecto, & per illum etiam adhuc lactentem & sugentem vbera, bonis omnibus repleti sumus.

Benedictionem Domini super populum suum, maxime cum ante eius conspectum paruuli & sugentes vbera congregantur, videre licet ex Propheta dum ait; *Canite tuba in Sion, &c. Congregate paruulos & sugentes vbera, &c. Quis scit si conuertatur & ignoscat Deus, & relinquat post se benedictionem? Et respondit Dominus & dixit populo suo, Ecce ego mittam vobis frumentum, & vinum & oleum, & replebimini in eis. &c.* Si ergo illi paruuli & lactentes, ita grati Deo extitere, vt propter innocentiam, simplicitatem ac puritatem eorum, Deus ipse populo ignosceret, & tantis ditarentur temporalibus bonis qui infantium & lactentium tanquam murum iræ Dei innocentiam opponerent; Quanto magis nunc in Vnigenito Filio Dei adhuc vbera sanctissimæ Virginis lambente verificatum est, quod in istis tanquam in figuris adumbratum erat? *Omnia enim in figuris*, ait Apostolus, *continebant*; Notum sit ergo omnibus nobis, & omni plebi, quoniam Dominus Iesus, etiam adhuc paruulus & lactans, fons est & origo omnis benedictionis, iustitiæ & boni, qui ita Deo Patri gratus extitit, vt omnem eius iram placaret, reatum nostrum deleteret, ac omnibus nostris, tum spiritualibus,

Christus lactans iram Patris placauit.

K ij

tum corporalibus necessitatibus subueniret. Quod ut infra videbitur, iam adimpletum in die ablationis eius in templo veneramur, verè per puerum istum (ut latius infra patebit) paruulum atque lactentem bonis omnibus repleti sumus.

Leuit. 22.

Christus lactans
oblatio Patri
grata.

Bos, Ovis, & Capra, ait Scriptura, cum genita fuerint septem diebus erunt sub vbere Matris sue, die autem octauo & deinceps offerri possunt Domino, &c. Assumitur ergo de sub vbere Matris oblatio munda, quæ deinceps sit Domino acceptabilis & grata; omnia autem ista in figuris facta sunt, per hæc ergo, aptissime designatur ille, de quo scribitur; *Tanquam ovis ad occisionem ductus est, & sicut Agnus mansuetus coram tendente se, non aperuit os suum*; Et, de quo dicitur, *Fuge dilectem me, assimulare caprea, &c.* Qui post lactationis septimum diem, in die octauo circumcisis, sanguinem preciosissimum Patri pro nobis obtulit in salutem, tunc re verà dilectus ille candidus & rubicundus extirrit. Candidus in lacte nutritionis, & rubicundus in lacte circumcisionis sanguine; Deinceps autem & quadagesimo maximè à Natiuitatis die, de sub vbere Matris, digna Deo Patri hostia; dignum; inquam, quod deinceps & in cruce, & in Eucharistia pro redemptione generis humani Domino offeratur, assumitur holocaustum, ut tandem per illud Deo reconciliari, & sine timore de manu inimicorum nostrorum liberati, seruiamus illi.

1. Reg. 7.

Temporibus
lactis educa-
tionis Christi in
templo oblatus,
agnus ipse re-
demptor omnes
Patri recon-
ciliavit.

Tulit Samuël agnum lactantem vnum, & obtulit illum holocaustum Domino, & exaudiuit eum Dominus, &c. *Et factum est cum Samuel offerret holocaustum Philistiim iniere praelium contra Israël, intonuit autem Dominus fragore magno in die illa super Philistiim, & exterruit eos, & cæsi sunt à filiis Israël, &c.* Præclare hoc sacræ Scripturæ testimonio, in figuris adumbrata virtus agni immaculati patet, agni, inquam, illius de quo loquebantur sancti Patres cum dicerent; *Emitte Agnum, Domine, Dominatorem terræ, &c.* De quo Baptista sanctus; *Ecce Agnus Dei, ecce qui tollis peccata mundi*; qui adhuc sacratissima sanctissimæ Mariæ vbera sugens, Patris iram fregit, infernorum exercitum dissipauit, peccati tyrannidem dissoluit, ac mundi huius omnem exterruit potestatem. Unde pie, ait Augustinus, timeant Reges ad Patris dexteram

iam sedentem, quem Rex impius timuit adhuc Matris vbera lambentem: de H. rode loquitur, qui puerum quæsiuit ad necem, & iam timebatur à malis cum quæreretur à Magis, à quibus inuentus est sub vbere Matris. *Ex ore infantium,* ait Psaltes, *& lactentium perfecisti laudem, ut destruas inimicum & ultorem:* At cum non sit pulchra laus in ore peccatoris, & omnes indigeant gratia Dei à minimo vsque ad maximum, etiam infans cuius est vnus diei vita super terram, benè de Christi Infantis & lactentis persona, Propheta sanctus intellexit, quod dixit ex cuius ore laus perfecta profuit, per quem Angeli omnes Deum laudant, adorant Dominationes, tremunt Potestates, Cœli Cœlorumque Virtutes, ac beata Seraphin, socia exultatione concelebrant, cum quibus & nos, nostras voces cum coniungimus, per eum intra exauditionis & veræ laudationis sacrarium, admittimur.

Quam pulchra laus est in ore iusti huius infantis & lactentis qui est speculum sine macula, splendor paternæ gloriæ, figura substantiæ Patris, & Imago bonitatis illius, à voce laudantis pueri illius destruxit Deus Pater inimicos & ultores, Diabolum, Mundum, Carnem, & Peccatum, nouà planè nundum arte delusit puer iste adhuc lactens & sugens vbera dum Patri in die oblationis eius & purificationis Matris, secundum Legem Moyse, se pro nobis obtulit, in Mundo erat, & Mundus per ipsum factus est, & Mundus cum non cognouit, solus ille ipsum agnouit qui cum esset in Mundo, de Mundo non erat & iustus describitur, apparuit tunc in carne Dei Filius vt dissoluat opera Diaboli, qui quæsiuit illum ad necem per infantium & lactentium occisionem, sed extunc super aspidem & basiliscum ambulauit, & conculcavit Leonem & Draconem puer & lactans Christus.

Christus lactans, noua mundum arte delusit.

**NONNVLLA SACRÆ SCRIP-
tura Testimonia de Marialibus Nutritiis,
quod sacra Virgo (vberē de cœlo pleno) quem
de Spiritu sancto concepit , & peperit Saluato-
rem nutrierit, assumuntur, & breuiter applicata
explicantur.**

CAPVT IV.



VM Nutritia, præmia & mercedes dicantur,
quæ Nutricibus pro lactatione filiorum Prin-
cipum & aliorum assignantur in suauissimo la-
ctæ educationis Saluatoris mysterio, benè &
congruentissimè sacratissimæ Virgini præmia
debentur, quod sola, vberē de cœlo pleno, Virgo post par-
tum nobis lactauit, quem de Spiritu sancto, Virgo ante par-
tum concepit, Virgoque in partu peperit nobis; Nobis ita-
quē datus, nobis natus ex intactâ Virgine sit in primis mer-
ces eiusdem intactæ, & semper immaculatæ Virginis, qui
olim Abrahæ dicebat; *Noli timere, Abraham, ego Protector
tuus sum, & merces tua magna nimis; Et cui sancta Ecclesia lo-
quens, ait, Deus tuorum militum, fors, & corona, præmium, &c.*
Cui etiam Doctor Angelicus dicenti sibi, bene scripsisti de
me Thoma, quam ergo mercedem accipies? Respondit, non
aliam, nisi te Domine. Sit, inquam, ille prima Corôna,
prima Merces, primum diuinum, ac summum præmium
sanctissimæ Virginis.

Sed quoniâ alia à nobis etiam in figuris adumbrata Scri-
pturarum illi debetur merces; omnia quæ infra continen-
tur, & tractantur ad honorem & gloriam verę, integrę &
perfectæ Maternitatis eius, pro præmiis & mercedibus ei
ut debentur (dignè assignantur) & offeruntur humillimè.

Nutritia autem Diuæ Virginis benè adumbrata celebran-

Genes. 15.

Deus ipse mer-
ces B. M. V.
quod Christum
lactarit infan-
tem.

tur, in Exodo, quando filia Pharaonis eductum Moysen puerum de aquis quem sibi in Filium adoptauit; Mulieri Hæbreæ lactandum & nutriendum tradidit, dicens; *De Infantibus Hæbraorum est hic, accipe puerum istum & nutri mihi, ego dabo tibi mercedem tuam*: Ibi enim de lactea nutritione, & de mercede Nutricis agitur, omnia autem in figuris contingebant, per Moysen Christus, & per Mulierem Hæbreæ Matrem simul & Nutricem eius, sanctissima Virgo, iuxta mentem Seraphici Doctoris designatur: sed quid illi pro mercede dignum dare poterō? Iam non rogo illam, si forte dignabitur medietatem de omnibus quæ in hoc Opusculo præparauit sibi assumere, sed potius sibi omnia tanto ac tam naturali iure debita tanquam ab ea mihi concessa pro, Marialibus Nutritiis simul cum Filio suo Iesu Christo benedicto offero.

Exod. 1.

S. Bonan.
in 1. l. 1.
Tob. 12.

Risum Sara sterilis quasi pro mercede accepit, quando Isaac quem Abraham peperit, etiam lacte suo nutriuit; Vnde ait; *Risum fecit mihi Deus & quicumque audierit corridebit mecum, quis auditurus crederet Abraham quod Sara lactaret Filium, quem peperit ei iam seni?*

Genes. 21.
et.

Et Anna illa Mater Samuëlis replebatur consolatione & superabundabat gaudio, lactando Filium suum, vt nec illū quidem absentem vnus licet diei & horæ spatio à se sustinere posset; Vnde, *Non vadam*, ait, *donec ablactetur infans, &c. mansit ergo Mulier*, inquit Scriptura, *& lactauit Filium suum donec amoueret eum à lacte*: Risus autem isti, hæ consolationes, gaudia ista præclara, erant illis sanctis Mulieribus, quasi pro præmiis & mercedibus lactationis. filiorum suorum, sed quantò ampliori mercede illas omnes supergrediatur Virgo sanctissima, declarat sancta Mater Ecclesia, dum de ea canit, quod gaudia Matris habet cum Virginitatis honore, nec primam similem visa est nec habere sequentem, & iterum Saluatorem sæculorum ipsum Regem Angelorum, sola Virgo lactabat vbere de Cælo pleno, & hæc sunt plena gaudia Matris Virginis; Matris, inquam, non dimidiatæ, sed integræ & perfectæ, hoc est, Matris simul & Nutricis, Gubernatricisque Dei, Virginisque perpetuæ, quibus gaudiis gaude-

bat, affluebat, & fruebatur temporibus maximè educationis beatissimi Saluatoris, vt etiam in sequentibus fusè ex sanctis Patribus videbitur

QUALIBVS ET QVANTIS DELICIAMVM imbribus, ac spiritualium voluptatum affluentis, Virgineum cor, Virgineusque animus, sanctissima Virginis Deipara lactando Saluatorem abundauerint, ex Patribus colligitur.

CAPVT QVINTVM.

S. Cyprian.
Serm. de Na-
tinit. Dom.

Mira Christi
lactantique &
B. M. V. in la-
ctatione Salua-
toris cordis
deliciarum
suauitas.



PARVVLVS sugens vbera (ait sanctus Cyprianus) pura alimonia utebatur, & fons sacri pectoris defœcatum edulium ori mundissimo infundebat, sed & cor Matris quædam dulcedines quæ omnem superant intellectum imbuebant, eratque vtrinque mira iucunditas, cum pia sanctæ Matris & deuota humilitas, & Sancti Sanctorum immensa benignitas confœderatis affectibus mergerentur: (& post pauca) Attreâat, inquit, Virgo Mater, ampleâitur, iungit oscula, porrigit mammam, totum negotium plenum gaudio.

S. Aug. serm. 9.
de Nat. Dom.
& serm. 11. de
sanctiss. qui
est i. de As-
sumpt. B. M. V.
Et serm. de
Annunc. e-
iusd. B. M. V.

Felicia; ait sanctus Augustinus, prorsus oscula labiis impressa lactentis cum inter crebra indicia reptantis infantis vtpotè verus ex te Filius tibi Matri alluderet, cum verus ex Patre Dominus imperaret. Lacta Creatorem tuum, Lacta panem Christi, lacta pretium Mundi, præbe lambenti mammillam, vt ipse præbeat percutienti se maxillam, lacta eum qui fecit te, vt talis fieret ex te. Quis posset æstimare, vt cibus hominum & panis Angelorum, aleretur? admiremur gratulemur, amemus, adoremus, laudemus, gratias illi agamus.

Inspi-

Inspiciat oculus deuotionis, ait sanctus Anselmus, parvulum Iesum dulces mamillas glorioſæ Virginis dulciter ſu-
gentem, & mamillas maternas filiali more tractantem: quid viſu iucundius? quid delectabilius? quid ſuavius? cerne illum qui immenſus eſt, paruulis brachiis ad materna colla pendentem, ſed cogita & recogita quo animo tenebatur illa, & qua cogitatione dulciſſima Mater eius, cum illum Dominum tantum ac tantillum in brachiis ſuis exultans & læta teneret, cum ei vt infantulo geſtianti, dulcibus oſculis ac frequentibus congauderet; cum denique aliis, atque aliis ſtudiis, ad quæ ipſam materna pietas informabat, ei pro qualitatibus viciffitudinibus Sedula blandiretur. Huc viſque ſanctus Anſelmus.

*S. Anſelm.
lib. Medit.*

Quem Cœli capere non poterant, inquit ſanctus Bernardus, portaſti, Virgo benediſta, & non defeciſti, genuiſti, aluiſti, mammaſti, pauſiſti, lactaſti, nutriuſti, educaſti, ſœlicitia prorſus oſcula labiis lactantis impreſſa, cui Virgineo Mater applaudebat ingremio, &c.

*S. Bernard.
Super Salu.
Regina.*

*Benediſta tu in Mulieribus,
Benedic te benedicentibus,
Benediſtis tuis vberibus,
Qui dat eſcam eſurientibus,
hunc lactaſti.*

*S. Bernardus in
Hymno Summo
Summi tu Pa-
tris Vniſe.*

Cum quantâ iucunditate, ait Seraphicus Doct̃or, confidentia, & authoritate materna ipſum amplexabatur, quem Deum ſuum eſſe ſciebat, flexis genibus accipiebat eum de cunis, lactabat, oſculabatur, ſtringebat dulciter, & in eo mirificè delectabatur; O quam libenter cum lactabat, vix fieri potuit quin magnam, & aliis ſœminis inexpertam dulcedinem in talis Filij lactatione ſentiret, concludit hijs verſiculis Poëta Chriſtianus.

*S. Bonav. c. 10
li Medit. Vita
Chriſti.*

*Quo ſtudio natum, quâ ſollicitudine Mater
Sancta, quibus curis, & quâ curaveris arte,*

*Baptiſte Mamm.
quatuor.*

Non, si mille mihi boreas inflauerit ora,
 Milleque veloces surgant in carmina lingua;
 Expressisse satis liceat, tollebat in vlnas,
 Et figens oculis oculos praeordia flammis
 Dulcibus vtebat, teneros amplexibus artans
 Stringebat lacrymans, rosea dabat oscula fronti,
 Vbereque exerto, dulcem inuitabat ad escam.
 Ergo te gremio raptantem, & nota petentem
 Vbera, chare puer, molli studiosa fauebo
 Amplexu, tu blanda tua dabis oscula Matri
 Arridens, colloque manum, & puerilia nectes
 Brachia, & optatam capies per membra quietem.

Alij passim Doctores etiam aliquid de deliciis tantis ac tam sanctis exprimere conantur.

Cur beata, ait vnus, non fateamur oscula, quæ dilecta dilecto in charitate non sicut toties ac tam reuerenter delibavit, quæ à nato vicissim amanter accepit, cum in Virginali sinu talem Filium talis Mater amplecteretur, & tam dulce dulci de collo penderet onus; quod eadem Parens, nutrix, & gerula, manibus circumferret, gestaret in vlnis, foueret in gremio, ac sæpenumero blandissimè demulceret? quem vero demulceret? Lilium Conuallium, Israël's gloriam, lumen gentium, delicias orbis terrarum, suum cor, suum thesaurum, suum decus, & solatium, suum vnicumque præsidium. Certè Mathildi sanctæ Virgini, hoc reuelauit Deus, sæpenumero vsu venisse, vt beata Virgo suum Infantulum in gremio foueret, suumque caput, illius capiti suauissimè applicaret, ita vero factum esse, vt Filij caput & faciem profusus amoris lachrymis irrigaret. Hunc vero Sermonem Matri eo tempore familiarem vsitatumque fuisse vt compellens Filium diceret; O salus & gaudium animæ meæ.

Dum ergo Infantulo huic dulcissimo blandiebatur mirum in modum animus eius recreabatur, summas sibi deli-

Caribæna
 lib. 15. Hom. 5.
 de B. M. V.

Hom. 17.

etiam merito arbitrans, Aeterni Patris Filium cœlesti illo suo lactis necare potare, &c. (hactenus Carthagena.)

Ego vero vermis & non homo, pulvis & cinis, catulus edens de micis quæ cadunt de mensa dominorum meorum sanctorum Patrum & Ecclesiæ Doctorum, vadam ut Mulier sancta, sanctæ Scripturæ; Vadam, inquam, sequens Messorum vestigia, & colligam spicas post terga Metentium, & quæ collegi spargendo, in medio Ecclesiæ fratribus meis annuntiabo & narrabo, quanta fecit Dominus animæ Dominiæ meæ Matris suæ benedictæ, quando non solum ex ea nasci, verum etiam ab ea lactari, nutriri, educari, ac gubernari voluit, quod & sequentibus tum capitibus, tum tractatulis ipsa nihilitas mea ad maiorem Dei & summæ, integræ ac perfectæ Maternitatis sanctissimæ Virginis gloriam ostendere ac pertractare pertentat.

EXPRIMIT EX SACRA SCRIPTURA in lactea educatione Salvatoris delicias suas ipsamet Virgo dignissima. Cui adridens Christus benedicit. Ac inter Sacratissima eius vbera mirifice delectatur.

CAPVT VI.



EASCITVLVS Myrrhæ Dilectus meus mihi inter vbera mea commorabitur. Fulcite me floribus, stipate me malis, quia amore eius languco: sub vmbra illius quem desideraueram sedi, & fructus eius dulcis gutturi meo, inueni quem diligit anima mea, tenui eum nec dimittam. Dilectus meus mihi, & ego illi; Ego dilecto meo, & ad me conuersio eius. Dilectus meus candidus & rubicundus qui pascitur inter lilia, electus ex millibus, qui commoratur, & pascitur inter vbera mea; Ego murus & vbera mea sicut turris, ex

Deliciae Virginis in sua lactea educatione.

quo factasum coram eo quasi pacem reperiens, ego effudi flumina, ego quasi trames aquæ immensæ de fluuiio, ego quasi fluuius Dorix, & sicut aquæ ductus exiui de Paradiso: dixi rigabo hortum meum plantationum, & inebriabo partus mei fructum; Venite, comedite amici, & bibite cum ipso vinum & lac, & inebriamini charissimi. Oculi dilecti mei sicut Colombæ super riuulis aquarum, quæ lacte sunt lotæ, & resident iuxta fluentia plenissima; omnes sitientes venite ad aquas, & qui non habetis argentum properate, venite, & bibite, & absque vlla commutatione vinum & lac, & delectabitur in crassitudine anima vestra.

Introduxit me Rex in Cellaria sua, ordinauit in me charitatem. Botrus Cypri Dilectus meus in vineis Engaddi. Læua eius sub capite meo, & dextera illius amplexabitur me; guttur eius suauissimum, labia eius distillantia myrrham primam, genæ ipsius sicut arcolæ aromatum consistæ à pigmentariis, manus eius tornatiles aureæ plenæ hyacintis: totus desiderabilis, & ipse est amicus meus; Dilectus meus, pulcher, & decorus, & amabilis valde, filius meus qui pascitur inter vbera mea.

Adridens Christus benedicit: Benedicte tu inter mulieres, & benedictum eloquium tuum, immaculata mea, colomba mea, vnica mea, soror mea, formosa mea, sponsa mea, Virgo simul & Mater mea; integra, & perfecta charissima. Benedicens benedicam tibi, & magnificabo te in æternum. Quam pulchræ sunt mammæ tuæ? pulchriora sunt vbera tua vino, fragrantia vnguētis optimis: tota pulchra & suauis es, & decora valde, ô suauissima in deliciis, oculi tui columbarum, absque eo quod intrinsecus latet, statura tua assimilata est palmæ, & vbera tua botris, dixi, ascendam in palmam & apprehendam fructum eius, & erunt vbera tua sicut botri vineæ, & odor oris tui sicut malorum, duo vbera tua sicut duo hinnuli gemelli capræ, qui pascuntur in liliis donec aspiret dies, & inclinentur vbræ: odor vnguentorum tuorum super omnia aromata, comedi fauum cum melle meo, & bibi vinum cum lacte meo: tu fons hortorum, & puteus aquarum viuentium, quæ fluunt impetu de Lyba-

no; emissiones tuæ Paradisus, tota pulchra es, & macula non est in te, vulnerasti cor meum in vno oculorū tuorū, & in vno crine colli tui. Vox tua dulcis, & facies decora nimis, pone me vt signaculum super cor tuum, super brachiū tuum, super gremium sinumque Virgineum tuum, quia deliciae meæ esse tecum, ac ex te, & per te esse cum filiis hominum; Recti diligunt te, & beatam te dicunt omnes generationes, quia gaudia plena, integra & perfecta, integræ & perfectæ Matris habes, cum Virginitatis honore, nec primam similem visa es, nec habere sequentem, benedicta tu in Mulieribus, & qui benedixerit tibi, sit à me benedictus in æternum.

SANCTIS ÆQUIPARANDA
Martyribus, qui proprium pro Christo fuderunt sanguinem, dignissima Virgo, lactando Salvatorem asseritur. Et quod infiniti tunc valoris, ac meriti operi, cooperabatur, breuiter commonstratur.

CAPVT VII.



NIL sanctissimā Virgine sanctius inuenitur in naturā post Christum Filium eius; *S. Chrysostomus*
 Non enim Prophetæ, ait sanctus Chrysostomus, non Apostoli, non Martyres, non Patriarchæ, non Angeli, non Throni, non Dominationes, non Seraphin, non Cherubin, non denique aliud quicquam inter creatas res visibiles, aut inuisibiles, maius aut excellentius inueniri potest. Meritorum suorum verticem, inquit sanctus Gregorius, supra omnes Angelorum choros, vsque ad solium Deitatis euexit. Angelos, ait *S. Gregorius;*

S. Anselmus.

sanctus Anselmus, vincit puritate, & sanctos omnes superat pietate. Cum ergo pietas omnium virtutum fundamentum sit, potiori iure sanctissima Virgo omnibus omnium Sanctorum virtutibus ac meritis, suâ pietate prævaluit, quando sanguinem proprium in lacte nutritionis Christi, Christo ipso ministravit, ut ab ipso pro omnibus electis funderetur in Passione; lac enim Nutricis sanguis eius est dealbatus virtute caloris naturalis, unde ex Chylerio libet hæc verba Canticorum ad instituti nostri rationem referre.

Chylerius in
Cantic. 4. 7.
v. 2.

Statura tua assimilata est palma, & vbera tua botris. Vbera Diuæ Virginis, ait, aptissime sicut botros nouimus, quatenus lactis exhibitione, quâ vberibus suis Christum nutriuit Infantem, adeo meruit, ut quantum ad huiusmodi meritum sanctis æquiparanda fuerit Martyribus, qui proprium pro eodem Christo fuderunt sanguinem, exhibentes se instar botrorum, è quibus vinum effunditur, sanguis vix meracissimus. (Ita Chylerius.)

Haygrinus
apud Carthag.
l. 15. hom. 9.
de B. M. V.

Ex Haygrino pariter ita habemus, vbera sanctissimæ Virginis botris assimilata sunt, ex quo mirabilis prærogatiua merendi monstratur, in beatissima Virgine ipsa, quæ non minus meruit fundendo lac de vberibus suis ad Filij nutrimentum, quàm Martyres (qui per botros figurantur) meruerunt fundendo sanguinem in martyrio, omnium enim operum merces, secundum radicem charitatis pensatur. Hactenus Haygrinus.

Idem auctoris
censura sanctæ
Matris Eccle-
siae subiecta, &
subiecta.

Mea quidem sententia iudicio, & menti, censuræ Decreto, & sententiæ sanctæ Matris Ecclesiæ subiecta, in lacte nutritionis sanguinem Christo administrabat; piissima Virgo Mater, amarissimæ passionis, ut funderetur enim in passione, fundebat in lactatione, ut fluere ex vulneribus, fluebat ex vberibus, ut in charitate perfecta funderetur, in charitate non fictâ fundebat, & ut copiosa fieret apud eam nostra redemptio, copiosa fiebat, ab ea ista lactatio, iam iamque ex tunc pectus eius sacratissimum, omnium Martyrum sanguinis fiebat Seminarium, cum ab eâ Rex Martyrum acciperet, unde suum in Cruce consummaret Martyrium, à quo omni Martyrum omne Martyrium sumpsit exordium.

Et cum opera nostræ redemptionis infiniti sint valoris ac meriti, lactando Christum Redemptorem sanctissima Virgo, vt supra, operi tunc infiniti valoris ac meriti cooperasse clarum est.

Ad hæc libet verba Redemptoris de sanctissimo Præcurfore suo in medium proferre; *Nullus maior, ait, inter natos Mulierum surrexit Ioanne Baptista, qui autem minor est in Regno Cælorum, maior est illo*, de Angelis sanè hæc vltima sententiæ Redemptoris particula intelligitur, vt sit sensus, minor Angelorum, maior est Ioanne Baptista, nam cum Regnum Cælorum tunc non esset hominibus apertum iuxta Apostolum dicentem ad Hebræos, hoc significante Spiritu sancto nondum propalatum esse sanctorum viam, stante primo tabernaculo, &c. Et Præcursor pro nobis ingressus Iesus Christus Pontifex factus in æternum secundum ordinem Melchisedech, &c. Non potest de hominibus intelligi, & licet in plurimis, vt legere licet apud varios Auctores, minor Angelorum, maior sanctiore hominum, dempto Christo & Maria Virgine Deipara, demonstratur. In zelo tamen salutis animarum, hoc euidentius patet, nam cum ab initio mundi ex quo creatura generata est, homo habeat suæ animæ Angelum custodem, ab eo tempore habet suæ salutis zelatorem. Præcursor pro tempore zelo Heliæ clauit, & maior omni ex Muliere nato apparuit, sed Angelus ab initio sæculi. Sicut autem de his quæ Deus per Angelos operatus est in paradiso terrestri patet, & erga Caim, erga Loth, Abraham, Isaac, Iacob, Moysen, &c. In ratione temporis sanctissimus Præcursor Domini illis posterior est.

Secundo, quod videndo clarè in facie Patris qualiter debeant adimplere voluntatem eius in hoc, qualisque sit nobilitatis animarum salus, zelus illorum feruentior & sanè protensior est, omniumque animarum salutem sitiunt, & quantum possunt illam procurare omnibus ministeriis conantur; Omnes enim, ait Apostolus, sunt administratorij spiritus in Ministerium missi propter eos qui hæreditatem capiunt salutis; Præcursor verò qui non vidit in hac vita nisi per speculum & in ænigmate, quod illi facie ad faciem in-

tuentur, etiam in hac ratione dicitur illis posterior qui in Iudæa tantum zelum suum exercuit.

Tertio, quod & ipse Angelum custodem habuerit, qui eius perfectionis & salutis quantum potuit exercuit, non ille Angeli; & idè licet ex utero Matris sanctificatus Spiritum sanctum Magistrum habuerit principalem, verumtamen per ministeria Angelorum plurima ad salutem animarum spectantia didicit. His & similibus colligitur, magnus Angelorum zelum, quo qui minor est Angelorum, maior est Ioanne Baptistâ, vnde Christus, gaudium magnum est Angelis Dei super vno peccatore poenitentiam agente, quam super nonaginta nouem iustis, &c.

Non solum Angelorum & sanctioris hominum natorum ex mulieribus, sed etiam Christi Iesu & Spiritus sancti Officium est, animarum salutis zelum exercere, de Christo dicitur: venit Filius querere & saluum facere quod perierat. Non veni inquit ille, vocare iustos, sed peccatores, ad poenitentiam, hac siti pressus in cruce clamauit, *Sitio*; Ego sum Pastor bonus, ait, & animam meâ pono pro ouibus meis; Tandem nonaginta nouem oues dimisit in deserto vt perditam quæreret, quam inuentam, imposuit super humeros suos, & reduxit ad caulas gregis cum gaudio vicinorum, euerritque domum vt dragmam perditam quæreret, donec inueniret.

Et sancto Carpo Episcopo, zelo iustitiæ ardenti, ac vindictam de quibusdam peccatoribus postulanti respondit, extenta manu percutite me, quia iterum paratus sum pro peccatoribus pati. *Officium quoque est Patris zelum salutis animarum exercere. Sis Deus de quo habetur dilexit mundum vsq; Filium suum vnigenitum daret, ergo proprio filio suo non perpercit, sed pro nobis omnibus tradidit illum.*

De Spiritu sancto autem, Christus ipse ait: *Docebit vos omnia, &c.* Et iterum: *Ipse arguet mundum de peccato, &c.* *Docebit vos omnem veritatem, &c.* Tandem Spiritus Domini super me, eo quod unxeris me, Euangelizare pauperibus misit me. Docere autem & arguere, ac pauperibus Euangelizare Regnum Dei, nonne est salutem animarum zelare, & zelum salutis

lutis animarum exercere? Est ergo officium Spiritus sancti, qui ad hoc sanctos Apostolos vnxit, & misit illos in vniuersum mundum, est & officium Apostolorum & Prophetarum, &c.

Sed dico & cum pietate, & veritate dico, quod proprium & peculiare Officium Deiparæ sanctissimæ Virginis, quæ est filia Patris, Mater Filij, & Sponsa Spiritus sancti, Domina & Regina Angelorum, sanctior Ioanne Baptistâ, & Magistra Apostolorum, ad hoc nata est tantis gratiis illustrata, Mater & Virgo simul effecta; Mater, inquam, non dimidiata, sed vera, integra & perfecta, id est Mater & Nutrix ac Gubernatrix Dei electa, vt per eam peccatores sanentur & saluentur. Securus accessum, ait Arnulphus Carnotensis, iam habet homo ad Deum vbi Mediatorem causæ suæ Filium habet ante Patrem, & ante Filium Matrem, Christus nudatolateri Patri ostendit latus & vulnera, Maria Christo, peccatus & vbera, & ibi nulla potest esse repulsa, vbi concurrunt, & orant, omni lingua disertius, tanta, tantæ clementiæ monimenta, ac insignia pietatis.

*Arnulphus
Carnot. Tract.
de Laudibus
B. M. V.*

Et licet per totam vitam suam & maximè in passione Christi exercuerit zelum hunc salutis animarum sanctissima Virgo, eo tamen tempore quo Virgineo Virginalium vberum suorum lacte Redemptorem educaret, hoc zelo flagrabat præcipuè quando subleuato mentis apice in lacte nutritio- nis, Filij sanguinem administrabat dolorosissimæ passionis, quando, vt funderetur in passione, fundebat in lactatione, vt fluere ex vulneribus, fluebat ex vberibus, vt in charitate perfectâ funderetur, in charitate non fictâ fundebat, & vt fieret copiosa apud eum nostra Redemptio, copiosa fiebat ab ipsâ lactatio & nutritio.

*QVANTÆ NOBILITATIS,
fortitudinis simul & suauitatis extiterit amor
Deipara Virginis erga Christum; Exindè, quod
illum, ut integra & perfecta Mater, sacris la-
ctarit vberibus, declaratur.*

CAPVT OCTAVVM.

*Ex lactatione
Sustentoris
Mator erga
Christum amor
E. M. V.*



EORTIS vt mors dilectio, fortiterque ac suavi-
ter in corde sanctissimæ Virginis Deiparæ Di-
uina sapientia ordinauit charitatem, & ideo
quia non dimidiata, sed vera, integra, & per-
fecta Mater extitit Filij sui, hoc est, Mater &
Nutrix simul, quantæ nobilitatis, fortitudinis simul & suau-
tatis fuerit amor cordis eius ad Christum; Exindè maximè
quod cum sacris lactarit vberibus ex eo colligitur, quod
Matris erga Prolem & respectiuè prolis erga Matrem, com-
muni Philosophorum sententia amor ipsa lactatione crescit.

*Plutaribus de
educ. puer.*

Mea quidem sententia, ait Plutarcus, Matres ipsæ nutrire
infantes suos atque lactare debent; maiore enim cum effe-
ctu, maioreque studio, vt pote intimè, & à teneris, vt Græci
aiunt vnguiculis, diligentes, &c.

*Clem. Alex.
xand. l. 1. Pe-
dag. c. 6.*

Et Clemens Alexandrinus, aluisse, inquit, inter homines
sæpè affert plura amoris incitamenta quam procreasse.

S. Amb.

Sanctus quoque Ambrosius, hæc Matris gratia ait, hic
honus lactare filios suos, denique illos plus amare solent,
quos ipsæ Matres vberibus suis lactauerunt.

*Mendosa in
lib. Reg. l. i. c. a.*

Alumni etiam sæpenumero (vt dicit Mendosa) similiores
nutricibus euadunt, quam filij parentibus; auget autem
magnopere amorem similitudo in natura, sed quod ma-
ior similitudo ab vbere cum nutricibus quam ab ipso
vtero cum Matribus desumatur vel ipsa physica ratio
videtur suadere. Nam Parentes interuentu sanguinis,

Nutrices interuentu lactis ſuas naturales qualitates, ac naturas diſpoſitiones ex quibus oritur ſimilitudo, communicant. Lac vero eſt ſanguis magis coctus ac deſœcatus, ergo melius nutrices in alumnos, quam Matres in filios naturas diſpoſitiones, ac proinde ſui ſimilitudinem ex qua maior oritur amor, transfundunt. Haſtenus Mendosa.

*Ex lactatione
maior ſimilitudo B. M. V.
ad Chriſtum.*

Cum lacte materno, ait Guillelmus, Materni quodammodo boni fontem & naturam Nutrix in alumno infundit, vnde maior ſimilitudo euadit & amor fortior creſcit, &c.

Guilelm. Abbat.

Cum ergo beata Virgo Maria, vt inquit Cartagena, Filium ſuum ardentiffimè amaret, pluſquam poſſit vnquam Filium ſuum Mulier diligere, cumque impenſius nil tam deſideraret quam amorem Filij ſui ſibi conſiliare, & ad amorem Filiorum ſibi conciliandum non parum prodeſſe agnoſceret, vt propria Mater lactet Filium ſuum; ſic enim non diuiditur Amor Filij in Matrem & Nutricem, ſed integer perſeuerat erga Matrem, ardentiffimo amore Chriſtum Redemptorem lactauit (huc vſque Cartagena.)

*Cartag. l. 5.
hom. 17. de B.
M. V.*

Ex his facilè colligitur quantæ virtutis, fortitudinis, & nobilitatis ſimul & ſuauitatis, extiterit amor cordis Virginei ſanctiſſimæ Virginis, erga Chriſtum Filium eius, exinde quod illum vt vera, integra & perfectæ Mater ſacris aluerit, lactarit, ac nutrierit vberibus.

QUANTVM DEBEAT SACRA-
tissima Virgini tanquam etiam Nutrici suæ be-
nedicta, hoc est, vera, integra, & perfecta Ma-
tri: Benedictus ipse Deus pro nobis homo factus
ostenditur.

CAPVT IX.

Barthol. 8: o-
bar. Soc. Iesu
firm. 3. de
P. asint. B. M.
V. & firm. 2.
circa fin. &
firm. de immu-
ent. Concept.



BEATVS venter qui te portauit, & vbera
quæ suxisti, nouit pia Mulier illa (ait Sco-
bar) quæ ita exclamauit de turba ad Chri-
stum; nouit, inquam, audiens Mariæ Fi-
lium; dulcem fauvm, à suauissimo nutri-
tionis lacte hæreditasse dulcedinem, qua-
si diceret, quam beata vbera ex quibus
tam dulce lac sumpstisti, vt dulci lacte,

A suauitate la-
ctis B. M. V.
suauitas do-
ctrina Christi.

turbas reficias doctrinæ. Quidnam dicer Sponsa dum te
sic audit prædicantem? Mel & lac sub lingua tua, dicer, &
quid dicemus nos? nisi dicamus Mariam Virginem in tem-
plo hodie recludi, vt fiat Aluearium ex quo tam lepidum
emaneat mel, lac tam dulce ministretur Sponso, quo ille
turbas, & mulceat & reficiat, vt in fortitudine ac suauitate,
lactis mellisque huius ducat nos vsque ad Dei montem,
æterna beatitudine reficiendos. Sed & sanctus Bernardus
feruore suo eò vsque peruenit, vt sacratissima vbera ista
tangeret ex quibus diffuens lac intrauit in os eius, & idèd
ad tantam verborum scriptorumque suauitatem peruenit,
vt ex accepto lacte, mel ex labiis eius emanarit, vnde & mel-
lisuus Doctor in Ecclesiâ appellatus sit, huc vsque Cleobar.

Ioan. Bapt.
Possa Soc. Iesu
cantab. Theo-
log. Salmati-
cons.

Alius eiusdem Societatis Doctor, aliam Virginei lactis
Virginalium vberum sanctissimæ Virginis Matris gratiam in
dilectũ Filiũ pulchrè describit dicens: Propterea tã impen-
sam curam adhibuit Deus Pater, ne Iesu ossa confringeren-

urin paſſione, quæ idèd ſibi chariſſima, quia plenius Mariæ lac & ſanguinem aſſeruarent. Idem pro vinculis, aut ligamentis, pro muſculis, venis, & arteriis iudicium eſto, quæ ſigillatim memorare libuit, vt hæc enumeratio oculis obii-
ciat quot & quanta ſint in corpore Ieſu, de quibus addubi-
tare non liceat eandem numero materiam obtinere, quam ſanguis & lac Deiparæ poſſidebant, ac perindè in Euchariſtia ad conſumationem vſque ſæculorum hæc dulcia Mariæ pignora aſſeruari. Haſtenus ille.

Offa Chriſti in paſſione integra ſeruata quod lac B. M. V. aſſeruabant.

Aliam item ex ſanctis Cypriano & Antonio Paduano colligere licet; Puer, ait Cyprianus, ſugens vbera & ſuſtinens conuitia (& ita verba hæc) bibi vinum cum lacte meo, ſan-
ctus Antonius Paduanus interpretatur, vinum, id eſt, fel & acetum quod eſt vinum paſſionis, cum lacte meo, id eſt ab
yberibus cum lacte mixtum, fel & acetum bibi, & ſuxi,
ex cuius lactis dulcedine mihi dulcia quæ in paſſione amarâ
ipſa ſunt exitire. Ex quo ergo ſacraſſima vbera ſanctiſ-
ſimæ Virginis ſuxit Chriſtus, felles quaſi fauos paſſionis
reputabat, ſitiebatque ex tanta dulcedine, tantas paſſionis
doloroſiſſimæ amaritudines dum exclamaret in Cruce,
Sitio.

S. Cyprian.

S. Anton. Pad.

Amara paſſionis Chriſti, ex dulcedine lactis B. M. V. dulcia reputantur.

Placet quod ex Seraphico Doctore habemus, poſtquam Chriſtus, ait, ex puriſſimis caſtiſſimiſque Virginis viſceribus natus eſt; Mater ipſa ſimul & Virgo incontinenti ſe inclinans adorauit quem genuit, & recolligens, dulciterque amplectens Filium ſuum poſuit in gremio ſuo, & vberè de Coelo pleno, extracto, à Spiritu ſancto edocta, cœpit Virgineo lacte lauare, ſiue linire illum per totum, quo factò, panis illum inuoluit, & reclamauit eum in præſepio, quia non erat illi, locus in diuerſorio: Haſtenus ille.

S. Bonau. c. 7. l. Medit. viſit Chriſti.

Liber ergo concludere, quod ſicut à dulcedine lactis Virginis quo lingua Chriſti irrorata exitit, tam dolci pabulo turbas reficiebat, ait enim Doctor Angelicus, quod ſuaui-
tas doctrinæ Euangelicæ ab vberibus Mariæ incœpit, cum hæc lactauerint Chriſtum Euangelicæ doctrinæ authorem, fellésque & amaritudines paſſionis ex indè dulces reputabat; ſic & in eadem paſſione, membra illa omnia ſacra ſacri

S. Thom. in Expoſ. l. 2. Cantic.

*Membra Christi
Hi lacte Virgi-
neo B. M. V. li-
nitadurapaffio-
nis supplicia,
dulcia reputa-
bant.*

corporis eius Virginei lactis imbre suauissimo linita & irrigata iugum crucis suaue, & cæterorum tormentorum onus, sub eiusdem immensæ charitatis legibus, quapropter nos & propter nostram salutem ex Virgine natus, Virgineo Virginalium vberum lacte lactari voluit leue & dulce reputabant.

Denique hanc & aliam afferunt plurimi passim Authores Virginei lactis, seu educationis lactæ Christi gratiam erga eundem, quod cum naturali via, vita ipsa infantis post ortum eius aliquo modo ab vberibus pendent, propter quod à natura ipsa data sunt Mulieribus vbera, & vita corporali nobiscum vixerit Deus, ex Virgine pro nobis homo factus, eiusque vberibus lactari, nutrirî, mammari, ali, & educari voluerit, quo alimento vitam conseruauit naturalem, sanctissimæ Virgini hanc eandem vitam ipsam via nutritionis, sicut & generationis debet, qui ei vt illam sibi ministraret prius concessit, Author ipse & fons omnis vitæ.

Tandem ex his quæ in Eucharistia habemus carnem videlicet & sanguinem Christi, quæ charissima Mariæ pignora sunt, nutripuit enim lacte suo carnem qua pascimur, & lac Virgineum in sanguinem conuertebatur quo potamur: ex iis inquam beneficiis istis quæ à Christo accepimus cum ipse à Matre Virgine prius accepisset quando ei dedit vnde & sibi donaret, sed & totus donaretur nobis, & ex omnibus quæ supra allata sunt facillè coniicitur quantum eidem sacratissimæ Virgini tanquam etiam Nutrici suæ benedictæ, hoc est tanquam veræ, integræ, & perfectissimæ Matri suæ debeat, benedictus ipse Deus pro nobis homo factus, filiusque Virginis & alumnus effectus, cui benedictio sempiterna sit, laus, virtus & gloria in sæcula sæculorum. Amen.

QUID IN SVPER SACRA-
tissima Virgini tanquam etiam Dei Nutrici;
Hoc est: Tanquam vera, integra, & perfe-
ctissima eius Matri, laudis accedat, ex eo quod
Christus, illius sacratissima ubera suxit, de-
monstratur.

CAPVT X.



FILI ex lacte indolem non modicam ^{Mendoſa ubi}
nanciscuntur, moribus quoque, ^{ſupra.} ut
dictum est ſupra, & affectibus Nutri-
cis imbuuntur; Ita quod, ſi mores in
paruulis laudabiles ſint, in Nutrici-
bus argumentum laudis ſuppeditent,
ſicut è conuerſo vitia ſi imbiberit in-
fans, hæc velut cum lacte à nutrice
accepiſſe cenſetur, vnde & ipſa vi-

tiis corrupta colligitur.

Hinc ſi quis fortè, ait Cornelius Tacitus, ſcire deſiderat
cur tantopere antiqui illi Romani floruerunt, nullam aliam
cauſam reperiet, quam liberorum vigilantem educationem,
ſuum enim quiſque Filium ex caſtâ parente natum non em-
ptæ Mulieri nutriendum, ſed propriè Matri alendum relin-
quebat. Poſtquam autem garrulæ ancillæ filios nutrien-
dos acceperunt, Infans Dominus, impudicitiam ac molli-
tiem cum lacte ſuxit, ſic ab infirmæ valetudinis Nutrice Ti-
tus Veſpaſianus morbis ſemper addiſtus refertur. Ab ebria
item Nutrice vino ſemper ſe ſe ingurgitare Tiberius didicit:
à Barbara quoque Nutrice quæ extremum mamme pueri
porrigens ſanguine tingeſcit Caligula huc uſque cruore
gaudebat, ut enſem cruentum lamberet.

Cum igitur omnis gratia in Chriſto & omne bonum etiam

*Cornel. Tac.
in Dialect.*

*Ex lactea edu-
catione mores
puerorum inſi-
tuuntur.*

*A sanctissimis
& purissimis
vita & morum
B. M. V. san-
ctitatem colligitur.*

naturale ingenitaque inclinatio ad illud, suum locum obtinuerit, à moribus sanctissimis, purissimisque vitæ affectibus Saluatoris, de sanctitate ac puritate Virginei lactis, vitæ, & morum sanctissimæ Virginis, tanquam etiam nutricis Dei, hoc est, eius perfectissimæ Matris, sumitur argumentum; ita quod, tota pulchra, pura, sancta, & immaculata habeatur, quæ Mater vera, integra & perfecta, hoc est Mater simul & Nutrix est illius. Qui Agnus sine maculâ, Sanctus Sanctorum & speciosus forma præ filiis hominum dicitur.

Tria hæc inueniri in vberibus secundum naturam dicuntur; conuersio videlicet sanguinis in nutrimentum candens, nutrimenti abundantia, & medicamentum infirmitatis: Ferunt enim quod pabula vberis in ore Infantis immissa, contra omnem valet eiusdem Infantis infirmitatem: medicina quoque Nutrici ministratur, sumenda, ut eius virtus & efficacia lactanti puero proficiat: qui autem apud se non habebat, unde infirmaretur, infirmitates nostras suscipit, verè dolores nostros ipse tulit, & languores nostros ipse portauit: Visum est autem supra, quomodo felles passionis ex lacte Nutritionis dulces reputaret, ex quo lacte etiam accepit, unde nostras sanaret infirmitates, iuxta sententiam Alberti, qui ait; Nihil hic austeritate pungens, nihil per libidinem inebrians, sed vnguentum fragrans ex humore nutriens vnctum Christum, & omnes nostras sanans infirmitates.

*Albertus Ab-
bas.*

Edent pauperes & saturabuntur (ait Psalter) *& laudabunt Dominum, &c.* Si ergo ab alimenti beneficio laudis argumentum sumunt pauperes, quo Deum die noctūque ut benefactorem & nutritorem suum laudant; quanto magis nos ipsi ipsam laudabimus Dominam nostram Matrem & Nutricem Domini nostri, quæ illum nutriuit ac pauit lacte suo, quæ propterea à Deo ipso laudatur, cum dicitur, quam pulchræ sunt mammæ tuæ, &c. Tota pulchra es amica mea, &c.

OMNIUM

OMNIVM FIDELIVM SIMVL

Mater, ex eo quod Deum ac Dominum, quem genuit, sola, ubere de Cælo pleno, nutrierit Virgo Deipara ostenditur.

CAPVT XI. & Vltimum.



N spiritu humilitatis & nihilatis meæ ad pedes Domine meæ, integræ & perfectæ Matris Domini prostratus, rogo, & peto fieri sicut vnus ex Mercenariis suis, non enim sum dignus vocari Filius suus, quoniã ego ipse peccaui in Cælum, & coram Filio

suo benedicto; Mercenarij autem in domo tantæ Virginis abundant panibus, sed Filij deliciis, & vtinam sanctificetur vir infidelis per Mulierem fidelem, & omnium fidelium Matrem, quatenus qui vt Mercenarius accedere præsumit, vt Filius habeatur, recipiatur, & charis amplexibus introducetur: Filius inquam ille qui mortuus erat, & reuixit, perierat & inuentus est, inueniat gratiam ante conspectum diuinæ Maiestatis, vt liceat illi tanquam catulo esurienti saturari de micis quæ cadunt de mensa immensæ pietatis eius erga peccatores, & fideles omnes quos velut filios diligit, protegit, & amplectitur saluandos.

Si Christus, ait Seraphicus Doctor, est credentium frater qui iuxta Apostolum est primogenitus in multis fratribus; cur non ipsa quæ genuit Christum credentium erit Mater? Eia charissimi omnes nunc gaudeamus, nunc gaudento omnes dicamus, benedictus frater per quem Maria est nostra Mater, & benedicta Mater per quam Christus est frater noster: ita Diuus Bonauentura.

S. Bonau. in Spec. B. M. V. c. 5. ibi refertur sanctus Ambrosius.

Venter tuus (ait Sponsus) sicut aceruus tritici, vallatus liliis. Miror quomodo venter beatæ Virginis dicatur sicut acer-

Venter B. M. V. apertissime aceruo triticonum paratus.

N

8. Aug. Tract. 5.
in Ioan. sub
med.

Christus in san-
ctissima Virg-
ine nos omnes
genuit.

Gulielm. apud
Delrio in Cr.
tit. 6. 7. sect. 3.

uus tritici, quæ vnicum frumenti granum protulit, hoc est, vnicum Christum peperit, qui de seipso dicebat; *Nisi granum frumenti cadens in terram mortuum fuerit, ipsum solum manet, si autem mortuum fuerit multum fructum affert*; Et de quo sanctus Augustinus, Dominus Iesus, ait, erat granum mortificandum in infidelitate Iudæorum, multiplicandum in fide Populorum; cum ergo inter aceruum tritici, & granum tritici multa sit differentia, quomodo venter Virginis assimilatur aceruo tritici, quæ vnicum videtur & concepisse & peperisse granum? sed si vim verborum istorum perpendimus (si autem mortuum fuerit multum fructum affert) facilius huic difficultati respondebimus: Christus enim in primo Incarnationis suæ instanti adhuc in vtero Virginis situs, mortem suam vidit, & ardentissimo amore, tum erga Patrem, tum erga nos, illam acceptauit, & ita ex tunc multum fructum attulit; Omnes enim nos in vtero suo Diua Virgo concepit, & portauit in illo, quando ipse tunc nos in ea ad salutem genuit: Omnes ergo nos cum ipso peperit, lactauit, & educavit, vnde perpulchrè hanc in ipso nostram & generationem & educationem Virgine Matre describit, his verbis Gulielmus Abbas.

Mariæ viscera Saluatorem ediderunt, Mariæ vbera Saluatorem nutrierunt, & sicut magnus ille Puer natus est nobis, id est, ad salutem nostram, ad vitam nostram; Ita etiam nutritus est nobis, ad vitam nostram scilicet, & ad salutem nostram, pariebat nobis Virgo Mater salutem, atque eo ipso pariebat nos ad salutem, sacro lacte suo nutriebat, nobis vitam, atque eo ipso nutriebat nos ad vitam. Pijs caput nostrum brachijs suspendebat ad vbera sua, & nos ad eadem in illo suspendebat, nec sibi ille nascebatur, nec pascebatur, sed nobis, atque nos in illo nascebamur, nos in illo pascebamur, sic est Mater nostra piissima Virgo.

Item *dua vbera tua sicut duo hinnuli gemelli Capræ, &c.* Duo, inquit piæ Matris nostræ vbera, sicut duo hinnuli Gemelli Capræ. *Esse* (ait Apostolus) *sicut ego*; quia ego, sicut vos: hoc est, congruite mihi sicut ego congruo vobis, per charitatis condescensionem, sic nimirum dicitur piæ Matri, duo

vbera tua sicut duo hinnuli; hoc est, duo vbera tua duobus congruunt hinnulis, vtriusque sexus fidelibus, planè congruunt eis, id est, infirmitati eorum, lac propinant dulcedinis eo ipso quo illum nobis pro tempore nutrierunt, de quo infirmæ animæ per Propheram dicitur, iacta cogitatum tuū in Domino, & ipse te enutriet, verè duobus hinnulis, id est, ex vtroque sexu electis, duo pię Matri vbera congruunt, id est, eorum imbecillitatem fouent & nutriunt; Congruum enim est, vt quod ipsa peperit cum Christo, & cum eodem lactet & nutriat. Hactenus Gulielmus.

Clarius alius, his verbis: Quemadmodum duplici titulo *Romel. l. v. cap. de pariu Virgo* terra Mater nostra dicitur, quod ex ea primus homo in quo omnes eramus, & in quo omnes peccauimus, sumptus sit, & quod ex eā etiam vitam habeamus quoad alimentorum administrationem; Ita Virgo Maria dupliciter est Mater nostra, ex ea enim natus est Christus, in quo omnes vitam habuimus, sicut enim in Adam omnes, ait Apostolus, moriuntur, ita & in Christo omnes viuificantur; Mortui sumus in Adam, quia eramus in illo; viuificati sumus in Christo, quia eramus in ipso; & idcō omnes nos genuit in Christo quæ genuit Christum.

Deindè, quod Christum pariter nutrierit, omnes nos etiam in illo nutriuit, fuit similis reparatio, quomodo fuit & hominis creatio; Adam enim ibi nascitur, hic renouatur. Hic per omnia, scēlici status mutatione, omnes nos renascimur in Christo, & cum illo, & in illo, de Virgine nascimur, ab eā pascimur, & nutrimur ad salutem.

Primus Adam de terra terrenus, secundus de Cælo Cælestis, qualis terrenus tales terreni, qualis Cœlestis, tales Cœlestes; tales, inquam, Mariæ sunt Filij, Fratres Christi, qui est ipse primogenitus, in multis fratribus istis, &c.

Rupertus tandem, Abraham, inquit, Pater Gentium & *Rupertus apud Detricio in Gen. tit. c. ix. sect. 1. paragr. 4.* Sara Mater Gentium rectè dicitur, & hoc propter fidem: quantò magis & tu fidelissima, fidelium Mater es omnium? Cuius ergo dicit Scriptura, Matris meæ, quando sic legimus: Quis mihi det te fratrem meum, sugentem vbera Matris meæ, nisi Virginis Mariæ? Propterea nihil de Patre di-

xit, quia in fratre isto vt conciperetur, nasceretur, & lactaretur, filiusque fieret naturę & carnis nostrę, vir nihil patrauit, totum quod frater noster est, de Matre est, Matris vbera fuxit, sed non ex Patris radice fluxit; Mater ista, Mater nostra est, quia caro ista, caro nostra est; & fides ista, fides tua: ô Maria, fides est etiam nostra: huc vsque Rupertus.

Sed tanto clarius, quanto & breuius Psalter: Homo, inquit, & homo natus est in eâ, homo videlicet Deus, & homo electus ac fidelis quisque.

Venter itaque diuę Virginis aptissimè comparatur acervo tritici quod in vno grano, hoc est in Christo, omne contineat, & portet fideles electos, & bene additur, vallatus liliis, quod immaculatę Virginitatis (cuius symbolum lilia gestant) floribus, id est, cœlestibus gratiis ornatus, vallatus, & stipatus sit; sicut autem terra quę generat lilia, frumenta etiam alit, & nutrit ea, ita diuinissima Virgo quem de Spiritu sancto, Virgo ante partum concepit, Virgoque in partu peperit, & Virgo post partum (vbere de Cœlo pleno) lactauit, quos in ipso fideles concepit, & peperit, Virgineo quoque Virginalium vberum suorum lacte nutriuit, vt nihil ei desit, de his quę veram decet, non solum Christi, sed & omnium fidelium integram Matrem.

Beatus ergo venter qui portauit Christum, & nos in ipso omnes portauit, sed & beatissima vbera quę lactauerunt eum, & nos omnes in ipso aluerunt: ecce qualem charitatem dedit nobis Deus Pater, vt Filij eius ac Virginis sanctissimę nominemur & simus.

Magna re verâ dignitas Christianorum quam iugiter ante oculos habere debent, vt fratres Christi Domini censeantur, ne in veterem vilitatem, vt ait sanctus Leo Papa, degeneri conuersatione redeant.

Præpositus Pincernarum Pharaonis per somnium coram se vitem, &c. vidit, quo somnio Ioseph recuperandam amissam Principis gratiam ei prædixit, sed qui tria canistra farinæ supra caput per somnium se portare vidit, Pistorum

Magister, ab eodem Ioseph ruinam sibi paratam didicit.
Coram nobis ergo sit semper dignitas hæc nostra, coram
oculis habeamus, hoc Filiorum Virginis Deiparæ nomen
iugiter, ut morum pietate, & innocentis vitæ puritate,
Matrem nostram venerantes, & eius summam sanctamque
integram & perfectam Maternitatem dignioribus honoribus
recolendo, feruentius reueremur.





AD SANCTISSIMAM
VIRGINEM
 PRO CONCLVSIONE
 HVIVS TRACTATVLI.

ORATIO.



AUDIANT Celi quæ loquor ;
 Loquar enim ad Dominam meam sanctissimam Domini Dei mei Matrem cum sim cinis & pulvis : audiat terra verba oris mei, concreascet ut pluuia hac doctrina Sanctorum erga te Patrū & Ecclesia Doctorum, piissima & sapientissima Virgo, fluat ut ros eloquium sapientia ipsorum ; ē fontibus pietatis illorum, hausit spiritus meus qualibus & quantis deliciarum imbribus, ac spiritualium voluptatum affluentis, Virgineum cor tuum, Virgineusque animus tuus in lactea educatione Saluatoris redundarint. Tui sunt serui, & mihi eos dedisti Patres atque Doctores, fiat in me duplex spiritus eorum sacer, quo te, non dimidiatam, neque partitam, aut diuisam, sed integram & perfectam Dei Matrem, simul & nostram cum Ecclesia agnosceris &

predicaris, omniumque fidelium votis veneraris.

Festis ergo gaudiis summam, sanctamque, integram & perfectam maternitatem tuam celebrare, ac dignis honoribus recolere, dignum, & iustum est, æquum & salutare. Ego pauperculus celsitudinem tanta dignitatis pro viribus reuerendo, Sanctorum vestigiis inherere contendo, repletus enim sum consolatione, ut sæpius iterum dicam, & superabundo gaudio in Spiritu sancto, quoties vera integraque & perfecta gaudia Matris, te habere, cum Virginitatis honore conspicio; Unde nec primam similem visa es nec habere sequentem; Ideo benedicta es in Mulieribus, id est, plus benedicta, quam omnes Mulieres: Quandoquidem Christus Deus noster, Sol iustitiæ ex te ortus, soluens omnem maledictionem per Mulierem introducta, benedictionem nobis attulit, ac per te omnibus nobis benedixit: Benedixit domui Israël, id est, Populo Christiano; Benedixit domui Aaron, id est, Religiosis & Sacerdotibus cunctis; benedixit omnibus pusillis & magnis qui timent Dominum; benedixit tandem, & mihi tanquam abortivo, ac peccatorum vilissimo, hac singulari benedictione cælesti qua te toto mentis affectu integram & perfectam Matrem suam agnoscens, integram perfectamque ac summam Maternitatem tuam omnibus & singulis peculiaribus votis in suauissimo præsertim lactea educationis eius mysterio reuerendam propono. Ex quo enim dulci lacte Filium tuum pauxisti, dum vbera ipsa tua Virginea, pro peccatoribus, ipsi, sicut ille Patri vulnera ostendis omnium fons benedictionum, donorumque & gratiarum Virginis sinus tuus affectus est.

Ex quo contra venenum nostrorum delictorum illa suxis, inde cunctorum beneficiorum ad generis nostri salutem ingens gaudium fluxit.

Quasimodo ergo genius infans tuus, lac istud diuinissimum concupisco, ad lacteos fontes tuos recurro; Age ergo, pande sinum, & benedicta da mihi vbera, Mater, dulcis, clemens, & pia, misericordia viscera aperi, clementia & pietatis oculos ne claudas, & pauperculo tuo, esurienti, ac sitienti, ac benedictionem non modicam petenti, & expectanti non neges: Tandem (ut cum Diuo Bernardo concludam:) Benedicta iterum in Mulieribus, Benedic te benedicientibus; benedictis enim tuis vberibus qui dat escam esurientibus, hunc lactasti, hunc caelesti rore pauiisti, Virgineo lacte potasti, mammaisti, aluisti, nutriuisti, educaisti.





TRACTATVLVS

TERTIVS.

DE SACRIS VBERIBVS QVIBVS
 Verbum ipsum propter nos Caro factum,
 Sanctissima Virgo Deipara
 lactauit.

*AD TRACTATVLI COMMEN-
 dationem Prasatiuncula.*



ANCTVS sanctificetur adhuc;
 & iustus iustificetur adhuc, vt
 Tractatulum congrua pietate
 legat, Deumque pro nobis ex
 Virgine natum, ac eius Virgi-
 neo Virginalium vberum lacte
 educatum, digno honore extol-
 lat, quod sacratissima Virginis
 eiusdem sanctissimæ non solum
 suxit vbera, sed in tantum di-
 gnatus est (vt ita dicam;) illa
 venerari, vt etiam sicut Tracta-
 tulo præcedente dictum est, summis laudibus extulerit.

Itaque quia sicut ille Patri latere & vulneribus, ita ipsi, hæc, pectore & vberibus peccatorum causam gratiam exhibuit, peccator pœnitens accedat, legat, admiretur, & gratias agat. Recedat carnalis, ac sensualis Lector, oculum claudat, nec appropinquare præsumat, prophanum enim non decet tam sacris, tamque diuinis fluminibus inundari, nec tam cœlesti rore perfundi. Idèd cum omni reuerentia, pietatisque, ac singulari deuotionis ardore, & mentis attentione legendus, spiritali Virginis Deiparæ seruo Tractatulus proponitur.

QVANTÆ VIRTVTIS ET EFFICACIÆ sint apud Deum in salutem peccatorum sacratissima sanctissima Virginis Deiparæ vbera, ex quo Verbum propter nos caro factum lactauerint, ostenditur.

CAPVT PRIMVM.



ENITE, audite, & narrabo, omnes qui timetis Deum, quanta fecit Dominus animæ meæ, quando dedit mihi peccatori ad salutem sanctissimam Matrem suam Mediatricem & Aduocatam.

Securum iam accessum, ait Arnulphus, habet homo ad Deum vbi Mediatorem causæ suæ Filium habet ante Patrem, &

ante Filium Matrem: Christus nudato latere Patri ostendit latus & vulnera, Maria Christo pectus & vbera, & ibi nulla potest esse repulsa, vbi concurrunt, & orant omni lingua disertius, tanta, tantæ clementiæ monumenta, & insignia pietatis, &c.

Gulielmus autem exponens illud Canticorum, *Ego murus, & vbera mea sicut turris, &c.* Ego murus, inquit, simul

Arnulphus
Carnot.
Tract. de
Laud. Virg
sicut Patri
Christo la-
tus & vul-
nera ira
Christo Ma-
ria pectus
& vbera pro
peccatorib.
ostendit.

Gulielmus
apud Delrio

& Mater, murus ad protegendum, Mater ad nutriendum. *in Can.*

Murus infirmis, Mater paruulīs. Propter insufficientiā virium times campum? Murus sum, intra me abscondere à facie inimici, de paruitate tua confunderis, & crescere vis, Mater sum, lacte meo nutrire. Murus per fortitudinem, & Mater per pietatem. Ego murus inexpugnabilis excelsa habens propugnacula; Ego Mater amabilis grandia habens vbera, quam grandia? Sicut turris; vbera mea non tantum sunt vbera, sed etiam turris, non tantum nutriendi, sed & protegendī vim habent: Nullus me putet habere quo nutriam, & non habere quo muniam: Materna pietas mea, quos nutrit etiam munit, quos nutrit vt discant & grandescant; munit à facie inimici; donec iam grandes effecti, contra eum fiducialiter exeant. Hæc Gulielmus. Addit Rutilius.

Sanctissima Virgo ve murus. & eius vbera, ut turris, non nutriendi simul & protegendī habere possidentur.

Maria, ait, Mater fidelium, vbera habet plena lacte misericordiæ ac beneficiorum erga omnem statum Ecclesiæ, illaque iugiter distillantia, in commodum, nutrimentum, & incrementum spirituale fidelium; ostendit in Cœlis hæc vbera Filio, sicut Filius vulnera Patri, interceditque illa pro peccatoribus, vt diuina fauente clementia, compunctionem cordis, & veniam peccatorum consequantur, & sicut Pater Filio, sic & Filius Matri nihil quod postulet negare potest. Ita Rutilius.

Rutillus Romanus Episcopus Laurens in Can. Margare. c. 2. v. 18. ad dub. 4.

Accedit Chifferius super illud Canticorum; *Pulchriora sunt vbera tua vino.* Cum per vini, ait, vocabulum iustitia & indignatio Dei super peccatores in sacris Scripturis sæpè intelligantur, patet quod tantum virium sit in sacris vberibus beatæ Virginis, vt efficacius ad misericordiam eum alliciant, quam vinum diuinæ indignationis alliciat ad iustitiam, & ratio istius tam grandis efficaciz est, quia Christus, talium vberum ostensione, propositum intelligit, maximum id diuinæ clementiæ opus, quod ad satisfaciendum diuinæ indignationi ipsemet cum in forma Dei esset, exinanivit semetipsum formam paruuli, atque lactantis accipiens, factus obediens vsque ad mortem, &c. Insuper exponens illud, lampades eius, lampades ignis atque flammarum.

Chiffer. in Cantic. c. 4. x f. 10 vbera sanctissimæ Virg. efficit. Deū ad misericordiam quam vinum diuinæ indignationis ad iustitiam alliciunt.

Cap. 3. v. 6.

*Vbera sanctissima
Virg. cur
lampades
ignis dicantur.*

Beatæ Virginis vbera, ait, bene lampades ignis dicuntur in quibus exhibeatur ignis dilectioni diuinæ, non tam oleo, quam lacte illo exhibitus, quo eundem pro peccatoribus paruulum in carne effectum aluere, & lampades flammaram emulationis, quas è purissimo Virginis corde erumpentes ob oculos ponunt dilecti sui, &c.

Cap. 8. v. 10.

Tandem illud, ego murus & vbera mea sicut turris ex quo facta sum coram eo quasi pacem reperiens, sic exponendo interpretatur. Ex quo placui Altissimo vt de meis visceribus gignerem Deum & hominem, illum pectus ancillæ Domini, eleuatum instar muri vt ipsum me natum robore deferam maximo, en & vbera: En tibi paratas ad quas, peccator, confugas turres, quando inermis paruulus ac vagiens, mundum istum adire tibi libeat. Ne vereamini peccatores: illam me turrim fortitudinis à facie inimici, quin & à facie iræ Dei, ex quo enim facta sum coram eo pacem reperiens, ex quo inueni gratiam apud Deum, ex quo ille sibi in me bene complacuit, vt respiciens humilitatem ancillæ suæ per Verbi Incarnationem efficeret, vt beatam me dicerent omnes generationes: Ego ex eius benignitate murus vobis validissimus sum; pectus quippe meum vt murum ignis illi opponam, quandocumque iram ipsius in vos erumpentem intellexero, eaque illi ostendens quæ in pectore meo ipso cœlesti lacte intumuerunt vbera mea, vt turrim insuperabilem ipsa ei obiiciam, ex his enim acutissima pro vobis in illius cor iacio spicula precum representantium illi quod tanta vberibus ipsis meis eum charitate lactarim. (Hactenus Chislerius) concludit aliusex nostris super illud) fauus distillans labia tua sponsa, mel & lac (sub lingua tua) alloquitur hic Christus in Cœlo beatam Virginem, dum precibus suis munus aduocatæ pro nobis gerit, vnde perinde est ac si diceret, dum precibus tuis) ô Virgo Mater mea charissima, à me veniam peccatoribus & gratiam niteris impetrare; labia tua mihi videntur, fauus distillans, dulcissimum mel gratiæ, quod de meis contraxisti labiis, cum ea de oscularis, distillare etiam lac quod mihi ministrasti vberem de cœlo pleno: Mel enim, hoc est, suauissimum

*Carthag. l.
24. hom. 16.
de B. V. M.*

Iac. sub lingua tua seruus prompta ad illud proferendum: Distillas vero illud in memoriam mihi reuocans precibus tuis, quas à me suscepisti gratias, & quæ mihi ministeria, me lactando & educando exhibuisti. Quibus omnibus patet, quantæ virtutis & efficaciz sint apud Deum in salutem peccatorum, sacratissima sanctissimæ Virginis Deiparæ vbera, quod & clarius sequenti Capite demonstrabitur.

OMNIBVS OMNIVM SAN-
ctorum Orationibus quantumcumque Deo gratissimis, gratiora & efficaciora sanctissima Virginis Deiparæ vbera, apud Deum in salutem peccatorum proponuntur.

CAPVT II.



S P E S mea in sinu tuo, in pectore tuo, in lacte tuo, in vberibus tuis, ab vberibus Matris meæ (Virgo benedicta) fiat in me duplex spiritus sanctorum Patrum, seruorum tuorum, aliorumque piorum Doctorum qui hæc beatissima vbera tua laudibus extulerunt & scriptis venerati sunt; vt. & posteris deuotionem istam, qua verissima, totaque, integra, & perfecta Mater Dei honoraris, relinquam.

Benedictionibus vberum, ait sanctus Bernardus, benedixit Iacob Ioseph accrescentem & decorum aspectu, sic piissima misericordiæ Mater Virgo Maria vberum suorum benedictione, omnes fideles præsertim in virtute & sanctitate crescentes, benedicit, neque vbera sua exhausta fient, cum de fonte materni pectoris sumant, vt iugiter propinent, fugentibus, ac proinde meliora carnis sæculive amore asseruntur, quæ nullo vnquam lactantium numero arefunt,

S. Bernard.
Serm. in
Cantic. cir-
ca fin. Benedic-
tio vberum sanctiss.
Virg. super
omnes fide-
les.

sed semper abundant de visceribus charitatis : flumina si-
quidem fluunt de ventre eius, fitque in ea fons aquæ salien-
tis in vitam æternam. Ita, D. Bernardus. Sanctorum reue-
ra omnium merita velut flumina dicuntur, sed in Virgine
ipsa sacra fit fons aquæ salientis in vitam æternam, ob præ-
stantiorem efficaciam meritorum, quæ ut Mater & Nutrix
Filio exhibet, cum illi pro nobis vbera sua ostendit. Acce-
dis, ait sanctus Petrus Damianus, ad aureum diuinæ seueri-
tatis tribunal, piissima Mater, non rogans, sed imperans,
Domina, non ancilla omnes Sancti & Sanctæ quantumcum-
que Deo grati sint, famuli & ancillæ habentur: Virgo au-
tem benedicta, ut Mater perfecta Dei, id est, ut Mater simul
& nutrix, domina vocatur. Alij ergo velut serui, meritorum
suorum exhibitione, rogare dicuntur, ipsa verò ut Mater
& Domina, sacrorum vberum suorum ostensione, imperare
dicitur; vbera enim eius, merita ipsius exhibent, quibus &
Angelos, ut ait sanctus Anselmus, vincit puritate, & sanctos
omnes superat pietate. Hinc Martinus Delrio, super illud;
Cerva charissima, & gratissimus hinnulus; Quamdiu, inquit,
Dominus gloriæ qui velut gratissimus hinnulus inter homi-
nes per similitudinem carnis peccati apparebat inglorius,
vbera illius cervæ charissimæ, id est, Diuæ Virginis, nemi-
nem inebriabant, nam quamdiu ille putabatur Filius Ioseph;
etiam illa puri hominis Mater putabatur, unde nec reputa-
bantur vbera eius: at ubi per clarificationem Filij, de-
claratum est, quod esset Mater Maiestatis, & ob hoc, etiam
Mater misericordiæ, & pietatis, cœperunt homines pro-
pria infirmitatis vel iniquitatis conscij, certatim ad eius
vbera properare, eius se meritis commendare, ac præcipua
eius solatia postulare. (Hætenus Delrio.) Clarius tandem
Chislerius concludendo in expositione verborum istorum;
Odor unguentorum tuorum super omnia aromata, &c. Perpul-
chra vbera beatæ Virginis, ait, quatenus vnguenta Mariæ
sunt, ostendit sponsus talem esse eius orationem ut in fra-
grantia & in efficacia, omnibus aliis aromatibus. Hoc est,
omnibus omnium Sanctorum Orationibus quantumcumq;
fragrantissimis, sint præstantiora. Ipsam etiam indicat ra-
tionem quare sint omnibus aromatibus istis efficaciora, &

*Sanctus Pe-
trus Dam.*

*Sanctus
Anselm.
Martinus
Delrio in
Cant. cap. 7.
vers. 6. 5. 4.*

*Chisler. in
Cantic. cap.
4. vers. 10.*

*Fragrantis-
sima vbera
sanctissima
Virg. omnium
sanctorum
orationibus.*

vnde tantum habeant efficacix: nimiru, quia odorem ipsum referant, quem instar fasciculi myrrhæ, & botri cypri, in medio ipsorum beata Virgo gestarat in carne paruulum atque lactantem tunc temporis quando apparuit benignitas & humanitas Saluatoris nostri Dei, &c.

Porro pulchriora, ait Sponsus, sunt vbera tua vino, & præcisè pulchriora dixit, ad amplificationem efficacix vberum, tantæ Virginis, in vi alliciendi, quæ vis est propria pulchritudinis; verbis hisce tandem, nedum eadem vbera præstantissimo pulchritudinis encomio euehit Christus eius Filius simul & sponsus, at insuper, quod in precibus ei ostendit, vnde ipse lac suxit, ne dum allici, sed & quasi prædulci quadam violentia flecti asserit. Vnguentorum autè nomine perpulchra vbera ista decorantur, quo significetur suam ipsam quam pro nobis fundit orationem, talem reddere per talium vberum ostensionem, vt instar thymiamatis sacri illius, quod ex pluribus vnguentis confectum, in odorem suauitatis Deo offerebatur in sancto, omnem iniquorum illorum pro quibus offeruntur foetorem ab ipsis Dei auertant naribus, suæque iucundissima fragrantia cum deliniant. Huc vsque Chylerius.

Idem ibid.

Efficacia vberum sanctissima

Virg. ad diuinam iram placandam.

*IDEM HOC ASSERITVR,
ac euidentius declaratur.*

CAPVT III.

*Merita san-
ctiss. Virg.
victorum San-
ctorum ex-
cedunt.*



*Romelianus
sermo. de
Natiuit.
Domini.*

MVLTA Filia, id est, multæ animæ sanctæ, sibi comparauerunt diuitias, sibi merita plurima piis operibus ac sanctis virtutibus acquisierunt. Tu vero, omnium sanctis-
sima, supergressa es vniuersas, illæque cur-
runt post te, in odorem vnguentorum
tuorum. Vnde Romelianus, vnguenta
tua vbera tua sunt (Maria) meritorum tuorum odorem re-
ferentia, omnes post te, tu prior omnibus, ex quo Deum
nobis protulisti & hominem, quem lactasti in odorem curri-
mus omnes vnguentorum tuorum. O vbera beata, ô meri-
ta præclara, ô vnguenta pretiosa, &c.

*Genf 43.
Quinque
partib. om-
nium San-
ctorum par-
tes portio
sanctiss. Virg
exceat.*

In Conuiuio quod fecit Ioseph fratribus suis, in Ægy-
pto, maior pars seu portio venit Benjamin, qui minimus in-
ter fratres erat; Itavt quinque partibus excederet, sic ex
quo ancillam se Domini dixit Virgo, cum esset paruula in
oculis suis, placuit Altissimo, & de suis visceribus genuit,
quem & sacris vberibus aluit, Deum & hominem: sacrisque
his quinque partibus omnium Sanctorum partes, hoc est
merita excedit; Videlicet, quod Virgo, quod Mater, quod
Nutrix, & Gubernatrix Dei, ac peccatorum Mediatrix, seu
Aduocata piissima sit. Et hæc quinque privilegia sua vbe-
rum sacrorum suorum ostensione & exhibitione dum Filio
suo pro nobis illa ostendit rememorantur, & referuntur,
quibus reuera omnium Sanctorum orationes, & merita quan-
tumcumque Deo grata, excellit & excedit; In sacco deni-
que immaculatæ carnis suæ, in ore, dico, pectoris sui sacri,
in sinu suo Virginali inuentus est Cyphus Domini nostri Iesu
Christi, in quo & ex quo bibit ipse, potumq; Deorum hausit
& suxit,

*Genf 44.
Cyphus
Christi in
ore sacci
sanctiss. Virg
inueniunt.*

& suxit, in quo, inquam, inter homines conuersatus augurari solebat, cum suauitas Euangelicæ doctrinæ, quæ turbas reficiebat, inde prouenit vt suprâ declaratum est. Hoc est, ex suauitate lactis quo lactatus, nutritus & educatus sit. Et hoc est magnum Altissimæ Sapientiæ Dei Sacramentum, quo in Virginem sacram, amorem suum & charitatem ostendit Christus, sicut ex astutia ipsa Ioseph erga Beniamin fratrem suum suprâ omnes alios fratres suos amorem singularissimum declarauit.

Prudentissima Abigaïl, pulchra & decora nimis, inter alia quæ obtulit Dauid irato contra Nabal nimis, testinans duos vtres vini attulit dicens, *Suscipe benedictionem hanc paruulam quam attulit ancilla tua tibi Domino meo, &c.* Cui Dauid, *benedictus Dominus Deus Israël qui misit te hodie in occursum meum, & benedictum eloquium tuum, & benedicta tu quæ prohibuisti me hodie ne irem ad sanguinem, &c.* Omnia hæc in figura facta sunt, duo vbera sua Filio suo piissima Virgo iugiter pro nobis ostendit & offert, cuius pectus sacratissimū, fons omnis benedictionis ex quo Deum aluit factum est. Pro maledictione, abscondit serpens pectus suum, & supra illud graditur. Inter omnia animantia maledictus; iuxta illud, maledictus es inter omnia animantia & bestias terræ; Super pectus tuum gradieris, &c. Sed è contra, pro benedictione saluari, ostendit Virgo in æternum super omnes mulieres benedicta pectus suum sacratissimum, sinumque suum Virgineum aperiens Christo, vbera preciosissima sua exhibet, & ostendit, quibus non tam impetrando, quam imperando, vt Domina non ancilla, salutem nobis conciliat sempiternam, vnde olim cecinit Ecclesia.

Duo vbera sanctiss. Virg. in figurâ Deum placata ostendunt.

Genes. 31. Serpens pro maledictione pectus suum abscondit sanctiss. Virgo pro summa benedictione pectus ostendit.

*Lacte fluunt vbera cum pudoris lilio:
Membra fouet tenera, Virgo lacte proprio,
Quondam flentis lachrymas sedatas vberibus,
Nunc iratum mitigas pro nostris excessibus.*

Antiq. Missal. in fests. Natiuit. Domini in profat. Missa;

Sicut ergo exaltata est sancta Dei genitrix super omnes Choros Angelorum Sanctorumque omnium ad dexteram Filij collocata in Cœlestibus regnis: Ita super illos omnes grata sunt Christo quæ exhibet illi pro nobis in salutem; vbera, per vbera enim merita, & per merita vbera ostendit, quibus cedunt omnium Sanctorum quantumcumque Deo grata merita.

*QUANTVM BEATITVDINIS
in patria vni propinent inexplicabilis voluptatis
& contemplatiuis in via ac vita hac, abundantissima
conferant consolationis sacratissima
sanctissima Virginis Deipara vbera, demonstratur.*

CAPVT IV.

FLUMINIS impetus lætificat Ciuitatem Dei, & triumphantem in Patria, & militantem in via. Hauriunt omnes in gaudio de lacteis fontibus Saluatoris, de vberibus sacratissimæ Virginis, inebriantur ciues in patria ab vbertate: Hac domus Dei Virgineæ, & lacteo torrente lactæ voluptatis potati, atque inebriati, exclamant, Bonum est nos hic esse. Viatores vero contemplatiui, quasi modo geniti infantes, rationabiles, sine dolo, lac istud Virgineum concupiscunt, & dicunt vtriusque Ciuitatis habitatores, quam pulchræ sunt mammæ tuæ, Virgo beata pulchriora sunt vbera tua vino: vbera eius inebriant nos in omni tempore, & in amore eius delectabimur iugiter. Quæ verba, ita Gulielmus explicat.

Gulielm. in
Cant. c. 6.

Bis, inquit, dicitur, eius, vbera eius inebrient te in omni tempore, & in amore eius delectare iugiter, vnum refert

ad ceruam charissimam, alterum ad gratissimum hinnulum, de quibus habetur cerua charissima, & gratissimus hinnulus, &c. Ita ut sit sensus: Vbera eius ceruæ charissimæ, id est, Divæ Virginis, inebrient te omni tempore, & in amore eius, gratissimi hinnuli, suple, id est Christi lactentis, delectare iugiter: qui ergo in amore Christi quærit delectari, cur & vberibus Virginis Matris inebriari. Sicut ergo delectantur beati in patria, suo quoque modo in huius vitæ statu & deuoti contemplatiui, &c.

Chislerius euidentius super illud; *Statura tua assimilata* Chisler. in est palma, & vbera tua Botris; Mariam, inquit, in cœlis regnantem palmæ assimilatam contemplemur, & bene huic benedictæ Virgini id quoque adiiciendum fuit, & vbera tua botris. Quandoquidem exindè potissimum, & beati qui hanc spectant palmam in cœlis & contemplatiui in hac vita qui studio contemplationis eandem meditantur, cœlestibus reficiuntur consolationibus, quod eius contemplantur maternitatem, quæ vberibus ipsis de Cœlo plenis, lactauit Et beati in patria & contemplatiui in hac vita ab vberibus sancti Virg. cœlestibus reficiuntur consolationibus. Filium Dei; Ita ut ex his ipsius vberibus ex quibus Dei Filius lac fuit expressum, iam exprimatur vinum dulcedinis perfectissimæ, quo & beati reficiuntur in cœlis, & quotquot in illius deuotione feruidi inueniuntur in terris: Ita Chislerius.

Vidit mulier lignum in Paradiso voluptatis; *Quod bonum* Genes. 3. esset ad vescendum, aspectuque delectabile, & sulus de fructu illius, & comedis, &c. Et ecce initium dolorum: statura autem tua, Virgo piissima, assimilata est palmæ, tu Arbor vitæ & lignum felicitatis nostræ, ad te ergo oculi omnium & beatorum in cœlis & contemplatiuorum in terris, ut de fructu tuo omnes accipiant & comedant, de quo scribitur, & benedictus fructus ventris tui, & cui mulier Euangelica, Beatus venter qui re portauit, & vbera quæ suxisti. Hoc ergo initium est gaudiorum omnium, tum beatorum in Cœlis, tum viatorum, in terris, deuotorum tuorum, ad sacra vbera tua aspicere, de fructu tuo edere, de lacteis fontibus tuis inebriari, & in amore Christi delectari.

Tandem Chislerius iterum concludendo; sic ait; tantæ

Virginis celsitudine & excellentia, atque dulcedine allelus iam mea decreui in mente & firmiter statui, vt sedula sublimique vt melius potuiffem consideratione in hanc ascenderem palmam, memetipsum eleuans ad eam contemplandā, vt est palma beatorū in cœlis, & palma mihi pariter in excelso Cœlorū exaltata, spem habens reipsa quoque ad illam ascendendi: Deus dederit, vt è seculo isto victor discedam. Apprehendere etiā satagam fructus istius palmæ benedictæ, arcta meditatione eius completens vbera, quæ in cacumine huius palmæ maximè conspicua spectanda proponuntur, & fructus innumeri atque prædulces, qui exinde toti mundo prouenerūt quod vberibus iis de cœlo plenis lactatus est Filius Dei Reparator generis humani. Et erūt tunc, iuxta Hebr. & Septuag. Vbera tua (Virgo sanctiss.) sicut Botri vineæ, neque enim beatis dumtaxat, vinum propinent inexplicabilis voluptatis, sed & mihi etiam nunc quando meditatione illa completor, erunt instar botrorum vineæ illius cœlestis; ita vt ex illis tantum haurire mihi liceat vim lachrymarum deuotionis, & vini eius spiritus, quo inebriandi dicebantur Apostoli, necnon & vini cœlestis voluptatis, vt sperem me quoque præ spiritus feruore inebriandum. Huc vsque Chislerius.

Romelianus
serm. 2. de
Nat. Dom.
Angeli affi-
ciantes Vir-
ginem Chri-
stum la-
stantem mi-
ra afficie-
bantur laci-
ris.

Romelianus quoque, paruo, inquit, lacte pastus est per quem nec ales esurit, dum illa quæ Virgo & Mater est: vberē sacro de cœlo pleno, illum pasceret, quanta putas afficiebantur Angeli spectantes lætitia & exultatione, intuentes in eum qui sua in cœlis illos beata pascit substantia, & cernentes aliena eum in cœlesti illo lacte pasci substantia, sed & ipsaque Virgo dum lactat Filium talem ac tantum, quanta putas dulcedine cor eius redundabat totum (vt ait Cyprianus) negotium plenum gaudio. Hæc ille, &c.

Sicut ergo iam ex tunc dum Virgo Deum & hominem Filium & alumnum suum apud Bethleem lactaret, Angelos reficiebat lætitia, & afficiebatur ipsa exultatione spiritali & dulcedine cœlesti replebatur, ita nunc & in cœlis Angelis ipsis sanctisque ac beatis omnibus, sed & contemplatiuis in via ac vita hac, vinum inexplicabilis voluptatis pretiosa

vbera illa quæ Deum infantem aluerunt, ex ſuaui lactæ educationis tanti Saluatoris myſterij meditatione propinant. Eia nunc, ô mulier, omnium mulierum ſanctiſſima, & inter ac ſuper omnes illas benediſta; Sitio, da mihi bibere: Quemadmodum deſiderat ceruus ad fontes aquarum, ita deſiderat cor meum ad lacteos torrentes tuos, ad fontes viuos ſacri peſtoris tui, ad ſacra ac pretioſa vbera tua; ego peccator cum ſim, bibere à te poſco, quæ eſt Mulier cœleſtis & ſancta, deſiderio deſiderauit anima mea; O ſi quis daret mihi potum, de cyleſterna quæ eſt in Bethleem iuxta portam! quis introducet me in terram illam benediſtam quæ fluit riuis lactis & mellis? Factus ſum cui lacte, pro omni ſolido cibo opus eſt; Quis dabit mihi, mammilla Regis mei, Dei ac Domini Saluatoris mei lactari? Sitiens valdè clamo, Ad te Domina mea, Mater Domini mei, en ſiti morior. Et factus ſum ſicut illi, qui deficiebant cum exhalarent animas in ſinu Matrum ſuarum, reſoſita eſt ſpes vitæ meæ in ſinu tuo, aperi mihi botrum lactis vt benedicens benedicat anima mea tibi, antiquam moriar.

QVANTÆ PVLCHRITVDINIS
ipsis etiam Angelicis cœtibus, exindè quod Vir-
ginea, de Cœlo plena, & Deum lactantia,
quantaque dulcedinis cunctis fidelibus, ac so-
porosissima suauitatis, ipsi pariter Christo, pre-
tiosissima sanctissima Virginis Deipara vbera
exiiterint ostenditur.

CAPVT V.

Albertus.

Chislerius in
Cantic. c. 4.
v. 10.

QVAM pulchræ sunt mammae tuæ, suauissima
in deliciis pulchriora sunt vbera tua vino; Et
in tantum, inquit Albertus, vt specie, &
pulchritudine sua sanctos Angelos oble-
ctabant, cum ab eis maximè penderet spe-
ciosus forma præ filiis hominum, & Domi-
nus Angelorum, minoratus paulò minùs ab

Angelis propter similitudinem carnis peccati. Si id pul-
 chrum est addit Chislerius: Quod intuentium allicit ocu-
 los, & vna cum intuentibus oculis allicit & corda, adeò
 sanè pulchra in Christi oculis beatissimæ Virginis vbera exi-
 stunt, vt meritò illa admiretur, quasi miraculum quoddam
 pulchritudinis dicens; quam pulchræ sunt mammae tuæ,
 Soror mea Sponsa, pulchriora sunt vbera tua vino, &c.
 Quod autem tā placet Christo, quantum putamus, & An-
 gelis & hominibus gratum erit? Indè Rupertus: Neque,
 ait, fideles hæc auscultantes molestum est illis hæc sæpius
 audire, & eos toties de mammis ac vberibus Virginis tot
 voces dilecti gratulantis non fastidiunt, quoniam amici sunt.
 Immò gaudio gaudent, propter vocem sponsi lætantis iuxta
 illud: Lætabitur Dominus in operibus suis. Voces istæ, vo-
 ces lætitiæ nostræ sunt lætitiæ Patris & Filij, & Spiritus san-

Rupertus in
fine 1. libri
in Cantic.

Ai. Duo vbera tua sicut duo hinnuli gemelli caprea, quod iam supra dictum est, & nunc iterum quam pulchræ sunt mammæ tuæ? Ac tertio, pulchriora sunt vbera tua vino, & certè pulchrius est nunc de vtero Mulieris absq; viro virum facere, quam in principio de costa viri mulierem fecisse: Illic namque de viro mulier facta est quæ perdat, hic de muliere, sine viro, vir factus est qui perditæ salus. Pulchritudo autem huius operis iucundius spectatur, in mammis siue vberibus tuis, Virgo sancta, quando iam peracta est species tantæ pulchritudinis, quando Deus ex te natus, lactatur mammis, māmīs fœmineis, vberib* Virginis, in spectaculum facta es Mundo, & Angelis & Hominibus? Et in te gaudiū est vniuersæ creaturæ: Hactenus Rupertus. Quantæ autem saporosissimæ suauitatis ipsi pariter Christo Virgineus Virginalium vberum ipsorum liquor extitit, patet ex dictis diuersorum Sanctorum, & aliorum, apud Didacum. De Beza, qui, ait, quando Christus exclamauit in Cruce, sitio, felles sitiebat, & auidè amaritudines istas concupiebat perferre: Labia enim ipsius Mariano lacte rigata & saporata, etiam felles dulces reputabant: Vndè Cyprianus; Puer, inquit, sugens vbera, & sustinens conuitia. Ecce nobis vndè conuitiorum tolerantia manauit ex cœlestis irroratione succi, vbi Mariæ vbera hausit, ea profusum dulcedine mansit palatum, vt felles quasi fauos voraret. Et quidem dicebat. Vinum bibi cum lacte meo. Quare non dixisti.

Domine IESV, ait sanctus Antonius de Padua, bibi acetum meum cum lacte meo? Virgineis vberibus lactatus fellis amaritudines non sentis, quippe vbi lac Virgineum accepit Dominus, vbi ab vberē de cœlo pleno lactatus fuit, nihil amarum reputat, dulcescunt illi felles, & acetum optimi vini saporem refert. Ita Beza; Ad hæc Bernardinus Buxensis; Beatæ Virginis lac, ait, miram habuit saporositatem, quam traxit à Spiritu sancti depuratione; Numquam enim aliqua Mulier habuit lac tam saporosum sicut ipsa, aliarum namque Mulierum lac, ob tantas impuritates, non potest esse magni saporis, huius vero Virginis lac, ita à Spiritu sancto fuit depuratum, quod factum est exindè omni

Didac. de
Bona l. 4.
c. 5 de ver-
bū Christi
in cruce.

S. Cyprianus
erat de Nat.
Dom.
S. Anton.
Paduanus
Domin. 1. in
Quadrages.

Bernardin.
de Buxen.
serm. 3. de
partu Virg.
parte in
fin. 2.

dulcedine dulcius, & omni suauitate suauius. Hæc ille.

*S. Vincent.
Ferrerius.
serm. de
Natiu. Chr.*

*Rutilius
Christus
Laureus.*

Refert quoque sanctus Vincentius Ferrerius. Quod lacte carens beata Virgo pro lacte Deum precata est, & fuit illi à Deo lac dono datum. Vnde diuinam prorsus habuit sapientiam. Exultemus ergo, ait Rutilius, & lætemur in Deipara Virgine; memores vberum suorum super vinum, charismata enim atque gratiæ & spiritus gaudia quæ à Domino accepit plenissima ut vbera lacte referta existunt, & dulciora super mel & fauum omnium terrenarum consolationum.

*AB IPSIS ETIAM VBERIBVS
post Virgineum partum Virgineo lacte tumidis,
Virginalis fecunditas, purissimaque & immaculata Virginitas sanctæ Virginis Deipara, aptissime
dignoscuntur.*

CHAP. VI.

*Lucas Abbas Cant. 4.
Differentia
inter vbera
& mammæ.*



*Q*UAM pulchræ sunt mamma tua, soror mea Sponsa, pulchriora sunt vbera tua vino. Mammæ, ait Lucas Abbas, ad fecunditatis benedictionem, vbera vero Virginitatis gloriam respicere opinamur, in genitricibus enim mammæ, in Virginitatibus autem vbera, appellantur. Ita ille.

*Rupert. Abbas Cant. 4.
Cur dicantur
mammæ
sanctiss. Virg
pulchræ.*

Hinc Rupertus, Non simpliciter dicitur, pulchræ sunt mammæ tuæ, sed quasi cum admiratione, quam pulchræ sunt mammæ tuæ, id est, quam gratæ sunt oculis Patris quæ Filium suum vnicum aluerunt, quam pulchræ sunt quæ lacte singulariter candido tumuerunt. Nempe lac istud singulariter candidum, quia Virgineum, pulchræ quidem sunt mammæ Virgini, quia Virgineæ, sed dū Virgineæ sunt lactescere nesciunt. Ideo simpliciter pulchræ sunt, at beatissimæ Virginis

ginis mammae, non tantum Virgineae fuerunt; sed etiam ad singulare miraculum lacte Virgineo tumuerunt: ideo cum admiratione gratulatoria, vult dici, Quam pulchrae sunt mammae tuae; Haec Rupertus: Qui ibidem exponens illud iterum.

Pulchriora sunt vbera tua vino, ait: Vinum potest intelligi *idem ibid.* illud quod germinat Virgines, ipsa quoque Mariae Virginitas propter meracissimam puritatem, quid enim Virginali puritate meracius? Hoc vino beatæ Virginis priusquam mater esset plena vbera erant, sed ubi, salva Virginitate, Mater facta est, non plena tantum vino, sed etiam pulchriora vino fuerunt, quia non tantum Virginea, sed etiam lacte Virgineo tumida exstiterunt. Vbera habere Virgines, cum multis illi Virginibus est, & fuit commune, sed singulare illi est, & fuit, & erit, Virginea vbera lacte Virgineo post partum tumentia habere, quia sola Virgo post partum lactavit, quem genuit, &c. Iterum.

Duo vbera (inquit) beatissimæ Virginis sunt, ut dicit Scriptura, sicut duo hinnuli gemelli capreae qui pascuntur in liliis, numquam enim visum est simile huic in montibus, siue in collibus nostris, sed neque videbitur in sæculis superuenturis, ut vni capreae fiant tales duo hinnuli gemelli, ut vni foeminae contingat, quatenus eiusdem vberibus, & Filium lactet, & Virgo sit; Aspicite hoc & admiramini, videte & congratulamini: Haec tenus Rupertus.

Alanus vero, ita ait, quæ delectabiliora, quæ meliora, quam vbera illa quæ propinauerunt lac Christo? non ex libidinis foeditate, sed ex Virginitatis foecunditate? talia optabat Christus vbera, à tali vbere lac sugere cupiebat, quod non saperet carnis lubricum, sed Virginitatis antidotum, & ideo fragrantia vnguentis optimis, quia quod faciunt vnguenta odore, hoc & illa Virginitatis integritate. Ita Alanus.

Albertus tandem; Nihil, inquit, hic austeritate pun- *Albertus.* gens, nihil per libidinem inebrians, sed vnguentum fragrans ex humore nutriendum vinctum Christum, & omnes nostras sanans infirmitates, &c. Gaudia ergo Matris,

*Virginitas
sanctiss.
Virg. cur
vino compar-
etur.*

*Rupertus 3.
Cantic.*

Alanus.

Albertus.

diua Virgo habes, cum Virginitatis honore, nec primam similem visa es, nec habere sequentem. De l. & ci. fontibus Saluatoris lacteas aquas in gaudio nos omnes haurire contendimus, mensuram tu, bonam & conferam, & coagitatam & superfluentem, vini istius & lactis Virgine, quod a te absque argento emere properamus, tua ipsa erga nos materna pietate, nobis propinare festina. Equidem tanti ad hoc, ac tam suauissimi Virginei lactatus Saluatoris, lactæque educationis eiusdem, ministra mysterij facta es temporalis. Eia ergo, age, pande sinum, da pluribus vbera, Mater: *Nos quoque lactantes paruula turba sumus.*

SACRATISSIMA SANCTISSIMÆ
Virginis Deipara vbera ex eo quod salua post partum Virginitate Deum lactauerunt, remedia nobis efficacissima contra omnem carnis molestiam conferunt.

CAPVT VII.



CARO, ait Apostolus, concupiscit aduersus spiritum, & spiritus aduersus carnem. Lactam vero tantam nos infirmi peccatores lutea vasa portantes, & thesaurum castitatis in vasis fictilibus deferentes, sustinere non possumus, nisi inde auxilium habeamus. Vnde infirmitatum nostrarum sanitas exorditur, hoc est, ab vberibus ipsis sacris, quæ in Medico nostro Salvatore, & sanatore nostro quem lactauerunt, salutarem medicinam contra omnem infirmitatem carnis ac spiritus ineffabili pietate parauerunt.

ait c. 5.

Benedicta, ait Scriptura, inter mulieres lact, & benedicatur in tabernaculo suo, aquam petenti lac dedit, & in phiala princi-

pum obtulis butyrum, sinistram manum misit ad clauum, & dextram ad fabrorum malleos, percussitque Cysaram, querens in capite vulneri locum, & tempus valide perforans, &c. Sizara interpretatur equum videns, vel tineam, vel arundinem videns: Optimè ergo per Sizaram spiritus fornicationis significatur, qui stercore suo oculos carnis quærit excecari, qui carnem ipsam rodit iugiter tentationibus innumeris, & de quo, habetur: Hi qui coniugium ita suscipiunt vt Deum à se, & à sua mente excludant, & suæ libidini ita vacent, sicut equus & mulus quibus non est intellectus, habet potestatem Dæmoniam super eos. Aquas petiit ille, de quibus dicitur: *Aque multe populi multi.* Aquæ, quas vidisti, vbi meretrix sedet, populi sunt & gentes, & linguæ, sed obuiam habet tanquã vlticem & viatricem potentissimam, mulierem illam benedictam, de qua dictum est ei: *Inimicitias ponam inter te & mulierem, inter semen tuum, & semen illius, & ipsa conteret caput tuum.* Mulier ergo illa beata Virgo benedicta est quæ in phiala principum obtulit butyrum, quando quem genuit, vberè de cœlo pleno lactauit Regem nostrum, & principem militiæ nostræ Iesum Saluatorem, de quo scriptum est, *Butyrum & mel comedet, &c.* Et ex quo lactauit cum, lac eius factum est vinum germinans Virgines dignum famulis dilectis suis ad potandum, labiisque & dentibus eorum ad ruminandum; itavt exhibitione sacrorum vberum istorum quando illa pro peccatoribus filio ostendit, caput serpentis antiqui hostis nostri conterant, & contra omnem Draconis huius tentationem, & carnis nostræ molestiam remedia nobis efficacissima conferant vbera ista beata.

*M. fluvium
lactationis
saluatoris
contra om-
nem carnis
molestiam
remedium
conferre.*

Apocal. 17.

Genes. 3.

Cantic. 7.

Isai. 48.

*Lactationis
saluatoris
& sacro-
rum vberum
sanctiss.
Virg. virtu-
te adiuti su-
per aspidem
& basiliscum
spiritum su-
per fornicationis
gravidat fideles.*

Incarnati Verbi beatissima tempora in spiritu videns Isaac Propheta: Delectabitur, ait, infans ab vberè super foramina aspidis, & in caverna Reguli qui ablactatus fuerit manum suam mittere infans iste in vberè: fidelis est, & sanctissima Virginis famulus ac servus, vberum sacrorum eius adiutus virtute, quorum virtutis auxilio, nunc etiam virguncula, puellæque parvula, parvuli, inquam, & infantes super aspidem & basiliscum ambulantes: Leonem istum infernalem & Draconem conculcant, & spiritus fornicationis & im-

munditiæ caput validissimè conterentes, insinem per solitudines, desertâ, & claustra, siue monasteria, victoriam de diabolo, & mundo, & carne reportant. Et ecce virtus lactis Virginei, vberumque sacrorum sanctissimæ Virginis, tempus, sic capitis serpentis validè perforauit, quando nobis destructorem mortis, victorem, ac triumphatorem diaboli, & spoliatorem inferni, vt dictum est, lactauit & nutriuit.

Sciebat ille antiquus hostis humani generis Christum nasciturum ex Virgine, & idè abhorrebat Virginitatem; in tantum vt nulla vnquam mulierum ante Virginem, voto Virginitatem seruauerit. Volebat ille omnes mulieres, carnis corruptione foedari, & nullam patiebatur castitatis integritatem, virtute votorum seruare. At, Virgo benedicta caput eius contriuit, dum suo exemplo tanta millia Virginum vino lactis sui germinauit, & ad amorem castitatis traxit, quas omnes Virgines velut hortus sui plantationes, lacteo imbre sacrorum vberum suorum irrigauit, vt exclament cū gaudio, Trahe nos post te, in odorem curremus vnguentorum tuorum, id est, vberum tuorum: Et ecce fructus Virginei lactatus Saluatoris.

Quam ergo bene exclamat Albertus, Nihil hic austeritate pungens; nihil per libidinem inebrians, sed vnguentum fragrans, ex humore nuticiens vnctum Christum, & omnes sanans nostras infirmitates. Et Alanus: A tali vbere Christus lac sugere cupiebat, quod non saperet carnis lubricum, sed Virginitatis antidotum, &c.

Eia nunc omnes qui diligitis Matrem Domini mei, congratulamini ei, gaudete cum ea gaudio vniuersi, vt sugatis & repleamini ab vbere nutritionis Saluatoris, vt mulgeatis, & deliciis spiritualibus assuatis ab omnimoda gloria tantæ Virginis, quia hæc dicit Dominus, *Eccè ego declinabo super eam quasi fluium pacis, & quasi torrentem inundantem gloriâ gentium quam sugeris, ad vbera portabimini, & super genua blandientur vobis, videbitis, & gaudet cor vestrum, & ossa vestra quasi herba germinabunt, &c.*

Fructus v-
berum
Virginei la-
ctus Sal-
uatoris &
sacrorum
vberum
sanctiss. Vir-
ginis in
Vuginib.

Albertus.
Alanus.

Mat. 23.

cap. 5.

Extensio & continuatio Capitis.

CVM contraria contrariis opposita, magis elucescant, libet ex multis sacræ Scripturæ testimoniis, de peccati carnis damnis pauca referre, quatenus quantum sanctissimæ Virginis genus nostrum sit obstrictum, in ratione charitatis suæ, qua videlicet iugiter filio sicut ille vulnera Patri pro peccatoribus vbera offert, clarius ostendatur.

Totus mundus, ait Apostolus Ioannes, *Positus est in malo*; Idem, ut alij volunt, in malo igne. Quo scilicet Ciuitates Sodomorum, & ferè totius mundi Rectores, Reges, Sapientes, Fortes, Sacerdotes, Duces, Patres, Fratres, Seniores, Iuuenes & Senes concremantur, & accenduntur; Ita ut omnis caro corrumptat viam suam, uti, in David, Salomone, Sansone, Ophni & Phinees, Holopherne, Loth, Amón, Thamar, Sichen, & Suzannæ Iudiciis videre licuit.

Fornax ista Babylonica, in qua omnis confusio conflat, sextuplum accensa est, quandoquidem septem vitiorum capitalium ardore fumescit, cuius flamma cubitis quadraginta nouem vbique terrarum sparsa est; Immundus autem spiritus alios nequiores se assumens, ut fiant nouissima sæcula peiora prioribus, à minimo vsque ad maximum, & à Sacerdote vsque ad Prophetam omnes contendit hoc foetidissimo igne absumere, nec ad quinquaginta cubitorum, qui numerus est indulgentiæ & remissionis peruenit; Nullus enim ad veram poenitentiam convertitur, desolatione desolantur ciuitates nostræ, eò quod nemo est qui recogitet corde.

Meretrix magna Mater fornicationum sedens super bestiam habentem capita septem, & cornua decem, quæ sunt septem capitalia vitia, cum transgressione decem mandatorum Dei, Reges, Duces, Sapientesque, Iuuenes, & Senes suo calice inebriauit, & totus mundus in hoc malo igne positus est.

Quantus autem sit malus ignis iste spureissimus & foetidissimus, patet ex his quæ infra dicentur. Nunc autem, ait Apostolus; *manent tria hæc, fides, spes, charitas; maior autem*

Totus mundus
in malo igne
liberatus ex-
ardefcit.

Fornax Babylonica
49 cubitis
accensa.

Luxuria
per fornacem.
Babyl signata.
Luxuria per bestiam
7 cap & 10.
cornua habentem signata.

horum est charitas. Quibus omnibus virtutibus maiorem esse charitatem apertè ostendit Apostolus, quod & probatur tum ex Philosophis tum ex Theologis.

Charitas
omnium
v. s. tum
maior &
nobilior.

Qualia enim sunt subiecta, talia sunt prædicata, Arist. 3. de Anima. Subiectum autem charitatis est voluntas, nobilior intellectu subiecto fidei, & memoria subiecto spei.

Luxuria
maiori vir-
tutum cha-
ritate scilicet
opponi-
tur.

Deinde ex Arist. 2. Phys. 2. de Anima 3. Topic. & 1. Ethic. nobilior est finis omnibus quæ sunt ad finem. v. g. nobilior est sanitas omnibus medicamentis; charitas autem est finis omnium virtutum. 1. Tim. 1. & Rom. 13.

Insuper virtutes Theologales cæteris excellunt quod proximius habeant Deum pro objecto. Theolog. in 3. sentent. distinct. 23. & D. Thom. 2. 2. qu. 23. art. 6. Charitas autè est omnibus Deo vicinior. Deus enim charitas est, &c.

Tandem forma est quæ dat esse rei, & ideo nobilior, nam Arist. 1. Physic. 7. Phys. 2. de Anima, & 7. Metaph. Forma est quid diuinum & appetibile in natura, &c. Charitas autè est forma cæterarum virtutum secundum Theol. 3. Sentent. Ergo per omnia maior & nobilior cunctis aliis iuxta Apostolum: Maior autem horum est charitas; Charitas, ait, vinculum est perfectionis, id est, colligatas & complexas omnes alias continens in se virtutes velut vinculum ligna, & alia huiusmodi.

Est velut Regina virtutum quam sequuntur reliquæ omnes ut Reginam & Dominam antiquæ ancillæ, &c.

Cum ergo tres salutis nostræ infestissimos habeamus inimicos, Diabolum, videlicet, mundum & carnem, proculdubio, maior inimicorum, maiusque vitiorum censebitur, quod maiori virtutum opponitur & aduersatur.

Diaboli
dei mundus
spei caro
charitati
aduersatur.

Diabolus autem fidei aduersatur, qui idololatriæ cultum in mundum introduxit, & seipsum Christo in Deserto adorandum proposuit. Mundus spei opponitur, vana diuitiarum dignitatumque ac caducarum rerum spe seducens: contra quem Psalter clamatur dicens; Nolite sperare in principibus, in filiis hominum in quibus non est salus, &c. sed caro charitati aduersatur, iuxta Apostolum scribentem, Manifesta sunt opera carnis, quæ sunt fornicatio, immunditia, impudi-

citia, luxuria, &c. Fructus autem spiritus est charitas, &c.
Ex his colligitur huius vitij acerbitas.

Tres sunt, ait Apost. Ioannes, *qui testimonium dant in celo, Pater, Verbum & Spiritus sanctus*: Tres etiam inimici nostri prædicti tribus his aduersantur, mundus videlicet Patri, Diabolus Filio, & caro Spiritui sancto. De primo scribitur;

Pater in se mundus te non cognovit, &c. Sic Deus Pater, dilexit mundum, ut Filium unigenitum suum daret, &c. Mundus verò

hunc vnigenitum cruci affixit in odium tanti Patris. De secundo habetur: In hoc apparuit Filius Dei vt dissoluat opera Diaboli, &c. Opus autem Diaboli est idololatria: Christi vero opus fides, opus Diaboli superbia, Christi humilitas, opus Diaboli fuit hæc quatuor ad nostram perditionem obseruare; videlicet. 1. Pelle aliena, id est, serpentina se induit. 2. In arborem ascendit. 3. Fructum arboris comestibilem mulieri porrexit. 4. Esu ligni huius verbo suavit, & sic peccatum introduxit. Christi opus attenditur. 1. Veste se peregrina, hoc est, carne nostra, se induit,

& etiam cum tanta, ac tam mirabilis opera sub pelle nostra operaretur, vt ab ipso inimico nostro agnosceretur; vnde & clamabant Dæmones **IESU NAZARENE**, cur venisti ante tempus torquere nos, scimus te, &c. Sub speciebus sacramentalibus in vltima Cœna, ita se occultauit, vt dicat Propheta, **Verè tu es Deus absconditus, &c.** 2. In Arborem Crucis ascendit. 3. Fructum eiusdem arboris comestibilem reddens comedendum tradidit; nunc enim Christum benedictum fructum Crucis comedimus viuum ad Altare. 4. Tandem verbo ac præcepto esum fructus huius suavit dicens; qui non manducauerit carnem Filij hominis, & biberit eius sanguinem non habebit vitam æternam: ergo bene in hoc apparuit Filius Dei, vt dissoluat opera Diaboli. Et sic pater quantum sibi Christus & Diabolus aduersentur. 3. Tandem dicitur, Omnis caro corruerat viam suam, vnde Deus, **Non permanebit spiritus meus in homine in æternum, quia caro est.** Christus autem, sic ait, **Qui peccaverit in Patrem & Filium remittetur ei, pœnitendo videlicet, sed qui peccauerit in Spiritum sanctum non remittetur ei in hoc sæculo, neque in**

Diabolus filio mundi, Patri caro Spiritui sancto aduersantur.

Quatuor Diabolus ad nostram perditionem.

Quatuor Christo ad naturam preparationem obseruavit.

futuro, &c. Ergo peccatum hoc grande est & inimicus infestissimus reputatur qui Spiritui sancto aduersatur. De peccato contra personam, & de peccato contra officium Spiritus sancti alibi dicitur.

Conclusio Capitis continuationis, & extensionis eiusdem.

VT autem clarius innotescat carnem Spiritui sancto manifestè aduersarij, nostri Doctoris valdè est notanda sententia; Præcedit, ait, sæpius in nobis simplex cogitatio, cogitationem sequitur: Delectatio, delectationem consensus, consensum opus, opus consuetudo, consuetudinem necessitas, necessitatem desperatio, desperationem æterna damnatio, & hæc est finalis impœnitentia, quæ directissime est peccatum contra Spiritum sanctum.

Quibus gradibus luxuriosus ad infern. descend.

Caro inimicus rebellis & insolens quia non est à Christo uictus.

Nec mirum, quia cum inimicus qui in bello numquam fuit victus fiat insolentior, & cum Diabolus in deserto a Christo iuxta illud; Vade Sathana, &c. Et mundus in passione ab eodem. Vnde ipse, Confidite, ego vici mundum, debellati fuerint, caro verò numquam victa, contra quam nullam habuit Christus luctam; Existiterit, non inquam mirum est si in tantum insolescat, vt etiam contra Spiritum sanctum se erigat.

Cur lapidatione potius quam alio supplicio mulier adultera puniebatur in lege.

Vnde etiam non mirandum si aduersus illam totus mundus exurgat: iuxta quod habemus in adulterio mulierem deprehensam lapidationi subiacere secundum Moysis Legem, nam carnifex vnus igne, gladio, patibulo, &c. potest cuiuscumque criminis reum è medio tollere, sed vult Deus à minimo vtriusque sexus vsque ad maximum iacendo lapides in adulteram tanti criminis esse omnes carnifices, quippe quæ vitio tali vniuersam ciuitatem, & regnum totum offendit.

Luxuria omnia cœlia offendit.

Exindè prodigus filius, Peccaui, ait, Patri in cœlum, &c. Hoc est in Deum, Angelos & Sanctos, in Solem, & Lunam, & Stellam, in Cœlos, Astra & Elementa, &c. Quia turpitudine ipsa mea, hoc est, Vitio luxuriæ, puritatem omnium creatu-

creaturarum fœdauit: Ergo ex his coniciendum, quanti sit meriti, quantæque excellentiæ, & virtutis, auxilium sanctissimæ Virginis. Deiparæ peccatoribus impensum, vt è tanto vitio ad poenitentiam resurgant.

Q V A N T A R E V E R E N T I A,
quantoque honoris & deuotionis cultu sacratissima sanctissimæ Virginis Deipara, qua in petore ipso sacro, carnea etiam gestauit, vbera, ex quo Verbum Patris pro nobis caro factum aluerunt, cunctis fidelibus honoranda veniant, declaratur.

CAPVT VIII.



NUc reuera, caro mea immutata est, iuuentus mea renouata est vt aquilæ, cor meum & caro mea exultauerunt in Deum viuum, & præ gaudio & exultatione, præ lætitiâ animæ meæ, laborem studiorum meorum non sentio, tempus mihi breue est. Dies velociter transeunt, & nox ipsa est illuminatio mea in deliciis meis, maximè cum de veneratione & reuerentia sacris & preciosissimis vberibus sanctissimæ Virginis exhibenda, tractare propono.

Sanctus Augustinus de ferreis vinculis quibus beatus Petrus Apostolus victus fuit propter Christum loquens: Meritò, ait, per omnes Christi Ecclesias auro preciosius habetur ferrum illud pœnalia vinculorum, &c. Si medicabilis fuit obumbratio visitantis, dicitur enim quod ponebant infirmos, vt vmbra saltem transeuntis Petri obumbraret eos, & sanarentur à langoribus suis; quanto magis

*Sanctus Augustinus
 serm. 29.
 de Sanctis.
 Ab exemplo
 cultus fer-
 reorum vin-
 culorum &
 aliorum san-
 ctorum Apo-*

stolorum Pa-
tri & Pauli
martyrij in
strumentu
honoris quoque
sacrum Jan
batiff. Virg.
utribus ex-
hibendū fa-
cile colligi
tur.

medicabilis erit cathena vincientis? Si inanis quædam species vacuæ imaginis habere in se potuit vim salutis, quanto plus de corpore meruerunt atrahere salubritatis ferreo pondere sacris impressa membris vincula passionis? Fœlices illi nexus, qui de manicis & compedibus in coronam mutandi, Apostolum contingentes, martyrem reddiderunt. Vincula fœlicia quæ reum suum vsque ad Christi Crucem, non tam condemnatura, quam consecratura miserunt. Ita Augustinus.

Chryst.
serm. apud
Metaphrast.

Et sanctus Ioannes Chrysostomus de Cruce, & clavis sancti Petri, ac de gladio Apostoli Pauli ita loquitur; Gaudeas & tu Petre, cui datum est vt ligno crucis Christi frueris: beati clauī qui sancta illa membra penetrarunt. Gaudeas & tu, Paule, cui caput gladio fuit amputatum, cuius virtutes nullis verbis explicari possunt, quisnam gladius Sanctum guttur tuum peruasit? Dominicum, inquam, instrumentum, quod à cœlo habetur in admiratione, & quod terra reueretur: sit mihi gladius ille pro corona, & clauī Petri pro gemmis infixis in diademate. Huc vsque Chrysostomus.

Teriiff. ar-
gument.

Si ergo beati nexus, & beata adedè vincula iure prædicantur, quæ Apostolum Christi contigerunt, ita vt in Ecclesia de illis tam celebri festo memoria celebretur, si clauī & gladius, ita in honore à cœlo & terra habentur, qui Apostolorum Christi membra tetigerunt, quanto magis lac Virgineum quod Christus ipse suxit? Quanto magis sacratissima vbera illa sanctissimæ Virginis Deiparæ, quæ sacro Verbi Dei Incarnati oris osculo osculata, benedicta, sanctificata, & consecrata fuere? certè à cœlo terraque omni venerationis cultu honoranda veniunt: quæ tactu carnis Incarnati Verbi ita consecrata sunt, vt etiam rebus aliis ab illis tactis, Vt in tractaculo de miraculis dicitur, virtutem & sanctitatem contulerunt. O beata, sacra, sanctaque & benedicta, ac pretiosissima vbera quæ lactauerunt Deum, quæ Christus ore proprio suxit, manibus benedixit, tactu consecrauit, & verbo quasi etiam cum admiratione laudauit dicens, quàm pulchræ sunt mammæ tuæ, soror mea sponsa, pulchriora sunt vbera tua vino, &c.

O quando ! quando ! quando ! celebri ac solemniori festo Ecclesiæ sanctæ Dei, vera, integra, & perfecta sanctissimæ Virginis Maternitas à sancta Sede Apostolica colenda proponetur ? Sacraque ac omni veneratione celebranda vbera quæ lactauerunt Christum Redemptorem à cunctis fidelibus sanctiori pietatis honore, extollentur ? O utinā in his temporum calamitatibus, ac bellorum tempestatibus pro pace inter summos principes Christianos à Deo ipso optimo maximo impetranda & obtinenda : vel pro gratiarum actione, de tali ac tanto misericordiæ suæ beneficio nobis collato, ab eo qui eius locum obtinet in terris, quod desideratur, Ecclesiæ concedatur, & desiderium cordis mei adimpleatur ? tunc gaudebo in Domino, & exultabo in Deo Iesu meo.

*Argum. iter
fort.*

Si etiam terra Palestinæ quam Iesus pedibus calcavit, à nobis ita in veneratione habetur, ut eius particulæ, pulvis, & reliquiæ, in nostris oratoriis cum veneratione collocentur ; Quæ etiam Terra sancta vocatur, virtutemque habeant contra plurimas ac varias corporum nostrorum infirmitates ; quanto maiori deuotione Virginei Virginalium sanctissimæ Virginis vberum lactis reliquias, sacraque eius vbera, & suauissimæ istud lactis educationis Saluatoris mysterium prosequemur, & ardentiori pietatis affectu celebrabimus ? Veneramur in Ecclesiâ Sanctorum plurimorum Imagines ; Illorum, inquam, etiam qui maximi existere peccatores, deinde poenitentes proindeq; sancti, & beati, at, Matris Dei Imagines exerto vbere Christum infantem lactantem representantes, id est, suauissimum Virginei lactatus Saluatoris mysterium referentes, quanta putamus veneratione digna ? Quali ergo ac quanto honore veneranda sint, nouimus : itaque honorentur, quæ Deus ipse honore prosecutus est, & pio cultu fidelium celebrentur, tantæ tanta mysteria pietatis.

*Ab exemplo
reliquiarum
Terra sancta
iterum ho-
nor sacris
vberibus
sanctiss. Virg.
debitum cultu
gitur.*

*Ab exem-
plo imagi-
num diuer-
sorum San-
ctorum.*

QVAM BEATA ET SANCTA,
*sanctissima Virginis sacratissima, quæ etiam
 in carne ipsa sua gestavit vbera, quibus Deum
 lactavit infantem exstiterint, proindeque omni-
 piorum fidelium veneratione & deuotione di-
 gna, intimè constabatur.*

CAPVT IX.



BEATI dicuntur oculi, qui Christum vi-
 derunt; & beati illi qui audierunt verbū
 Dei ab eo; Beati, inquit, oculi qui vident
 quæ vos videtis, &c. Beatissima ergo v-
 bera quæ lactauerunt cū prædicantur,
 ex quibus suxit id, quo postea nos rede-
 mit; & beatos & sanctos nos effecit. Gu-
 lielmus super illud: Duo vbera tua, sicut

*Gulielmus
 apud Mar-
 tin. De tri-
 bus Cant. 6. 4.
 scilicet 1. 5. 4.*

duo hinnuli gemelli capreæ: Erat, inquit, huic capreæ,
 Virgini, puta, Deiparæ hinnulus vnus, Mediator Dei & ho-
 minum Christus Iesus, qui corporalibus piæ Matris vberibus
 pascabatur vnus: Sicut enim non decebat Matrem Verbi
 etiam alios parere, ita nec Matrem Verbi aliis sacra vbe-
 ra admouere: proinde sicut materna viscera sibi sanctifica-
 rat quibus vnicus portaretur; sic etiam materna sibi sancti-
 cavit vbera quibus vnicus aleretur: Ita Gulielmus.

*Idem ibid.
 Cur & quo-
 modo san-
 ctiss. Virg.
 vbera cum
 fidelibus
 beata di-
 cantur.*

Item super illud, odor vnguentorū tuorum super omnia
 aromata; Nempè vnguenta, ait, quibus fragabant Virgi-
 nea vbera ista; vt vbera, sic vnguenta hæc duo fuere, vnum
 diuinæ dignationis quo Filius Dei vbera Matris Virginis vn-
 gebat: Alterum vero maternæ deuotionis quo pia Mater,
 vbera sua liniebat: his vnguentis quid sanctius? quid fra-
 granti? Norunt ea optima esse qui experti quam suauia sint.

Filio dicitur; Beatus venter qui te portauit, & vbera quæ su-
xisti. Quotquot in Ecclesia sunt; hoc dicunt; Quia tota do-
mus Ecclesiæ impleta est ex odore vnguentorum horum, de
quorum effusione, in vbera piæ Matris nemo murmurat,
vt Iudas de effusione nardi in caput & pedes Saluatoris, vt
quid, dicens, perditis hæc? potius omnes Catholici co no-
mine gloriantur, cunctique fideles piæ Matri congratu-
lantur. Hactenus Gulielmus.

Sed & alius de beatitudine vberum istorum sanctissimæ
Virginis, ita loquitur. Vndenam vbera tua beata, beatissi-
ma Virgo? quid inquirimus vnde? quisnam quæreret vnde-
nam beatus Deus? Est quidem beatus Dei Filius quod à Pa-
tre Deo propria eius substantia nutritur: Ego viuo, ait,
propter Patrem, quoniam Patris alitur substantia, & Pa-
ter est similiter beatus quod substantia sua nutriat Filium
suum. Si ergo Pater est beatus, quod sua Filium alat
substantia, nonne beata vbera hæc erunt, quæ eundem Fi-
lium lacte suo nutrierunt? Immo ad eò beata vt ex nun-
dum in Templo Virgo præsentatur, eo quòd ad talem nu-
tritionem destinata sint & consecrata, iam beata iure di-
cantur; Beatus ego venter qui te portauit, ô Dei Fili, &
vbera quæ suxisti; Beatus venter tuus, & beata vbera tua,
ô Dei Mater: Cum & ventre & vberibus supparis Deo Pa-
tri; gignens ventre quem gignit, alensque vberibus ac pro-
pria tua nutriens substantia quem sua ipse quoque Filium
alit substantia. Huc vsque Bartholomæus Scobar.


Bartholomæus
Scobar. Ser-
m. 1. de
Præsent. B.
M. V.

O millies beata, sacra, & sancta, pulchra nimis, specio-
sa valdè, Deo grata, iucunda & delectabilia, de Cœlo ple-
na, cœlesti rore redundantia, Deum pascentia, purissima,
sacratissima, pretiosissima, suauissima, & omni honoris, pie-
tatis ac deuotionis fidelium cultu, cordiumque nostrorum
omnium amoris affectu veneranda, & colenda vbera, quæ
Saluatorem ac Redemptorem meum lactastis, refecistis, al-
uistis, pauistis, nutriuistis, & per quæ ab eodem Domino
meo Iesu Christo, veniam & indulgentiam me delictorum
consecuturum spero, omni benedictione, laude & hono-

re, digna, vos prædico, & cunctis fidelium votis veneranda propono. Tu vero (dignissima Mater simul & Virgo) quæ gaudia, non dimidiata, sed integra, & perfecta, veræ, & integræ Matris-habes, cum Virginitatis honore, nec primam similem visa es, nec habere sequentem; Age nunc, age, pande sinum, &c.

*Nunc age pande sinum, da pluribus vbera Mater:
Nos quoque lactantes parvula turba sumus.*





AD SANCTISSIMAM
VIRGINEM
 PRO CONCLVSIONE
 HVIVS TRACTATVLI.

ORATIO.



*C*VM securum accessum iam habeat
 homo peccator ad Deum, vbi mediato-
 rem causa sua Filium ante Patrem osten-
 sione lateris & vulnerum, & ante Fi-
 lium Matrem, exhibitione pectoris &
 vberum; Ecce nunc ad te Matrem mi-
 sericordia, Virgo piissima, accedo, ad te
 recurro sanandus, sub tuam proteccio-
 nem fugio, & quem iudicem Filium tuum, sustinere nequeo, per
 te Saluatorem habere suspiro: Propitietur ergo omnibus iniqui-
 tatibus meis per sacratissima vbera quae suxit, sanet omnes ini-
 quitates meas per dulcissimum lac quo pastus est, & redimat de
 interitu vitam meam, non secundum peccata mea faciat mihi, ne-
 que secundum iniquitates meas retribuat mihi, sed proiciat post
 tergum suum omnia peccata mea, & sicut Pater Filiorum mi-
 seretur, misereatur mei, qui replere dignatus est in bonis deside-

rium meum, quando laudis tuæ mihi misericorditer mitem concessit affectum.

Pete ergo à Filio, Mater, nam scio ego, quod si non dimidiam pariem regni tantum, sed & totum regnum ipsum petieris, dabitur tibi, non enim fas est ut auertat faciem tuam: vnam petiit ille à te, hanc accepit, carnem namque qua indui pro me dignatus est dedisti ei. Postea esuriuit & dedisti ei manducare, sitiuit & dedisti ei bibere. Sonet itaque etiam hac vox tua in auribus eius, quia eloquium tuum dulce, & facies tua decora nimis, sed & sacratissima vbera tua pulchriora vino, fragrantia vnguentis optimis. Loquere ad Dominum meum pro me, ô Domina mea, quia audit seruus tuus, & sic loquere. Fili mi, memento mei, quia te in vtero nouem mensibus portauit, & lac triennio dedi, & alui, & in aetatem perduxit: Peto, nate, ut aspicias ad vbera mea sicut Pater ad vulnera tua, & veniam ac gratiam misericordiamque peccatori huic tribuas, qui ex me pro ipso dignatus es nasci, & vberibus ipsis meis de cælo plenis non dedignatus es pasci. Audita autem hac voce tua, Virgo benignissima, exaudiet Dominus deprecationem tuam, dabit tibi secundum cor tuum? & anima mea liquefacta est, ut tu ita, ô dilectæ, loquuta es. Benedictus Dominus Deus meus, qui non amouit orationem Matris suæ benedicta à se, sed & nec misericordiam suam à me: & benedicta tu inter mulieres ac benedictum eloquium tuum, sed & pectus tuum sacratissimum, cuius vberum exhibitione, prohibitus est iudex anima mea ne ad sanguinem descenderet. Amen. Amen.

† † †

TRA-



TRACTATVLVS

QVARTVS,

IN QVÒ

DE VARIIS AC PLVRIMIS

Miraculis, quibus, erga suauissimum lacteæ educationis Saluatoris Mysterium, & sacratissima sanctissimæ Virginis Deiparæ vbera, ad integræ & perfectissimæ eiusdem Virginis Maternitatis commendationem, fidelium pietas, ac deuotio stabilitur, & confirmatur.

AD TRACTATVLI COMMEN- *dationem Prefatiuncula.*



IRABILIS DEVS in Maiestate, faciens prodigia in Cælo sursum, & Miracula in terra deorsum, sed mirabilior planè in humilitate virtus eius extitit, cum apparuit benignitas & humanitas eiusdem ex Virgine Saluatoris nostri Dei omnibus hominibus, erudiens nos ad veneranda Christianæ fidei mysteria, & mira,

ac mirabilia, magnæque in eadem, & per eandem Virgineam

ex quo in integram & perfectam Matrem illam elegit, operari dignatus est.

Memoriam sanè fecit mirabilium suorum in Virgine ipsa sacra misericors & miserator Dominus, ex quo in ea concipi, ex ea nasci, ab ea lactari, & educari pro nobis voluit; Fecit, ait ipsa, mihi magna qui potens est, ex hoc beatam meditent omnes generationes.

Ergo miracula quibus in summam sanctæque & veram, sed & integram, atque perfectam eius Maternitatem fidelium pietas roboratur & confirmatur, iure Tractatulus hic ostendit.

DE ECCLESIA CARNOTENSI, & eius Episcopo sancto Fulberto.

CAPVT PRIMVM.

*Sebastianus
Reltiardus
Methodus
mensis In-
ciscusultus.
in 6 par-
tibus.*



Pv d Gallos, antiquissima pietate veneratur insignis illa, & illustrissima Carnutum Ecclesia, quod multis temporibus anteipsam Verbi Incarnationem, à sapientissimis Gallorum Sacerdotibus, qui alio nomine Druidæ nuncupabantur, publico Regis præfati edicto, & totius populi Gallici consensu, Virgini parituræ diuina reuelatione consecrata sit.

Speluncæ itaque suæ fronti, in qua diuinis vacabant, hunc Titulum apponentes, fidem suam Religiosissimam, erga futuram Dei Matrem, Virginem gloriosam, publica professione, primi inter homines ostendentes, in ratione tantæ pietatis glorioso primogenituræ Titulo coronati, iure inter piissimos eiusdem Virginis Deiparæ Cultores, primogeniti appellati sunt.

Exindè pro schemate ac sigillo suo singulari, Virginem Christum lactantem hæc Ecclesia refert, solaque inter omnes totius orbis Ecclesias suauissimum lacteæ educationis Saluatoris mysterium, & in eo, integram & perfectam beatissimæ Virginis Maternitatem in tempore præsentis venerari consuevit. His verbis, ô gloriosa fœmina, exelsa super sydera, qui te creauit; prouidè, *Lactas sacro ubere*, quod ab aliis in tempore præterito vbique recolitur.

Exindè insuper talibus ac tantis, à Virgine Deipara ad hanc vsque diem prædicta Ecclesia illustrata est Miraculis, vt iam non inter Gallos tantum, sed, in toto orbe Christiano insignis habeatur.

Baron. 10. 2.
Ann. Eccles.
1618.

Hoc vnum sufficiat, quod & in Episcopo suo sancto Fulberto accidisse refertur igne incurabili lingua Fulberti ardente, consumabatur. Nocte ergo quadam, dum intolerabili dolore angeretur, ad Deiparam Virginem, Ecclesiæ suæ Patronam se conuertit, quæ statim splendenti specie languenti apparens, os eius aperiri iussit, Virginalique extracto ubere, Virginei lactis imbre, ardentem linguam irrorauit, & confestim Fulbertus pristinae sanitati restitutus est; Nonnullas autem preciosi ac miraculosi lactis guttas, quæ ex tanto, tantæ Virginis beneficio, super genas sancti Antistitis remanserunt, mundissimo linteo collectas, seorsum honorificè collocandas curauit, quæ ibidem vsque in præsentem diem pia fidelium veneratione reuerentur.

Miraculum.

DE SANCTO BERNARDO, Ordinis Cisterciensis.

CAPVT II.

*Idemque
Cisterciensis
in die festo
sponsus Ber-
nardi 13.
Miracul.*



ANTE venerandam Virginis Deiparæ imaginē, ita orare consueuerat sanctus Bernardus. Monstra te esse Matrem, &c. Vnde refertur quod die quadam in Ecclesia sancti Veroli Castri Castellionis super Sequanam Lingonensis Diocesis in Galliis, sancto huic imago beatæ Mariæ Virginis dulcem Iesum obrulit miraculosè, dicens; Accipe Bernarde Filium meum totius mundi Redemptorem. Deinde manu dictæ Imaginis suscepta mamillares guttas lactis ab eiusdem imaginis mamillis profluentes in os eiusdem sancti miraculosè distillauit. Quo miraculo, se integram Christi Matrem Diua Virgo ostendit.

Miracul.

Clareualli item dum supra *Missus est* scriberet, quadam nocte Ecclesiam ingressus, sanctam Dei genitricem, paruulū Iesum dulciter amplectantem, & copioso Angelorum numero circumstipatam, magnoq; ac diuino splendore corruscam contemplatus est, & ibi Virginalis vberi Virgineum nectar iterum gustare meruit, & ex eo tempore dulcius, eloquentius, suauiusque, ac solidius laudes Diuæ Virginis prosecutus est.

Miracul.

Tertio tandem dum Spiræ in Germania Apostolici legati officio fungeretur, eandem gratiam ab ipsius Diuæ Virginis imagine, venerandaque vsque in præsentem diem in Cathedrali Ecclesia maximo in honore asseruatur, recepit. Dum ibi iterum ante venerandam eius imaginem orando diceret, Monstra te esse Matrem, &c. Vt latius infrà.

DE BEATO ALANO RUPENSI,
& sancta Catharina Senensi, Ordinis
Prædicatorum.

CAPVT III.



VM frigefcente mundo, refrigesceret sanctis-
simi Rotarij deuotio, à sancto Dominico Or-
dinis Prædicatorum Institutore instituta, mi-
rabiliter est à beato Alano Rupensi eiusdem
Ordinis restituta. Quadam enim nocte cū infe-
rissima animæ salutis tentioe grauitè angeretur, post de-
cimā noctis horam, Virgo Deipara visibili specie apparuit,
& lumen refulsit in habitaculo.

Illo itaque suauissimè salutato, Virginali vbere è sinu ex-
tracto, Virgineo lacte Alanum potauit, adiutricem deinceps
se fore promisit, annulo illum decorauit, Rosario eius col-
lum cinxit, editurumque miracula prædixit, ac de Rosarij
virtute prædicanda mandatum dedit.

Exindè suauissimo ac planè mellifluo eloquio, & eloquen-
tiæ dono præditus sanctæ Virginis Deiparæ laudes, ac vir-
tutes mirabili animarum conuersione prædicauit.

De sancta item Catharina Senensi, refertur quod sit pari-
ter sanctissimæ Virginis Deiparæ, Virginalis vberi Virgineo
lacte potata, vt habetur in Chronicis ordinis, & depingitur
in Tabella Romæ sculpta, cum Priuilegio summi Pontificis
sub hac italica inscriptione:

*La Madona Porgendole la Mamella,
la fabéère del suo latte.*

Anno Domini 1607.

Dominicus Phalcinus sculptor.

S ij

Andreas
Cypessin.
lib. 2 de Con-
fraternis.
Rosary.

Miraculū.

Bonifac. in
Virginali l.
2. c. 25. ex-
empl. 2.

Posthumus
Alani. l. de
dignit. Psale.
B. M. V. c. 4.
c. 7. in Apo-
logis. c. 30.
c. 17. Remal.
B. M. V.

Miraculū.

Et hæc est gloria sacri instituti Prædicatorum cuius Viris Theologicis cum Romæ mentem meam de Opusculo hoc componendo, & quasdam propositiones resoluendas præsentassem, omnibus beneuolentiæ testimoniis ab eis optatam approbationem propositi, etiam cum Elogiis accepi.

DE S AN C T O A N T O N I O
Paduano, Ordinis Seraphici
Minorum.

CHAP. IV.



HIC summam sanctamque, integram & perfectam sanctæ Virginis Deiparæ Maternitatem in suauissimo lactæ educationis Saluatoris mysterio, ita iugiter ore & mente venerari consueuerat, ut inter cæteras preces metricas quæ in Ecclesia decantantur, hanc quæ incipit; O gloriosa Domina, quotidie recitandam assumpserat, quod sacra præfata salutis nostræ mysteria, pie his verbis ibi recolantur, qui te creauit, prouidè, lactasti sacro vberè.

Cum igitur nocte quadam diabolus illum iugulare conaretur, ad præfata mysteria mente, & ad prædictum Hymnum voce, ut potuit, recurrit, confususque abiens Dæmon, sanctum protinus illæsum dimisit; Exindè tanto deuotionis ardore quoad vixit, hunc Hymnum ita coluit, ut animam agens, iugiter illum in ore haberet, in cuius recitatione spiritum Deo reddidit, quem piissima Virgo, velut fasciculum inter vbera sua Christo Filio præsentandum excepit.

Libet proindè, quæ de virtute & efficacia Hymni huius, in Chronicis Minorum habentur, hic referre.

In Altari Culparum Conuentus Fratrum Minorum Cui-

Miraculū.

Vadingus
Annal. Min.
ad An. Christi
1122.

Miraculū.

ratis Vlissiponenſis in Luſitania, ſummo in honore habetur Imago beatę Virginis, quę oranti tyroni, ad indiſcretum ſui Gardiani præceptum, vt dignaretur reuelare quanam ſibi eſſet inter omnes orationes, aut metricas preces Eccleſiaſticas, gratiſſimam, reſpondit, illam quę incipit; O glorioſa Domina, & obſcipienti iuenculo reſponſum referenti, non ſibi facile crediturum Gardianum, prodigioſum ſignum adiunxit; Etenim, quem eo uſque infantulum Ieſum læua geſtabat, in dextram tranſmutauit, ſubiungens, Abi fili confidenter, & inuita rigorofum illum tuum Gardianum cum cęteris, vt videant: venerunt ergo cunđi, viderunt, & mirati ſunt.

In huius autem rei memoriam, quoquo totius anni Sabato, pulſata maiori campana vt deuotus populus accedat, à Cœna fratres omnes luminaribus accenſis, prædictum Hymnum ſolemniter cantant, aliasque preces adiiciunt, &c.

Sanctus Ambroſius Doct̃or mellifluus Eccleſiæ, in cuius ore examen apum conſediſſe legitur, in honorem ſuauiſſimorum myſteriorum fidei noſtrę, de quibus in hoc Opusculo pertractamus, ſumma deuotione præſatum Hymnum composuit, ideoque per omnia ſanctiſſimę Virgini gratiſſimus eſt.

DE SANCTA LYDVVIGE

Virgine, & mira sanctissima Virginis
Deipara erga illam gratiarum
suauitate.

CAPVT V.

Ioan. Brug-
mannus Præ-
sidentis in
vita S. Ly-
duuig. post
plurima.

Tom. 3. ope-
rum Thomæ
à Kempis.
A. vita S. Ly-
duuig. de
visione in
miracu-
lu.

Nocte Nati-
uit. Dom.
E. de vber.
lactis in vbe-
ribus eius.



SANCTA LYDVVIGIS sacratissima Domi-
nicæ Natiuitatis nocte, vidit innumerabi-
lem multitudinem Virginum, quibus præ-
erat Regina Angelorum, inter quas & hæc
ipsa Lyduuigis fuit admissa cum ingenti
multitudine Angelorū. Instante igitur hora
Dominicæ Natiuitatis, qua Virgo Deipara
Christum peperit infantem, visa sunt omnia illarū Virginiū
& huius similiter vbera, præ abundantia lactis intumescere,
at tantum lactis habere, quantum beata Virgo ad lactandum
Saluatorem nostrum in Virgineis vberibus eius percepit,
quando in lucem mundi Christum peperit. Igitur ad simili-
tudinem beatæ Virginis, omnium illarum Virginum vbera
lacte videbantur repleri; interim vidua quædam ad Virgine
ingreditur quæ vbera illius manu terens, tanta fecunditate
lactis abundarunt, quod vidua trino laborum tractu exitit
satiata, & pluribus diebus à desiderio comedēdi permansit,
& nisi Virgo iussisset, à cibo corporali penitus abstinuisset.

Post hæc quoque eandem gratiā duobus aut tribus annis
aliis in eius vberibus percepit, tandem cum Deipara Virgine
Filium lactante, & paruulum enutrientē, lacte ipsa quod mi-
reris alebat, Christi lactantis Lyduuinæ rem omnem cogi-
tanti atque sanctissima contēplatione rimanti vbera, ne quid
ad Deiparæ perfectam imitationem deesset Virginali & mi-
raculoso sunt lacte distēta, quæ enim vivebat vt pauci, digna
fuit quamobrem illud assequeretur quod solet euenire per-
paucis.

DE SANCTA GERTRUDE
 Abbatissa & Virgine, in Ordine sancti
 Benedicti Abbatis.

CAPVT VI.



TATVTIS quorundam dierum horis Christus Iesus sub specie paruuli atque lactentis in sinum huius Virginis visibiliter descendebat, & miraculoso quo tunc castissima eius vbera lacte replebantur mirabili planè diuini amoris dignatione pascebatur.

Lib. Insin.
 diuina piet.
 vita S.
 Gertrud.

Exindè infra scriptam orationem ad sanctissimam Virginem Deiparam composuit, qua quotidie illam salutare consueuerat.

Miraculum.

ORATIO.

A VE candidissimum nitidissimæ, & semper tranquillissimæ Trinitatis lilium, cœlestisque amœnitatis floridissima Rosa, ex qua Rex Regum nasci voluit, & Virgineo Virginalium vberum lacte pasci. Cœlestibus tu diuinarum gratiarum influxionibus pasce animas nostras. Amen.

O Altitudo diuitiarum diuinæ benignitatis & charitatis Dei, certè nec oculus vidit, nec auris audiuit, nec in cor hominis ascendit, quæ Deus ipse diligentibus se Virginibus etiam in hac vita diuinæ dignationis beneficia contulit, & in æternæ beatitudinis gloria, gaudia præparauit.

† † †

T

DE QVODAM CLERICO
*Niuernienſi ſanctiſſimæ Virgini
 Deipara deuotiſſimo.*

CAPVT VII.

B. Petrus
 Damianus
 l. 6. Epiſtol.
 c. 19.



CLERICVS quidam Niuernienſis in Gal-
 lia, morbo preſſus elanguit, iamiamque
 superexcreſcente moleſtia moribundus,
 ad extrema peruenit: hic planè regulam
 ſibi ſanctæ ſeruitutis induxerat; vt quorſi-
 diana per ſingulas horas ſacraſſimæ Vir-
 gini vota perſolueret. Cum ergo de
 vita ipſius iam pene nemo conſideret, & velut egreſſurus
 in eius pectore ſpiritus anxie palpitaret; Ecce gratioſa Ma-
 ter Domini, Matrem ſe oſtendens etiam ſerui ſui, viſibiliter
 adſtitit, & è ſacri vberis papilla, lac experimens, eius labiis
 inſtillauit, ſicque diuinæ virtutis Antidoto, protinus ille
 reſumptis viribus ex infirmitate conualuit, moxque cleri-
 calibus ornamentis indutus Eccleſiam adiit, ſeſequè choro
 pſallentium fratrum lætus interſerens mirum videntibus
 ſpectaculum præbuit. Dicitur etiam, quod adhuc in la-
 biis eius quædam lactis cernebantur veſtigia: Sic denique
 eiſdem labiis quibus Diuam Virginem laudauit & coluit,
 ipſa quoque lac ſalutis immulſit, vt per eius corporis mem-
 brum quo ſibi venerabilis Clericus laudis obtulerat glo-
 riam, congrua viciffitudine recuperandæ ſalutis ſux perci-
 peret Medicinam.

Miracu-
 lum.

DE MELLIFLVA SANCTIS-
sima Virginis Deiparæ gratia erga peccatorem
quemdam, cuius gratia suauitate vitam
ipsius ad statum pœnitentia,
& perfectionis reduxit.

CAPVT. VIII.



CERICVS quidam, Deiparæ deuotissimus ex-
 titit, qui quoties ante venerandam eius imagi-
 nem, aut Ecclesiam transiret Angelica saluta-
 tione recitata, verba quoque hæc omni qua po-
 terat deuotione proferebat; Beatus venter qui
 te portauit; Christe, & vbera quæ suxisti. Cum autem sæculi
 vanitatibus, & carnis voluptatibus se totū aliquādo dedis-
 set, numquā tamen huiusmodi verba, ex memoria deposuit.

*Vincent.
 Belmac. l. 7.
 c. 44.
 Carth. g. de
 Virg. 10. 3.
 hom. vii. l.
 ult. 5. 120.*

Huic ergo molestia corporis & dolor inoleuit, vt lin-
 guam & labia dentibus dilaceraret, id ipsum de aliis mem-
 bris facturus si permitteretur. Cumque iam lingua, & labiis
 penitus absumptus, vehementer in aliis membris se læderet,
 iaceretque horrendus aspectu (quantum datur intelligi An-
 gelus eius erat) hic ægroti sui ærumnas plorans, in hunc
 modū lamentari videbatur. Quid, ô Domina misericordiæ,
 fons pietatis, hoccinè est gratiôsè & gloriosè saluandorū?
 hæcque est lingua, quæ beatificando vbera tua longo vsu, ex
 ardenti affectu sic assidue facta vt penè nihil aliud sonare nos-
 ceret? O Domina, si tu deestuis, quis aderit suis? non sic
 Domina, non sic, ad nihilum deueniet spes hominum, si in
 te incipiunt non inuenire refugium. Hæc cum in auribus
 ægri declamaret: Apparuit Mater Domini, & quasi satisfac-
 ciens de mora de qua insultabatur, ad lectulum languentis
 propius accedit, extractoque vberè, visa est lactis rore lin-
 guam ac labia ægotantis, irrorare. Surrexit ergo sanus &

incolumis qui antea iacebat ægrotus, factamque circa se misericordiam, omnibus cœpit prædicare, & post modum se suæque omnia Dei seruitio mancipans, de cætero vitam duxit Religiosam & bonam.

C E L E B E R R I M O M I R A C V L O,
*ad pœnitentiam Miles quidam Raptor præda-
 rius conuersus, mysteriorum integra Materni-
 tatis, Beata Maria Virginis deuotus extitit
 venerator. Cuius sacrorum uberum virtute sa-
 lutem à Domino consequutus est.*

CAPVT IX.

Pomst. l.
 form. de
 B. M. V. c. 7.
 Prompt.
 exempl.
 Jean Grish.
 Ord. Min.
 Apud Car-
 thag. c. 3. de
 Virg. l. 6.
 vltim. § 94.



MILES quidam, deuotam vxorem habens, extitit Raptor prædarius. Induxerat autem cum vxor eius, vt in honorem Deiparæ Virginis die Sabbati ieiunaret, & angelicam salutationem dum ante venerandam eius imaginem transire contingeret deuotè recitaret. Licet ergo nec Deum timeret, & omni spurcitia vitiorum plenus esset, vxoris tamen consilia quoad vixit, in honorem B. M. V. adimpleuit. Cumque semel iret ad peccandum, Ecclesiam quam præteribat ingressus imaginem Deiparæ cum puero suo in sinu animaduertit: Et cum iam recitare salutationem angelicam inchoasset, vidit Christum infantem vulneribus innumeris vulneratum cuius sanguis fluebat copiosissimè in gremium Matris: Vnde obstupescens, ait, O Domina, quis fecit hoc? Et Virgo respondit; Tu, & alij peccatores qui amplius crucifigitis Filium meum quam Iudæi. Volebatque illa sanguinem Filij tergere & restringere nec poterat. Tunc peccator compunctus dixit ad Virginem; O Mater miseri-

cordiæ intercede pro me: & Virgo ad ipsum: Vos peccatores vocatis me Matrem misericordiæ, qui & miseræ ac tristicæ Matrem facere non cessatis; Ille tandem, non Domina, ait, non sic loquaris clementissima, sed memento te esse Advocatam peccatorum, & intercede pro me. Tunc Mater ad Filium. Optissime Fili amore mei, miserere huic peccatori mihi supplicanti: sed Filius ad Matrem; Noli, inquit, gravari dilectissima parens, ego quoque rogavi Patrem, ut si possibile foret alio modo genus humanum redimere, transferret à me Calicem passionis, nec impetraui, &c. Mater tandem: ô Fili, (ait) Memento quod Materno amore te vberibus meis alui, & condona huic peccatori, &c. Tunc Filius ad Matrem; Propter te, inquit, indulgeo, in signum autem pacis accedat, & osculetur vulnera mea, quod cum ille faceret; ecce osculando omnia & singula sanabantur, intellexitque se veniam exinde consequutum. Deo itaque & Virgini Matri gratias agens, domum reuersus, male ablata restituit, mundumque deserens cum vxore sua religionem ingressus felici fine diem vterque clausit extremum.

*PLVRIMAS AC VARIAS
sanctissima Virginis Deiparæ imagines lacteam
educationem Saluatoris referentes benedictus
ipse Deus maximis miraculis illustravit.*

CHAP. X.



IN Ecclesia sancti Veroli Castri Castellionis Manol. cit.
f. 13.
Maj.
super Sequanam Lingonensis Diœcesis, quædam imago in veneratione & honore beatæ Virginis Deiparæ antiquitus exstitit constructa, quæ quidem imago sancto Bernardo Filium suum obtulit miraculosè in Ecclesia, dicens; Bernardè suscipe Puerum meum, totius mundi Redemptorem. Deinde quoque ultra omnem humanæ naturæ virtutem, ac si Chri-

sti frater naturalis fuisset, manu dictæ imaginis suscepta mamilla illico beato Bernardo sibi deuoto, ore aperto tres guttas lactis ab ipsius imaginis mamillis profluentes distillauit, & ab hinc laudes quamplurimas Cœlorum Reginae sanctus iste composuit.

Dictum autem miraculum accidisse refertur, cum à sancto Bernardo Hymnus *Aue Mariæ stella* deuotè recitaretur, & *Monstra te esse Matrem* sæpius ab eodem proferretur.

Imago autem veneranda in Templum tutius conseruanda deportata est, vbi magna cum veneratione & populi concursu, maximè verò cum temporis necessitas exigit, in loco celebri & eminenti asseruatur, ex quo deponitur à tribus Sacerdotibus trium dierum ieiunio præparatis, & solemini in Processione, à plurimis Virginibus eodem ieiunio triduanò præmissò deuotissimè circumfertur.

Sunt Castellione qui dicunt eandem imaginem lactis guttas cum demittitur stillare.

Nunc autem supersunt duo probare vitæ Presbyteri illic demorantes, vnus vocatur Edmundus, alter clemens, qui palàm affirmant in manus tertij Sacerdotis, qui Iacobus Viandot dicebatur modo defuncti lactis copiam defluxisse, ita, vt Sacristiam petere, illiçque manus ablucere cogere-
retur.

Exindè in honorem Ordinis Cisterciensis hi versus originem habuere.

Splendet ante alias Cœli via lactea partes,

Cistercij ante alios sic nitet ordo Sacer :

Hausit enim Bernardus opem, & cum lacte nitorem,

A genitrice Dei quo suus ordo micat.

Hactenus Mœnologium Cisterciense.

Clarum est qualibus & quantis miraculis claruit, sacra sanctæ Mariæ de Pace imago, quam Xistus IV. ædificato templo in Altari maiori collocauit Romæ: refert autem Virgineum Christi Saluatoris lactatum, & ab impiissimo

quodam, percussa, copiosum ac miraculosum sanguinem emisit.

Clarum item de imagine sanctæ Mariæ Gratiarum apud Neapolim in Italia, cuius vberum lacte totum purgatorium, in salutem animarum fidelium defunctorum refertur irrigatum.

Sed de celeberrima, & antiquissima, totoque orbe famosa sanctæ Mariæ Angelorum seu de Portiuncula imagine, supra maiorem portam sacri Sacelli Porticellæ collocata, Christum lactentem referente, prope Assisium in vmbria Italiæ prouincia clarissimum est, quantis miraculis sit illustrata, quam multoties visa est populo in processione benedicere, quam summis votis Seraphicus Pater sanctus Franciscus ita coluit, vt ante mortem fratribus suis præceperit ne vnquam locum hunc defererent; Si quis, ait, per vnā portam vos eiecerit, intrate per aliam, Incarnationis Verbi Mysteriorum ad altare maius Angelo Mariam salutante refertur; porta vero prædicta lacteæ educationis beatissimi Saluatoris suauissimo mysterio signatur.

Chron. Min.
1 p. 6 c. 5.
& 6. & 69.

Et sicut in sacra Scriptura habetur, serui perforabatur auricula qui dicebat; Diligo Dominum meum, non recedam, &c. Ita & Christum Dominum suum & beatam Virginem Deiparam ita dilexit Seraphicus vir sanctus Pater Franciscus, mysteriorum prædictorum Incarnationis & lactationis Saluatoris allictus, vt donum hanc sacram non solum quoad vixit singulari honore sit prosequutus, sed & fratribus suis, vt dictum est, ne ab ea recederent, iniunxit, & perpetuis votis reuerendam reliquit. Non ergo mirum si in manibus, pedibusque & latere, Christi Iesu, caractere sit insignitus, & perforatus, &c.

*GRAVIORIBVS DIVINÆ IVSTI-
tia flagellis puniuntur, inhonorantes, indignéque
pertractantes sacras Virginis Deiparae
imagines Christi Domini lactatum
referentes.*

CAPVT X.



*Titelmannus
Bredembur-
chius l. 3.
coll. c. 26.
an. 1031.
Anton. Da-
uiv. in Ca-
techismo. hi-
ster.*

IN Monasterio sancti Ruperti propè Binga-
cem! Ciuitatem in Moguntio in Ecclesia
Monacharum in qua corpus sanctæ Hilde-
gardis honorificè requiescit, extat imago
veneranda Virginis Deiparae. Cuius pectus
quinque lapidibus preciosis erat ornatum:
Hanc ergo Ecclesiam miles qui eam ingres-
sus, vt furto aliquid arriperet, pugione sacrae imaginis vene-
randum pectus percuciens quatuor lapides abstulit: Cum
autem quintum ad vbera collocatum auellere conaretur,
ecce subito indè tantus lactis & sanguinis simul fluxus ma-
nauit; vt nec puluere, nec terra vnquam prohiberi potue-
rit. Sacrilegus itaque miles miraculo expauentatus, & men-
te captus, ac versus in rabiem, se in flumen Nahum præci-
pitauit, vbi miserrimè periit. Preciosum autem sanguinis
& lactis liquorem sex Monachæ piissimè collectum, vsque in
præsentem diem religiosissimè asseruauerunt, & deuotè vene-
rantur.

*Ex Archivio
Ecclesiae Bur-
burgenfis an-
no 1183. 27.
Septemb. An-
thon. d' Auiv
in Catech.
h. 3.*

Anno 1183. 27. Septembris, miles quidam Ecclesiam
Burburgensem ingressus vt vasa sacra furaretur venerandæ
imaginis Deiparae animaduertens deauratum; scire voluit
an purum esset aurum quod fulgebat augustius. Pugione
ergo mamillam vnâ percussit; vnde velut è fonte copio-
sus sanguis scaturiens in terram vsque fluxit, & sacrilegus
miles tanto miraculo perterritus crepuit medius, & diffusa
sunt

sunt omnia viscera eius, sed hoc mirandum valde quod cum corpus eius ad sterquiliniam esset proiectum numquam potuit nec terra, nec luto, nec sterquilinibus excrementis operiri sacrilega manus qua venerandæ imaginis pectoris mammillam percusserat, sed semper in aërem exitit erecta. Pia mulier in angulo Ecclesiæ orans, proprio capitis velo miraculosum sanguinem reuerenter collectum, pie asservauit. Quibus patet qualibus flagellis puniantur sacras Imagines Virginis Deiparæ lacteam Christi Domini educationem referentes, inhonorantes.

*QVANTVM CONTRA PESTEM
valeat lactea educationis Saluatoris, sacrorumq;
uberum sanctissima Virginis Deiparæ beata
memoria, & inuocatio.*

CAPVT XI.



DEBORANTE vniuersa Conimbricensi Ciuitate grauissima peste, cœpit Monasterium Clarissarum, quæ Vrbaniſtæ vocantur infici, cumque Abbatissa daret operam ad cratem, vt sorores aliò transferrentur, affuit ex inopinato mendicus, dicens; Si curaueris vt Antiphona, & Oratio hæc in Cartula scripta singulis diebus decantetur, hic locus omnino immunis à peste erit, hisque dictis euauit. Existimantur sorores fuisse sanctum Bartholomæum Apostolum; Quidquid tamen sit, in dubia res est; Cœnobium ab eo tempore ab omni pestifera lue, Conimbricensi etiam Ciuitate infecta liberum extitisse. Antiphona verò & Oratio, Beatam lactæ educationis Saluatoris, & sacrorum uberum sanctissimæ Virginis memoriam & inuocationem referunt his verbis; Stella Cœli extirpauit quæ lactauit Dominum, Mortis pestem quam plantauit primus parens hominū,

*G. Braga
Generat.
Ordinu hist.
Seraph. p. 1.
de Provincia
Portugal.
Monast. 3.
Monast.*

&c. & in Oratione ita habetur. Ob amorem illius Stellæ glorioſæ, cuius vbera precioſa, contra venenum noſtrorum delictorum dulciter ſuxiſti, &c.

His clariffimè apparet quomodo in ratione integræ Matris Saluatoris, beatiffimæ Virginis in ſalutem nobis omnibus proſit ſacrorum vberum virtus & efficacia.

Quod ſi attendamus ad auctores hiftoriarum, videbimus non tantum iuſtis & peccatoribus, vt patuit ſupra, ſed & brutis ac animalibus prodeſſe Virginei lactis Virginis eiufdem glorioſæ, ex quo propter nos, Verbum ipſum caro factum lactauit efficacia prædicta, nam varia referunt miracula, de terra illa lactea, apud Bethlehem Virgineo Virginallium vberum Virginis Deiparæ irrigata, quam Turci in Perſidem uſque portant, magnoque pretio Perſis illam vendunt, miræ enim virtutis eſt ad ciendum lac ouibus, & aliis eiufmodi. Immenſæ enim non ſolum dulcedinis, ſed & efficacitæ ac virtutis eſt ſanctiffimæ Virginis Deiparæ Virgineum lac, cuius precioſæ reliquiæ magno in honore variis in locis apud Chriſtianos habentur, vt ego, Romæ, apud Carnutum, & Ebroinum, in Gallia, & alibi veneratus ſum.

Carthag de
Virg.

Ioannis Be-
nedictus

Ord. Min.
Turon.

Propiac a
Turon. Pi-

Banienſis ad
B. M. V.

ante ſum-
ma præſent.





AD SANCTISSIMAM
VIRGINEM
 PRO CONCLVSIONE
 HVIVS TRACTATVLI.

ORATIO.



O M munusculi manipulo hoc meo,
 (Virgo immaculata) & cum exulta-
 tione ad te venio. Accipe quascumque
 exiles, quascumque meritis tuis impares
 gratiarum actiones, & cum susceperis
 vota, culpas meas orando excusa, admit-
 te preces meas intra sacrarium exaudi-
 tionis, & reporta mihi antidotum re-
 conciliationis. Sit per te excusabile, quod per te ingessi: fiat impe-
 trabile quod fida mente posco. Accipe quod offero, redona quod
 rogo, excusa quod timeo, quia tu es spes vnica peccatorum, &
 per te spero veniam delictorum, ac in te beatissima meorum est
 expectatio pramiorum.

Aeterna sapientia, quam de Spiritu sancto Virgo ante partu
 concepisti sine pudore, quam Virgo in partu peperisti sine dolore,
 quamquā Virgo post partu lactasti, & nutruisti Caelesti rore,

à sine vsque ad finem fortiter suauiterque disponens omnia, ad felicissimum finem quoque per te & Tractatulum, & Opusculum simul feliciter deduxit. Tibi ergo, gratias ago; tibi, inquam hoc quidquid est operis do, voueo, dico, seu potius, benigne, liberaliter, gratis datum, creditum, depositum, quocumque nomine qua possum libens merito, fideliter reddo, restituo, confecto, hoc supremis exoptans votis, ut sanctorum seruorum tuorum, qui summam sanctamque, & veram, integram, & perfectam Maternitatem vnā coluere vestigiis, haud dispari passu insistentes in hac vita, in aeterna cum ipsis aeternas laudes tuas sine fine valeam decantare. Amen.





TRACTATVLVS

QVINTVS.

DE VIRTVTIBVS QVIBVSDAM,
in quibus purissimus animus sanctissimæ
Virginis Deiparæ lactando Christum
Redemptorem exercebatur.

AD TRACTATVLI COMMEN-
dationem Prefatiuncula.



NSPICE, & fac secundum
exemplar quod tibi in monte
monstratum est; ait Dominus
ad Moysen, in monte itaque sum-
mæ perfectionis ad quem ascen-
dere contendimus; exemplar
omnium virtutum sanctissimam
Virginem Deiparam, non dimi-
diatam, neque partitam, aut di-
uisam, sed integram, & perfectā
Dei Matrem habemus. Lactan-

do siquidem Christum Redemptorem, ita de virtute in vir-
tutem progrediebatur, vt digna extiterit, non tantum illū
videre, & alloqui, sed & manibus pertractare, brachiis am-

plexari, fouere gremio, sinu gestare, castissimisque Virginei oris osculis deosculari, & omnibus studiis ad quæ ipsam Materna pietas informabat, ei pro qualitaturn vicissitudinibus sedula blandiri.

Itavt iam talis tunc esset, vt ipsius vita omnium extaret disciplina.

Omnibus sanè omnium virtutum generibus ornatam, iam antea Angelus reperit, quam gratia plenam saluauit, sed ex quo Deum, ac dominum virtutum in se non solum incorporatum habuit; verumetiam ex se natum vidit, & à se educatum conspexit, Regina quoq; virtutum prædicari meruit.

Ergo non immeritò de virtutibus quibusdam, in quibus purissimus animus eius, tunc temporis maximè cum Virgineo Virginalium vberum suorum lacte Christum educaret exercebatur, breuiter pertractare pertentamus.

Lectorem autem piè monendo obtestamur, vt affectum cordis nostri in summam & integram Virginis Deiparæ Maternitatem, magis quam verborum concinnatum attendat; Sermo enim noster, & si rudis, inelegans, & impolitus sit, est tamèn de virtutibus summæ & integræ Matris Saluatoris. Ideò, non in persuasibilibus humani eloquij, humanæque eloquentiæ verbis loquimur, sed in ostensione spiritus & virtutis.

Virtutis igitur amator, virtutumque Virginis sanctissimæ sectator, pius ac virtuosus Lector accedat, & benedictionem hanc paruulam quam à Domino meritis integerrimæ matris eius accepimus, ne despiciat.

DE MIRABILI SANCTITATE,

quam eo præsertim tempore, quo, Virgineo Virginalium uberum suorum lacte, Salvatorem educabat Virgo Deipara, coluit.

CAPVT PRIMVM.



ANCTI estote quoniam ego sanctus sum, ait Dominus Omnipotens. Cum autem sanctitas secundum sanctum Dionysium sit ab omni iniquatione libera, perfecta, & incontaminata puritas, quis sanctorum omnium Virgine Deipara sanctior, quæ etiam in Adamo non peccauit, & præclara Virga extitit, in qua nec nodus originalis, nec cortex actualis culpæ fuit? Sanctam ergo illam primo ostendimus, deinde in lactea educatione Salvatoris sanctitatis illius virtutes videbimus.

Eius autem summa & eminentissima Sanctitas exinde maximè enituit, quod Mater, non dimidiata, neque diuisa, aut partita, sed integra & perfecta; hoc est, Mater simul & Nutrix, ac Gubernatrix Verbi, simulque Virgo semper immaculata extiterit. Vnde sanctus Chrysostomus: Quidnam illa sanctius? (inquit) non Prophete, non Apostoli, non Martyres, non Patriarchæ, non Angeli, non Throni, non Dominationes, non Seraphim, non Cherubim, nõ denique aliud quidpiam inter creatas res visibiles aut inuisibiles maius, aut excellentius inueniri potest. Eadem ancilla Dei est & Mater; eadem Virgo & Genitrix, &c.

Decēbat, ait sanctus Anselmus, vt Christi Conceptio de Matre purissima fieret; nempe decēns erat vt ea puritate qua maior sub Deo nequit intelligi Virgo illa niteret: Cui

s. Dion.

s. Chrysost.
ad Alen.
pbrast.s. Anselm.
de Conce-
ptione Virgi-
nalis.

Deus Pater vnicum Filium quem de corde suo æqualem sibi genitum tanquam seipsum diligebat, ita dare disponebat, vt naturaliter esset vnus idemque communis Dei, & Virginis Filius, & quam ipse Filius substantialiter facere sibi Matrem eligebat, & de qua Spiritus sanctus volebat, & operaturus erat, vt conciperetur, & nasceretur. ille de quo procedebat, &c. Exindè patet immaculata puritas, & eminentissima sanctitas Virginis Deiparæ.

Ex quo colligimus nullam sub Deo maiorem inueniri, maior namque est Mariæ puritas & sanctitas, puritate primorum parentum nostrorum, qui quibusdam venialibus, etiam in statu gratiæ originalis cernuntur subiacuissè, quibus tamen minimè gratiam perdidisse asseruntur, vt patet de nimia mulieris in cibo vitio complacentia, de qua habetur, Vidit mulier lignum quod pulchrum erat oculis, aspectuque delectabile, &c. De eiusdem nimia cum serpente loquutione, vnde & mentitam cernimus, cum ait; Precepit nobis Deus, &c. & ne tangeremus illud; non enim vitio erat tactus ligni, sed esus tantum. At, in Virgine Deipara nullæ similes maculæ veniales inueniuntur, de qua Spiritus sanctus, Tota pulchra es amica mea, & macula non est in te.

Deinde cum peccatum & gratia tanquam contraria nunquam simul inueniantur, quam gratia plenam salutauit Angelus, & vt suprâ in præcedentibus Tractatulis monstratum est: Cum qua Deus, nullo signato tempore, vt ante tempora, in omni tempore, & postquam Cælum & terra transierint, temporaque omnia finierint semper existit; Iuxta illud: *Aue gratia plena, Dominus tecum*, &c. Proculdubio ab omni prorsus iniquatione libera, & idcirco semper sancta & immaculata fuit, eaque sanctitate enituit, qua maior sub Deo nequit intelligi; quod iterum ex Christiana Philosophia facillè coniciamus.

Peccatum namque & gratia nullo oppositorum Philosophiæ naturalis genere opponuntur. Cum enim oppositio sit aliquorum terminorum repugnantia, & quatuor tantum oppositorum genera admittantur; Relatiua videlicet, vt Pater & Filius, qui ad se inuicem in casu genitiuo referuntur

tur tanquam opposita.

Contraria, quæ sub eodem genere posita, maxime à se inuicem distant: & vicissim ab eodem subiecto, mutuo se expellunt, vt albedo & nigredo sub genere coloris, auaritia & prodigalitas sub genere vitij, &c.

Priuatiua quæ habent fieri circa idem subiectum ordine irregressibili, & tempore à natura determinato, vt visus & cæcitas circa oculum, auditus & surditas circa aurem, mutus & loquens circa linguam. Ordine irregressibili, id est, aliter nunquam esse potest, cum à priuatione ad habitum non detur regressus, nisi per Dei omnipotentiam, &c.

Et contradictoria inter quæ non est dari medium, vt sedere, non sedere, Petrus sedet, Petrus non sedet, &c.

Peccatum & gratia nullo cernuntur oppositorum horum genere opponi.

Non relatiuorum, quia nulla est ibi dependentia vt inter Patrem & Filium, qui etiam comparatiuè ad diuersos, possunt simul de eodem verificari, non autem peccatum & gratia.

Non item contrariorum, non enim sub eodem genere constituuntur, sed sub diuersis, videlicet peccatum sub genere vitij, & gratia sub genere virtutis.

Non denique contradictoriorum, potest enim inter peccatum mortale, & gratiam dari medium, videlicet venialis culpa, quæ non tollit gratiam, &c.

Non tandem priuatiuorum, quia frequens, & quasi continuus à peccato ad gratiam per pœnitentiam fit regressus, vnde Scriptura, septies in die cadit iustus, & resurgit. &c.

Ergo per solam Dei voluntatem, & quia Deus sic voluit peccatum & gratia ita opponuntur, vt nunquam simul inueniri queant. Vnde, cum Spiritus sanctus in diuinis à Patre & Filio tanquã ab unico principio, per viã, seu modũ voluntatis procedat, & gratia diuinæ volũtatis primogenita filia sit, ideo aliquo modo omne peccatum dicitur esse contra Spiritum sanctum, & spiritus sanctus gratiæ fons & origo prædicatur. Quanta itaque puritatis & sanctitatis ac gratiæ excellentia

putanda est excelluisse sanctissima Virgo Deipara, quæ omni labe, omnique macula etiam originali caruit? quæ semper Deo plena, gratia repleta, & Spiritu sancto superplena exstitit? peccatum sanè nunquam in ea locum habuit cui dicitur *Aue gratia plena Dominus tecum, &c.* Ne timeas Maria, inveniisti enim gratiam apud Deum, &c. Spiritus sanctus superueniet in te, &c.

Continuatio & extensio Capitis.

Tanta puritatis excellentia, gratiæ splendore, & sanctitatis perfectione Virgo Deipara resplenduit, ut omnino in ea peccatum locum non habuerit, nec ei ullomodo nocere potuerit.

Nocet autem quibusdam peccatum, in substantia temporali: unde dicitur de Prodigio euangelij, quod dissipauit omnem substantiam suam viuendo luxuriosè, cœpitque egere & pauper porcos. Item Scriptura, Qui nutrit scortum inquit, perdet substantiam, &c.

Sed Virgo sanctissima Regiæ stirpitis nobilitate insignis sanctorum nobilium ac diuitem parentum filia, sanctorum omnium Regina, ac Sancti Sanctorum Mater integra & perfecta, immunis ab omni labe effecta, mira liberalitate temporalem substantiam, quam peccatum, quod penitus ignorauit, auferre non potuit, pauperibus distribuit, ac ad imitationem Filij sui Christi Redemptoris qui propter nos egenus factus est, ut eius inopia ditaremur, voluntariam paupertatem, ut suo loco dicitur, summæ Sanctitatis virtutibus ditata religiosissimè coluit.

In sanitate corporis plurimos vulnerauit peccatum, ut de languido Euangelij patet, cui cum triginta & octo annos haberet iam in infirmitate, dicitur, Ecce sanus factus es, iam amplius noli peccare ne deterius aliquid tibi contingat. Virgo autem Deipara nullis vnquam corporalibus morbis subiacuit, infirmitatibusque omnibus caruit, quæ peccatum non fecit, & in qua Adam etiam non peccauit, à quo omnis languor, omnisque infirmitas, & morbus tam mentis quam

corporis ortum habuit.

Quosdam in fama, & vitę ac nominis claritate percussit, vt de nobili Magdalena constat, de qua habetur, quodd erat mulier in Ciuitate peccatrix, &c. Tantum autem Deus Pater, Christus Iesus, & Spiritus sanctus de Virginis famę nobilitate & excellentia, ac integritate curam habuere, vt ipsa dicat; Ecce enim ex hoc beatam me dicent omnes generationes, vnde nec verbum vllum ab ipsis Christi inimicis contra virginis huius famam prolatum scriptura commemorat, imo Turcarum etiam, ac Mahumeticę sectę Alcorani testimonio, summis laudibus extollenda venit. Priores ergo perfidissimis Iudęis, ac Infidelibus Turcis sunt hæretici nostri temporis; huius benedictę Virginis meritorum gloriam blasphemis horrendis lacerare conrendentes.

Aliis tandem, vt parentibus, amicis, ac benefactoribus, in vita quoque ipsa, per mortem nocere consuevit peccatum, stipendia enim peccati mors, ait Apostolus, vt de filiis Helih, & aliis plurimis legitur, per mortem autem parentes virginis peccatum quod ipsa commiserit, quę vt supra patuit, ab omni peccato libera extitit, auferre non potuit, sed nobilior corona meritorum cum ad laudabilem senectutem peruenissent, ad cælo transmissit. Christus verò Iesus benedictus Dei & virginis filius, qui pro liberandis & saluandis omnibus hominibus venit, pro illis quoque in ipso iuuentutis flore oblatu est, quia ipse voluit. Ipse tandem sanctissima Virgo, gloriosissimam vitam ab omni prorsus peccato immanem, preciosissimā morre concludens, super choros Angelorum ad cælestia regna exaltata est. Cui ergo omni ex parte peccatum non nocuit proculdubio tota sancta extitit.

Denique nocet peccatum, etiam beatis in cælo collocatis per modum abstractionis, abstrahitur enim pro tempore ab eis numerus electorum in superna felicitàte locandus, nec sedes Angelorum replebuntur, donec consummetur abominatio, & finem accipiat peccatum.

Abest trahitur quoque ab eis, & maximè ab Angelis gaudium illud de quo Christus in Euangelio, gaudium, inquit, est Angelis Dei super vno peccatore pœnitentiam agente,

&c. Merita autem & preces Beatæ Virginis illis omnibus profunt, quibus diximus nocere peccatum, cum ut in tractatulis præcedentibus ostensum est, sicut Christus Patri latus & vulnera, ita Christo hæc, pectus & vbera pro reconciliandis Deo peccatoribus iugiter offert, exindè enim quotidie infideles ad fidem, & peccatores ad pœnitentiam conuertuntur, vnde & sedes Angelorum tandem per beatam electorum translationem replentur.

Nocet iterum peccatum animabus in purgatorio detentis per modum subtractionis, cum propter mortalem culpam subtrahuntur merita suffragiorum, bonorumque operum viuum fidelium quibus possent à pœnis eripi, & à flammis vlticibus liberari. Liberantur autem precibus & meritis beatissimæ Virginis Deiparæ, ut alibi monstrauimus, vnde multum prodest eius intercessio, quibus nocet peccatum.

Nocet etiam, animabus damnatorum, per modum conjunctionis, tanto namque augeri dicitur pœna damnatorum, quanto & numerus illorum, vnde rogat in Euangelio Diues epulo patrem Abrahamum ut mittat Lazarum ad fratres, ne, inquit, veniant in hunc locum tormentorum, quod sanè non dixit ex charitate, sed maioris supplicij metu: ergo cum diuæ virginis meritis augetur in dies numerus electorum in æternâ felicitate, sicut antea declaratum est, ita minuitur numerus damnatorum quorum societate augetur supplicium infernorum. Et sic quodammodo prodest etiam illis suffragium virginis pro æterna electorum salute impensum.

Nocet insuper peccatum Ecclesiæ, per modum offensionis. Vnde Christus, Væ, ait, mundo à scandalis, &c. Væ homini illi per quem scandalum venit. Et de Iuda proditore, latrone, ac murmuratore, qui Collegium Apostolorum tantis vitiis scandalisauit melius fuisset illi, inquit, signatus non fuisset homo ille, &c. refertur adhuc, de quodam lapponensium Philosopho, quod cum ferè totam terram peragrasset, inquisitus à suis quænam omnium Religionum sibi sanctior, ac melior videretur; his verbis, quid censes de Religione Iudæorum, Turcarum, & Christianorum. Censeo respondit ille, Religionem Iudæorum momiam esse simio-

rum: Religionem Turcarum ingluuiem esse porcorum. Et Religionem Christianorum, audacem esse stultitiam. Nimia namque Christianorum varietate vitiorum scandalifatus, ad fidem Christianam conuerti renuit, quibus patet quantum peccatum noceat Ecclesiæ. Virtutum autem ac sanctissimæ Virginis Deiparæ sanctitatis odore, & fragrantia, tota domus Ecclesiæ repleta est, vt etiam apud infidèles beata reputetur: iuxta illud; Ecce enim ex hoc beatam me dicent omnes generationes. Odor namque virtutum eius super omnia aromata fragrans omnium corda laxificat electorum.

Nocet tandem peccatum peccanti per modum priuationis, quandoquidem peccator, omni charitate, gratia, merito, præmio, & gloria priuatur, deficiente namque charitate deficit gloria, deficiente gratia deficit meritum, deficiente merito deficit præmium, deficiente præmio, vbi est gloria & beatitudo?

Triplici autem charitate priuatur homo per peccatum, essentiali, id est, Deo ipso de quo habetur, Deus charitas est, &c. Personali, id est, Spiritu Sancto, qui est amor & nexus amborum, charitas hæc diffusa est in cordibus Apostolorum, in die sancto Pentecostes, per Spiritum sanctum qui datus est illis, & virtuali, seu Theologali, id est, charitate illa qua Deus ipse purè propter seipsum; & proximus propter Deum diligitur, de qua dicitur, diliges Dominum Deum tuum ex toto corde, &c.

Licet enim à sanctis Patribus septem amores, seu charitatis gradus sapius referantur, naturalis videlicet quo parentes; rationalis quo amici & benefactores, legalis quo proximus ipse iuxta decretum legis, Euangelicus quo inimici, spiritualis, quo virtutes, etiam | & ea quæ ad diuinum cultum, & pietatis Christianæ in decore domus Dei, id est Ecclesiæ & altari; de quibus saltim, Domine dilexi decorem domus tuæ, ne perdas cum impiis animam meam, &c. Cælestis, quo cælum ipsum Empireum, Angeli, & beati, habitantes in eo, & diuinus quo Deus ipse propter seipsum ex toto corde, anima, mente, & viribus diligitur, singuli tamen gradus seu amores isti cum istius charitatis prædictæ sint rami,

& ab ea tanquam à radice vitam accipiant, in ea continentur. Vnde sanctus Gregorius, omne mandatum, ait, de sola dilectione est, & omnia vnum præceptum sunt, quia quicquid præcipitur, in sola charitate solidatur: vt enim multi arboris rami ex vna radice prodeunt, sic multæ virtutes ex vna charitate generantur, nec habet aliquid viriditatis ramus boni operis, si non manet in radice charitatis, &c.

Sanctissimæ autem virgini peccatum omnino non nocuit, quæ Deo ita coniuncta est vt cum ipsa sola, identicè, vt ait sanctus Petrus Damianus, Deus extiterit, factus os ex ossibus eius & Caro de Carne illius. Et in qua Spiritus sanctus superueniens, adorandum Verbi incarnationis Mysterium operatus est, quæ tandem gratia semper plena exitit, ac charitate super omnes sanctos & electos refulsit.

Conclusio Capitis, continuationisque & extensionis eiusdem.

CUm igitur Virginem Deiparam, ob omni prorsus peccati labe immunem totam sanctam, & inter sanctos sanctissimam monstraerimus, facile reuerà eò præsertim tempore, quo virgineo virginalium vberum suorum lacte alebat, ac nutrebat Christum Redemptorem, sanctitatis cultum ostendemus. Stabat namque omni illo tempore, vt ait Seraphicus Doctor, vigilans & attenta super dilecti filij custodia: ô Deus (inquit) cum quanta reuerentia, timore, & amore, illum contrectabat quem Deum suum esse sciebat? Cum quanta sollicitudine & diligentia ipsum gubernabat? Flexis genibus accipiebat eum de cunis, lactabat, & reponebat in eis, &c. cogitabat tunc quæ Domini erant, iuxta Apostolum, quia erat sancta & corpore, & spiritu, Virgo Virginum semper immaculata.

De omni alia muliere, & conceptu maculata, & parte corrupta in lege habetur, omne sanctum non tanget, nec ingreditur sanctuarium donec impleantur dies Purificationis suæ, &c. Quod sanè de immaculata virgine nostra intelligi non potuit, quæ omnis sanctitatis auctorem, de Spiritu sancto concepit sine pudore, Virgo ante partum, peperit sine dolore,

Virgo in partu, & lactauit Cælesti rore, Virgo post partum, unde sancta Mater Ecclesia: viderunt eam, ait, animæ sanctæ, & immaculatam prædicauerunt, hoc est, seipsis quantumcumque sanctis, sanctiorem agnouerunt.

Sanctitas est status omnium virtutum aggregatione perfectus, omnibus autem virtutibus, vt infra patebit, ac virtutum generibus resplenduit Virgo Deipara, eo presertim tempore quo Sanctum Sanctorum suis vberibus aluit, suoque lacte in cunabulis educavit.

Magnus, ait sanctus Augustinus, de cælo descendit medicus, quia magnus in terra jacebat ægrotus. Quam magnus autem sit ægrotus homo peccator, patet ex diuo Anselmo, & aliis Theologiæ Moralis Professoribus, hominem malitiosè peccantem, ipso Cacodæmone deteriorem asserentibus.

Diabolus namque peccauit nulla præcedente peccati vindicta, superbiens, homo vero iam visa pœna diaboli non continens. Diabolus peccauit in innocentia constitutus, homo vero innocentiae restitutus. Diabolus perstirrit in malicia Deo illum reprobante, homo vero Deo illum vocante, attrahente, & omnibus deliciis alliciente. Diabolus ergo obduratus est ad punientem, homo ad blandientem. Vterque contra Deum insurgit, sed, diabolus contra non requirentem se, homo verò contra morientem pro se. Obstupescite cæli super hoc, & portæ eius desolamini vehementer, quis audiuit vnquam talia horribilia?

Merito ex his, duriori supplicio hominem dæmonibus ipsis puniendum forte asserunt doctores nonnulli. Idque multis de causis: primo propter talem ac tantam hominis contra Deum reluctantis ingratitudinem.

Secundo quia duplici supplicio, corporis videlicet & animæ homo ipse punietur, Angelus vero qui incorporeus est vnico torquetur. Tertio quia iuxta mensuram delicti, sic erit & plagarum modus, & per quæ quis peccauit, per hæc & torquetur, homo itaque propter multa carnis & corporis vitia, verbi gratia, gulam, ebrietatem, luxuriam, &c. quibus incorporeus Angelus non peccauit, iusto Dei iudicio relinquatur extremo supplicio petimendus. Quarto, quia Ange-

lus tale, quale homo pœnitendi tempus non habuit. Quinto tandem quia Angelus caruit Redemptore qui pro se moreretur, & alia ac tanta, quanta Christus pro hominibus pertulit, pati dignaretur. Quibus omnibus patet quanta ægritudine magna, magnus detineretur homo ægrotus, quantaque & magna indigeret medicina. Et per consequens quam sancta & pura, ac immaculata extiterit Virgo Deipara, cuius lac in Sanguinem Christi conuertebatur, in lactea educatione eiusdem piissimi Redemptoris, quo nos omnes Redempti sumus. Propter quod, ait Albertus Abbas, nihil ibi austeritate pungens, nihil per libidinem inebrians, sed vnguentum fragrans, ex humore nutriens vñctum Christum, & omnes nostras sanans infirmitates, &c. Clarius autem quantis virtutibus refulserit eo præsertim tempore, qui maxime eius sanctitas plurimum commendatur, infra patebit.

De præcellentissima Deipara Virginis fide, in suavissimo præsertim lactea educationis Saluatoris mysterio. speciali commendatione veneranda.

CAP. II.



Beata quæ credidisti, ait Elizabeth, quoniam perficientur in te quæ dicta sunt tibi, &c. perficientur, inquit, in futuro, nedum enim completa, & perfecta omnia in Incarnatione exitere, impleta sunt autem eo tempore quo se non dimidiata, neque partitam, aut diuisam, sed integram, & perfectam Dei Matrem, hoc est, Matrem simul & Nutricem ac Gubernatricem eiusdem vidit. Vnde canit Ecclesia, Ecce completa sunt omnia quæ dicta sunt per Angelum de Virgine Maria, talem autem se conspexit quia credidit, ideo eo præsertim tempore quo Virgo Deum genuit

nuir, aluit, & educauit, fidei suæ præcellentissimæ à Deo præmium accepit.

Nulli sanctorum Veteris Testamenti clauēs Regni Cælorum datæ sunt, non Abrahamo fidelissimo, non obedientissimo Isaac, non castissimo Ioseph, non patientissimo Iob, non Moyse mitissimo, non Dauid sanctissimo, &c. quia, ut ait Apostolus; adhuc primo tabernaculo habente statum, nondum propalata erat Sanctorum via: Præcursor autem pro nobis ingressus est Iesus, Pontifex factus in æternum secundum ordinem Melchisedech, &c. Fides autem Mariæ ut dicit sanctus Augustinus Cælum aperuit, cum Angelo nuntianti consensit. Et porta, ut inquit S. Anselmus, per quam Iesus intrauit fides Mariæ est, &c. Clauēs ergo regni Cælorum, in Nouo Testamento, Petro credenti datæ sunt; iuxta illud, Tibi dabo Clauēs Regni Cælorum; sed hoc factum est postquam fides Mariæ ad nos Verbum Patris attraxit.

S. Auguſt.
ſerm. 7. de
Nat. Dom.
S. Anſelm. in
L. 10. Luca

Datæ sunt vero Petro, postea & non Mariæ: Petro, inquam, non tanquam digniori, sed tanquam seruo, apud nōnque Reges & Principes, non est Regina. ostiaria domus, sed aliquis seruorum constituitur Ianitor.

Sed si Petrus Ianitor Cæli constituitur, beatusque dicitur, quia credidit; iuxta illud, Beatus es Simon Bariona, &c. Tibi dabo Clauēs, &c. Quanto magis Virgo Deipara beatissima prædicanda venit? ideo ut dictum est illi, Beata quæ credidisti, &c. Ipsa ait, Ecce enim ex hoc beatam me dicent omnes generationes, &c. Ideò, inquam, non olij tantum, sed totius Domus Dei Domina effecta est, tanto enim fides Mariæ fidem Petri, & omnium tum veteris tum Noui Testamenti sanctorum superauit, quanto differentius præ illis omnibus per fidem suam nomen Matris Dei hereditauit: perfecta sunt enim in ea omnia quæ dicta sunt ei ab Angelo quia credidit.

Ut autem excellentiam fidei Virginis Deiparæ supra fidem Petri & sanctorum videamus, quæ a sancto Augustino dicuntur attendamus. Fides nostra, inquit, fides debere esse Christianorum, non Dæmoniorum. Dæmones dixerunt Christo, Tu es Filius Dei. Confitebantur Dæmones quod non credebāt

S. Auguſt.
hom. 17.
(ex Jo. 4. 2)

homines, illi tremuerunt, isti occiderunt: Dæmones enim credunt & contremiscunt. Quid enim quia dixerunt Dæmones, tu es Filius Dei, scimus qui sis, ideo regnaturi sunt cum Filio Dei? absit. Discernenda est ergo fides Dæmonum à fide sanctorum: nam Petrus dixit, Tu es Christus Filius Dei; Et ait illi Dominus, Beatus es Simon Bariona, &c. O Domine hoc tibi dixerunt & Dæmones, quare ipsi non sunt beati? quia planè isti vi & tremore, Petrus verò amore confessus est. Fides itaque quæ per dilectionem operatur, Fides nostra est. &c.

At, vndecim amoris, & dilectionis, ac charitatis in Deum gradibus supra omnes sanctos excelluisse Virginem Deiparâ satis Tractatulo primo monstrauimus; facile ergo conicitur ex his, quomodo fides eius, quæ cælum aperuit, & per quam Christus ad nos descendit, per dilectionem operabatur.

Fidem habuit principiatuam, dignissima Virgo, qua vnus creditur & adoratur verus Deus, cuius & Mater non dimidiata, sed integra & perfecta fidei suæ merito effici meruit.

Fidem mediatuam, qua Deo, id est, eius verbis, ministris, signis, & miraculis creditur, quando Angelo nuncianti credidit, vnde vt dixit, fiat mihi secundum verbum tuum, miraculū miraculorum in ea Spiritus sanctus operatus est, quo & Deus factus est homo, & ipsa Virgo simul & Mater extitit. At pro signo Elizabeth grauidam accepit.

Fidem tandem terminatiuam, quæ per charitatem operatur, & qua in Deum, credendo, amore & dilectione itur, qua supra omnes sanctos & electos, vt dictum est supra, excelluit.

Omnes autem homines etiam hæretici, & Dæmones, primum fidem habent. Sed secundam licet & electi, etiam & Dæmones qui conuincuntur signis & miraculis possideant, non tamen hæretici, qui verbo Dei non credunt, & signa respuunt, ac miracula reiiciunt. Idèd hæretici ipsi non tantam fidem quantam Dæmones habent. Soli vero fideles Catholici fide terminatiua quæ per dilectionem operatur excellunt. Placet autem de benedictæ Virginis fidei excellentia, paulò longius sermonem protendere.

Continuatio & extensio Capituli.

GAude Maria Virgo, ait Ecclesia, cunctas hæreses sola interemisti, quæ Gabrielis Archangeli dictis credidisti, &c.

Ex quibus clarum est, quod Virgo Deipara quia credidit, solam vniuerso mundo cunctas hæreses interemit; ac fidei suæ præcellentissimæ gladio confodit, sicut & alibi dicitur; Gaude Maria Virgo, cunctas hæreses sola interemisti in vniuerso mundo, vbi notandum est, quod :

Quidam Sanctorum quædam hæreses in quibusdam mundi partibus extinxerunt, sicut de sancto Basilio legitur, quod ad prædicandum Christi Euangelium in Pontum accersitus eam provinciam à Christianis institutis aberrantem, ad viam salutis, zelo, doctrina, & sanctitate reuocauit.

De sancto Dominico miranda narrantur, cuius ingenium & virtus maximè enituit in euertendis hæreticis qui perniciosissimis erroribus Tolozates pervertere conabantur.

De sancto Hieronymo habetur, quod hæreticos sui temporis, acerrimis scriptis continuo exagitavit.

De sancto Gregorio Papa, quod Donatistas in Affrica, Arrianos in Hispania repressit. Agnoitas Alexandria eiecit; Gortos hæresim Arrianam relinquere coëgit, qui etiam pallium Siagrio Augustodunensi Episcopo dare noluit, nisi Neophitos hæreticos expelleret ex Gallia: de sancto Damaso Papa, quod in dicto primo Constantinopolitano Concilio; nefariam Eunomij, & Macedonij hæresim extinxit: de sancto Ambrosio, quod factus Episcopus Mediolanensis Ecclesiasticam fidem, & disciplinam acerrimè defendit; multos Arrianos, & alios hæreticos ad fidei veritatem conuertit, in quibus Ecclesiæ lumen sanctum Augustinum Iesu Christo peperit.

Die ipso sancto Augustino, quod Affricam magna ex parte ab hæresum erroribus purgavit, &c.

Sed, de sanctissima Virgine Deipara dicitur, quod, ex quo Gabrielis Archangeli dictis credidit, sola, in vniuerso mundo, cunctas hæreses interemit, quod & nos ipsi, ex aperto tripliciter fecisse cognoscimus.

Primo; in suę semper immaculatę Conceptionis primo instanti, quando serpentis eius calcanei insidiatoris contriuit caput; iuxta illud: Ipsa conteret caput tuum; & tu insidaberis calcaneo eius, &c. Vbi notandum, quod ęterna Virginis electio, seu prędestinatio cum caput dicatur eiusdem, ipsiusmet immaculata temporalis Conceptio calcaneus appellatur. Quando ergo ab omni originalis peccati labe immunis extitit caput serpentis insidiatoris sui contriuit. Capite autem corporis contrito, omnia pariter membra, contrita, concisa, & conterempra sunt, ideo victrix ex tunc Diaboli & omnium membrorum eius, hereticorum videlicet, mirabili pręseruatoris gratia euasit.

Secundò, per Sacrosanctum, & benedictum semen suum Christum Redemptorem, quem velut altera Iahel supra tempus Sizarę, hoc est Diaboli, ducis exercitus hereticorum posuit, percussumque fidei suę pręccellentissimę malleo, quando dictis Archangeli Gabrielis credidit, validè interfecit. Tunc enim de Spiritu sancto Filium Dei concepit, qui in hoc apparuit vt dissoluat opera Diaboli.

Tertiò, tandem quando per eius merita, preces, & vota, sancti Apostoli, Patres, & Ecclesię Doctores in vniuerso mundo hęreses compresserunt. Illam enim viri sancti semper pia veneratione coluerunt: eiusque auxilio adiuti, hereticos ad fidem conuerterunt, & alios infideles ad viam salutis reduxerunt, maximè qui eiusdem summę & integrę Maternitati in suauissimo lactę educationis Saluatoris mysterio, deuotissimi extiterę cultores. Vt, sancti Ambrosius, Augustinus, Bernardus, Anselmus, Bonauentura, Antonius Paduanus, Alanus Rupensis, & alij de quibus Tractatulis 2. & 4. egimus: Ita vt non solum sancti ipsi Doctores & Prędicatores, verumetiam populi eorum Prędicationibus, Scriptis & Disputationibus, Miraculisque ad fidem, & pęnitentiam conuersi beatam Virginem prędicare, illamque totis conatibus, ac summis votis vt beatissimā iugiter venerari contenderent. Hi sunt fructus, pręccellentissimę fidei Virginis: beator enim extitit concipiendū fidem Christi, ait Augustinus, quam carnem Christi. Beata, ait Seraphicus Doctor, non tantum

quia Christum gestauit in carne, sed beator, quia ipsum perfectissimè gestauit in mente: ex hoc itaque beatam illam disunt omnes generationes, & quia credidit non solum beata extitit, non solum, inquam, cunctas hæreses in vniuerso muni- do interemit; verum etiam Mater Dei, non dimidiata seu par- tita, aut diuisa, sed vera, integra; & perfecta, hoc est, Mater simul & Nutrix, ac Gubernatrix eiusdem effecta est, gaudiaq; Matris habens cum Virginitatis honore, nec primam similem visa est, nec habere sequentem.

*Conclusio Capitis, continuationisque
& extensionis eiusdem.*

Fides ergo sanctissimæ Virginis Deiparæ, per omnia bea- tam illam reddidit, vnde ipsa beata prædicatur, quia cre- didit, attamen in suauissimo Virginei lactatus, seu lactæ edu- cationis Saluatoris, speciali veneratione commendatur; dum, vt sæpius dictum est, tunc summæ & integræ Maternitatis eius ministeria exercebat, ad cuius dignitatis summæ summam ex- cellentiam fides sua illam erexerat.

Fides namque Virginis, eo tempore, ad alia, & omnia Re- demptionis nostræ mysteria, & sacramenta se extendebat. Et per fidem illam de qua supra egimus, quæ per dilectionem operatur, infiniti tunc valoris ac meriti operi cooperaba- tur, dum vt integra & perfecta Mater Saluatoris, in lacte nutritionis sanguinem administrabat salutiferæ passionis; dum, inquam, infunderetur sanguis in passione, funde- bat ipsa lac in nutritione influeret ex vulneribus, flue- bat ex vberibus, vt in charitate perfecta funderetur in charitate non ficta fundebat, & vt copiosa fieret apud eum nostra redemptio, copiosa fiebat ab ipsa, hæc lactatio & nu- tritio. Iamque ex tunc pectus eius sacratissimum, omnium Martyrum sanguinis fiebat seminarium, cum ab ea acciperet Rex Martyrum vnde suum in Cruce consummaret martyriū, à quo omnium Martyrum omne Martyrium sumpsit exordiu. In hoc maximè fides Diuæ Virginis commendatur. O quam sæpius istud repetabat, Patrem alloquens dum Verbum ipsum

Patris pro nobis caro factum, & in Cruce moriturum suo lacte educabat. *Fiat mihi secundum verbum tuum, &c.*

Cum ergo ad talia ac tanta salutis nostræ mysteria eo præsertim tempore, fides Virginis se extenderet meritò per fidem, & ex fide ipsa sua beatam illam dicunt omnes generationes.

Signum tunc magnum Ioannis extitit Euangelistæ, beata Virgo, fuitque mulier amicta sole, cuius sub pedibus Luna, & cuius in capite stellarum duodecim corona. Hoc est omnium Sanctorum, tum veteris, tum noui Testamenti, etiam & Angelorum virtutis excellentiam quantumcumque præstantem sua fide superante. Per Lunam enim status Patrû veteris Testamenti intelligitur, quem tantis ac variis vicissitudinibus mira semper prouidentia Deus gubernauit. Per stellas vero nouæ Legis gratiæ sanctorum felicitas designatur, fulgebunt namque, isti illi sicut stellæ in perpetuas æternitates, & per solem cælestium spirituum gloria detegetur.

Fides itaque omnium Patriarcharum, Prophetarum, & trum antiquorum sub pedibus beatissimæ Virginis constituitur, nam Elias operuit pallio vultum suum dum transiret in sibilo Dominus. Moyses abscondit faciem suam, non enim audebat aspicere contra Dominum. Abscondit se Adâ dum vocaret illum Dominus in Paradiso voluptatis, Ieremias, ait, a, a, a, Domine Deus, Ecce nescio loqui quia puer ego sum. Vultus Danielis hærebat terræ dum illum Angelus erexit super genua sua, & sic de cæteris. Quem autem cœli capere non poterant, ex quo credidit suo gremio diua Virgo contulit, & benedicta in æternum Deum nobis protulit & hominem, quem de Spiritu sancto concepit sine pudore, peperit sine dolore, & lactauit, mammauit, pauit, nutriuit, & educauit cælesti rore, sola enim Virgo lactabat vberem de cælo plenum. Exindè ergo Luna sub pedibus eius statuitur, & corona stellarum duodecim coronatur, ac sole amicitur.

Coronantur Reges & Regina, in signum summæ supræmæ ac regiæ dignitatis & potestatis supra subditos, quo indicio nouimus omnem fidem noui sanctorum testamenti suæ fidei merito, fidem Mariæ superasse.

Angeli quoque ipsi non plus vident & agnoscunt nunc,

quàm à principio suæ beatitudinis viderunt & agnouerunt, nec ultra progrediuntur; Vnde semper Seraphini stantes describuntur iuxta illud, duo Seraphim stabant alter ad alterũ, &c. Et iterum; Seraphim stabant super illud, &c. Sed Maria, ab ipsa fide sua, qua nobis cœlum aperuit, & per quam ad nos Iesus Christus descendit, de virtute in virtutem, maximè temporibus beatissimæ lactationis Saluatoris, vt infra patebit, progressu mirabili vsque ad summam sanctitatem ascendit. Vnde & ipsum Deum Deorum in Sion, non solum videre, sed & alloqui, tangere, gestare sinu, portare gremio, brachiis amplexari, osculari; sed alere, nutrire, & educare meruit.

Fidem insuper omnium salutis humanæ mysteriorum, ac Redemptionis salutiferæ nostræ sacramentorum habuisse Virginem sanctissimam reperio. Dum, enim ait, Fiat mihi secundum verbum tuum, siue Angelo consentiens, siue alloquens Patrem, cuius Verbum de Spiritu sancto concepit; omnia se credere ostendit, siue præterita, siue præsentia, siue futura, siue in æternitate, siue in tempore, vel operata, vel operanda sacramenta.

Fidem namque sanctissimæ & indiuiduæ Trinitatis habuit, quando se Patris Verbum concepturam de Spiritu sancto credidit: dicens; Fiat mihi secundum verbum tuum, &c. Dixerat enim illi Angelus, Spiritus sanctus superueniet in te, &c. Concipies & paries, &c: Filius altissimi vocabitur, &c.

Fidem habuit attributorum, dum credidit dicenti, Apud Deum non est impossibile omne verbum.

Fidem quoque creationis, verbo namque facta sunt omnia, fidem Incarnationis, qua Verbum caro factum est.

Fidem sacramentorum quæ verbo conficiuntur, Verbi gratia, Ego te baptizo, ego confirmo te, ego te absoluo, Hoc est Corpus meum, &c. Cum ergo Verbo diua Virgo adhæsit quo omnia perficiuntur, omnium fidem habuit, sed maximè temporibus lactæ educationis Saluatoris, hæc omnia salutis nostræ mysteria, vt clarius infra ostendemus, ad memoriã reuocando, piã meditatione venerabatur; Vnde Ecclesia, Maria conseruabat omnia verba hæc conferens in corde suo, &c.

*De sanctissima sancta obedientia sanctissima Vir-
ginis Deipara virtute, quam, temporibus
etiam lactea educationis beatissimi Sal-
uatoris, summa Religione coluit.*

CAPVT III.



OBEDIENDO credidit, & credendo
obediuit Virgo Deipara, ita vt, si per
fidem beata dicitur, per obedientiam
beatissima prædicatur, vnde S. Augu-
stinus, O felix obedientia, ait, ô in-
signis gratia, quæ dum fidem humiliter
dedit cæli in se opificem incorporauit,
&c. Tali autem incorporatione Mater

effecta est Creatoris; Mater, inquam, non dimidiata sed in-
tegra, hoc est Mater simul & Nutrix, &c. Proinobedientia
enim, obedientia commutatur, fides pro perfidia compen-
satur.

S. Iren. ad-
uers. heres.
l. 3. c. 19

Æqua lanceo, ait sanctus Ireneus, Virginalis inobedientia,
per Virginalem obedientiam, &c. Et sanctus Epiphanius,
vbi abundauit delictum, superabundauit & gratia; & vnde il-
lata est mors, inde processit & vita. Eua cum adhuc esset Vir-
go transgressa est, è contrariò per Virginem, obedientiæ gra-
tia factum est, &c. Et iterum sanctus Augustinus, Solus, in-
quit, sine peccato est natus, quem sine virili complexu non
concupiscencia carnis, sed obedientia genuit mentis, &c.

S. Epiph.
aduers. he-
res. l. 3. c.
vlt. 78. p. p.
medium.

Non ergo mirum si Christus Iesus factus est obediens vsque
ad mortem, &c. Cum esset obedientissimæ Virginis Filius:
ita vt dicere posset, ab infantia creuit mecum obedientia, &
de utero Matris egressa est mecum. Obedientia Christum
concepit, genuit, peperit, lactauit, & educauit, salus itaque
nostra ab obedientia Virginis ortum habuit, quam tandem
obedien-

obedientia Christi Redemptoris Filij Virginis fœlici consummatione firmavit.

Ad inobedientem Virginem quam dictum est ; Multiplacabo ærumnas tuas & conceptus tuos, &c.) qua quidem Dei sententia, non solum doloribus partus subiecta est, sed & laboriosam filiorum lactationem & educationem acerbissimam suscepit, propter inobedientiam suam, qua peccati auctrix exiit. Itaque peccati auctrix per inobedientiam Eva dolorosum partum, ac laboriosam filiorum nutritionem à Deo suscepit : Auctrix meriti Maria, per obedientiam de Spiritu sancto concepit sine pudore, peperit sine dolore, & lactavit cœlesti rore, educavitque cum gaudio & exultatione Christum Redemptorem. O fœlix iterum obedientia, ô insignis gratia quæ dum fidem humiliter dedit, cœli in se opificem incorporavit. Absque dubio ergo, Virgo sanctissima, maxime dum Virgineo Virginalium vberum suorum lacte Christum nutruit, sanctam obedientiam religiosissime coluit.

A tempore autem, loco, & personis, huius sanctissimæ virtutis excellentiam desumamus. Nullus enim in tota Scriptura mihi videtur locus ab obedientia immunis. Non locus voluptatis in quo posuit Deus hominem quem formaverat, nam ibi lex abstinentiæ cibi vetiti primis parentibus datur, ut ei obediat, & per obedientiam suo creatori creatura humillime subiiciatur.

Non desertus locus aut solitudo : nam in deserto horro-
ris, & vastæ solitudinis supra Montem Sinai Lex Moysei data est, cui obedire & ipse Moyses cum populo tenebatur.

Non Monasteria, & claustra Monachorum; cum Obedientiæ votum primum locum ibi obtineat.

Non regna, & imperia ; ait enim Christus, Reges Gentium dominantur eorum, & qui potestatem exercent super eos, &c. Per Civitates denique, oppida, Villas, & Castella, Magistratus, & Duces populi, ac Patres familiarum ab omnibus sibi subditis obedientiæ iura exigunt.

Non infernus ipse, in quo ignis materialis per virtutem obedientialem Dæmones, & animas damnatorum cruciat.

Non cælum etiam, in quo Angeli omnes sunt administra-

torij spiritus, in ministerium Missi propter eos qui hereditatem capiunt salutis, audientes voces sermonum Dei, & facientes verbum eius, &c.

Nullum quoque tempus in natura legimus ab obedientiæ legibus immune. Prima enim sæculi tempora sub lege naturæ constituuntur. Secunda sub lege scripta statuuntur: Et vltima sub lege gratiæ collocantur. De quibus omnibus, ait Christus; non est vestrum nosce tempora vel momenta, quæ pater posuit in sua potestate; potestatis ergo diuinæ legibus omnia tempora, præterita, præsentia, & futura subiiciuntur.

Nulla tandem persona ab obedientiæ iuribus eximitur. Omnes namque Prophætæ, Patriarchæ, & populi veteris testamenti, vel sub lege naturæ, vel sub lege scripta vixerunt, & Apostolus gentium, ait; Gentes legem non habentes ipsi sibi sunt lex, & naturaliter quæ legis sunt facientes, ostendunt opus legis scriptum in cordibus suis; testimonium reddeute illis conscientia ipsorum, &c. Apostoli omnes, Martyres, Confessores, Virgines, & populi Christiani sub lege gratiæ viuentes obediunt Euangelio, nullusque mortalium status inuenitur, qui quibusdam legibus non subiiciatur.

Christus ipse factus est obediens vsque ad mortem, mortem autem crucis, &c.

Ergo non mirum si Deipara Virgo tanto studio, tantaque Religione & pietate obedientiam coluit. Obedientia enim concepit, dum Angelo consentiens ait; Fiat mihi, &c. Obedientia peperit, dum Edicto Cæsaris Augusti obediens in Bethlehém venit. Obedientia lactauit, nutriuit, & pauit Filium suum dum vt obediret legi vsque ad diem purificationis solo vberè de cælo pleno lactans, in stabulo mansit. Obedientia in Templo Christum obtulit; Obedientia quinque siclis redemit; Obedientia par turturum aut duos pullos Columbarum obtulit; Obedientia in Ægyptum portauit; Obedientia ibi vsque ad obitum Herodis mansit, & in his beatissimi Saluatoris lactæ educationis temporibus religiosissime obedientiam coluit.

Obedientiâ denique in Iudæam reuersa est; obedientiâ

apud Nazareth manſit, obedientiãque Religioſiſſimam vſque ad mortem ſanctiſſimẽ obſeruauit.

Continuatio & extenſio Capituli.

N Vllum igitur tempus, nullus locus, nullãque perſona ab obedientiã legibus eximitur: Immodò nec animal vllum; Dicitur enim, Dominamini piſcibus maris, volatilibus cœli, & beſtiis terræ, &c. Nec etiam diabolus ipſe; Cum enim audiuit à Chriſto in deſerto; Vade, Sathana, ſcriptum eſt, Non tentabis Dominum Deum tuum, quaſi iubenti, & Scripturæ ſimul iuſſa exequi paratus, obediuit. Citò enim reliquit Chriſtum, & acceſſerunt Angeli & miniſtrabant ei: Itaque in natura, ſi quis inobediens inueniatur, meritò omnibus hominibus, beſtiis, ac animalibus, & diabolo ipſo peior cenſebitur.

Exindẽ Scriptura ſacra, quaſi peccatum hariolandi eſt, inquit, repugnate, & quaſi ſcel^o idololatriæ nolle acquieſcere. Inter crimina autem peſſima, quibus homines flagitioſi, & ſcœleratiſſimi cum dæmonibus commune commercium habent, peccatum hariolandi, & ſcelus idololatriæ primum locum obtinent; quo indicio peſſimum crimen eſſe inobedientia ſatis apertè declaratum eſt.

Obedientia Ioseph Patriarchæ notatur in hoc, quod, dicente Patre; Veni, & mittam te ad Fratres tuos, &c. Cito reſpondit; Præſto ſum. Et ipſe accuſauit Fratres ſuos apud Patrem ſuum crimine peſſimo: Et quia erat obedientiſſimus, plus cunctis à Patre diligebatur; propter quod oderant eum Fratres ſui, nec poterant ei quidquam pacificè loqui, vt ait Scriptura.

Cain ex maligno erat, vt inquit Iacobus Apoſtolus: ipſe primus hominum à Deo maledictionis Dei fulgure percuſſus eſt, qui primus domum Paternam egreſſus in qua præcepta à Patre, & à natura ipſa, Deo & parentibus obediendi, ac fratrem diligendi didicerat, cuncta contemnens, dixit fratri, egrediamur foras. Abel verò qui non ſolum patri, ſed & primogenito fratri parere ſemper vt obedientiſſimus paratus

exitit; egressus est cum eo, cumque essent in agro, confurrexit Cain aduersus Abel fratrem suum, & occidit eum. O flagitium! ô sceleratissimum crimen! ô nefandum scelus!

Iure, in fine sæculorum pugnabit orbis, vt ait Christus, contra insensatos, id est contra inobedientes, mundus namque obedientia in creatione vniuersi suum esse accepit, quando verbo Domini cæli firmati sunt, & spiritu oris eius omnis virtus eorum. Ipse dixit & facta sunt, ipse mandauit & creata sunt. Vnde in virtute obedientiali omnes creaturæ sui esse conseruationem se à Deo possidere gloriantur.

Obedientia mari num notatur à Propheta, his verbis, terminum posuisti quem non transgredientur, neque conuertentur operire terram, &c.

Sol stetit ad vocem Iosue donec vlcisceretur se & gentem de inimicis suis. Ignis in camino ardenti non tetigit, nec quidem capillum capitis trium puerorum: Ad imperium Christi facta est tranquillitas magna in mari, quia venti & mare obediunt ei. Obediens terra aperta est, & deglutiuit Coré, Dathan, & Abiron. Obediens infernus reddidit quos captiuos retinebat, quando captiuam duxit Christus captiuitatem, &c. Quid plura?

Nihilum aperiens sinum suum, extitit obediens, obediensque coluit, quando Deus ex nihilo cuncta verbo creauit. Vnde, contra omnem Philosophiam, quæ prius res in esse quam in operari constituit; hoc maximum habemus à Deo obedientiæ miraculum quod à nihilo per obedientiam ad esse, creaturæ transeunt; prius in illis obedientiam quam ipsum esse attendimus, quando antequam essent obediunt vt essent.

Obediuit terra iubenti Deo, & dicenti producat terra herbam virentem & facientem fructum, lignumque pomiferum faciens fructum iuxta genus suum, &c. Poterat respondere terra, careo semine, non habeo aratorem, sed subito obediens protulit, &c.

Ita de aquis: vt enim iussit Dominus, producant aquæ reptile animæ viuientis, & volatile super terram: & subito aquæ ipse obedientiam coluere. Produxerunt enim cæte grandia,

& pisces, & volatilia, &c.

In Euangelio habemus; Quod homo ille qui fecit Cœnam magnam, & vocauit multos, reuientibus pluribus venire iussit vocari cœcos, & claudos, ac debiles: Et compelle, ait Seruo vocanti, intrare vt impleatur domus mea. Quomodo cœci ianuam palatij inuenient? Quomodo debiles & infirmi, ac languidi accedere poterunt? Quomodo claudi ambulabunt? Verumtamen cuncti obediunt, & impletur domus: sufficit verbum imperantis, vt appareat virtus obediens.

Simile huic proditur testimonium Euangelij, dum dicitur; Factum est verbum Domini super Ioannem Zachariæ filium in deserto, & venit in omnem regionem deserti prædicans baptismum poenitentiae, &c. Quis audiet Ioannem prædicantem in deserto vbi nullus est auditor; nonne debebat mitti potius ad Ciuitates, oppida, Villas, & Castella? Verumtamen, quia sufficit verbum imperantis, cito apparuit virtus Ioannis obediens, & factum est miraculum: nam veniebat ad eum, ait Scriptura, Ierosolyma, & omnis Iudæa, & omnis regio circa Iordanem, &c. Et absque alio, quam sanctæ Ioannis obediens miraculo, omnes credebant per illum, conuertebantur, confitebantur peccata sua, & baptisabantur.

Post tot ac tanta virtutis obediens prodigia, ac miracula, meritò, in Conclusionem huius Capituli, miraculum miraculorum, per obedientiam sanctissimæ Virginis factum adeo, in veneratione singulari habebimus. Quandoquidem, vt ex Augustino iam antea dictum est, Christum Redemptorem, non concupiscentia carnis, sed obedientia genuit mentis; qua quidem generatione, restaurata sunt omnia quæ in cœlis & quæ in terris prius extitere creata.

*Conclusio Capitis, continuationisque
& extensionis eiusdem.*

PER verbum istud Dei imperantis, fiat, omnia creata sunt, & per verbum istud Virginis obedientis, fiat, quo verbum caro factum est, &c. Omnia reparata, repurgata, & restaurata sunt: At Verbi incarnatio, & per illam reparatio, & repurgatio, seu omnium restauratio, maxime peccatorum conversio, & iustificatio maius miraculum est; quam vniuersi creatio; ergo secundum, Fiat, potioris videtur esse virtutis quam primum.

Quantum ad conversionem & iustificationem peccatoris; Clarum est, quia, Primò, quantum ad generationem, & corruptionem, cœlum & terra transibunt, anima autem rationalis manet in æternum.

Secundò, quia opus creationis vniuersi est ordinatum pro bono mutabili naturæ, sed opus iustificationis pro bono æterno gratiæ & gloriæ.

3. Quia vnica solaque, in creatione vniuersi, Dei videlicet voluntas attenditur, omnia enim tunc quæcumque voluit, fecit in cœlo & in terra. Sed ibi dicitur, vis sanus fieri? Vnde Augustinus qui fecit te sine te, non saluabit te sine te, &c.

4. Quia in creatione, à nihilo ad simplex esse naturæ vocatur creatura. Sed ibi, à peccato, quod est nihilo minus, peius, & vilius, ad altissimum, & nobilissimum esse gratiæ, & ab extremo hoc, ad extremum illud per talia nobilia, ac tanta, & tam varia media progreditur; Per ipsam videlicet Verbi incarnationem, per passionem eius, per miracula, per sacramenta, per flagella, per prædicationes, per castigationes, & alias tam ineffabiles ac inuestigabiles Dei sapientiæ vias, vt exclamans dicat Apostolus; O altitudo diuitiarum sapientiæ & scientiæ Dei quam incomprehensibilia sunt iudicia eius, & inuestigabiles viæ eius! &c.

5. Tandem, quia opus creationis omnipotentis opus est,

iustificatio vero, & conuersio, repurgatio, reparatio, & restauratio peccatoris, est opus misericordiæ Dei, misericordia autem eius super omnia opera eius, ait Scriptura; Et melior est misericordia tua super vitas. Vnde Emissenus; Meliores sunt (inquit) dies quibus ad vitam æternam renascimur, quam illi quibus in vitæ huius pericula nascendo producimur. Ad hæc aptissimè quæ de Saül & Dauid decem millia, omnipotentis & misericordiæ Dei attribuntur, Saül namque potentissimus Rex omnipotentiam designat: Dauid vero misericordiæ symbolum gerit, vt sciamus decem millia misericordiæ in iustificatione peccatoris tribuere, si omnipotentis in creatione vniuersi millia laudum præconia concedamus.

Vnde etiam, vt annotauere Doctores, non legimus Christum in Cruce pendentem, mortuos suscitasse, cæcos illuminasse, infirmos sanasse, aliaque miracula edidisse, quibus in vita sua solebat intuentium oculos in admirationem attrahere. Quia nimirum tunc omnipotentia locum cedens misericordiæ, misericordia ipsa sola coronata, regnare, & imperare cernebatur in iustificatione latronis cui dicitur; Hodie tecum eris in Paradiso, &c. Et in conuersione Centurionis, & aliorum qui percutientes pectora sua reuertebantur dicentes, verè hic homo Filius Dei erat, &c.

Ecce ergo quantum valuit obedientissimæ Virginis Dei-patris Verbum, quando dixit; Fiat mihi, &c. Tunc enim in ea miraculum miraculorum operatum est, quando verbum caro factum est, & habitavit in nobis, ac paulo post, in Natiuitate videlicet, & lactatione seu nutritione, totoque tempore huius lactis educationis, vidimus gloriam eius, gloriam quasi vnigeniti, non tantum à Patre plenum gratiæ & veritatis, sed & à Matre plenum misericordiæ & pietatis. Apparuit namque benignitas & humanitas Saluatoris Dei tunc, quando paruo lacte pascus est per quem nec ales esurit, & ex obedientissima Matre obediens pro nobis factus est vsque ad mortem, &c. Iugiter autem Virgo ipsa benedicta vigilans & attenta super dilecti Filij custodiâ, ne in minimo defectum pateretur, quomodo Religiosissime & Ledens etiam coluerit supra dictum est satis.

DE SUMMA SANCTISSIMÆ

*Virginis Deiparae humilitate, quam lactando
maximè & educando Salvatorem summa
quoque Religione coluit.*

CAPVT IV.



RESPERIT humilitatem ancillæ suæ, ait Virgo Deipara, Ecce enim ex hoc beatam me dicent omnes generationes. Beatam itaque Virginem ipsam proprio sui ipsius testimonio dicimus, non tantum propter fidem quâ credendo concepit, ac Christum Redemptorem castis succipit visceribus, nec tantum propter obedientiam quâ illum genuit, sed etiam propter summam illam humilitatem, quâ cum esset paruula in oculis suis, placuit altissimo, & de suis visceribus quem genuit, sacris quoque ac Virgineis vberibus ipsis suis aluit, mammavit, nutriuit, lactavit, nutriuit, & educavit Deum & hominem. Vnde sanctus Bernardus: Vnde tibi, ait, tanta humilitas, ô Beata? digna planè quâ respiceret Dominus, cuius odore suauissimo, ab æterno illo Patris sinu attraheretur accubitu, &c. Et iterum, Humiliata est, inquit, præ omnibus, quapropter facta est nouissima prima, & quia cum prima esset omnium se nouissimam reputabat; vnde merito, facta est omnium Domina, quæ se exhibebat ancillam.

Exindè fons & origo omnium gratiarum scaturire cernitur in Virgine gloriosa: dicitur enim Deus super bis resistit, humilibus verò dat gratiam. Exindèque omnium celsitudinis dignitatum excellentia oritur; quia qui se exaltat humiliabitur, & qui se humiliat exaltabitur.

Exindè

Exinde Spiritus Sanctus superueniens in ea habitauit, ac super eam requieuit. De quo habetur, super quem requiescet Spiritus meus, nisi super humilem corde? Peritissimus pictor, qui pro artis Canone Columbam super erectam, & eleuatam tritici spicam depictam proposuerat, reiectus est, quandoquidem super inclinatam parumper depingi debuit spicam. Spiritus ad ad hęc Sanctus qui pluries in Columbæ Specie visus est, & super Christum in baptismo sicut Columba descendit, erectas & exaltatas, ac eleuatas animas, hoc est, superbas mentes despicit, & odit, inclinatæ vero, & humiles diligit, amplexatur, & gratia sua ditat atque exornat. Vnde ad sanctissimam Virginem dicitur, Spiritus-Sanctus superueniet in te!, &c. Et ipsa, respexit, inquit, humilitatem ancillæ suæ, &c. Exaltatur ergo, quia humiliavit se, erigitur, quia inclinauit se. Ascendit vsque ad summam Matris Dei integræ & perfectæ dignitatem, quia descendit vsque ad infimam sui ipsius paruitatem & nihilitem dum ait, ecce ancilla, &c.

Ascendere proprium est Diaboli, qui à principio dixit in Cœlum ascendam, super Astra Dei exaltabo solium meum, &c. Descendere proprium est Christi, qui propter nos homines & propter nostram salutem descendit de Cœlis. Diabolus inde est Rex & caput, super omnes filios superbix, Christus vero qui exinaniuit semetipsum, & humiliauit, formam serui accipiens, ait, discite à me quia mitis sum & humilis corde, humilia respicit, & alta de longe cognoscit, respexit humilitatem Virginis gloriôsæ, & illam in Matrem elegit, ac humillimæ Mariæ filius, fieri non dedignatus est qui vnigenitus Patris erat.

Vnde tibi tanta humilitas, ô beata? exinde sanè, quia in nidulo permansisti & paruula in oculis tuis exististi, vnde placuisti altissimo, & de tuis visceribus genuisti quem & sacris vberibus, vt integra & non dimidiata Mater eius aluisti Deum & hominem.

Vulpes foueas habent, & volucres Cœli nidos, suntque tutissimi tunc; quod si foras egredi à venatoribus co-

gantur summis periculis exponuntur. Sic apud se manens Ioannes Baptista non sum dignus, ait, corrigiam calceamentorum soluere: hæc loquutus est cum inquireretur an esset Elias, aut Propheta, aut Christus. Ita quoque Virgo humillima se ancillam asserit, dum in Matrem eligitur Dei, ecce inquit ancilla Domini, &c. Hæc est via Sanctorum tutissima; quâ itur ad astra; vnde Iob, in nidulo meo moriar, & sicut palma multiplicabo dies. Quasi palma ergo exaltata est Deipara quæ in nidulo suo elegit manere.

Ruth colligendo spicas post terga metentium, sequens Messorum vestigia, iacensque ad pedes Boos, & dicens: Ego sum Ruth ancilla tua, expande pallium tuum super famulam tuam quia propinquus es, sponsa eius facta est. Ad pedes ita Domini humillima Virgo iacuit, & se ancillam ac famulam esse testata est, dicens: Ecce ancilla Domini fiat mihi secundum, &c. Non ergo mirum si subitò, & in ipso instanti, pallio Spiritus-Sancti cooperta, id est, eius virtute obumbata, eius sponsa efficitur, Mater Domini integra & perfecta facta est.

Eritis sicut dii, ait serpens ad mulierem. Inaudita Diabolicæ fraudis tentatio! Diis namque templa edificantur, Altaria construuntur, thura & sacrificia offeruntur, Diij, primi, & supremi sunt, nullis subiacent, omnibus præsent, ubique dominantur, eritis sicut. Per hanc superbæ tentationem Diabolus ipse princeps huius mundi factus est. Christus autem filius humillimæ Virginis in hoc apparuit, ut dissoluât opera Diaboli. Itaque ex humillima Matre humilis in terra visus est, & cum hominibus humilibus humiliter conuersatus est: Et sicut superbiam prima mulier auctrix peccati Diabolum in mundum introduxit, secunda mulier benedicta per humilitatem auctrix meriti filium Dei ad nos attraxit, Mater Dei effecta est, ac mediatrix filij sui & hominum, in salutem peccatorum euasit. Et licet in omnibus semper humilitate præfulserit, & præsertim tempore, (ut infra patebit) quo se ad altissimam Matris Dei dignitatem ascendisse cognouit, humilitatem

coluit, lactando videlicet, vt nutrix, & educando vt gubernatrix, quem genuerat Redemptorem. Vnde Seraphicus Doctor, cum quanta inquit reuerentia & humilitate illum contrectabat, quem Deum suum esse sciebat? Flexis genibus accipiebat eum de cunis, lactabat, & reponebat in iis. Et Sanctus Anselmus, verum ait, dum Deum paruulum effectum, inter manus versari, & ad vbera sua pendere conspiceret, quo precor humilitatis affectu mouebatur animus eius? &c.

Mirabiles reuerà elationes maris, sed mirabilis in altis Dominus: videtur mare elationibus suis totum Mundum superare, & ipsum diluuiò adhuc generali, minori veruntamen, omnes elationes ipsæ ad arenam inclinantur, nec ultra progrediuntur, & in hoc mirabilis est in altis Dominus, qui terminum posuit illis quem non transgredientur, neque conuertentur operire terram. Omnia flumina intrauerunt in Mariam Deiparam: mirabiles sanè summæ Matris Dei dignitatis celsitudines, sed cunctæ ad eius humilitatem inclinantur, illam velut honore venerantes; *Ecce, ait, Angelus, concipies in vtero & paries filium, &c. Ecce, ait ipsa, ancilla Domini, &c.* Sed dum se Matrem integram & perfectam animaduertit, flexis genibus humilitate præfulgens, accipiebat eum de cunis, lactabat, & reponebat in iis.

• *Extensio & continuatio Capitis.*

Lactando, & Virgineo Virginalium vberum suorum Lactæ educando Saluatorem, humilitatem summam opere coluit. Beatissima virgo continuè, ait Sanctus Bernardus Senensis, habebat relationem ad diuinam maiestatem, & ad suam nihilitatem. Et sicut nulla post filium Dei creatura tantum ascendit in abyssum humilitatis profundæ.

*S. Bernard.
Sermos.*

Sed placet mihi magnopere, quod ait Dionysius Carthusianus, in libro, inquit, tunc sapientiæ suæ alta Dei contemplabatur assidue, & in libro scientiæ suæ abyssum propriæ nihilitatis.

Reuerà humillima Virgo lactando Saluatorem, in libro sa-

pientiae suae alta Dei, hoc est diuinitatis Christi contemplabatur assidue. Nempe ea quae de summa maternitatis eius dignitate Tractatulo primo descripsimus, praesertim ea quae capite primo habentur.

Alta quoque eiusdem beatissimi Saluatoris, ex sua ipsa assumptae humanitatis humillima mente sed & attentissima meditatione contemplabatur. Videlicet quomodo tanquam per instrumentum diuinitatis, tam magna, & mira ac miranda prorsus, Deus ipse operari dignabatur.

Ex quo namque verbum caro factum est, maiora & mirabiliora per sacram ipsam Verbi humanitatem opera, quam immediatè per seipsum antea operari solebat, operatus est; ut ex quibusdam sacrae scripturae testimoniis colligere licet.

Verbo facta sunt omnia; ipse enim, ut dictum est supra, dixit & facta sunt, ipse mandauit & creata sunt: Et si mirabile visum est, in ipso primo Chaos, in ipsa prima materia, lucem cum tenebris, frigidum & calidum, siccum & humidum, ac tum varia & contraria elementa simul habitare; mirabilius sanè extitit, in Christo ex assumpta humanitate quod Deus factus sit homo, aeternus, temporalis, immensus, paruus, Verbum infans, creator, creatura, & Virginitas ipsa in Maria, cum maternitate coniuncta sit.

Verbo Dei & aquas fluminis in sanguinè, & virgam in Serpentem transmutare magnum miraculum; sed Verbo verbi incarnati in Eucharistia trias substantiationis miraculū. Quantum ad spiritualia, legimus primū hominem statu Dei in spiritu viuificantem effectum, insufflauit enim & factus est & homo in animam viuentem; & hoc mirabile: sed statu Verbi incarnati Spiritum sanctum omni alio spiritu meliorem tribuere, mirabilius est. Insufflauit autem Christus, & ait, accipite Spiritum Sanctum, &c.

De Spiritu sancto ipso, dicitur, quod in principio vniuersi, ferebatur super aquas; hoc est, ut alius textus habet, incubabat aquis, velut suo calore vim, virtutemque aquis tribuens producendi pisces, & volatilia, &c. Sed omnimodè verbum incarnatum potiore aquis tribuit.

virtutem tactu suæ sacratissimæ humanitatis in baptismo suo, tactus namque, vt ait Sanctus Cyrillus, mundissimæ carnis, virtutem regenerandi contulit aquis, regenerantur enim in aquis ad salutem per sacrum baptisma animæ Christianorum.

Tandem, Baptista ipse & sanctissimus præcurfor Domini suam missionem immediatè ab ea accepit, dicitur enim, fuit homo missus à Deo, &c. Sed nobilior per omnia cernitur missio Apostolorum Christo, Ioannes namque virtute suæ missionis nulla miracula operabatur, nec eius baptisma remittebat peccata, &c. At Christus mittens suos, euntes (inquit) in mundum vniuersum prædicate Euangelium omni creaturæ, qui crediderit & baptisatus fuerit, saluus erit, signa autem eos qui crediderint hæc sequentur, in nomine meo dæmonia eiicient, linguis loquentur nouis, serpentes tollent, & si mortiferum quid biberint, non eis nocebit, super ægros manus imponent & benè habebunt, &c.

Et hæc sunt sacratissimæ Christi humanitatis alta, quæ in libro sapientiæ suæ humillima Virgo lactando, & lactè suo nutriendo Saluatorem ipsum, contemplabatur.

In libro quoque scientiæ suæ vsque ad abyssum propriæ nihilitatis descendens, quis es tu Domine Deus meus, aiebat, & quæ ego? Nouerim te, nouerim me. Ego ne Virgo illa tantis sæculis expectata, prædicata, desiderata, prophetata, & à me ipsa toties in salutem generis humani ad precibus & votis postulata? O altitudo diuitiarum sapientiæ & scientiæ Dei, quam incomprehensibilia sunt operacius, & inuestigabiles viæ eius, respexit humilitatem ancillæ suæ, ecce enim ex hoc beatam me dicent omnes generationes.

Conclusio Capitis continuationisque & extensionis eiusdem.

Eccl. 3. 6. 10.

Q Vanto magnus es , humilia te in omnibus (ait Spiritus Sanctus) hoc autem Consilium diuinumque oraculum Spiritus Sancti, inter omnes puras creaturas opere compleuit humillima Virgo Deipara , eo tempore maxime, quo se sub Deo maiorem omnium Creaturarum vidit, quo inquam Matrem Dei veram, non dimidiatam, neque partitam, aut diuisam, sed integram, & perfectam hoc est Matrem simul & nutricem ac Gubernatricem animaduertit, gaudiâque vera, integra & perfecta, veræ, integræ & perfectæ Matris habentem cum Virginitatis honore se possidere conspexit, quibus reuerâ, vt ait Ecclesia, nec primam similem visa est, nec habere sequentem.

Eo sanè tempore, humiliavit se in omnibus, vnde vt sæpius dictum est, ministeria suæ integræ & perfectæ Maternitatis, flexis genibus accipiens Christum de cunis, sinu illum excipiens, vberè lactans, pectore fouens, brachiis amplextans, ore deosculans, ac castissimis blanditiis deliniciens summa humilitate exercebat.

Placens Deo facta est dilecta, & cum esset paruula in oculis suis placuit altissimo. O sanctâ & benedicta sanctæ Matris Dei humilitas! quibus te laudibus efferam nescio.

Tres nuntij venerunt ad Iob bonorum suorum ac proprius substantiæ temporalis spoliationem nuntiantes, qui nihil respondit, parui pendens quod temporalia perdidisset, sed quarto adueniente, & mortem filiorum filiarumque suarum annuntiante his verbis, filiis tuis & filijs vestimentibus in domo fratris sui primogeniti, &c. Tunc scidit vestimenta sua, & tonso Capite, corruit in terram, &c. Mysterium hoc attendamus: Angelus in ordine creationis primogenitus noster est, ipse autem per superbiam cecidit: quid est igitur in domo primogeniti edere, bibere, & mori, nisi eadem qua se contra Deum superbia erexit, erigi, & quo ille peccato periit similiter peccare? Propter hoc cri-

ris ait ad mulierem sicut Dij, &c. Et simili casu cecidit homo, in domo primogeniti omnes perimus.

Cum autem contraria contrariis curentur, conuenientissimè primæ mulieris elationi, superbix, ac vanitati, secundæ id est Virginis Deiparæ humilitatem Deus opposuit: per primæ superbiam omnes nos in domo Diaboli mortui eramus, per secundæ humilitatem factus est Christus frater noster, & primogenitus in multis fratribus, primogenitus mortuorū, & princeps regum terræ, qui in hoc apparuit vt dissoluat opera Diaboli, & in cuius domo omnes reuiximus. Per primæ mulieris elationem, primæ ac terreni hominis imaginem portauimus, per secundæ huius inter omnes mulieres benedictæ Virginis humilitatem, portauimus imaginem secundi & cœlestis, hoc est Christi. O sancta & benedicta sanctissimæ Marris Dei humilitas, per quam talia ac tanta gratiarum dona, donorumque beneficia accepimus!

Per Superbiam Angelus Diabolus factus est: Et Christus, de Discipulo in cuius cor intrauerat ait, nonne duodecim elegi vos, & vnus vestrum Diabolus est? eo enim per superbiam deuenerat Iudas, vt horrendo contemptu despicere Christum, quem vendere proposuerat. Et quodam occulto ibi mysterio notatur, quod subito tunc facta est contentio inter Discipulos quis eorum videretur esse maior, quasi hac industria vti vellent quidam illorum, ad detegendum discipulum Diabolum per imitationem effectum. Diabolus namque se mper ascendere vult, & maiora ac altiora possidere contendit honorum, ac dignitatum culmina.

Vnde velut alter Herodias non pedes, non brachia, non manus, non cor, sed caput petit; da mihi caput: quo indicio, videmus illum præcelleptes honoribus, præsidentes, ac superioritate fulgentes homines inter cæteros petere. Da mihi, inquit, caput, capite namque dolente cætera mēbra dolent. Et nisi se benè gesserint qui cæteris præsumo, vnusquisque illorum bolus Diaboli est. Quanto ergo vt ait quanto Scriptura, quis est magnus, tãto humilis debet esse: Cum enim augentur dona, rationes etiam crescunt dono-

rum: Et non solum humilior, sed etiam adseruiendum Deo promptior quisque debet esse ex munere quanto se obligationem esse conspicit in reddenda ratione.

Propter hoc, nunquam legimus Spiritum Sanctum, cum examine Apum Ecclesiam Dei comparasse, quia caput, & princeps non egreditur alucum, sed labore aliorum vescitur, non enim conficit mel, nec coram, nec ullis se vaquam exponit periculis, non dat animam suam pro suis, quoniam spiculo caret, nec habet arma quibus aut offendere aliquem, aut seipsum defendere possit. Qui autem in Ecclesia vel domo Dei praeest, exemplo suo debet quemcumque sibi subditum ad virtutis certamen, & ad omnia quae ad statum spectant Religionis, virtutis, ac pietatis animare.

Vnde Christus discipulis ad dexteram & sinistram regni sui, hoc est Ecclesiae suae sedere poscentibus, iuxta illud, dic ut sedcant hi duo, &c. Nescitis ait, quid petatis. Apostoli namque capita Ecclesiarum destinati, Praelati, praesules, & praefecti sedere non debent, hoc est quiescere dum ceteri subditi laborant, sed & ipsi laboribus indefessi, ut pastores boni animas suas pro grege suo dare debent. Vt illis qui dicunt se Praelatos esse constitutos ad imperandum, ad iubendum, & continuam dominationem exercendum, & non ad laborandum: Et veniat super illos omnis maledictio Propheta, & ab Apostolo descripta, &c.

Petrus inde existimabat se visum videre, & nesciebat quia verum est quod per Angelum fieret, quando solutis vinculis ab Angelo ereptus est de manu Herodis, & de omni expectatione plebis Iudaeorum, quia ut ait Scriptura, erat ipsa nocte dormiens inter duos milites, vincus catenis duabus, &c. Sciebat autem quod Praelatis Ecclesiasticis, ac praesulibus, praefectis & superioribus dormientibus, non sceleret Deus Angelos suos mittere, & miracula in gratiam ipsorum operari. Hoc rarum est, debent enim semper Pastores vigilare, & vigilias custodire supra gregem suum. Ergo ut paucis contrahamus, & multo plura hoc vnico verbo concludamus, Pastor Pastorum & Episcopus animarum nostrarum Iesus-Christus bonus, inquam, Pastor, qui animam

nam suam posuit pro omnibus suis, cœpit prius facere, deinde docere; Exemplum, inquit, dedi vobis, ut quemadmodum ego feci, ita & vos faciatis, & vniuersorum Creator, qui verbo omnia creauit, quando hominem primum, omnium cæterorum caput & præfulem condidit, non verbo solum, sed opere, & facto vsus est. Faciamus, inquit, hominem ad imaginem & similitudinem nostram ut præsit, &c. Ut discamus, quia debent Præsidentes, Præsules, & Prælati facere, &c. Quanto ergo magnus es, humilia te in omnibus, ait Spiritus sanctus. Sanctissima itaque Virgo Deipara, qua maior sub Deo nequit intelligi, humiliavit se in omnibus, eo præsertim tempore, quo se non solum, ut dictum est supra, magnam, sed sub Deo maiorem agnouit; Matrem scilicet, Nutricemque, ac Gubernatricem Verbi, simul & Virginem.

Ad illius imitationem, humilitatem sectantes, eius amplectamur vestigia, & deuotissima eiusdem humilitatis imitatione, pedibus beatis illius prouoluamur, & ut cum Diuo Bernardo loquamur, teneamus eam, nec dimittamus, donec benedixerit nobis, &c. Humiliemus illi animas nostras, humiliemur sub potenti manu eius, ut nos exaltet in die Visitationis.

Velis, frater, nolis, humiliaberis, si saluus fieri volueris, sicut antiquitus Episcopis sanctis, Episcopatus fugientibus, & semper respondentibus nolo, cum diceretur illis, vis Episcopari? Tandem, quantuncumque reluctanti dicebatur, velis nolis, Episcoparis.

Solet autem Deus humiliare electos multipliciter, penuria & egestate humiliavit adolescentiorem prodigum, Qui cœpit egere, & pascens porcos in se reuersus ait: Quanti mercenarij in domo Patris mei abundant panibus, Ego autem hic fame pereor; surgam, & ibo ad Patrem meum, & dicam ei, Pater peccaui in cœlum & coram te, iam non sum dignus vocari filius tuus, fac me sicut vnum de mercenariis tuis. O humilitas sancta! qua proprius se Filius, seruum & mercenarium reputat.

Humiliauit item Deus Ezechiam, qui domum Regiam,

& thesauros suos Babiloniorum Regis legatis ostenderat, per ægrotudinis molestiam acerbam; ægrotavit enim Ezechias vsque ad mortem, &c.

Humiliauit Magdalenam per corporalem à Dæmone possessionem, de qua Dominus eiecit septem Dæmonia, &c.

Humiliauit Paulum per cæcitatem, & per prostrationem, &c.

Humiliare solet quosdam superbos & elatos, tolerando eorum in varia turpitudinis ac libidinis vitia casum. Vnde Augustinus, audeo dicere, superbis utile esse cadere in apertum aliquod manifestumque carnis peccatum, ut iam sibi displiceant, vnde sibi nimium placendo ceciderant. Sicut & de eodem Augustino legimus. Et de aliis multis.

Humiliauit Manassæ Regem Israël per captiuitatem, & vincula & carcerem, qui tandem humiliatus sic orabat. Peccaui super numerum arenæ maris; & multiplicata sunt peccata mea non sum dignus videre altitudinem cæli præ multitudine iniquitatum mearum, &c.

Ergo humiliabitur velit nolit, qui saluus fieri voluerit. Quoniam Iesus Christus humillimæ Virginis Filius; ab ea lactatus & educatus, humiliavit semetipsum, formam serui accipiens. Et ait, nisi efficiamini sicut paruuli non intrabitis in Regnum Cælorum. Et hæc paucis multa contrahendo, de humilitate quam coluit sapientissima Virgo temporibus maximè lactæ educationis Saluatoris, quamque ad eius imitationem sectari debemus, pro animi nostri exiguitate dicta sufficiant.

DE RELIGIOSISSIMO, ET
admirabili oris silentio, quod toto beatissimi
Saluatoris lactea educationis tempore
religiosissimè coluit religiosissima
Virgo Deipara.

CAPVT VII.



DUM medium silentium tenerent omnia, Omnipotens sermo tuus Domine à regalibus sedibus venit. Hæc à Patribus, de substantiali & æterno æterni Patris sermone intelliguntur. In silentio etenim in beatissima æternitate, Verbum à Patre ante omnem creaturam, & per consequens, nullo tunc adhuc creaturarum audito rumore ac strepitu, generatur.

In silentio item, de Spiritu sancto in tempore ex Maria Virgine concipitur.

In medio noctis silentio apud Bethlechem nascitur.

In silentio ipsâ eadem horâ à Pastoribus inuisitur, & agnoscitur.

A Magis postea summi silentij obseruatoribus adoratur.

A sanctissimo Iosepho, à quo per omnem vitam eius, nullum verbum prodiisse legitur, summum silentium recolente, in Ægyptum deportatur.

Sed & à beatissima Virgine Matre, maximè, eiusdem summi silentij obseruatrice, toto educationis tempore in summo silentio lactatur, mammatur, nutritur, pascitur, alitur, custoditur, regitur, gubernatur, & educatur.

Non ergo parua virtute refulsit integra Mater Dei quando toto tempore lacteæ educationis Redemptoris silentium coluit; tunc enim se omnis virtutis, sanctitatis, &

perfectiouis cultricem ostendit, cum dicatur, qui verbo non offendit, hic perfectus est vir.

In multis offendimus omnes, ait Iacobus Apostolus; si quis verbo non offendit hic perfectus est vir.

Cum autem Dei perfecta sint opera, fecerat Deus hominem rectum, id est perfectum, & quandiu solus exiit, silentium obseruando in statu perfectionis mansit.

Vnde & Christus ipse, qui omnis perfectionis fuit exemplar; Factus sum, ait, sicut homo sine adiutorio, id est, ut aliquibus placet, sicut homo rectus, iustus, atque perfectus; Homo namque, quandiu sine adiutoris fuit, hoc est, sine muliere, de qua dicitur; Faciamus ei adiutorium simile sibi, &c. in statu rectitudinis; gratiæ, & iustitiæ originalis permansit; tunc enim summum bonum intelligebat, id est, intus legebat, intelligere enim quasi intus legere est; Factus est autem homo, ut summum bonum intelligeret, intelligendo amaret, amando frueretur ac possideret. Beata autem semper exiit anima Christi propter fruitionem summi boni. Et sicut Adam in statu descripto, in summi eiusdem boni contemplatione totus versabatur & occupabatur intra se; ita Christus, sed perfectiori modo, nempe per visionem claram diuinæ essentiae. Adam eo tempore ad extra nemini loquebatur; cum esset sine adiutorio, id est sine muliere, ideo verbo non offendens, perfectus erat vir.

Sed heu, heu! ut datum est illi adiutorium, mulier illa loquuta est cum serpente, verboque offendit, cum ait; præcepit nobis, &c. Et ne tangeremus illud. Ut enim iam antea diximus non erat prohibitus tactus, sed tantum eius ligni; exinde cœpit ianuam omnium malorum aperire, ideo merito vocatur auctrix peccati: Maria vero Virgo Deipara iure auctrix meriti censetur; quæ verbo non offendit, sed assidue, maximè temporibus lactææ educationis Saluatoris, Religiosissimum silentium religiosissimè coluit.

Qui verbo non offendit hic perfectus est vir, ô brevis ad statum perfectionis via; quasi non opus esset ieiuniis, castigationibus, ciliciis, eleemosynis, aliisque sanctis ac

piis operibus, ut quis perfectionem assequatur, si solam linguam custodierit, & verbo non offenderit vir perfectus erit.

Adhæc, idem Apostolus ait, si quis existimat se religiosum esse non refrænans linguam suam, sed seducens cor suum, huius vana est religio; Religio autem est ars colendi Deum; si quis ergo pœnitentiâ, ieiuniis, peregrinationibus, sacramentorum etiam frequentatione, ac aliis deuotionis, & pietatis exercitiis putat se colere Deum non refrænans linguam suam, huius vana est religio. O inaudita planè Apostolicæ sententiæ, sed & verissimæ acerbitas! Spiritus autem sanctus, qui custodit linguam suam, ait, custodit animam suam. Ecce via salutis, quid prodest homini, si vniuersum mundum lucretur, animæ verò suæ detrimentum patiatur? aut quam dabit homo commutationem pro anima sua? Ergo custodiat linguam suam qui vult custodire & saluare animam suam. O brevis via salutis!

Lingua, ait Apostolus, ignis est, vniuersitas iniquitatis. Allusionē facit ad publica Gymnasia, quæ vocari solent vniuersitates, in quibus docentur omnes artes, & omnes scientiæ, quasi in lingua sit vniuersitas iniquitatis, id est, gymnasium omnium vitiorum, omniumque flagitiorum, iniquitatum, & scelerum, ac criminum pessimorum. Væ nobis, ait sanctus Bernardus, qui spiritum habemus in lingua, & totum proferimus, & vndique effluimus, nihilque boni retinemus, omni virtute vacui, & omni iniquitate repleti. Non ergo mirum, si sancta, perfecta, & immaculata Virgo quæ verbo non offendit, & Religiosissimum silentium temporibus lactæ educationis Saluatoris religiosissimè coluit, hanc sanctitatis perfectionem adepta est, quam capite de eiusdem sanctitate, descripsimus.

Extensio & continuatio Capituli.

Magnum aliquid de Christi innocentia, immaculatæque vitæ puritate ac sanctitate, Petrus Apostolus se dixisse ludæis existimauit. Cum ait, qui peccatum non

tecit, nec inuentus est dolus in ore eius. Non enim sanctitatem Christi, vt plurimi annotauere Doctores, à miraculis, à Concionibus, à regali progeniè, à diuinitatis plenitudine, ab excellentia sacratissimæ humanitatis; à quadagesimali ieiunio, ab assidujs orationibus, cum esset æpius pernoctans in oratione Dei; à Sapientia, à doctrinâ, & alijs virtutibus quæ in Christo relucebant, sed solum ab oris impeccabilitate comprobare contendit; Non est, inquit, inuentus dolus in ore eius. Qui enim verbo non offendit, hic perfectus est vir.

Insuper, dictum est Petro: Tu Galilæus es, nam & loquela tua manifestum te facit, lingua ergo manifestum vnumquemque facit, si sit iustus aut peccator, si pius aut impius, si ex Deo, an ex Diabolo, à lingua dignoscitur. Vnde Isaias Propheta à voce clamantium Seraphinorum Seraphim esse cognouit. Duo, ait, Seraphim clamabant alter ad alterum Sanctus, Sanctus, Sanctus, &c. Ex hoc didicimus secernere malos à bonis, & reprobos ab electis. Animæ namque Seraphicæ semper de sanctitate Dei loquuntur, hoc est, in omnibus didicerunt Deum laudare, benedicere & sanctificare. Diabolicæ vero, Deum fugiter ore & proximum offendere. Ita vt vnumquemque loquela manifestum faciat.

De Deipara autem & sancto Ioseph dicitur, quod erant mirantes super his quæ dicebantur de Christo, sed nullum oris verbum ab eis prolatum legimus. Vnde sanctus Bernardus; Maria, ait, omnia quæ audiebat conseruabat in corde suo; fuit enim velox ad audiendum, & tarda ad loquendum: Toties audiuit filium turbas in parabolis alloquentem, discipulis mysteria reuelantem; vidit illum miracula facientem; vidit in cruce pendentem, expirantem, resurgentem, ac in coelos ascendentem. In his omnibus verecundæ Virginis non auditur vox, &c. Hæc sanctus Bernardus.

Venerabilis quoque Beda, imitemur, inquit, fratrespiam Matrem Domini seruantem omnia verba, & acta Saluatoris nostri, horum meditatione diurna & nocturna, impor-

runos cogitationum nocentium repellamus incurfus, horum crebra consideratione nos, & proximos à fabulis superuacuis, & maledictis detractionum colloquiis castigare, & ad diuinæ laudis frequentias accendere curemus, &c.

Flagelli linguæ nocumenta non sentiit Virgo benedicta, quam beatam prædicauere semper omnes generationes. Et quæ verbo non offendit. Ideo perfecta mulier, perfecta Virgo, perfecta que Dei Mater semper extitit, vnde fœlix & omni laude dignissima reputatur.

Diues epulo nocumenta peruersæ linguæ suæ sentiebat in inferno qui dicebat, pater Abraham mitte ad me Lazarum, vt intingat extremū digiti sui in aquam & refrigeret linguam meam, quia crucior in hac flamma, cruciatur per totum corpus & animam, qui de sola lingua conqueritur, & solius linguæ non valet ferre supplicium. Non de pedibus, manibus, oculis, brachiis, cruribus, verendis partibus, nec de capite aut corde conqueritur, sed de sola lingua, quia vt ait Apostolus Iacobus, lingua sola inflammatur totum corpus, inflammata à gehenna si curetur lingua, & sana existat, cessabit infernus. Ergo meritò tota sancta, & in anima & corpore Virgo Deipara cuius lingua fuit benedicta, quæ verbo non offendit, & tanto studio per totius vitæ tempus silentium obseruauit, vt per septuaginta duos annos quinquies illam solummodò loquutam reperiamus. Benedictum exinde os eius, benedicti pedes, benedicta brachia, beatus venter illius, beata vbera eius, beata, inquam, & benedicta in æternum iterum atque iterum, de qua dicit Spiritus sanctus; Tota pulchra es, & macula non est in te. Lingua malorum maculat totum corpus, & Virgo nostra immaculata prædicatur meritò, quia velox ad audiendum, & tarda ad loquendum Religiosissimum silentium religiosissimè coluit.

*Conclusio Capituli continuationisque & extensionis
eiusdem.*

Flagelli plaga, ait Scriptura, liuorem facit, plaga autem linguæ comminuet ossa. Multi ceciderunt in ore gladij, sed non sic quasi qui interierunt per linguam. Ibi describit Spiritus sanctus, bellorum omnium malis, & rotæ etiam, cuius omnia corporis ossa comminuuntur, supplicio, peiora esse mala, huiusque supplicium linguæ reputari. Sed ea quæ sequuntur notanda valde veniunt.

Lingua tertia, ait, multos commouit, & disperfit illos de genere in gentem. Ciuitates diuitum destruxit, vrbes muratas & domos magnatorum effodit, virtutes populorum concidit, & gentes fortes dissoluit.

Lingua tertia mulieres viratas eiecit, & priuauit illas laboribus suis. Beatus est, qui tectus à lingua nequam, iugum enim illius ferreum est, & vinculum æreum est. Mors illius nequissima, & utilis potius infernus quam illa.

Omnia mala hæc, per singula deberent exponi, & applicari, sed ob breuitatis gratiam vltimam tantum sententiæ huius particulam attendamus. Vtilis potius, ait, infernus quam lingua nequam, quæ lingua tertia appellatur. Prima lingua Dei est: 2. Angelorum: 3. Hominum. Deus ipse solus, se solum, dignis laudibus, omni laude dignus offert. Angeli quoque qui non cessant clamare quotidie sanctus, sanctus, sanctus, &c. perpetuo laudibus diuinis incumbunt. Sed lingua hominum minus inferno utilis reputatur.

Infernus namque non nocet Deo, neque Deiparæ, nec Angelis, nec beatis illis qui in Cœlo habitant, sed de hominibus dicitur, aperuerunt in Cœlum os suum, & lingua eorum transiit in terra. Deus ipse conqueritur dicens; Iugiter tota die nomen meum blasphematur: Quantum Deiparæ maledicta lingua impiissimi Nestorij hæresiarchæ nocuit, qua Matris Dei prærogatiuæ gloriam ab ipsa Virgine benedicta auferre conatus est, sacrę Ecclesiasticę an-

nals

nales testantur. Quantumque sanctis cœlestis patrię ciuibus Lutheri, Caluini, & aliorum hæresiarcharum, linguę nocuere satis liquido constat, vnde Apocalypsi 13. habetur, & aperuit bestia, os suum in blasphemias ad Deum, blasphemare nomen eius, & tabernaculum eius, & eos qui in cœlo habitant.

Infernus non nocet hominibus in hac vita degentibus, sed iis solum qui sunt in termino suppliciorum æternorum, vivis vero & mortuis nocet lingua hominis viatoris.

Infernus solis animabus damnatorum nocet, non vero corporibus, diem expectantibus resurrectionis. Sed lingua hominis viventis multos ad supplicia ducit per falsa testimonia, pluręque ad desperationem reduxit quibus omnibus, & animabus, & corporibus nocuit.

Infernus itaque non tollit vitam temporalem, quia mortis est priuilegium, & infernus ordinarię post mortem datur. Lingua vero hæc tertia vitam aufert, & hic omni bono temporali spoliatur hominem.

Infernus tandem non tollit honorem, famam, & nominis claritatem seu opinionem; plurimi namque licet cruciantur in flammis, non minus venerantur in terris, sed lingua nostra non parcat famę proximi, ignis est, ut diximus, inflammata à gehenna, & totam inflammat rotam Natiuitatis, hoc est honoris, famę, & opinionis, ergo vtilis potius infernus quam ipsa. Bene ergo & optimè à quibusdam filia Babylonis vocatur, primogenita inferni, vbi nullus ordo, sed sempiternus horror inhabitat; filia autem Babylonis, filia confusionis interpretatur, & nihil est, quod tantam confusionem adducat, & totam domum familiamque euertat, quàm ipsa maledicta tertia lingua. Vnde comparatur filia familię cuiusdam habens quinque vel plures fratres masculos, sed nullas sorores; licet autem omnibus vitiis irretiti, cæteros ad nequitiam abducant, non tanta damna famę, & claritatis nominis patitur familia, quanta de lapsu carnis Virginis huius patitur.

Lingua nostra est illa virgo & filia, plures habens fratres, quinque videlicet sensus, visum, auditum, gustum, odoratum, & tactum. Sed linguę nequitia omnium sensuum superat

peccata. Vniuersitas enim est, vt diximus suprâ, iniquitatis.

Qui ergo desiderat saluam facere, & custodire animam suam, seruet, & custodiat linguam suam, & hoc nostro salutari consilio ad salutem vtatur, videlicet, coërceat linguam suam à malo, & labia sua ne loquantur dolum, attendat stropham Romanorum dum ad bella procederent.

Romani lancearum suarum ferrum aduersus inimicos in bellis, & contra bellantium aduersariorum pectus conuersum deferebant, & hoc erat euidentissimum belli signum, itavt tunc aut perire aut vincere militi Romano erat necesse. Quandôque autem pacem, & concordiam ac amicitiam requirentes ferrum lancearum ad proprium pectus conuerrebant, & erat signum fœderis quod requirebant. Videtur Deus ita olim se gessisse cum primis hominibus.

Primo nanique reperimus quod iratus contra Adam eiecit eum de Paradiso voluptatis, & ad portam paradisi constituit Cherubim gladium flammeum, atque versatilem habentem ad custodiendam viam ligni, &c. Ecce gladius Dei contra hominem. Sic de Caim postquam occidit Abel, Cui Deus: maledictus eris super terram, &c. Maledictio Dei lancea eius est, sic de diluuiò, & de incendio Sodomiorum, Deus enim iratus cõtra homines arma sua aduersus eos deferebat.

Sed post diluuium legitur quod Deus requirens pacem, arma sua ad se trahens, ait: nequaquam maledicam terræ propter homines, &c. Arcum meum ponam in nubibus cœli. Ecce quomodo iam Deus arma sua retraxit à terra: Et erit, inquit, signum fœderis mihi quod pepigi vobiscum, &c.

Sed hoc reuera clarius apparuit pacis, ac reconciliationis æternæ inter Deum & homines in cruce, quando vnus militum lancea latus Christi aperuit & exiit inde sanguis & aqua. Ibi enim contra proprium Dei pectus versa est lancea. Et fuit signum pacti æterni, fœderisque sempiterni inter ipsum & nos.

Exiit inde sanguis & aqua, per sanguinem peccatum ludæorum designatur qui clamauerunt, sanguis eius super nos, & super filios nostros. Per aquam vero peccatum gentium notatur, nam Pilatus gentilis accepit aquam & lauit

manus ſuas coram populo, &c. Exiuit autem ſanguis & aqua de latere Domini, ne quid remaneret in corde eius quod poſſet ad memoriam reuocare peccata inimicorum cum quibus inierat ſœdus, pro quibus patrem orauerat, & de quibus per Prophetam dixerat, ſuprà dorfum meum fabricauerunt peccatores.

Videtur ibi, de ſolius dorſi doloribus conqueri, licet ſit vulneratus ab illis in capite, manibus, pedibusque, latere, & per omnes corporis partes, ſed ſecundum aliquos ſenſus eſt, omnia peccata inimicorum meorum proieci poſt tergum meum, & ſic ſuprà dorfum meum fabricauerunt, quia non vindictam ſumere, ſed veniam afferre veni, & idè paſſus ſum in cuius rei teſtimonium lancea latus meum aperuit, & exiuit è corde meo ſanguis & aqua.

Ad hæc optimè poſt reſurrectionem eius notatur, quod dicens Apoſtoliſ: data eſt mihi omnis poteſtas in cœlo & in terra: Poteſtas hæc, non ad nocendum, aut vindictam ſumendum, ſed ad ignoſcendum data intelligitur; Vndè addit ſubitò, euntes ergo in mūdū vniuerſum prædicate Euangeliū omni creaturæ, qui crediderit & baptizatus fuerit; ſaluus erit, &c. Et ecce fructus è pectore Domini lancea aperto quales prodire.

Lingua autem noſtra velut lancea noſtra eſt; qui ergo pacem requirit, concordiam & amicitiam cum proximo contra ſemetipſum, & numquam contra proximum linguam ſuā conuertat. Seipſum accuſando, & ſemper alios excuſando ab cane ad equum Alexandri tranſeat. Refert enim Ælianus, quemdam Alexandro oblatum canem, ante cuius conſpectum cum alius eſſet adductus, irruens in eum ita dentes eius gulæ infixit, vt nulla vi à morſu abſtrahi potuerit, quapropter iuſſit Imperator eius caudam abſcindī, deinde pedes reſcindī, poſtremò caput amputari, & caput ipſum gulæ alterius iam mortui canis ſemper affixum remanſit.

Cū etiam oblatus eidem Imperatori fuiſſet quidā equus, ita furioſus, & indomitus vt nullus ipſum conſcendere auderet, iuſſit Alexander eius oculos radiis ſolis opponi, quibus caligatus, & manſuetus eſſe equus facilè eo uſus eſt. Sic dico;

Cc ij

A Cane ad Equum Alexandri transcamus. Sunt enim plurimi cum semel linguam & dentem famæ, & vitæ proximi infixerint, etiam si ab eis temporalia bona fuerint ablata, parum ab illis videtur, dummodo vindictam sumant de inimicis suis, & ab eis temporalem quoque substantiam auferant, idem de famæ, etiam & de vitæ amissione sæpius videmus. Sed heu potius malunt nonnulli damnari, & salutem perdere, quam ignoscere, & famam, aut substantiam proximi restituere.

Sunt hi, non solum sicut canes rabidi, nec vnquam ad sacramentorum sumptionem admittendi, de quibus dicitur; Ecce panis Angelorum, Factus cibus viatorum, Vere panis filiorum, Non mittendus canibus, sed etiam sicut equi feroces, furiosi & indomiti, & nullam requiem habentes, nec alios habere sinentes: Christus autem Iesus cuius latus lancea apertum est in Cruce, Sol noster est; debent ergo oculi nostri radiis huius solis opponi quibus facile mites, & mansueti, effecti cum ipso; Dicemus; ignosce illis, &c. Ih huius beatissimi Saluatoris ore, non est inuentus dolus, & peccatum non fecit; &c. Qui sicut agnus coram tondente obmutuit, & non aperuit os suum. Sic nec mulier benedicta; Sole amicta, Virgo Deipara, verbo offendit quæ conseruabat omnia verba, conferens in corde suo. Ideo de ea canit Ecclesia, Virgo singularis inter omnes mitis, &c. O Clemens; O Pia! O dulcis Virgo Maria, &c. Eius itaque vestigiis inhaerentes, imitemur exempla.

DE INTERNA SANCTISSIMÆ
 Virginis Deipara, temporibus maxime lactea
 educationis beatissimi Saluatoris
 Recollectione.

CAPVT VIII.



ENI dilecte mi, egrediamur in agrum, commoremur in villis, ibi dabo tibi vbera mea, Ego dilecto meo & ad me conuersio eius. Nec vult vbera in plateis ciuitatum dilecto præbere, nec eius deliciis frui in medio platearum dilectissima illa de qua agimus, & quam paulò superius tanta religioſitate ſilentij cultricem deſcripſimus, Virgo Deipara, ſed ad interiora deſerti cordis minans gregem cogitationum ſuarum, & omnia verba conſeruans, ac conferens in corde ſuo, vbera quoque ſua virginalia, & ſacratiffima, in ſolitudine vult exhibere. Sciebat namque quod Deus ipſe in ſolitudine, gratiarum ſuarum lacte conſuevit lactare electos: Vnde, ait, lactabo eam, ducam illā in ſolitudinē, & ibi loquar ad cor eius, &c. Sicut ergo Pater æternus, ad intra, & ab omnibus creaturis amandatus, in ſtrictiori & æterno æternitatis ſuæ ſilentio, Verbum ſuum generat, & ex ſe generatum, ex ipſamet eadēque ſubſtantia ſua alit & nutrit, ita Virgo noſtra beatiffima, quā ſolam in penetralibus, circa diuinæ contemplationis ſtudia occupatam, & ab omni prorsus humanæ ſocietatis ſtrepitu ac rumore ſemotam reperit Angelus de Spiritu ſancto ipſummet Verbum concepit, quam poſtea in ſolitario Ciuitatis Bethleem Porticu, extra Ciuitatem conſtituto genuit, & per quadraginta dies Virgineo virginalium vberum ſuorum lacte in eadem ſtabuli beſtiarum ſolitudine,

C c iij

ipsa sua eadēque qua & illum genuit substantia aluit & nutriuit. Ac postmodum in solitudine Ægypti toto eiusdē beatissimi Saluatoris infantie tempore eundem mirabiliter educauit, non dimidiata vt dictum est, neque partita, aut diuisa, sed vera, integra, & perfecta eius Mater effecta.

In solitudine quoque corporali recollectione ad intra occupata, summa deuotione recollectionem coluit.

Summa namque Redemptionis nostræ mysteria nonnisi recollectis, & interioratis mentibus reuelantur.

Sic Christus ad interiora deserti in montem excelsum seorsum ascendit cum Apostolis, & ibi transfiguratus est ante eos.

Sic item ad interiora vastæ solitudinis deserti, à Spiritu sancto ductus, quadragesimali ieiunio reparationis nostræ primordia consecrauit.

Sic insuper ianuis clausis, tempore recollectionis Apostolorum, in medio illorum stetit.

Sic iterum ab strepitu & rumore Iudeæ ad Solitariū Galileæ montē eosdē Apostolos vocauit, ibique illis apparuit, ac plurima Euangelicæ Missionis ipsos sacramenta edocuit.

Spiritus denique sanctus, igneis linguis non in platea ciuitatis, sed in solitudine cœnaculi, tempore recollectionis & orationis super eosdē Christi Apostolos descendit.

Virgo itaque benedicta meritò cū esset sola in penetralibus, vt ait S. Ambrosius, sola sine comite, sola sine teste, quam nemo virorum videret, solus Angelus reperiret, in sua ipsa beata solitariae solitudinis recollectione, Redemptionis nostræ ab Angelo nuntia accepit.

Sed qualibus & quantis deliciarum imbribus, ac spirituum voluptatum affluentiis, Virgineum cor eius, Virgineusque animus toto beatæ lactationis Saluatoris tempore, dum vt ait Ecclesia, sola Virgo lactabat vbere de cœlo pleno, abundarit; satis Tractatulo secundo, cū de suauissimo lactæ educationis eiusdem beatissimi Redemptoris mysterio ageremus, demonstrauiamus.

Extensio & continuatio Capitis.

Desolatione desolata est Ciuitas, ait Propheta, eo quod nemo est qui recogitet corde. In tanta, ac toto orbe famosa Ciuitate, in qua tanta animarum millia numerabantur, nemo erat qui ad intra versaretur, qui spiritualibus incumberet, qui interioraretur, & interioris hominis peculiaribus vacaret negotiis, hoc est, erant omnes quærentes quæ sua sunt, & non quæ Iesu Christi & animæ salutis. Ideo desolantur Ciuitates, vastantur Prouinciæ, pereunt regna, decrescunt imperia. Et totus ferè orbis periclitatur.

E contra, Christus ipse, quem sine adiutorio descripsimus, hoc est, assidua diuinæ essentiae fruitione, & contemplatione beatus, qua comprehensor simul & viator exitit. Semper interna recollectione circa applicatam animam summo opere dilexit, qui Magdalenam Marthæ prætulit, dicens; Martha, Martha, sollicita es, & turbaris erga plurima; Porro, vnum est necessarium, Maria optimam partem elegit, quæ non auferetur ab ea.

Et cum turbæ irruerent in eum, ita vt opprimerent illum, sentit interioratam mulierem illum tetigisse; Quis me tetigit, ait, cui Petrus, præceptor turbæ te opprimunt? & tu dicis, quis me tetigit. Aliquis me tetigit, inquit, sentij enim virtutem de me exisse: hoc autem dixit de muliere fluxu sanguinis laborante, quæ dicebat intra se, si tetigero tantum huiusmodi vestimenti eius, salua ero. Licet ergo à multitudi- ne opprimeretur, solius interioratæ, & recollectæ, ac deuotæ mulieris, quæ intra se, excellentiam Saluatoris meditabatur, Saluator ipse fidem laudauit, cui tandem dixit; Vade fides tua te saluam fecit.

Solet ad hæc à quibusdam notari, quod Iudæi impij, Scribæque & Pharisei, ac Principes ipsi Sacerdotum Christo improperantes, blasphemabant prætereuntes, dum ipse in Cruce pateretur. Centurio vero qui ex aduerso stabat, cum suis conuersus est, reuertebantur enim percutientes pectora sua, & dicentes; verè hic homo Filius Dei erat, &c.

Blasphemabant illi, quia prætereuntes erant, nec ad Christum attendebant, & nemo illorum erat qui recogitaret corde. Centurio conuersus est, quia stabat, attenta mente, patientiam, mansuetudinem, charitatem & cæteras Crucifixi virtutes contemplando. Sic conuersus est latro, qui socio dicebat, nos digna factis recipimus, hic vero nihil mali gessit. Domine, memento mei, dum veneris in regnum tuum.

Christus tandem factus est nobis Pontifex, sanctus, innocens, impollutus, segregatus à peccatoribus, &c. Segregatus ergo à peccatoribus, ab Apostolo optimè appellatur, non solum propter impeccabilitatem; verum etiam propter internam & assiduam solitariæ recollectionis obseruantiam. Peccatores namque vanis ac terrenis exterioribusq; rebus & affectibus occupati; raro aut numquam interiora requirunt, vnde longè à peccatoribus salus, ait Propheta, nostræ vero salutis auctor & magister; segregatus à peccatoribus, & excelsior cælis factus semper, vt sæpius diximus interna summi boni fruitione beatus exitit.

Ita, ad illius imitationem electi à reprobis, & boni à malis segregantur. Prædestinatio namque electorum segregatio dicitur, cum in sua æternitate oues ab hædis, id est, electos à reprobis secundum propositum voluntatis sue, vt ait Apostolus, Deus ipse segregat.

Inter autem, & super omnes puras creaturas in ipsa æterni Dei æternitate beatissima, longè à peccatoribus sue electionis & prædestinationis dignitate, vt Tractatulo primo declarauimus, sanctissima Virgo Deipara segregata exitit.

Segregata est item in tempore, dum in solitudine templi morabatur, vsque ad Incarnationis tempora internæ contemplationis dulcedine collecta, & solitariæ recollectionis deliciis repleta.

Segregata denique, vt dictum est supra, in Bethleem, & apud Ægyptum, toto lacteæ educationis Saluatoris tempore, dum diuinis ac planè suauissimis tunc arcanorum, & gratiarum cælestium, diuinarumque influxionum affluentiis abundaret, & redundaret, rerum externarum curam agente Ioseph.

Pro-

Propter hoc notat sacer Euangelista, quod remansit puer Iesus in Ierusalem anno ætatis duodecimo, & non cognoverunt parentes eius, quippe qui, tanto recollectionis internæ studio, ad intra occupati, ut prout tunc quæ Christi ad extra infantis erant, ex memoria deposuisse viderentur.

Ergo qui electus est, inter homines ad imitationem Christi & Virginis Deiparæ ab aliis, hoc est à peccatoribus segregetur, nam omnes quærunt quæ sua sunt, non quæ Iesu Christi.

Stultorum, ait Scriptura, infinitus est numerus, stultus verò ut Luna mutatur, & Luna talibus ac tantis mutationibus & inconstantibus subiecta cernitur, quia superficialiter tantum lumen à sole recipit; Stellæ vero minimè illis subduntur, quia non in superficie, sed penitus, & usque ad fundum idem lumen recipiunt. Certè stultorum infinitus est numerus, eorum nempe qui in vacuū gratiam Dei recipientes solo nomine sunt Christiani. Electi verò pauci sunt, à peccatoribus segregati, & circa interiora versati: Multi, ait Christus, sunt vocati, pauci vero electi.

Ideò quicumque vult saluus esse, inter Reges, Principes, Magnates, & Nobiles, ab aliis segregetur: & vitam segregatam ducat.

Sic item inter eos qui magistraturam exercent: qui lucrative mercationum deputantur negotiis, qui etiam relaxam Monachorum vitam profitentur. Sic denique qui communi sæculi vita viuunt, cuiuscumque status, conditionis, & professionis extiterint, cum stultorum infinitus sit numerus, & omnes quærant quæ sua sunt, & longè sit à peccatoribus salus, Saluandus; vita priuata, pia, recollecta; atque segregata ab aliis viuat. Cæteri namque huius sæculi sectatores, cæci sunt, duces cæcorum; si autem, cæcus cæcum ducat, ambo in foueam cadunt.

*Conclusio Capituli continuationisq; & extensionis
eiusdem.*

Maria conseruabat omnia, &c. Conferens in corde suo. Omnia, ad interiora cordis reuocabat Virgo Deipara, ideò semper mulier segregata & recollecta extitit. Et si quandoque ad exteriora ex officio vocaretur, vt ministra temporalis mysteriorum infantis Saluatoris seram se & festinam exhibebat. Vnde sanctus Ambrosius, discite & vos sanctę mulieres, ait, discite Virgines non circumcursare per alienas ædes, non demorari in plateis, non aliquos in publico miscere sermones. Maria in domo sera, festina in publico, &c.

Interioritatem & sanctam recollectionem, solitudinemq; mulieribus sanctis sanctus Doctor, ad imitationem sanctissimę Virginis commendat, de qua Spiritus sanctus, quam pulchri sunt gressus tui, ait, filia Principis, in calceamentis, quippe qui Luthū platearum non sunt maculati, non est Virgo benedicta filia vaga, sed solitaria, & recollecta.

Ideo forsan mulieres Ægyptiæ nudis semper & mundis pedibus iuebantur ambulare, quapropter raro domo egrediebantur, neluto pedes contaminarentur, quia multū decet honestam mulierem domum seruare, & solitarię domus habitationem diligere. Vnde & is qui formosissimę illius Matrōnę Romanę Epitaphium composuit, omnia paucis comprehendit, cū ait; *Claudja casta vixit, lanam fecit, domum seruauit, &c.* Et vxor Themistoclis, quę ad extra versari, & ad videndos ciues domo egredi à vicinis inuitabatur, sapienter sic respondisse fertur: Nec mundum, inquit, nec vrbem, præter maritum noui. Digna sanè prudentis mulieris responsio.

Ideò legimus in Paradiso voluptatis creatam mulierem, virum verò in agro, vt discat mulier, non vagari, per agros, sed domum suam sibi Paradisum reputare. Ideò iterum Propheta, vxor tua, ait, sicut vitis abundans in lateribus domus tuę, ne Mulier sapiens alienetur à domo. Quod

si fortè domo egrediatur, domus latera non relinquat.

Ideò denique per sacramentum Scripturæ dictum est, In exitu Israël de Ægypto, postulet vir ab amico suo, & mulier à vicina sua vasa argentea, & aurea, &c. Licet viro amicum suum ubicumque sit quærere, sed non decet mulierem vagari. A vicina sua postulet, &c.

Vnde etiam Deus vxorem Abraham, post quasdam peregrinationes volens sanctam mulierem facere, & matrem per miraculum Patriarchæ Isaac reddere, dixit; Non vocabitur amplius Saraï, sed Sara erit nomen eius. A nomine mulieris sanctæ, tollitur littera I, quod est, vade, ambula, perge, &c. A verbo eo, is, &c. in secunda persona imperatiui præsens temporis. Vt discat domum seruare, & solitariam recollectionem sectari.

Hæc sancta Mulier sanctissimè postea in domo sua vixit vnde cum Angeli subuersores Sodomorum quærent ab Abraham vbinam esset; vbi est, inquiunt, Sara vxor tua? Ecce, respondit, abscondita est domi. Timebat, etiam coram Angelis, apparere, eos alloqui, & Angelis ministrare, quid si mundani homines domū Patriarchæ ingressi fuissent?

Sanctissima idcirco Virgo Deipara, à peccatoribus segregata ad ingressum Angeli nostræ redemptionis nuntia portantistimuit, & turbata est. Vnde sanctus Ambrosius: discce, ait, Virginem moribus, discce Virginem veretundia, discce oraculo, discce mysterio. Trepidare Virginum est, & ad omnes viri ingressus pauere, omnes viri affatus vereri. Discant mulieres propositum pudoris imitari, &c.

Ergo, forma facta est virtutis pusilli gregis sanctarum animarum, dum temporibus maximè beatissimæ lactationis Saluatoris, ad intra occupata, quæ filij erant, curabat, quæ Dei erant, cogitabat, sancta & corpore & spiritu, conseruans omnia, & conferens in corde suo.

¶ Solebat olim Christus in deserto solitudinis reficere turbas, & satiare panibus. In solitudine cordis sui dignissima Virgo temporibus lactæ educationis eiusdem beatissimi Saluatoris virgineo virginalium vberum suorum lacte, reficiebat reficientem, alebat alentem, pascentem pascebat, ac nutrebat omnia nutrientem.

D d ij

DE PISSIMA DOLOROSISSIMÆ

Passionis Domini nostri Iesu Christi meditatione, quam coluit beatissima Virgo Deipara, temporibus maximè lactæ educationis eiusdem.

CAPVT IX.



I C positus est in ruinam, & in resurrectionem multorum in Israël, & in signum cui contradiceretur, & tuam ipsius animam doloris gladius pertransibit, &c. Verba sunt Simeonis senis ad Virginem nostram benedictam, eotempore quo in templo sub lacte Virgineo nutritionis obtulit pretium nostræ redem-

ptionis.

O Simeon, Simeon sanctissime, quid agis? quid loqueris? legis non recordaris? *Non coques*, ait, *hædum in lacte matris*: mitem, dulcissimamque Matrem, mansuetissimum agnum lactantem, tanti vulneris plaga ferire audes? qua, & hædus in lacte matris coquitur, & Mater ipsa dilecti Filij sanguine conspersa in medio tantæ solemnitatis gaudiorum, mœrore conficitur. Iam reuera ibi risum dolore mixtum, & extrema gaudij luctum occupantem video.

In lacte matris hædus ipse mysticus noster coquebatur, quando ipsa, vt integra & perfecta, & non dimidiata Mater, in lactæ nutritionis, sanguinem administrabat salutare, sed & amarissimæ passionis.

Quando vt flueret ex vulneribus, fluebat ex vberibus.

Quando vt in charitate perfecta fundaretur, in charitate non ficta fundebat.

Quando denique vt copiosa fieret apud eum nostra re-

demptio, copiosa fiebat ab ea ipsa lactatio, &c.

Cum autem totam Scripturam legisset, & perfectissime quæ de passione Domini erant testimonia, corde retineret, toto illo beatae lactationis Saluatoris tempore, iugiter ipsam futuræ passionis dilecti filij amaritudinem, viua memoria recolerebat, & toties gladius doloris eius animam pertransibat, quoties ita: Prophetiam, & aliorum Prophetarum oracula, illi in mentem veniebant.

Dum enim corpusculum Christi Infantis adornaret, & membra pannis inuoluta alligaret, manusque, ac pedes, & crura, stricta cingeret fascia, hæc illi occurrebāt: foderunt manus meas, & pedes meos, & dinumerauerunt omnia ossa mea. Corpus meum dedi percutientibus, &c.

Cum Virgineis osculis, os eius, genas, faciemque deoscularetur, eorum quæ scripta sunt recordabatur, genas meas dedi vellentibus, faciem meam non auerti ab increpanibus, & conspuentibus. Non est species ei neque decor, quasi absconditus vultus eius, & despectus. Vidimus eum tanquam leprosum non habentem speciem, neque decorem. O acerbissimi doloris gladius! Quomodo speciosus forma præ filiis hominum, in cuius labiis omnis plenitudo gratiæ est diffusa, factus est vt leprosus, non habens speciem neque decorem?

Dum aperto Virgineo sinu, extractoque Virginali vbere lactaret, subito occurrebat quod scriptum est; Dederunt in escam fel, & in siti mea potauerunt me aceto.

Dum vero pannis inuolueret, ac vestimentis indueret, confestim psalmistæ recordabatur dicentis: diuiserunt sibi vestimenta mea, & super vestem meam miserunt sortem. Similiter & Prophetæ: Quis est iste qui venit de Edom tinctis vestibus de Bosra? Quare rubrum est indumentum tuum, & vestimenta tua sicut calcantium in torculari? &c.

Sed & cum manus, & pedes summa humilitate, deoscularetur, attenta mente audiebat quæ scripta sunt: quid sunt plagæ istæ in medio manuum tuarum? & responsum attendebat, his plagarum sum in domo eorum qui diligebant me.

Tandem dum Deum infantem, sapius contempleretur, ac

mirabili deuotionis suauitate, in illius pulchritudine & speciositate delectaretur, & cordi filij, cor Matris conglutineretur, itaut diceret; Ego dilecto meo, & ad me conuersio eius. Dilectus meus mihi, & ego illi. Speciosus forma præ filiis hominum; fasciculus myrrhæ dilectus meus mihi, inter vbera mea commorabitur, &c. Respondebat illi Propheta; Non est species ei neque decor. Vidimus eum, & non erat aspectus, & desiderauimus eum despectum, & nouissimum virorum, Virum dolorum, & scientem infirmitatem; & quasi absconditus vultus eius, & despectus, vnde nec reputauimus eum. Verè languores nostros ipse tulit, & dolores nostros ipse portauit: & nos putauius eum quasi leprosum, & percussum à Deo & humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, & liuore eius sanati sumus. Hæc & similia ex Prophetis desumpta de passione filij tenerrima Virgo Mater attentissimè meditabatur, temporibus lactæ educationis Saluatoris.

Plangebat eum iam planctu, quasi super vnigenitum, & dolebat super eum, sicut doleri solet in morte primogeniti. O quoties verbatim præponderabat quæ leguntur: improprium expectauit cor meum, & miseriam, & sustinui qui simul mecum contristaretur, & non fuit: Consolantem me quæsiui, & non inueni. Ego vermis & non homo, opprobrium hominum, & abiectio plebis, &c.

In lacte Matris profecto tunc coquebatur hœdus, & cum lacte Virgineo Christi sanguis miscebatur. Cooperabatur vt Tractatulo primo monstrauimus infiniti valoris ac meriti operi, operi videlicet nostræ reparationis, & vt infra ostendemus, stabat iam ex tunc iuxta Crucem Iesu Mater eius.

Recordabatur verborum Angelî ad ipsam. Dabit illi Dominus sedem David Patris eius; David autem vir bellicosus multa prælia præliauit, & Christus quoque contra Diabolum in deserto, contra mundum in passione, vnde confidite ait; Ego vici mundum, & contra mortem, & Crucem in horto, vnde factus est sudor eius tanquam guttæ sanguinis. In hunc mundum præliaturus descendit. Sequitur, & regnabit

in domo iacob in æternum. iacob post luctum percussus est in fœmore, itavt claudicaret, sic Christus in sua humanitate percussus dum anima in triduo separata est à corpore, visus est velut claudus.

Hæc mente reuolebat deuotissima Virgo, & dum audiuit à Simeone, hic positus est, &c. & in signum cui contradicetur: Succurrebat illi quod dictum est Moyfi: fac serpentem Aeneum, & pone eum pro signo, &c. Intelligebatque optimè mysterium quod postea à Christo reuelatum est dum ait, Sicut Moyfes exaltauit serpentem in deserto, ita exaltari oportet filium hominis, &c.

Stabat itaque iam tunc temporis piissima Mater iuxta Crucem Iesu Filij sui, illamque tota mentis pietate venerabatur quam sciebat propter nos homines, & propter nostram salutem Christum ipsum omnibus hõnorum, dignitatum, & prerogatiuarum excellentiis iam in sua æternitate prætulisse, & in sua passione præferre debere vti Euangelicis oraculis discimus. Regiæ siquidem dignitati honorem, & amorem Crucis Christus prætulit; nam cum clamarent Iudei; Si Rex Israël est, descendat de Cruce, &c. Nec tamen de Cruce descendit, eligens magis in Cruce mori, quàm ab eis Rex Israël haberi, & renuit altera quam in Cruce Spinea Corona ab hominibus coronari.

Prætulit item Crucem suam, dignitati Messie, dicebant enim; Si hic est Christus Dei electus, descendat de Cruce.

Iterum dignitati Filij Dei, nam clamauerunt omnes si Filius Dei es, descende de Cruce.

Dignitati quoque Filij hominis, id est, Virginis, quod enim de nostro assumpsit, totum de Virgine habuit; Hanc autem dignitatem in vita sua Christus summo opere dilexit, qui raro se Filium Dei, & sæpissimè, Filium hominis appellare consuevit. In Cruce autem Virginem sacram, mulierem appellat, & non Matrem, Mulier, inquit, ecce Filius tuus, adoptans illi discipulum in Filium, quasi tunc aliam Matrem nisi Crucem nullam agnosceret, in cuius gremio portabatur, in cuius sinu quiescebat, cuius brachijs amplexabatur, & in qua pro salute mundi mori eligebat. Quantum autem

Diua Virgo, Christo quem lacte suo alebat passuro in Cruce iam compatiebatur, ex his quę infra dicentur, facile conjicietur.

Continuatio, & extensio Capitis.

ERat cordi Virgineo dolor compassionis, & compunctionis, dum lactando Saluatorem, quę passionis eius futurę erant, assidua meditatione contemplantur:

Compassionis respectu eorum quę ventura erant super eum. Compunctionis, respectu peccatorum quę committebantur contra ipsum.

Compassionis ergo, quoniam quę passurus erat Christus in carne, iam ipsa patiebatur in corde, vt ex his quę paulo superius diximus, clarum est.

Erat autem vehementissimus dolor ipse, quandoquidem sicut stans iuxta Crucem in die passionis Filij nullas emisit lachrymas, quibus cor non modicum leuamen suscipit: Iuxta Ambrosium dicentem, stantem lego, flentem non legi. Quoque idem solatio Christus ipse non est destitutus, cum dicat Apostolus, quod in Cruce cum clamore valido, & lachrymis, &c.

Non est quoque loquuta, ne tantisper solatij habuisse crederetur; loqui namque cum amicis de mœrore & cordis mœstitia omnem ferè eiusdem cordis laborem euacuati. Christus ipse discipulis ait, Tristis est anima mea vsque ad mortem, &c.

Nec clamauit, aut vocem quomodocumque edidit, sicut in magnis doloribus, clamare solent plurimi, vt etiam Christus in Cruce. Nullus enim tunc à clamore prohiberi potest, & aliquantulum est etiam patienti leuamento non modico: vt summum & extremum videretur passa esse Martyrium. Ita in lactea educatione Saluatoris Christo Filio summe compatiens passuro, nec lachrymas eius, nec clamorẽ, nec vocem quidem aut loquelam legimus; sed erat illi continuus dolor cordi, cum conseruaret omnia conferens in corde suo.

Et

Et quemadmodum dicimus illam Martyrium passionis Christi ultra etiam mortem ipsius passam fuisse, cum ille de seipso diceret, Tristis est anima mea usque ad mortem.

Quandoquidem lanceæ vulnere post mortem, corpori mortuo Christi inflicto, cor eius vulneratum est; quo, & gladius doloris animam ipsius pertransiuit; ita etiam, illudmet Martyrium millies ante mortem eiusdem Redemptoris subiisse asserimus, toties videlicet, quoties quæ supra allata sunt, ad memoriam reuocabat.

Benè ergo iam ex tunc dicere poterat, non est dolor, sicut dolor meus.

Non fuit Euz dolor similis in morte Abel, quia denuò concepit, & dedit illi Deus semen aliud pro Abel.

Non dolor Saræ, in sacrificio Abrahæ, ignorauit enim, nec vidit filium suum sacrificandum.

Non item dolor matris pro filio contententis coram Salomone, accepit enim tandem infantem suum viuum.

Non dolor Iob, in morte filiorum, nam addidit illi Deus duplicia, habuitque postea, & ditiores, & pulchriores filios & filias, & ideo bene asserunt Doctores Martyrium sanctissimæ Virginis nullis figuris adumbratum extitisse ob eius excessum. Et ecce quantum compatiébatur Christo passura, dum illum suò lacte educaret piissima Virgo Mater, qualique dolore compassionis angeretur cor eius. De dolore compunctionis concludendo dicemus.

Conclusio Capitis continuationisque, & extensionis eiusdem.

Circumdederunt me dolores mortis, mors est priuatio vitæ, dolor ergo mortis est dolor de priuatione vitæ, at super omnes vitas, vita Christi erat melior. Et si vita hominis est illi bonum, vita Christi est maius bonum. Nam quemadmodum propter nobilitatem, spiritualitatem, & excellentiam naturæ angelicæ supra naturam hominis, si Deus Angelo vellet corpus adaptare, esset illud nobilius corpore humano, & corpus Archàngeli corpore Angeli, cor-

E c

pus Virtutis, corpore Archangeli, Corpus vero Dominationis corpore Virtutis, Principat^o corpore Dominationis, Potestatis item corpore Principatus, Throni corpore Potestatis, Cherubin corpore Throni. Seraphin tandem corpus nobilius esset corpore Cherubin, secundum excellentiam Hierarchiæ, chori, & personæ. Quod si Deus sibi ipsi velit adaptare corpus, proculdubio nobilissimum omnium erit illud, sic de anima, sic de vita. Ergo vita Christi & Dei melior, & nobilior est omnibus aliis; tantus autem est dolor de priuatione alicuius est boni, quanto maius est bonum; ergo maximus & vehementissimus per omnem modum fuit dolor beatissimæ Virginis Deiparæ de morte Christi.

Notandum autem quod in Christo erat vita naturalis, spiritalis, ciuilis, cœlestis, & diuina.

Naturalis consistit in vnione corporis & animæ, spiritalis est vita animæ, quia anima viuens spiritus est. Ciuilis est vita honoris seu bonæ famæ, cœlestis est vita qua angeli & beati per claram Dei visionem viuunt, diuina tandem qua Deus ipse per seipsum, & ex seipso viuunt ab æterno.

In Christo ergo erat vita naturalis, quia erat homo constans corpore & anima; hanc charissimam vitam ab eo abstulerunt carnifices, qui eum crucifixerunt, &c. Erat insuper in eo vita spiritalis animæ, quam quoque discipuli, quorum vnus illum vendidit, alius negauit, & omnes relicto eo fugerunt, ab ipso abstulerunt, quorum peccata defleuit, cum ait; Tristis est anima mea vsque ad mortem; id est, si esset mortalis anima mea, eorum quæ patior molestia, moretur. Ciuili vita item à Principibus Sacerdotum; Scribis, & Phariseis priuatus est, cum ipsum, vt seditiosum, sortilegum, latronem, patriæ subuersorem, & pessimum hominem crucifixerunt. Vita quoque cœlesti fruebatur, nam à primo Incarnationis instanti propter claram diuinæ essentiae visionem, beatus exitit & comprehensor simul ac viator, hac vita hæretici impiissimi illum priuarunt, asserentes ipsum in Crucē damnatum pro tempore exitisse, & pœnam damnati passum fuisse vt Caluinus, & alij, &c.

Cum tandem habitaret in ipso plenitudo diuinitatis cor-

poraliter, vita Dei vivebat, & hanc vitam ab eo quotidie hi qui cum fide, quæ per peccatum non amittitur, peccato mortali offendunt, auferunt, & est peccatum Christianorum qui voluntariè, & ex proposito, Legem Dei transgrediuntur, iterum Christum, ut ait Apostolus, in senserunt crucifigentes.

Hæc omnia cum meditatione attentissima Virgo Mater in corde moueret, acerbissimus planè compunctionis simul & compassionis gladius animam eius pertransibat, quæ dolebat de tantis peccatis commissis, & dilecto Filio in carne quam de ea assumpserat passuro, ut non dimidiata, neque partita, aut diuisa Mater, sed integra, atque perfecta, tota compatiatur.

Quis est ergo homo qui non fletet, Christi matrem si videret in tanto supplicio. Eia Mater, fons amoris, me sentire vim doloris, fac ut tecum lugeam.

DE SANCTISSIMÆ PAUPERATIS

affectu, quo mouebatur piissima anima san-

ctissimæ Virginis Deiparæ, lactando

Christum Saluatorem.

CAP. X.



SVRIENTES impleuit bonis, & diuites dimisit inanes. Cantici Virginis nostræ Deiparæ verba sunt ista. Inanes autem, id est, vacui, sicut de terra dicitur, quod in principio erat inanis, & vacua hominibus & iumentis, plantis, seminibus, gramine, luce, decore, fluminibus, fontibus, montibus, collibus, campis, vallibus, metallis, & mineralibus ad quæ naturalem quasi inclinationem habet. Et ut aliis placet, terra erat vanitas,

Ec ij

& nihil: talis est, secundū diuinissimam Diuā Virginis Theologiam, status diuinitum; diuites, inquit, dimisit inanes.

Quemadmodum itaque, muli regij postquam per viam tota die pondus auri, argenti, & alia utensilia Regia, Regijs adornati vexillis peristromatibusque item regijs cooperiti portauerunt, inclinata die exonerantur, & sæpè plagis ac vulneribus ex onere attriti, ictibus flagellorum ad stabula dimittuntur vacui. Sic diuites post huius mundi delicias, vanitates, & diuitias, vacui virtutibus, donis Dei, gratiis coelestibus, ac bonis operibus, postquam duxerunt in bonis dies suos, in puncto ad inferna descendunt.

Assimilantur inde pauperibus, ac mendicantibus mulieribus, & ancillis, ac famulabus, quæ in crastinum nuptiarum suarum pretiosis vestibus, quibus pro solemnitate desponsationis suæ mutuo fuerant adornatæ, depositis, vilibus induuntur, ac suffarcinantur. Diuites etenim in hac vita ducunt in bonis dies suos, velut in die nuptiarum, sed in morte omnibus spoliantur, & miseri ac miserabiles ad inferna in puncto descendunt peccatorum, ac vitiorum suffarcinatione onerati, vbi diues epulo guttam aquæ petit, qui micæ panis Lazaro negauit.

Thesaurisant sibi iram in die iræ, & in nouissimis diebus, vt ait Iacobus Apostolus, aureum aureo, thesaurumque thesauro accumulantes, terminumque transgredientes quem Deus posuit, quo vnusquisque quod suum est habeat, aliena rapiunt, nec vnquam dicunt sufficit, idè dicitur per Prophetam, iudicio contendam tecum, in alis enim tuis inuentus est sanguis animarum pauperum. Iudicio contendam tecum, eo quod eorum sanguinem & sudorem biberis.

Refertur de beato Bartholomæo à Solutio ordinis Minorum Recollectorum, quod coram diuite, ex pane quem manibus accipiens fregit, sanguine paropsidem impleuerit, idem coram Rege Siciliæ qui nouo tributo populum suum vexarat, copiosus sanguis ex nummo fracto effluxit.

Propter hoc in figuris cum omnia, & in mysteriis continerentur sub veteri testamento; Sacerdos omnia scelera, abominations & peccata populi confitebatur, super caput.

hirci viuentis alterius sanguine conuersi, qui oblatu Domino fuerat, & hic sanguine conuersus, omnibus abominationibus populi oneratus in desertum dimittebatur. Sic in mundum dimittitur diues in hac vita, sanguine pauperum conuersus, sed portabit omnia scelera, & peccata abominationes & vitia quibus, penuria, egestate, ac inedia & extrema necessitate compulsi, & confecti, pauperes compotes redduntur. Non ergo mirum si postquam duxit in bonis dies suos, in puncto ad inferna descendat.

Effundam, ait Deus per Prophetam suum, quasi aquam iram meam super auellentes terminos. Et insuper, facti sunt Principes Iuda quasi assumptores terminum, &c. Comparationem facit, ad Petram terminalem, quâ prata, & prædia familiarum diuiduntur, terminantur, & dignoscuntur, quam auellere non licet. Diuites autem nullum terminum in possessionibus terrenæ substantiæ volunt obseruare, nunquam dicunt sufficit, & ideo iram Dei sibi thesaurifant in nouissimis diebus, ut dictum est supra.

Inexplebili ventre ad aquas diuitiarum currunt, & flexo poplite, aquam fluminis bibunt, ut milites Iosue, de quibus dicitur, qui autem curuatis genibus biberint, in altera parte erunt, &c. Pars autem ista, hæc est de qua dicitur; Quod Christus in iudicio dicet iis qui à sinistris eius erunt: Ite maledicti in ignem æternum, &c. Esuriri enim, & non dedistis mihi manducare, &c. De electis verò habetur, qui lingua lambent aquas sicut solent canes lambere, separabis eos scorsum, &c. Hi paucis contenti sunt, & quasi pertranscundo substantia vtantur modica, victumque & vestitum habentes dicunt cum Apostolo, his contenti sumus. Tandemque Deus illos implet bonis, ut verum sit quod per sanctissimam Virginem dictum est, Esurientes impleuit bonis, & diuites dimisit inanes.

Diuitie si affluant, cornon apponunt, secundum Concilium Psalmistæ, & sunt sicut pharmacopola qui in officina quidem, venenum habent, sed non in corde, ideo eis non nocet.

Sunt sicut Iacob, cuius manus pelliculis hedorum tectæ

crant, quas obicere sine lēione & dolore poterat; sed diuites habent venenum diuitiarum in corde, vnde de Iuda habetur, cum iam misisset Diabolus in cor, vt traderet eum Iudas, &c. Et pilosas manus habent, vt reprobatuſ Elau à quibus sine dolore pili diuitiarum non poſſunt auelli. O quam amara mors eſt, ait Scriptura, homini pacem habenti in diuitiis, &c.

De ſanctiſſimæ vero Virginis Deiparæ paupertatis ſanctiſſimæ affectu piſſimo, temporibus maximè beatiffimæ laſtationis Saluatoris infrà dicitur.

Continuatio & extenſio Capituli.

IN extenſione huius Capituli, antequam ad ſanctiſſimam Virginem deueniamus, placet, paulo longius quæ dicta ſunt extendere, & primo quidem notanda valdè veniunt verba Pſalmiſtæ, de impio diuite ſermocinante,

Conſtitue, ait, Domine ſuper eum peccatorem, & diabolus ſtet à dextris eius. Per peccatorem intelligitur anti-Chriſtus, qui homo peccati ab Apoſtolo appellatur, ad cuius dexteram iugiter ſtabit Diabolus, & ad cuius pedes congregabunt dæmones omnes theſauros qui in mari ſunt & in terra, & ſubtus terram. Senſus ergo noſter eſt. Conſtitue Domine ſuper immiſericordem & auarum, ac impiſſimum diuitem, omnes abominationes, nequitias, & impietates, omniaque ſcelera, & vitia Antichriſti, &c. Deinde ſequitur. Cum iudicatur, exeat condemnatus.

Iudicium enim ei debet fieri abſque miſericordia, qui non fecerit miſericordiam. Et oratio eius fiat in peccatum. Si quæ debent prodeſſe, aiunt Medici, non proſint, mortale. O inſoelicitas maxima, vt fiat illi in peccatum Oratio eius ad Deum, quæ cunctis fieri ſolet in ſalutem!

Fiant dies eius pauci † & Epiſcopatum eius accipiat alter. Fiant filij eius Orphani † & vxor eius vidua.

Nutantes tranſferentur filij eius † & mendicent †, & eiciantur de habitationibus ſuis.

Scrutetur ſœnerator omnem ſubſtantiam eius †, & diri-

plant alieni labores eius.

Non ſit illi adiutor †, nec ſit qui miſereatur pupillis eius. Fiant nati eius in interitum †, in generatione vna deleatur nomen eius. In memoriam redeat iniquitas Patrum eius † in conſpectu Domini † & peccatum Matris eius non deleatur. Fiant contra Dominum ſemper †. O genimina Antichriſti! Antichriſtus enim, id eſt, contra Chriſtum: & diſpereat de terra memoria eorum.

Pro eo quod non eſt recordatus facere Miſericordiam, & perſequutus eſt hominem pauperem, & mendicum, &c.

Et ecce miſerabilis ſtatus impij diuitis, cuius Patres fuerunt, Cain maledictus, Cham, Eſau, Iudas, epulo, &c. Mater impiiſſima & crudeliſſima Iezabel fratres, illi qui vendiderunt fratrem ſuum pro argento, quorum dicebat vnus. Melius eſt vt venundetur, &c. Et acquieuerunt, ait Scriptura, fratres eius ſermonibus illius, &c. Mater denique eius Herodias ſaltatrix eſt, quæ dicebat Herodi; Domine mi Rex, da mihi in diſco, caput Ioannis, &c.

Sciebat enim omnia vtenſilia Regis eſſe aurea & argentea; crudelitatem itaque iungens cum cupiditate auri & argenti, non ſolum caput petit, ſed illud in diſco vult habere; adſunt ſecundum ſpiritum, parentes diuitum impiorum de quibus Chriſtus: O quam difficile diuites regnum Dei poſſidebunt, &c. Horrendum ſanè ſacer Euangelista deſcribit exemplum. Iuuenis ille videbatur bonus, pius, ac deuotus qui flexis genibus à Chriſto ſalutare petit conſilium: dicens, Magiſter bone, quid faciendo vitam æternam poſſidebo? Cui Chriſtus præcepta noſti, &c. Reſpondit ille Magiſter hæc omnia obſeruauit à iuuentute mea. Tunc, Ieſus intuitus eum, dilexit illum: Et dixit, Vnum tibi deeſt, vade, vende omnia quæ habes, & da pauperibus, &c. Abiit autem mœrens, eo quod erat multas poſſeſſiones habens. O quam difficile, ait tunc Chriſtus diuites regnum Dei poſſidebunt. Erat ipſe obſeruator mandatorum, dignus Filij Redemptoris intuitu, & ab eo dilectus; verumtamen, non ſequutus eſt conſilium eius, nec amplius illum legimus ad Chriſtum reuerſum; ſed abiit mœrens, receſſit à Chriſto ſa-

lutari suo, & plurimi Doctores asserunt ipsum de via vitæ æternæ inquirentem damnationem æternam habuisse.

Ergo Deus bonus & optimus esurientes impleuit bonis, & diuites dimisit inanes. Quibus autem bonis humilem ac paupertatis sanctissimæ pollentem Virginem Deiparam non impleuit bonis? Nonne quando Filium suum vnigenitum dedit illi, cum ipso omnia donauit eis.

Sanctam sanè coluit paupertatem sanctissima Virgo temporibus infantis Saluatoris, ac lactis educationis eiusdem, quæ cum diuitiæ affluerent, cor non apposuit, sed à Pastoribus sibi erogata dona, & munera pauperibus distribuit. Sibi quæ à Magis erogatas quoque opes, egenis erogauit parentum pientissimorum suorum prædia & possessiones amplas inopibus, ac mendicantibus miræ liberalitate donauit. Quæ, inquam, cum non esset ei locus in diuersorio, Deum infantem quem genuit, vilibus pannis inuolutum reclinauit in præsepio, quæ tandem ritu pauperum sceminarum pro filio obtulit par turturum, aut duos pullos Columbarum, & sanctissimæ paupertatis mirabilis sectatrix effecta, pauper in Galilæa apud Nazareth, pauperior in Iudæa apud Bethlehæm, & pauperrima semper in Ægypto extitit.

Conclusio Capituli continuationisque & extensionis eiusdem.

Anna Mater Tobis iunioris filij absentia mœrēs, tristis-
que effecta; Sufficiebat, ait, nobis paupertas nostra, vt diuitiæ computarentur, vt quid temisimus peregrinari lumen oculorum nostrorum, & baculum senectutis nostræ? Omnes in dilecto filio præsentis diuitias possidere se existimabat, sufficiebatque illi paupertas sua, vt diuitiæ computarentur dum oculis filium cerneret præsentem, quem & lumen oculorum suorum appellabat. Quid ergo de Deiparæ Virginis paupertatis sufficientia, in educatione Saluatoris sentiendum? Hic est, aiebat, in quo sunt omnes Thesauri sapientiæ & scientiæ Dei absconditi. Gloria & diuitiæ in domo eius, & miseratio eius manet in sæculū sæculi. Omnes

sanè

sanè diuitias, & diuitias summas computabat Filium suum videre, in quem desiderant & Angeli aspicere, illum alloqui, amplexari, deosculari, ipsum gremio excipere; sinu gestare, manibus per tractare, vberibusque ipsis suis de cœlo plenis lactare, mammare, nutrire, pascere, alere, & educare. Pectore tandem Virgineo ipsum fouere, omni cura illi ministrare, & omni studio illum curare, ac omni prorsus deliciarum elegantia ei blandiri.

Hæc erant Virginis Deiparæ diuitiæ, de reliquo, sufficebat illi paupertas, sua, &c. Et licet pauper & inops esset, attamen in ipso solo dilectorum dilecto summa summæ misericordiæ opera exercuit, quem nudum non solum sua carne induit, sed & pannis inuoluit, ac indumentis aliis vestiuit. Quem peregrinum de cœlis ad terram descendentem excepit, quem veteri ergastulo clausum, & velut carcere mancipatum visitauit; quem denique esurientem pauit, sitientem potauit, & omnibus aliis studiis ad quæ ipsam Materna pietas informabat pro qualitatibus vicissitudinibus ei sedula blandiebatur. Cum autem dicat Christus, quod vni ex minimis fratribus meis his fecistis, mihi fecistis, sic dico ego, quod huic fratri nostro Christo Redemptori, primogenito in multis fratribus, Diua Virgo exhibuit, nobis omnibus contulit.

Ad cuius imitationem, & nos Christo in membris eius, hoc est, pauperibus ministrare debemus, quantumcumque inopes, ac pauperes simus. Sic sanctus Alexius, sic sanctus Seruulus pauper, & alij sancti viri ex collectis pro se elemosynis alios etiam habebant mendicantes. Quanto magis si diuites fuerimus?

Quemadmodum Medici duplici artis suæ industria infirmos curare solent, vel ab infirmitate illos per præseruatiuam medicinam præseruando, vel infirmitatem ipsam per sanatiuam expellendo, ita diuites debent erga pauperes se gerere, ut illos ab egestate, & penuria sua, liberalitate seruent, vel eorum paupertatem sua misericordia & elemosynis expellant: Ait enim Augustinus. Occidisti si non pauiisti.

Et sicut Christus suam Matrem à labe originali præferuando nobiliori modo redemit, quàm si lapsam releuando sanasset, Ita melior est misericordia illorum, quorum liberalitas verecundos pauperes, & alios, qui egestate non carerent nisi subieuaarentur, à periculis extremæ necessitatis eripuit.

Dare eleemosynam, ait Scripturâ, & ecce omnia munda sunt vobis. O digna Saluatoris sententia! Si enim omnia sunt munda, ergo mundum cor, beati autem mundo corde quoniam ipsi Deum videbunt, ergo mundum os, & munda labia mundaque verba, qui autem verbo non offendit hic perfectus est vir. Ergo mundi oculi, mundæ manus, mundaque brachia, mundæ aures, mundaque nares, mundi pedes, & tandem omnia munda.

Qui itaque dat eleemosynam potest, & mundo corde Christum diligere, mundis manibus illum pertractare, mundis brachiis amplecti, mundis pedibus ipsum sequi, mundisque labiis, & mundo ore deosculari, &c. O felix eleemosyna quæ talibus ac tantis est ditata gratis ac fauoribus coelestibus illustrata. Vt quibus Virgo Deipara temporibus lactæ educationis Saluatoris fruebatur gaudiis Christum amplectendo, deosculando, pertractando, &c. Et ipsa iisdem potiatur.

*DE RELIGIOSISSIMÆ ABSTI-
nentia religiosissima virtute, quam temporibus
maximè beatissimi Saluatoris lactea
educationis, religiosissima Virgo
Deipara religiosissimè coluit.*

CAPVT XI.



DE Mirabili Virginis Deiparæ abstinē-
tiæ virtute, ita loquitur sanctus Ambro-
sius: Quid ergo exequar ciborum par-
cimoniam, & officiorum redundantiam,
alterum ultra naturam superuisse, alte-
rum penè ipsi naturæ defuisse. Illic nulla
intermissa tempora: hic congeminati
ieiunio dies, & si quandoque reficiendi
successisset voluntas, cibus plerumque obuius, qui mortem
aceret, non delicias ministraret, &c.

Albertus item sic ait, In Beata Virgine Deipara, non fuit
abstinentia sicut in aliis viatoribus pro debito satisfactio-
nis, nec pro peccato præterito, nec pro cautela prouisionis,
nec pro delectatione pœnæ: sed pro virtute supererogatio-
nis, pro exemplo edificationis, & pro merito gloriæ. Ergo
fuit nobilior abstinentia sua cuiuslibet viatoris.

Si nutrices filiorum Regum & Principum, tanta Medico-
rum cura lautioribus cibis vescuntur, vt puriori lacte prin-
ceps infans nutriatur, cum Saluatorem sæculorum ipsum
Regem Angelorum; sola Virgo lactaret, vberē de Cœlo
pleno, quibus putamus cœlestibus alimentis nutriretur?
illic sanè congeminati ieiunio corporali dies, &c.

A ieiunio mundus speciositatis suæ decorem accepit pri-
mus; namque vsus mundi à ieiunio cœpit, ait sanctus Am-

brofius. Quando lux clara refplenduit. Iuxta illud, fiat lux, &c. Secundus dies in ieiunio fuit, quando coeli factum eft firmamentum. Tertia die, terra pabulum germinauit, natura obfequium præbuit; ieiunium tamen coeleftis difciplinæ feruauit. Quarta die luminaria facta funt Solis & Lunæ, fed adhuc ieiunium. Quinta die produxerunt aquæ reptile animarum, & volatilia fuper terram, benedixitque illis dicens; Crescite, &c. Sed non dixit Comedite, quoniam & illic adhuc ieiunium. Sexta die beftiæ creatæ funt, & cum beftiis orta edendi potestas vſuſque eſcarum, eodẽque die homo creatus eſt, cui dicitur; Ex omni ligno quod eſt in paradifo, comede, &c. Vbi autem cibus cœpit, ibi finis factus eſt mundi; vbi cœpit mundus ſua incrementa neſcire, ibi cœperunt diuina circa eum opera ferriari. Quo initio declaratum eſt, quod per cibum mundus deberet minui, per quẽ deſiit augeri. Nemo delictum ſciebat, nemo poenam timebat; timorem nouerat nemo quoaduſque abſtinentiæ lex transgrederetur, &c.

Chriſtus itaque qui venerat mundum reficere, per abſtinentiæ transgreſſionem lapſum, corruptumque, & minutum, de ſanctiſſima Virgine continuo ieiunante naſci voluit, & eius vberẽ de Cœlo pleno nutriri.

O qualibus & quantis deliciarum Cœleſtium imbribus! ac diuinarum prorfus voluptatum affluentiis ſanctiſſima Virgo cœleſti rore Deum infantem paſcendo redundaret! Quis hominum etiam & Angelorum dicere poterit?

Illie reuera congeminati corporali ieiunio dies. Ieiunium autem eſt principium quoddam vitæ beatæ, & vna Paradifi particula: vbi nec comeditur, nec bibitur.

Eſt vna ſimilitudo hominum cum Angelis, qui ſine cibo & poru vitam foeliciffimam ducunt. Vna participatio cœleſtis gloriæ, vbi corpora beatæ ſine fame & ſiti iugiter incorrupta manent. Vna tandem in Chriſto Domino transformatio, qui omnia cibans nullo indiget alimentis.

Hec omnia experimento probabat nutriendo Saluatorem ſanctiſſima Virgo; in qua, quod per ſerpentem eſum ligni vetiti ſuadentem in prima muliere cecidit, per Chriſtum

reparabatur.

Sentiit diabolus, ait sanctus Petrus Chrysologus, ieiuniū cunctis virtutibus anteferri. Ioannem viderat vrbium delicias, squalentias Eremitarum habitationē mutasse, molitiem carnis, vestis asperitatem calcasse; aggressi cibo mundi totam frenasse luxuriam, & tamen non cum Dei Filium existimauit, quoniam melle ac locustis vescabatur; at ubi videt Dominum iugiter ieiunantem. Si Filius Dei es, inquit, &c. Itadecuit in Matre Dei congeminationis ieiunio diebus reparationis nostrę initium consecrari. Et quodammodo per ieiunium Mater Dei agnosci debuit, cuius Filius, etiam & Filius Dei per ieiunium ab ipsomet omnis virtutis inimico reputatus est.

Sanctam sanē abstinētiā, sanctissima Virgo tunc sanctissimē coluit, cum lacte de Cœlo expresso pascendo Saluatorem cibo quo vteretur Ecclesia non nouit.

Si ergo per ieiunium & abstinētiā, quis agnoscitur esse Filius Dei per imitationem Christi, quid sentiendum de abstinētię virtute illius quę non solum filia adoptiua, sed & Mater Dei naturalis effecta est? Mater, inquam, non dimidiata, neque partita, aut diuisa, sed integra, & perfecta?

Continuatio, & extensio Capituli.

Regnum Dei, ait Apostolus, non est esca & potus, sed iustitia, & pax, & gaudium in Spiritu sancto. In lactea autem educatione Saluatoris qualibus & quantis gaudiorū spiritualium affluentis abundaret piissima Virgo, quantaq; iustitia, & sanctitate excelluerit, satis suprà ostendimus: De pace verò, ipsamet in Canticis sic loquitur; Ego murus, inquit, & vbera mea sicut turris, ex quo facta sum coram eo quasi pacem reperiens. Erat sanē plena gaudio, iustitia, hoc est, sanctitate, & pace tunc, cor & caro eius exultabant in Deum viuum Filium suum simul & alumnum. Attrectat Virgo Mater, ait S. Cyprianus, amplectitur, iungit oscula, porrigit mammam, totum negotium plenum gaudio, &c.

Abconditum est mysterium istud ab his qui terrena, &c.

E f iij.

carnalia sapiunt; quorum Deus venter est, qui epulantur quotidie splendide, qui ducunt in bonis dies suos, de quibus tandem dicitur, & in puncto ad inferna descendunt, & adhuc escæ eorum erant in ore ipsorum, & ira Dei ascendit super eos.

Notandum valde verbum istud, ira Dei ascendit super eos. Videtur enim iram Dei descendere potius quam ascendere super eos debuisse. Veruntamen ut discamus ipso iræ Dei eodémque Dæmonum ac damnatorum inferni supplicio edaces, potatores, epulones, & vinolentos puniri, quasi ab ipsis inferni faucibus ira Dei qua diues epulo in inferno sepultus cruciabatur, progrediendo super eos ascendit.

Supplicium hoc magnum est iræ Dei, nec aliud huic simile videtur reperiri.

Ira Dei descendit super homines tempore diluvij, attamen octo animæ salvæ factæ sunt. Ira ipsa descendit super Sodomitas, sed Loth cum vxore & filiabus Virginibus liberatus est, ira quoque ipsa Dei descendit multis plagis super Ægyptum, sed in Ægypto ipso semper populus Israël extitit præservatus, & sic de multis aliis sentiendum, sed in inferno nulla est redemptio: Et quando ira Dei ascendit, nullus potest evadere.

Exindè nullius ebriosi, gulosi, edacis, & potatoris conversionem legimus in Scripturis. Noë ebrius semel visus est, sed non ebriosus: Loquimur autem de iis in quibus ex frequentatis actibus generatur habitus.

Magdalenz peccatricis Mathæi telonarij, Zachæi principis Publicanorum, alterius Publicani peccatoris poenitentis, mulieris adulteræ, mulieris Samaritanæ, & aliorum quamplurium peccatorum legimus conversionem, sed non edacis, & epulonis; Immo de diuite epulone, qui epulabatur quotidie splendide scribitur, factum est ut moreretur diues, & sepultus est in inferno.

Ad hæc, non legimus Christum in societate voracis, gulosi, ebriosi, seu potatoris manducasse, licet sapius in societate Iudæ proditoris, & de quo habetur, quod fur erat, & loculos habens ea quæ mittebantur, portabat. In societate

Mathæi, Zachæi, Petri, Simonis Leprosi, Pharisei, de qua dicitur quod rogabat Iesum quidam Phariseus ut manducaret cum illo, in societate tandem aliorum quamplurimum peccatorum, manducauerit, vnde & murmurantes inimici eius diebant hic peccatores recipit & manducat cum illis, &c.

Reuera non sustinuisset piissimus Saluator insolentiam potatorum, à mensa citò discessisset, & ideò videntur tales penitus à Societate Christi expelli. Non autem à conuiuiο eiusdem beatissimi Saluatoris, & à societate sua expellitur, suauissima Virgo Mater; ieiunio sanctæque abstinentiæ virtutē consecrata, quæ ipsum eundemque salutis nostræ auctorem, vberē de Cælo pleno, toto lacteæ educationis eius tempore lactauit, mammauit, paut, nutriuit, & educavit; quæ, inquam, ut antea diximus, esurientem satiauit, sitibundum potauit, nudum vestiuit, hospitem collegit, &c. quæ cum pectore fouit, sinu gestauit, gremio portauit, osculis affecit, brachiis amplexata est, & tantis ac castissimis blanditiis delinuit. O beara societas Filij & Matris, Matris & Filij! O sacrum & suauissimum Conuiuium omni dulcedine cœlesti, ac suauitate diuina repletum, in quod Christus Virgineo Virginalium Mariæ semper immaculatæ Virginis lacte pascebatur, & cor Matris suauissimis ipse pascebat deliciis.

Paruulus, ait sanctus Cyprianus, sugens vbera, pura alimonia utebatur, & fons sacri pectoris defœcarum edulium ori mundissimo infundebat: sed & cor Matris quæ dulcedines quæ omnem superant intellectum, imbuebant: eratque vtrinque mira iocunditas; Cùm, & sanctæ Matris humilitas, Sancti Sanctorum immensa benignitas, conföderatis affectibus mergeatur.

*

*

*Conclusio Capitis continuationisque, & extensionis
eiusdem.*

Iterum pauca de horrendi gulæ & ebrietatis vitij turpitudine dicemus, vt abstinentiæ nitor magis elucescat. Nolite, ait Apostolus, inebriari vino, in quo est luxuria. Loth & si semel, aut bis ebrius legatur; non tamen ebrius dicitur, sed si vnus horæ, aut duarum horarum ebrietas tantum scelus operata est, vt conciperent duæ filiæ Loth de patre suo, quid de 30. 40. ac quinquaginta annorum ebrietate dicendum? Ebrietas sefellit, ait S. Augustinus, quem Sodoma non decepit, vritur ille flammis mulierum, quem sulphurea flamma non yrebat. Et sanctus Hieronymus; Noë, inquit, ad vnus horæ ebrietatem nudauit scemora sua, quæ antea per sexcentos annos contexerat.

Idem item ad Eustochium scribens; Vinum, ait, & adolescentia duplex incendium voluptatis est. Quid oleum flammæ adiciamus? Quid ardenti corpusculo, fomenta ignium administramus? Hæc aduersus adolescentiam prima arma sunt Dæmoniorum. Non sic auaritia quatit, inflat superbia, ambitio delectat, &c.

Et de Alexandro Imperatore, ita Augustinus Alexander omnium victor à vino victus est, dum Clythum occidit, & valde tarpe est, vt quem non vicit homo, vincat libido, & obruatur vino, qui non vincitur ferro.

Tandem, Ebriosus, ait, abominatur adeo, despicitur ab Angelis, deridetur ab hominibus, destituitur à virtutibus, confunditur à dæmonibus, &c.

Et iterum. Ebriosus, inquit, confundit naturam, amittit gratiam, perdit gloriam, incurrit damnationem æternam.

Cyrilli filius, vt refert S. Augustinus, dum esset ebrius patrem occidit, matrem prægnantem nequiter oppressit, sororem violare conatus est, alias duas sorores ad mortem vsque vulnerauit. Et hæc aliæque plurima à Patribus & Doctoribus sanctis contra edacitatem, gulamque, & ebrietatem, afferuntur.

Non

Non audes, ait sanctus Ambrosius, cibos veneno infectos in os mittere, audes verò cibos quos ipsa peccati peste inquinat, in viscera trahere. Non bonus est cibus post quem respuitur Christus, & deuoratur Antichristus. Non, inquam, bonus est cibus post quem negatur Dominus, & ingreditur inimicus, qui benedictione repletur. Scribitur enim post buccellam panis, intrauit Sathanas in Iudam, &c. Ex turpitudine autem, foeditate, & deformitate huius horréndi vitij, pulchritudinem, decorémque, ac splendorem virtutis abstinentiæ conice. Quae enituit & excelluit lactando maximè & enutriendo Saluatorem, ut supra ostensum est, Virgo Deipara.

De Charitate autem eiusdem sanctissimæ Virginis erga Deum, & de XI. gradibus, quibus ad summam eius perfectionem ascendit Tractatulo I. C. 3.

De charitate item eius erga proximum variis in locis huius Opusculi, sed maximè Tractatulo III. variè tractatur.

De eiusdem denique immaculata puritate, & Virginitate Tractatulo primo, Cap. 14. per totum plurima describuntur, ne quid virtutis alicuius ad eius sanctitatis perfectionem quam temporibus lactæ educationis Saluatoris coluit, desit. Nunc concludendo, Opusculum ad finem deducamus.

†

†

†

G g

DE CONVERSIONE PECCATORIS

*ad Pœnitentiam, & reconciliationem animæ eius
ad Deum, meritis sanctissimæ Virginis
Deiparæ, in ratione integræ Matris
Saluatoris.*

CAPVT VLT.



SANCTA MARIA Mater Dei, ora pro nobis peccatoribus, nunc, & in hora mortis nostræ: Amen. Eo tempore, quo impiissimus Nestorius, Virginem Mariam non esse Matrem Dei asserbat, postquam à sacrosancto Ecclesiæ Catholicæ vniuersali Ephesino Concilio, extitit condemnatus per vniuersalem Ecclesiam magis ac magis in summam, & præcellentissimam Matris Dei dignitatem & prærogatiuam fidelium creuit pietas & deuotio; sed maximè peccatores pœnitentes tanquam ad vnicum salutis præsidium cum omni confidentia ad eiusdem dignitatis virtutem confugere cœperunt, vnde ad salutationem angelicam, addita est deuotissima integræ Matris Dei hæc inuocatio, Sancta Maria Mater Dei, ora pro nobis peccatoribus, &c.

In hoc enim maximè commendatur charitas sanctissimæ Virginis, quòd cum per omnia semper absque peccato extiterit, peccatorum singulari pietatis affectu assidue miseretur. Clarum est autem ex his quæ in omnibus ferè huius Opusculi Tractatulis, & Capitulis scripsimus, hunc misericordiæ suæ affectum erga peccatores Deo reconciliandos in ratione integræ Matris Dei ostendere, vt satis cum de sacris vberibus eius ageremus, apertè declarauimus; vnde Arnulphus Carnotensis: Secutum, ait, accessum iam

habet homo ad Deum, vbi mediatorum causæ suæ Filium habet ante Patrem, & ante Filium Matrem, Christus nudato latere Patri ostendit latus & vulnera, Maria Christo pectus & vbera, &c. Per vbera autem Nutricis Dei prærogatiua designatur, vt significetur ipsam, non dimidiatam, neque partitam, aut diuisam, sed integram & perfectam Dei Matrem esse, & in ratione integræ Matris Saluatoris eidem pro peccatoribus, vbera quæ pro eisdem fuxit, misericorditer exhibere.

Primus autem fructus, seu effectus integræ Matris Dei intercessionis pro peccatoribus ad Deum, est ille, quo diuina sibi assistente gratiâ per piissimam Virginis Deiparæ merita peccator ipse peccato moritur. Datur enim in Scripturis mori pro peccato, mori per peccatum, mori in peccato, & mori peccato.

De primo dicitur, Christus pro peccatis nostris mortuus est, iustus pro iniustis, &c. Christus ipse solus, pro nobis peccatoribus, & pro peccatis nostris mortuus est.

De secundo habetur, anima quæ peccauerit, ipsa morietur: moritur namque anima per peccatum.

De tertio scribitur, in peccato vestro moriemini; Dixi vobis quia moriemini in peccatis vestris, &c.

De quarto tandem, vt peccatis mortui, iustitiæ viuamus, &c. Peccato autem mori, est ad illud nunquam redire peccataque prima nunquam reassumere, sed illa omnimodè relinquere. Et hæc est prima gratia, primusque gratiæ meritis integræ Matris Dei erga peccatorem effectus.

Secundus autem est, non solum effectus peccata relinquere, ita vt nunquam ad illa redeatur, sed etiam illa affectu penitus abiicere, id est, tali odio habere, vt ne quidem eorum minima cogitatio possit in posterum animæ pœnitenti delectationem asferre. Sunt namque plurimi qui effectum quandoque, sed non affectu peccata aspernantur.

Indè Christus: Vx, inquit, prægnantibus, & nutriendibus in illis diebus, quod, non de mulieribus intelligi plurimi volunt quandoquidem bonæ & optimæ mulieres debent se prægnantes custodire, & filios suos nutrire, sed de ani-

mabus peccatorum semper affectum peccati, & voluntatem peccandi, aut delectationem eiusdem peccati retinentibus, quibus anima delectatur, & repletur, quibusque grauida dicitur; nutrixque reputatur, quando per plures dies, mensesque & annos retinet, & seruat affectum eorum quæ iam antea reiecit, de quibus psaltes, iniquitatem meditatus est in cubili suo, astitit omni viæ non bonæ; Malitiam autem non odiuit, &c. E contrario de Petro dicitur.

Petrus, ait Scriptura, egressus foras, fleuit amare: datur enim egredi simpliciter & foras egredi. Plurimi namque egrediuntur effectiue, peccata relinquentes, sed non affectiue affectum retinentes. Egredi verò foras est vtrumque agere, vt scilicet effectiue peccata abiiciantur, & affectiue odio habeantur.

O quot sunt, heu! heu! qui pro tempore effectiue peccata sua relinquunt, sed nunquam affectiue; nec etiam vero effectiue dum iterum ad illa reuertuntur..

Assimilantur cornis illis in tempore hyemis albis propter niuem super illos cadentem, sed primo volatu niuem excutientes nigri vt antea reperientur, sic plurimi huius farinae homines, albi in tempore Paschali, vel Iubilei, & Indulgentiarum, & tandem ad peccata redeunt, denigratur anima illorum super carbones.

Quot sunt, inquam, qui aliquando confitentes peccata sua, dant gloriam Deo, cantantes versiculum istum; Gloria Patri & Filio, & Spiritui sancto. Sed paulò post per relapsum ab eis cantatur, Sicut erat in principio, & nunc & semper, &c.

Pro tempore sunt vt peregrini, & viatores qui in via sua fossam aquis plenam reperientes, sarcinam abiiciunt ac in alteram partem iaciunt vt exonerati, leuius, & facilius, saltu, in ipsam partem alteram transcant, quò, vbi perueniunt subito sarcinam reassumunt, ac ceptum iter suum peragunt, ita illi quandoque, si occurrat in via festum Paschatis aut aliud solemne, sarcina peccatorum exonerantur sacramentali Confessione, sed transacta solemnitate iterum ad peccata redeunt, & sunt, vt ait Christus, nouissima il-

lorum peiora prioribus. O, ſarcinarii inſoelices, &c.

Mihi veniunt in mentem milites bachanalium ſeu curſores, qui paulò ante quadrageſimam, in publico bachantur: Videntur enim aliquando inimici adinuicem qui omnes laruati, armis præliantur, & vnusquiſque alteri dimicationem denunciât; ſed cum arma illorum ſint ex charta valiè in colorem ferri depiſta, cito franguntur. Et tandem, ablato laruatu, mutuis amplexibus ſe amiciffimos eſſe oſtendunt. Plures ſic, tempore Paſchali, & maximè in maiori hebdomada, ieiuniis, eleemoſynis, ciliciis, lachrymis, & orationibus, ac Pœnitentiæ & Eucharistiæ ſacramentorum receptione, videntur carni ſuæ, Diabolo, & peccatis ſuis irreconciliabile bellum denunciaſſe; ſed tranſacto feſto, priſtinam amicitiam cum inimicis ſalutis ſuæ renouare, ac interrupta contexere, toto conatu contendunt, & tandem in peccatis morientes pereunt.

Maxima ergò ſanctiſſimę Virginis Deiparę miſericordia erga peccatores plurimos relucet, in hoc maximè, quod à Deo meritis ſuis, in ratione integrę Matris Saluatoris, vberum ſuorum oſtentione, ab eis & effectum peccati, & affectum peccandi tollit. Hoc eſt, precibus ipſa facit vt effectum non amplius peccent, & affectu ita à peccato remoueantur, vt perfectò illud odio habeant.

Continuatio, & extenſio Capituli.

Tertius integrę Matris Dei interceſſionis effectus erga peccatores eſt non tantum declinare à malo; ſed etiam facere bonum. Hoc eſt, non ſolum effectum, & affectum peccata relinquere, & abhorrere, & ita omnimodè mori peccato; Verum quoque, veram pœnitentiam per bona opera pœnitentialia agere, vt ſunt ieiunia, caſtigatio carnis, peregrinationes, ſenſuum & paſſionum mortificationes, &c. Sunt namque plerique qui pœnitentiam egiſſe leguntur, ſed cum ipſa ſua pœnitentia reprobi, & damnati inueniuntur.

Cum apprehendiſſet Antiochum Regem dirus dolor viſcerum, & amara interiorum tormenta, contigit illum impæ-

tinentem, de curru cadere, & graui corporis collisione membravexari, &c. Ita vt de corpore impij vermes scaturirent, ac viuientis in doloribus carnes eius effluerent, & foetore illius exercitus grauaretur. Diuina autem admonitus plaga coepit ad agnitionem sui, ex superbia deductus deuenire, &c.

Tunc ait, iustum est subditum esse Deo, & hominem Deo paria non sentire, &c. 1. Ergo Ciuitatem sanctam optabat liberam reddere. 2. Iudæos æquales Atheniensibus facturum pollicetur. 3. Templum sanctum quod expoliauerat optimis donis ornaturum. 4. Sancta vasa multiplicaturum. 5. Pertinentes ad sacrificia sumptus, de redditibus suis præstiturum. 6. Super hæc & idē se facturum. 7. Omnēque terræ locum perambulaturum, & potestatem Dei prædicaturum: Sed, hæc pœnitentia Deo non placuit: Vnde concludit Scriptura. Orabat, ait, hic scelestus Dominum, à quo non esset misericordiam consecuturus, &c. Nimium fera, & idē Deo exosa fuit hæc pœnitentia, peccata erant in ipso mortua, & non ipse peccatis. De tali statu, ait Augustinus, pœnitentiam dare possum securitatem dare non possum, &c. Defuit illi velle cum adesset, deest ergo iusto Dei iudicio posse cum velle adest. Oza tenuit arcam, sed tantum quando cadebat, plures sic, quando cadit corpus per mortem, de animæ salute cogitant. Percussit illum Dominus, &c.

Cum actu & lachrymis Ezau quæsiuit locum pœnitentiæ, & non inuenit, & reprobatus est, quia cum lachrymis suis pœnitentialibus in corde fratrem odio habebat: Dicebat enim in corde, venient dies luctus Patris, & interficiam fratrem meum Iacob, &c.

Pro pœnitentia dicitur ad Cain; Maledictus eris super terram, maledictio hæc erat tantum temporalis, vagus & profugus eris super eam, &c. Hanc adimpleuit pœnitentiam, & tamen non illi profuit ad salutem. Propter desperationem, cum ait; Maior est iniquitas mea quam vt veniam merear, &c. Temporales ergo maledictiones, & peregrinationes non prosunt desperatis, sed corde contritis, & verè pœnitentibus, de quibus, quidam auctor: si vnus hominum

à primo vsque ad nouissimum omnia peccata perpetrasset, & ille pro tempore desperasset, & Deus illi veniam denegare iurasset; illę vero corde contritus à Deo veniam peteret, Deus periturus illi veniam daret: Nouit enim Deus mutare sententiam, si tu noueris emendare delictum, &c.

Iudas pœnitentia ductus retulit triginta argenteos dicens; Peccaui tradens sanguinem iustum, sed hæc pœnitentia licet contritione cordis, confessione oris, & restitutione operis constaret, nihil valuit. Quia desperatus interiit, laqueo enim se suspendit, & suspensus crepuit medius & diffusa sunt omnia viscera eius. Eius confessio vnus erat peccati, & non aliorum; murmurauerat enim contra Magdalenam caput & pedes Christi vngentem, fur erat, & loculos habens ea quæ mittebantur, portabat, multisque aliis erat vitiis irretitus de quibus in confessione tacuit. In peccato mortali corpus Christi in Cœna accepit, & cum propriis lachrymis Christus eius pedes lauaret à corde duritiā malitiæ suæ non deposuit; ideo dampnationem æternā incurrit.

Pœnitentia itaque mala non liberat hominem à damnatione, sed bona sola, qualis extitit pœnitentia Petri qui egressus foras fleuit amare, vt supra explicauimus. Qualis quoque pœnitentia sanctæ Magdalene de qua pauca nunc referenda veniunt. Videtur enim in quibusdam pœnitentiâ Petri pœnitentis superasse.

Primò; quia Petrus, cum in publico, & coram omnibus peccasset negans se Christum nouisse; verumtamen quasi non auderet palam & publicè flere; dicitur de eo, quod egressus foras fleuit; sed sancta Magdalena, in ciuitate peccatrix, non foras tantum, sed etiam in ciuitate fleuit. Irruit conuiuio, & inter epulas lachrymas fudit.

De Petro refertur, quod singulis noctibus ad cantum Galli, flebat amare, flebat inter tenebras, flebat tempore noctis, & dum esset solus. Magdalena vero fleuit in die fleuit coram conuiuentibus; fleuit, inquam non in abscondito tenebrarum, sed ante conspectum solis.

Petri denique lachrymæ pœnitentiales quidem exire, sed lachrymæ pœnitentis Magdalene etiam ita tactu sacra-

tissimæ humanitatis Christi consecratæ sunt, ut si qua in Ecclesia haberetur, ab ipso pedum Salvatoris contactu velut pretiosa reliquia singulari honore à fidelibus veneretur.

Carnem, ait sanctus Petrus Chrysologus pro carne, & sanguinem pro sanguine reponere. Pro in ara Crucis fuso, fustum in rubore confessionis effusionem sanguinis Christi in Cruce quodammodo compensare; in rubore enim confessionis ex verecundia, sanguis ad vultum pœnitentis ascendit, quo & eius rubra, seu rubicunda facies cernitur. Ergo non mirum si Magdalene peccata tanta remittuntur, quæ præ verecundia retro secus pedes Domini stetit, fleuit, & antequam Christi sanguis funderetur in mysterio passionis, iam sanguinẽ pro sanguine reposuit in rubore Confessionis.

Propter hoc quibusdam prærogativis à Domino super Petrum decorata cernitur. Nam Apostolorum etiam & Petri extitit Apostolatrix, Prædicatorumque Prædicatrix, & in missione eius si attentè consideretur, terminus à quo, missionem Petri, & aliorum exequavit: nam ab eodem Christo à quo & Apostoli missi sunt, & ipsa mittitur, sed in excellentia termini ad quem, videntur illam superasse Apostoli, etenim missi sunt ad Iudæos vel ad gentes, sed ad ipsos Christi Apostolos ipsa mittitur, &c.

Si id quod dictum est in extensione Capitis IV. cum de humilitate Virginis Deiparæ ageremus, præponderatur, de excellentia humanitatis Christi, ut instrumentum diuinitatis; Qua & gloriosiora extitisse opera Dei post incarnationem quam antea probauimus, missio Magdalene, Baptistæ missioni, qui fuit homo missus à Deo, quodammodo præponetur, quoad vtrumque terminum, & à quo, & ad quem.

Mirabilis reuera Deus in sanctis suis, & sanctus in omnibus operibus suis, qui peccatoribus pœnitentibus tanta gratiarum dona largiri dignatur: Inde Ioannes Baptista tam sanctus in Baptismo, Christi eius caput tangere non est ausus: à te, inquit, debeo baptisari, & tu venis ad me? Magdalena verò & caput, & pedes tangere non timet, ungere & deosculari.

Petrus dicebat Christo: recede à me, quia homo peccator
sum

sum Domine; Magdalena verò, complexatos pedes tenet ne recedat, dicens; Tenui eum nec dimittam, &c.

Quemadmodum ergo Crux lignea, licet sit ex ligno nodoso, antiquo, & putrido, quæ gemmis, margaritis, adamantibus, & aliis innumeris lapidibus pretiosis testata, & ornata est in ratione æstimationis diuitiarum Cruci argenteæ & aureæ simpliciter præponitur; sic propter lachrymas & sanguinis pretiosissimi guttas quas fudit Christus pro peccatoribus, de quibus aiebat, non veni vocare iustos, sed peccatores ad pœnitentiam, &c. Sæpè iustis præponuntur peccatores pœnites.

Exindè dicebat isdem Saluator piissimus, gaudium est Angelis Dei super vno peccatore pœnitentiam agente, quam super nonaginta nouem iustis, qui non indigent pœnitentia. Sic eligitur ex pluribus in ludo pilæ palmarie, pila quæ terram tangens velociori impetu in aërem confurgit peccator namque per saltum & impetum velocem ardentis amoris ac feruentis pœnitentiæ post lapsum in aërem gratiæ diuinæ confurgens sit electus Dei, quo plurimi alij postea lucrantur, & ad pœnitentiam conuertuntur, vt in Petro, Paulo, Magdalena, & aliis pater.

Tandem Petrus ipse ante passionem aliquando peccauit, iactantia, &c. Peccauit quoque relinquendo Christum in horto, quando omnes relicto eo fugerunt, peccauit negando ipsum, &c. Et hic videtur quod non erat mortuus peccato; peccauit namque iterum post resurrectionem quando existimauit deliramentum quod à Magdalena dicebatur, annunciantem resurrectionem ipsam: Sed numquam rediit ad peccata Magdalena, postquam semel fleuit, & veniam obtinuit; mortua enim peccatis, iustitiæ vixit, &c.

Plures autem Auctores tenent, & verbis, & precibus, ac meritis sanctissimæ Virginis Deiparæ Magdalenam ad Christum vocatam, & conuersam, in cuius pœnitentia & conuersione reperiuntur thesauri eiusdem Virginis sanctissimæ meritorum in ratione non dimidiatæ, sed integræ & perfectissimæ Matris Saluatoris. Vt iterum in conclusione huius Capituli clarius demonstrabitur.

*Conclusio Capituli continuationisque, & extensionis
eiusdem.*

Arcam testamenti, & fœderis Domini animalia deferrebant, eleuantes eam, & portantes super plaustrum; hæc autem in figuris contingebant: per animalia enim peccatores designantur, & per arcam Virgo Deipara. Itaque ob gratiam quam iugiter meritis eiusdem Virginis sanctissimæ à Deo recipiunt peccatores, meritò illam omnibus laudum præconiis extollere, eleuare, & efferre contendunt.

Hæc autem est singularissima inter cæteras gratias, quâ cum essent aliquando tenebræ, nunc lux in Domino. Quâ, inquam, Virginis Deiparæ meritis Deus vocauit eos de tenebris in admirabile lumen suum. Vnde vocatur gratia hæc vocationis omnimodè admirabilis. Nam inter vocationes, seu omnia vocationum genera, quæ in Scripturis commemorantur, Deus in hoc peculiari genere admirabilis cernitur.

A nihilo ad simplex esse naturæ vomuit Deus omnia in creatione, ubi suam patefecit omnipotentiam. De qua Apostolus, vocat ea quæ non sunt tanquam ea quæ sunt. Deinde ab esse naturæ simpliciter ad esse gratiæ, verbi gratia in baptismo, vocauit vocatione specialissima Christianos: vnde Petrus. Vocauit nos propria gloria, & virtute, &c. Insuper ab esse gratiæ sub lege ad Apostolatam illos vocauit, sicut & sæpius ad Episcopatum aliquos, alios ad statum Religionis vocat, &c.

Rursus, à statu gratiæ perfectionis huius viæ ad gloriam vocat amicos suos electos, iuxta illud, Venite benedicti Patris mei, possidete regnum vobis à constitutione mundi paratum. Sed hæc mutatio dexteræ excelsi qua hominem à statu gratiæ perditæ per peccatum, ad statum gratiæ recuperatæ per pœnitentiam vocat. Et qui renuit pœnitentiam, agere, condemnabitur. Dicitur enim vocaui & renuistis, ego, quoque in interitu vestro ridebo, nisi pœnitentiam egeritis, omnes simul peribitis.

Hæc inquam mutatio dexteræ excelsi, gratia ista singularis; idèò summopere diligenda est, & ei citò cooperandum, vt Paulus, Magdalena, & Iatro in Cruce, cui citò ignoscit Christus, quia citò conuersus est, non fuit extrema hora illa conuersionis latronis; sed prima, hora prima, non 3. nec 6. nec 9. conuersus est, vnde Eusebius Emisenus, nec salutis tempore sciens distulit, nec remedia status sui in momenta vltima infœlici fraude posuit, nec redemptionis suæ spem in desperationis nouissimum reseruauit, nec Religionem ante, nec Christum sciuit, & antequam corpore moreretur, Spiritu iustitiæ vixit.

Multi gratiam hanc in morte quærunt, & minimè inueniunt, vt dictum est de Antiocho, tangunt arcam vt Oza dum cadit; Oza autem erat Leuites qui debebat semper stare iuxta arcam, & eam tenere ne caderet, & ne moueretur, sed heu dum vult illam attingere, percussit illum Dominus super temeritate sua, & mortuus est. O temeritas maxima expectare vsque ad extrema vitæ ad agendum pœnitentiam, & tunc gratiam conuersionis querere; Vocauit, & renuistis, ego quoque in interitu vestro ridebo. Nunquid vos estis qui contempnistis me? &c. Nunc autem necessitate compulsi venistis ad me, aiebat Iephthæ.

Quinque fatuæ Virgines, fecerunt quod in se erat, & tamen non inuenerunt gratiam hanc, licet dicatur, quod facienti quod in se est, Deus non denegat gratiam. Non habebant oleum, citò perrexerunt ad vendentes, & emerunt, lampades suas impleuerunt, accenderunt, reversæ sunt, pulsauerunt ad ianuam, clamauerunt dicentes; Domine, Domine, aperi nobis, & tamen clausa ianua nunquam aperta est eis, sed in æternum clausa mansit, & durissimum æternæ damnationis responsum acceperunt à Christo.

Nescio vos. Quia reuera opportunum tempus despexerunt, & eo tempore quo paratæ debuerant esse, nihil apud se quo sponsus reciperetur, habuerunt; O quam pessima mors peccatorum gratiam & pœnitentiam, ac misericordiam in morte quærentium!

Pretiosa verò in conspectu Domini, mors sanctorum eius.

H h ij

Fructus tempore Hyemis in arboribus nihil valent, sed in Autumno maturi ex arbore cadentes se transeuntibus offerunt, & colliguntur optimi. Ita sancti illi qui mortui sunt senes & pleni dierum, qui in gratia vixerunt, ut cum Apostolo dicerent, gratia Dei in me vacua non fit, sed semper in me manet, Cursum consummaui, &c. Reposita est mihi corona iustitiæ, &c. Ut fructus maturi à Domino colliguntur. & hæc est preciosa Patriarcharum, & Prophetarum mors, verbi gratia, Moysis, Abraham, Isaac, Iacob, &c.

Quemadmodum infans, transacto nono mense, ex utero Matris egredi desiderat ut vita hac ac luce fruatur, sic sancti, & maximè Apostoli qui in utero sanctæ Matris Ecclesiæ usque ad mortem in gratia vixerunt, tempore mortis luce ac vita æterna ardentissimo desiderio perfrui, & à sæculo migrare desiderant: Unde Paulus, Infelix ego homo, quis me liberabit de corpore mortis huius? Cupio dissolui & esse cum Christo, &c.

Sancti quoque Martyres in morte, Christum pro quo pati digni inuenti sunt, in altera parte fluminis huius viæ, quod crucis naucula in passione transiit sequentes, mortalis viæ licet tempestatibus agitati, validè cuncta perferunt, ut tandem ad illum perueniant. Sicut canis qui flumen fortiter transit ut ad dominum suum perueniat, ad quem cum peruenit cordis gaudia innumeris saltibus testari conatur: o quibus gaudiis, osculis, & amplexibus à Christo excipiantur illi post transitum huius viæ, quis enarrare poterit?

Alij, ut agnus qui tota die Matrem expectauit, è pascuis reuertentem audiens, è stabulo egredi desiderat, & aperta velocissimo impetu ad vbera pergit. Ita sancti Confessores, qui in statu pœnitentiæ, gratiæ cooperantes vixerunt, in morte Christum desiderant, toto desiderio ad supernam patriam anhelant, & per mortem temporalem aperta æternitatis ianua, ad sinum Saluatoris velut ad vbera in æternum satiandi rapiuntur.

Alij tandem tanto amoris excessu, tantæque gratiarum affluentia imbuuntur, quod, præ gaudio adueniente sponso deficiunt, ut Virgines sanctissimæ, & Virgo Virginum præ-

clara Deipara. Sunt namque plurimi, qui pro Christo mortui sunt, & pro amore eius vitam profuderunt, ut Martyres, alij non pro amore, sed per amorem vulnerati interierunt, ut Seraphicus Pater sanctus Franciscus, sancta Clara de Montefalco, &c. alij in amore, hoc est in gratia ut fideles electi, &c. Cæteri tandem amore ipso, id est, amoris languore, & suauitate defecerunt, ut Deipara, &c. O quam preciosa in conspectu Domini mors sanctorum istorum! Mors autem peccatorum pessima: Sed sancti pœnitentes meritis integræ Matris Dei adiuti in morte, sicut in vita sua eius auxiliis ad gratiam, & pœnitentiam perueniunt, ad æternitatem tanquam ad hæreditatem, & certum patrimonium tendunt; ait enim Christus, non veni vocare iustos, sed peccatores, venit Filius hominis quærere & saluum facere quod perierat; Venite benedicti, possidete, &c.

FINIS.





AD SANCTISSIMAM
VIRGINEM
 DEIPARAM
 PRO CONCLVSIONE
 HVIVS TRACTATVLI.

ORATIO.



SIT ergo (VIRGO SANCTISSIMA) per te gaudium Angelis Dei super pœnitentibus pœnitentiam agentibus, ut qui peccatis mortuis Iustitia vixerunt, æternitatis illis aditus pateat, ego ipse vilissimus peccatorum ad te confugio, Christus Iesus Filius tuus Dominus noster venit in hunc mundum peccatores saluos facere quorum primus ego sum. Sed veni in hunc mundum per te, ex te, & à te, illum habemus Saluatorem, vnde & salutis nostre ianua, & spei nostre anchora tutissima tu es. Itaque cum minusculi manipulo meo, & cum exultatione ad te iuuandus, tuendus, recipiendus, ac saluandus venio.

Accipe igitur, ut cum Diuo Augustino loquar, quascumque exiles, quascumque meritis tuis impares gratiarum actiones, & cum susceperis vota, culpas meas orando excusa. Admitte

preces meas intra sacrarium exauditionis, & reporra mihi maximo peccatori antidotum reconciliationis. Sit per te excusabile, quod per te ingessi: fiat impetrabile quod fida mente posco. Accipe quod offero, redona quod rogo, excusa quod timeo, quia, ut dixi, tu es spes vnica peccatorum, & per te spero veniam delictorum: ac in te beatissima, meorum est expectatio premiorum. A fine vsque ad finem aeterna sapientia, fortiter suauiterque disponens omnia, per te ad finem quoque & Tractatulum & Opusculum felici consummatione deduxit: Tibi ergo, & iterum, hoc totum quidquid est, voueo, do, dico, seu potius, benigne, liberaliter, gratis datum, creditum, depositum, quocumque nomine qua possum lubens merito fideliter reddo, restituo, confecto, hoc supremis exoptans votis, ut sanctorum seruorum tuorum, qui summam & integram maternitatem tuam coluere, vestigiis haud dispari passu insistens in hac vita, cum illis per te in aeterna benedicto filio tuo Domino nostro Iesu Christo perfrui valeam. Amen. Amen.



